

**NOUA LIBERTATIS
EXPLICATIO, AD
LUCEM
OBSCURISSIMIS
QUIBUSQUE...**

Theophile Raynaud





IV 764

C. J

S. H H

O. 8

N. 8

NOVA
LIBERTATIS
EXPLICATIO,

AD LUCEM OBSCVRISSIMIS
quibusque Theologicis difficultatibus affundendam,
nuper adinuenta, & duobus libris proposita,
Hac antistropha tractatione discussa

A THEOPHILO RAYNAVDO
Societatis Iesu Theologo.

*Accessit examen nouæ Theologiæ, negantis concursum Dei
nobiscum ad actus liberos.*



PARISIIS,
Apud SEBASTIANVM CHAPPELLET, viâ Iacobæâ,
sub signo Rosarij.

M. DC. XXXII.
CVM PRIVILEGIO REGIS.

NOVA
LIBRARIATIS
EXPLORATIO

TO THE
FACULTY OF THE
UNIVERSITY OF
CAMBRIDGE
IN THE
FACULTY OF THE
UNIVERSITY OF
CAMBRIDGE
IN THE
FACULTY OF THE
UNIVERSITY OF
CAMBRIDGE



PART II
APRIL 1811
M. D. C. LXXII
EN M. RINNECIO REGIO



SERENISSIMO
PRINCIPI AC DOMINO D.
MAVRITIO
S. R. E. CARDINALI
A SABAUDIA, &c.

Theophilus Raynaudus è Socie-
tate Iesu, felicitatem.



*Q*UOD singulare de tua vir-
tute, fide, auctoritate, praeiudi-
cium Christianissimi Regis
extitit, SERENISSIME PRIN-
CEPS CARDINALIS, cum te
Gallicanae protectorem Eccle-
sia nuncupavit; idem te ut huius causa mea ope-
risque patronum adsciscerem, non excitavit
me modò, sed etiam propemodum coegit. Non

EPISTOLA.

enim hic priuata controuersia solum agitur, cuius alterutram in partem disceptatio, nihil ad Christiana rei summam admodum interfit; sed quam ausim dicere, & esse maximam, & cum precipuis Catholicae pietatis partibus implicatam atque connexam. Emergere nimirum duobus abhinc annis, non illi quidem Haeretici, sed minus cauti, minusque longè prospicientes homines, qui in auditis opinionis nouæ commentis (ne quid grauius dicam) rem unam oppugnare instituerunt & subuertere, sine qua ne homines quidem sumus, nedum Christiani et Catholici esse possumus. Hos inquit homines, SERENISSIME PRINCEPS, in ea que te protectore gratulatur, Ecclesia nunc primùm exoriri cœpisse dico, qui libertatem hominis eriperent homini, eiusque vim ac naturam nescio quò deriuantes, prorsus absona, ac Theologis omnibus perinde ac Sanctis ignota Patribus, imò cum illis pugnantia, proferrent. Ea cuiusmodi sit opinio, quia paucis explicari nō debet, malo te ex opere nostro, quàm ex breui hac præfatione discere; sed eam profectò cum audies, non dubito quin abiudicandam penitus, ac seuerius etiam, quàm à me factum videbis, excipiendam, atque ex omni doctorum piorumque mentione ac memoria proscribendam

EPISTOLA.

censeas. Scio quid dicam, apud quem verba faciam intelligo, & eò fidentius hoc quod dixi repeto iterum et insisto, tale hoc esse negotium quo de agitur, ut non dicam a dignitate tua gravitatēq; nō abhorreat; sed ut alius nemo cognitor eius ac disceptator in re tua fuerit adhibendus. Quocirca cum habeam inscribenda tibi, SERENISSIME PRINCEPS CARDINALIS, lucubrationis huius tam necessariā, in illa quā sustines, Ecclesia propugnatione, causam; nihil est quod eidem probando instituto priuata commemorem, qua sunt alioqui maxima, siue ex tuis in me, siue Maiorum tuorum, prater tua, in Societatem nostram beneficijs petita; quibus pene nascentem illam & ex incunabulis modò depromptam peramanter ac benignè fouerunt hactenus: qua si percensere singillatim cuperem, alterum iis opus, et haud paulò quàm id est, cui nunc praesamur, grandius explicandum foret. Sed nihil est necesse. Neque hoc à nobis exigit, qui grati mei ac Societatis nostrae erga vos animi fructum redundare mauis publicos in usus Ecclesiae, & utilitatem fidei, quàm ullis gloriae vestrae monumentis atque ornamentis esse testatum. Quanquam non ista deerunt, ubi erit opportunum. Et hoc quod tibi exhibetur impresentia, memoris tot vestrorum in

EPISTOLA.

nos meritorum animi mandatum huic operi
testimonium, prius illud obtinet, ut quod ini-
tio praefatus sum, ad Catholicae pietatis ac
fidei rationes & commoda referatur; qua non
magis tuendis ijs, quae rectè posita sunt, quàm
quae secus habent euertendis ac diluendis,
consistere, mecum ipse iudicabis.



OCCASIO SCRIPTIONIS.

NUPER in peregrinatione Francica, qua Serenissimo Principi MAVRITIO CARDINALI A SABAVDIA, Confessarij nomine comitari iussus sum, quæsiuit de me vir grauis, venissêtne in manus meas opus Doctoris cuiusdam, *de Libertate Dei & Creatura*, quòdve mihi de noua illa quam præfert, grauissimas quasque difficultates Theologicas expediendi facillima ratione, iudicium sederet. Respondi, visum mihi librum antè circiter annum cùm primùm prodiit, nec ab eo tempore resumptum in manus; quòd præferret ille quidem, vsus non vulgaris ad enodandos impeditissimos quosque Theologicos nexus speciem aliquam, sed eos reuera inexpeditos dimitteret; nouis autem, & quidem inextricabilibus, implexitatibus inuolueret. Rationes attexui, quibus proferri hæc à me ad veritatem, non æstu aliquo abripiente, vel affectu fascinan-

te, testatum facerem. Hoc ille iudicium meum, rationibus subnixum suis, vt scripto consignarem, enixè petiit. Quòd per illam à studiis abstractionem præstare tunc non licebat, recepi, me cum primùm optata otia reperete fas foret, non prætermisurum. Nunc igitur, bono Deo auspice, exoratz quietis partem aliquam in hanc rem decerpere, & fidem datam liberare, consentaneum duxi.


QVOD autem iudicium duntaxat meum, de re per Doctorem illum ex instituto agitata receperim, non etiam accuratam omnium quæ ab eo tractantur, discussionem: (Tractantur enim præter libertatis naturam quam ex instituto versat, aliæ insuper, & quidem præcipuæ quæque, vniuersæ Theologiæ difficultates; *de Libertate Dei ac Christi, de gratia efficaci, de diuinis præfinitionibus et prædeterminationibus, de scientia media, de malitia peccati commissionis, omnibusque malitiæ causis; & aliæ*, quibus plenè & cum dignitate discutiendis, plus operæ ac otij desideraretur:) Idcirco in naturam libertatis nouo modo expressam, qui est autoris scopus primarius, non indiligenter incubui; non *rem nouam aggressus ex vetere*, vt Tertullianus ad Marcionem præfatur

præfatur, sed nouo studio, tanquam in argu-
mentum planè nouum, conferens operam.
Quæ enim de Libertate, omnibûsque cum ea
nexus, iam pridem fusè ac plenè in Morali di-
sciplina vulgari, quia ad libertatem ex anti-
quo vsu acceptam spectant, in istam à Docto-
re prædicto recens culam libertatem neutri-
quam cadunt. De cæteris quæ per occasio-
nem, (tamen si non parcè, & ita vt *παρεργον* su-
peret *ἔργον*,) tractata ab autore dixi, sparsim
egi, iis recisis quæ per maiores, nouis libris
versare non licet; qua rubrica cur dirigi au-
tor noluerit, scrutari non est meum: In iis ve-
rò quorum tractatio per Ecclesiam libera est,
hæsi duntaxat, quantum iusta defensio rece-
ptæ hætenus doctrinæ ferebat; vt liquidò om-
nes deprehendant, nihil esse ad eas difficulta-
tes extricandas in noua hac doctrina præsidij;
meritoque eam nulli ad hanc diem præter-
quam auctori venisse in mentem, nulli qui nu-
merum faceret, ex quo prodiit, fuisse proba-
tam.

ITA QVE nouo instruendæ librariæ aciei
vsu, dux idem ac miles, seiunctim ab antiquis
copiis omnibus, bellat. Quamuis enim in qui-
busdam difficultatibus, de quibus ante annos
aliquot inter duas Doctorum acies, dissidia

effervescere, videatur autor alteri iungi, quæ
efficacis gratiæ ineluctabilitatem admittit;
reuera tamen neutri adhæret, sed ab vtraque
æquè dissidet. Sanè qui hætenus gratiam ef-
ficacem professi sunt irrepuabilem, liberta-
tis humanæ incolumitati prospexere, exposi-
ta principij à quo prodit sapientia simul ac po-
tentia, quæ creaturam suam sic tractare no-
rit, ut iura ei concessa non temeret. Qui in ad-
verso sunt agmine, gratiam statuentes repu-
diabilem, nulla circa fœderandam cum liber-
tate gratiam sollicitudine vrgentur. Tertio
se loco ab vtrisque æquè abiuncto, collocat
Doctor, ita ineluctabilem statuens gratiam,
ut velit abiici ab homine posse: (*Doctrina pro-
digio similis*, ut eius verba adhibeam aptiore
loco, quàm quo ipse usurpavit:) Quatenus
autem reijci nequit, voluntatis versatilem na-
turam, de qua cum diuinis motionibus com-
ponenda vtrunque agmen sollicitum erat, ne-
gligendam statuit. Perstare enim absque ea
libertatem veram, quæ non flexili quaquaver-
sum mobilitate, sed adhæsione cum Deo sit
metienda; ita ut quæcunque demum necessi-
tatio vel adactio interponatur, superstes ta-
men sit libertas, ea ad Deum obuersione
quam infert gratia. Quæ cum neutri agmini

proposito probentur, planè constat, senten-
tiam huiusmodi, meritò nouam audire, nec
posse de alterutrius antiquæ societate gloriari.
Atque adeò, non est quòd quis existimet,
his tractandis renouari à nobis antiquas lites:
cùm de longè aliis duo anteriora agmina cer-
tarint; aliud tertia hæc acies, (si tamen acies
ex vno & ductore & milite,) propositum ha-
beat. Lectorem, quòd non plura sint quæ
scire eum hoc loco oporteat, iubeo valere.





OPERIS INDICVLVS.

Proloquium I. Caligo creata & increata libertatis, hactenus quanta.

Proloquium II. Noua lucis ostentatio; nostrum consilium.

P A R S I.

Discussio nouæ sententię, de natura
Libertatis.

- Caput 1.  *Typus noua sententia, eiusque firmamenta.*
- Caput 2.  *Sententiam propositam, planè commentitiam & à vero alienissimam esse, quoad libertatis rationem formalem.*
- Caput 3. *Vox orbis vniuersi, aduersus prædictam formalem libertatis rationem à noua sententia proposita.*
- Caput 4. *Radix libertatis ab aduersario prolata, vnaque inde progerminans formalis libertas, stirpitus euellitur.*
- Caput 5. *An prædicta noua sententia, vacet errore?*
- Caput 6. *Qua in noua sententia, temeritatem redolent.*
- Caput 7. *Vnde in fraudem actus aduersarius, & quàm malè libertatem abusus expertem, cum libertate adæquatè sumpta confuderit.*

Operis Indiculus.

Caput 8. *Nouam de libertate sententiam, quocunque firmamento autoritatis destitui.*

Caput 9. *Nullam rationem solidam, eidem noua sententia adstipulari.*

Caput 10. *Quaecunque autor noua sententia aduersus vulgò receptam & antiquam libertatis notionem intorsit, telum bellum esse sine ictu.*

Caput 11. *Vestigata germana causa, cur noua sententia caput hactenus non extulerit, reiectis quinque inanibus ab aduersario excogitatis: quibus causa eodem nouas sententias comminiscendi, subrogantur.*

Caput 12. *Iudicium de mysteriis ortus libertatis nostra à diuina, & regressionis ad eam.*

P A R S II.

De confectariis, quibus illustrandis, stabiliendisve, noua de libertate sententia excogitata est.

Caput 1. **F**ormam praedeterminantem, nullo modo cum humana libertate fœderari: Iuxta priscam verò libertatis notionem, perbellè voluntati libera cum quibusuis motionibus naturalibus, quas diffiteri non liceat, conuenire.

Caput 2. *Ex diuina nobiscum cooperatione ad naturales & supernaturales actus, spectata eorum specie, sententia subsidio.*

Caput 3. *Ex eadem diuina cooperatione nobiscum ad*

Operis Indiculus.

quosvis actus, spectato eorum exercitio, non ladi libertatem creatam, seclusis suppetiis noua sententia.

Caput 4. *Accessio ad caput praeedens. Siue doctrina proximè traditæ de modo quo diuinus concursus exhibetur defensio aduersus recentes impugnaciones, & ipsius diuini nobiscum concursus contra nouam Theologiam stabilis.*

Caput 5. *Christi libertatem, illata licet face nouæ de libertate sententiæ, equè tenebrosam & inexpeditam perstare. Lux ei aliunde affusa, prisca notione libertatis retenta.*

Caput 6. *Libertatem diuinam nihilo expeditiorem esse per nouam sententiam de naturali libertatis. Aliter tamen expediri non incommode.*

Caput 7. *Diuinam circa electos prouidentiam, aequè interuentu diuinæ scientiæ futurorum liberorum conditionatorum explicari oportere ac ante fabricatam nouam de libertate sententiam.*

Caput 8. *Scientiam Dei, & immutabilitatem decretorum eius, nullum à noua libertatis notione præsidium emendicare vel admittere.*

Disputationis clausula.

Ἀντιλογία nostræ & aduersarij scriptionis.

Specimen Symphonis variorum aduersarij locorum.



APPROBATIO DOCTORVM.

Discussio hæc nouæ Libertatis, à R. P. THEOPHILO RAY-
NAVDO Societatis IESV S. Theologiæ Professore eximio
quàm accuratè conscripta, cùm nihil veræ fidei repugnans
aut contrarium, imò præclara documenta & argumenta quæ
in melius libertatem excitent & prouocent, contineat; vt in
lucem prodiret, cùm viderimus & legerimus, dignissimam
probauimus & censuimus, Nos almæ Facultatis Parisiensis
Theologi Doctores. Lugduni in Conuentu S. Bonauentu-
ræ FF. Minorum, hac die Ianuarij 15. Christianæ salutis
anno 1632.

F. DESIDERIVS RICHARD, Guardianns
Conuentus S. Bonauenturæ.

F. BERNARDINVS MOLLIASSON, Præfati
Conuentus Lector.

Cvm præfatis Doctoribus eximiis idem sentiens, prædi-
cti Autoris subtilissimi opus approbo, & laude luceque
dignissimum censeo. Lugduni 10. Februarij 1632.

F. PETRVS RIVES, Prior magni Conuentus
S. Augustini. S. T. D.

APPROBATIO.

Opus cui titulus est, *Nona Libertatis explicatio, discussa à*
R. P. THEOPHILO RAYNAVDO Societatis IESV Theo-
logo, solidum est ac eruditum, & ad firmandam receptissi-
mā ab omni xuo de Libertate sententiæ veritatem, ne quis
omni vento doctrinæ circumferatur, accommodatum: idcō-
que luce dignum. Ita sentimus, adscripti ex eadem Societate
sacræ Theologiæ Professores. Lugduni idibus Decembris
1631.

LEONARDVS PATORNEVS.

HENRICVS ALBI.

IOSEPH. GIBALINVS.




Privilegium Regis.

EGO P^{AR}THOLOMAEVS IACQVIN T^{VS} Prapostus
Prouincialis Societatis IESV in Prouincia Francia, iuxta
Privilegium eidem Societati à Regibus Christianissimis
Henrico III. x. Maii 1583. Henrico IV. xx. Decembris
1603. & Ludouico XIII. nunc regnante xiv. Februarij 1611.
concessum, quo Bibliopolis omnibus prohibetur ne libros ab
hominibus Societatis nostrae compositos, absque Superiorum
eius permissione imprimant: permuto SEBASTIANO CHAP-
PELET Parisienti Bibliopo^{ta} ut librum, qui inscribitur, *Nota*
Libertatis explicatio, auctore P. THEOPHILLO RAYNAUDO,
è Societate IESV, sacrae Theologiae Professore, ad sex proxi-
mos annos imprimere, ac liberè diuendere possit. Datum
Parisiijs 5. Nouembris 1632.

B. IACQVINOTIVS

PROLOQVIVM



PROLOQVIVM I.

*CALIGO CREATÆ ET
increata libertatis, hætenus quanta.*

I.



Αἶψα ρυμψιε, Χοῦπε νεορ φαις. Sic accla-
marum, sic applausum olim fuisse
ab Ethnīcis Soli nouo, prodit
Iulius Firmicus, grauis cum pri-
mis scriptor, pereleganti com-
mentario de errore profanarum religionum, Con-
stantini Magni filiis inscripto c. 20. Quem illi Solem
nouum dicerent, in tam parca apud ipsos quidem
Ethnicos huius ritus luce, ne dicam obscuritate, ar-
duum sit aperire. A sanctissimis tamen Patribus, Leo-
ne Magno serm. 2. de Natiu. Ambrosio, seu veriùs
Maximo serm. 16. Augustino serm. 61. de diuers. lux
affulget. Castigata enim ab eis memini Ethnicorum
insulsitatem, qua Solis noui nomen indiderant festo
dici, quo, vt acutè de more dixit Augustinus serm. 62.
de diuers. *magnus & æternus dies, ex magno & æterno,
die uenit in hunc nostrum, tam breuem, temporalem diem.*
Quid si verò Solem sponsum roseo auroræ cubili

2 PROLOQVIUM I.

prodeuntem, non recurrente modo post emensum
 anni spatium Solis noui festa die, fausta illa quam Fir-
 micus retulit salutatione exceptum ab Ethnicis dixe-
 rim, sed cuiusque diei exortu; cum lux quod Afer ille
 l. de resurr. c. 12. scitè æquè ac robustè dixit, mortua in
 noctem die, & tenebris vsquequaque sepulta, rursus
 cum suo cultu, cum dote, cum Sole, eadem, & integra,
 & tota vniuerso orbi reuiuiscit, interficiens mortem
 suam, noctem; rescindens sepulturam suam, tenebras;
 hæres sibi met existens? Sanè Leo Magnus serm. 7. de
 Natiu. in eam quotidianam nascentis Solis consaluta-
 tionem, voce robusta, fremitu Apostolico irrugiit.
 Congruentiùs profectò quotidianum beneficentissi-
 mi syderis regressum, consalutatum, nemo inficias ië-
 rit; quàm è contra diris proscissum & omnibus con-
 uitiis laceratum per Aphrantes, illud inopportunè cau-
 satus, vt est apud Nicolaum ea lucubratione de mori-
 bus gentium, cuius plagulas identidem exhibet Sto-
 bæus; Solem aduenientem, reducto noctis Sipario,
 immensam malorum molem obiicere, quam delite-
 scere pressam caligine, & hominum subduci visibus,
 præstitisset: quasi malorum ob oculos obuersatio, su-
 pra ipsam malorum perpeffionem, aspera sit ac refu-
 gienda.

II. Vt vt sit, & quocunque tandem vsu aut consi-
 lio, aduenientem Solem nouum, fausta quam retuli
 apprecatione consalutaret Ethnicismi fæx, Constan-
 tino Magno, gregis nostri (vt Theodoretus nominat)
 Zorobabeli superstes; mihi exorientem in Theolo-
 gico cælo Solem nouum, non semel, sed ad expro-

mendum gestientis animi sensum, iterum ac sæpius, ex ea formula consalutare volupe est. *Χαίρει νομφίε, Χαίρει νέον φδς.* Nempe nemo est in diuinis studiis adeò hospes, vt cum fugiat quantæ sint tenebræ in gratiæ efficacis & creatæ libertatis concordia; quantæ circa diuinam nobiscum cooperationem voluntati nostræ ita aptandam vt liberum eius motum non temeret; quantæ in humana Christi libertate socianda cum eius impeccabilitate, denique in concilianda diuinæ libertatis & immutabilitatis fœderatione, quanta, quàmque densa nox omnium retro seculorum sapientibus sit offusa.

III. Reliqua omittamus in præsentia. Diuinæ libertatis caliginem subeamus tantisper. Est illa sanè densissima. Tanto enim profundiores circa Deum tenebras visibus nostris offundi, quàm alibi vsquam, dubitare non licet, quanto est Deus aliis quibusuis rebus altior, & supra captus nostros elatus: sed in libertatis prærogatiua quàm maximè. Hinc namque diuina immutabilitas vicissitudinis obumbrationem prorsus excludens, non cœlestis tantùm reuelationis iubare, sed spiculo etiam naturæ lumine tam perspicuè deprehenditur, vt Parmenides referente Simplicio 1. Phys. t. 6. Deum tanquam proprio nomine appellaret *immobile*. Alij referente Augustino 7. Ciuit. c. 11. *centumpe-*
dam dixere, vt stabilitatem labare aut succuti nesciam designarent. Passim verò quod prolatis exemplis eruditè de more illustrat Clemens Strom. 1. c. 13. lucida columna firmitatis æquè ac diuinitatis simulachrum prostabat, priusquam vesanus error, multiplex numen, humana specie non adumbratum, sed effigiatum ob-

truderet. Itaque de diuina immutabilitate liquet. Nec
 parciùs inde micat diuina libertas, vt proinde qui eam
 tollunt, quod ex S. Maximo tradit Ioannes Cyparissio-
 ta deca. 4. c. 1. inter fatuos sint censendi. Mitto scri-
 pturarum oracula, Pontificum edicta, scita Concilio-
 rum, quòd non diuina libertas ambigua, & nutans fir-
 manda, sed eius cum immutabilitate fœderatio quæ-
 ratur. Et Seneca quidem Tertulliano iudice sæpè no-
 ster, dubitare de vtriusque illius diuini attributi paci-
 fica societate non finit: *Quis tam demens est*, inquit l. 6.
 de benef. c. 21. *vt eam neget esse voluntatem*, liberam
 de qua agit, *cui non est periculum desinendi, vertendique*
se in contrarium? Cum ex diuerso nemo a què videri debeat
velle, quàm cuius voluntas vsque eò certa est, vt aterna sit:
An si is quoque vult, qui potest statim nolle, is non videbi-
tur velle, in cuius naturam non cadit nolle? Est tamen ea
 caligo propè tractabilis, quàmque nulla, vt videtur,
 admouendæ facis collustratio sufficienter dispellat.
 Cum enim libertas vertigine illa voluntatis in alteru-
 tram partem contineatur quam ipsa vocis notio præ-
 fert, omnesque hætenus cum Philosophi, tum Theo-
 logi exploratam censuerunt; eam verò vertibilitatem
 & flexibilitatem excludat immutabilitas, quæ nexibus
 plusquàm adamantinis diuinam voluntatem ei tan-
 tum parti affigit, quæ vel potior & fini intento ac-
 commodatior, vel diuino iudicio semel probata atque
 delecta supponitur; quænam tandem iniri ratio queat,
 nec tendi res adeò abiunctas, eaque consociandi quo-
 rum tantopere natura dissideat?

IIII. Desperanda videri possit tanta tenebricosi-

tatis discussio. Deus ubiuis *πάγκρυφος*, & hoc ei nomen iuxta Acmonem, vetustissimum Ethnicorum Theologorum, Iustino laudatum: hic *ὑπερπάγκρυφος*. Scitè verò Ægyptij, Eneph Deorum maximum referente Porphyrio apud Eusebium 3. præp. c. 3. hominis forma exhibebant, colore cœruleo, zonam tenentem ac sceptrum, capite pennigero, illud eo symbolo expressum volentes, efferri ac euolare Deum supra sensa & cogitationes quasuis nostras. Quod ipsum iudice S. Gregorio 17. mor. c. 13. Psaltes eo psalmi 17. versu expressit. *Caligo sub pedibus eius. Ascendit super Cherubim & volauit, volauit super pennas ventorum, & posuit tenebras latibulum suum.* Dentissima omnino caligo qua abditur Deus, quandoquidem aciem quoque beatarum illarum mentium quæ à scientiæ vbertate nomen Cherubinorum sunt fortitæ; multo magis animarum, queis cum ventis, vt nominis, ita tenuitatis, & quantum corporea cum immateriatis componere licet, naturæ quædam affinitas est, supergressione vitærunque inter volandum animo & perspiciendum, transcendit, quod de summo Deo commentos Ægyptios Porphyrius prodebat. At in re præsentî, immensum quantum superuolet; nec nostros modò, sed & beatarum mentium nisus supergrediatur, abdens sese ac infodiens infinitæ caliginis abyssò, quam nulla peruadat creati ingenij acies, nulla per nos lucis affusio collustret.

Nihil ad eas tenebras nostræ quæuis cicindelæ. Quo enim alio nomine recentiorum tam multas, tam pugnantibus inter sese, tam parum intellectui satisfacien-

tes sententias appellem? Caietanus, homo ingenij fœ-
licitate & perspicacia, plerisque in schola superior,
paucis secundus, 1. p. q. 19. art. 2. adactus est vt fate-
retur diuinam volitionem liberam ita Deo inesse, vt
non inesse potuerit. Apage doctrinam, qua si solus
verborum extimus cortex consulitur, diuina simplici-
tas, & incompactio, cum purissima actualitate, &
summa essendi necessitate, conuellitur. Hoc quis adeò
cæcutiat vt non videat? Si enim deesse potuit Deo ea
entitas & forma qua liberè vult bonum creatum, non
est igitur ea forma id ipsum quod Deus, quem deficere
posse, nemo eo vsque insaniat vt admittat. Quare
Deo appictam & appositam non sine simplicitatis ex-
cidio eam formam, vnâque vastitatem diuinæ purissi-
mæ actualitati & summæ essendi necessitati inferri, pro-
nunciare necesse est.

V. Nihilo commodiùs Ioannes de Salas 1. 2. tract. 3.
d. 1. n. 104. & Petrus Fonseca 7. Met. c. 8. q. 5. f. 4. diui-
næ libertatis vertibilitatem petunt ex huius veluti
formæ informatione, & appensione ad suum quasi
subiectum, quam ex suppositione quod sit, fatentur
esse immutabiliter Deo adiunctam, nec nisi per intel-
lectus præcisionem à diuina essentia sciungi: Aiunt ta-
men potuisse re ipsa non esse, & eatenus liberam cen-
seri, cum formam, tum effectum eius formalem. Hæc
nullo propè nisu adhibito, euertere licet, tanta est eo-
rum caducitas. Primum entitas absolutè non necessa-
ria, quàmque non esse nihil vetuit, eadem esse dicitur
cum essentia Dei absolutissimè necessaria, & quam
potuisse non esse, ne comminisci quidem possumus.

At si hæc forma potuit non esse, diuina verò essentia eiusmodi est vt non potuerit non esse, diuulsionem inter vtramque ac separationem intercedere nihil prohibebat. Separationem porrò absque præuia separabilitate; rursusque separabilitatem sine reali distinctione & compositione inuehi non posse, est planè perspicuum. Hæc in quæ circa Deum abrupta deducant, non est quod exponam. Deinde posset aliquid non esse idem sibi ipsi; & idem posset esse aliud. Nunc enim velle liberum, est reipsa idem quod diuina essentia, cum qua tamen dicitur potuisse non esse idem. Postremò entitas quæ cum diuina essentia est prorsus eadem, admittitur non fuisse absolutè necessaria, & potuisse luce existentia nunquam potiri. Recipio nullius intellectum, adeo lusciosum, & suppressa acie fore, vt hæc nulla ratione admitti posse, liquidò non deprehendat.

Francisci Suarij disp. 30. Metaph. sect. 9. n. 37. sententiam, iidem arietes non concutiunt modò, sed & quatunt ac funditus diruunt. Quam enim vertibilitatem anteriores prolati proximè Theologi, in existentia actus quo Deus volens constituitur, inuexere; eam Suarius in eiusdem actus prout ad hoc illudve creatum obiectum porrecti, in informatione, siue effectu formali, inducendam censuit, conatu non dispari, id est nullo & planè inani. Quis enim capiat, effectum formalem minus necessariò esse quàm formam? Quis formam quæ tota subiecto insit, non ei conferre suum totum effectum formalem; cum nihil sit aliud effectus formalis præter formam subiecto inexistentem?

VI. Ægrè meipsum exoro, vt placitum Gabrielis Vasques, vel ad examen producam, adeò malè subnixum & ruinosum videtur. Affirmat 1. p. d. 80. cap. 2. diuinam volitionem liberam, non esse nudam actus diuini entitatem, quæ sanè fixa, prorsusque immutabilis, & in alterutram partem flexilis nequaquam est, sed effectus creati liberè manantis accessione compleri, tanquam partiali cōstituitiuo ad diuinam illam entitatem necessariam adiuncto, quod cum possit esse & non esse, vertibilitatem in diuinum actum liberum inferat qua ex se destitueretur. Perspicit Lector, quorsum à me ægrè impetrarem, hæc vt excuterem. Causa siquidem quatenus liberè causans, præit naturâ, effectui ab ea liberè mananti. In illa igitur antecessione quam mens nostra deprehendit, causa libera, necdum intellecto effectui liberè ab ea prodituro, planè intelligitur in ratione causæ liberæ. Quare nequit per effectum natura posteriorem, constitui ex parte, atque compleri. Oppressus argumenti mole Vasques, contestatur rem hanc esse viatoribus inexplicabilem. At ego contestari in super ausim, ipsis quoque comprehensoribus inaccessible & incomprehensam fore, quippe manifestissima contradictione implexam. Vt enim quod prius est, quatenus prius est, constitui posteriore quopiam conspiciatur, nullis ac ne beatorum quidem nitentissimis ocularibus, efficias. Dissimulo, pro interna diuino actui libero indifferentia, perperam obtrudi indifferentiam effectus: cum tamen indifferentia, si saluam volumus vertibilitatem liberæ facultatis, in ipsamet & eius actu vestigari debeat, non in eius effectui extrinseco:

extrinsecò : præsertim cum idemmet externus effectus, aliò quam quò re ipsa destinatus est, liberè dirigi à Deo potuerit; non sanè per effectum vbilibet eundem, sed vi actus Deo interni, liberè huc illhúcve colimantis.

Sunt alij præterea in hac re opinionum stolones, veriùs quàm rami, quos si quis subeat, eo inumbretur & tenebrescat magis. Nec opinionationes dico, quascunque ingeniorum infœliciter enitentium abortiones. Horret animus quæ percepit effari. Homo apostata, vir inutilis, nuperus in Bataua Atheismi buccinator; (non ero memor nominis tam tetri per labia mea;) vt supra omnes retrò blasphemus, Deum despueret; & quomodò non Sol retraxit radios! non terra mouit! non armata est contra insensatum, vniuersa creatura! Liberam Dei volitionem, dixit esse nouam entitatem, Deo minimè coæternam, tametsi circa quædam obiecta, ante mundi foundationem à Deo profluxerit per efficientiam veram, cuiusmodi est voluntatis creatæ in actus suos elicitos, quorum est germana causa & propriè dicta. Vah scelus! Siccine Dei libertatem placuit retinere incolumem, vt independetiam, æternitatem, simplicitatem, purissimam actualitatem, omnesque ad vnâ diuinâs dotes, hac vna teterrimi placiti securi excaudicares? O infelices aures nostras, (nam iterandæ hoc quoque loco sunt Hilarij voces,) quæ hos Tartarorum bubonum ferales sonos, hos vipereorum geminorum sibilos cogantur excipere. Refugio anguem compressum, & tam horrendos afflatus.

VII. Doctorem Catholicorum opinionationes præ-


terea varias, potiùs retulerim. His quanquam diuina libertas ita explicetur, vt diuinis quibusuis perfectionibus consulatur; tamen exigua ab eis intellectui quies, lux in tanta caligine, aut pertenuis, aut nulla. Cœcutiunt omnes profectò. Nec mirum, homines sunt. At vt est apud Prudentium l. 2. contra Symmachum sect. 2.

*Nos cum diuinis agimus de rebus, & illum
Qui vel principio caruit, vel fine carebit,
Coniectare animo contendimus, exigua est vis
Humani ingenij, tantòque angusta labori.
Quippe minor natura, aciem si intendere tentet
Acrius, ac penetrare Dei secreta supremi,
Quis dubitet victo fragilem laceessere visu,
Vimque fatigata mentis sub pectore paruo
Turbari, inualidisque hebetem succumbere curis?*

In summa, noctem densissimam circa diuinam libertatem, omnium retrò Theologorum ingeniis, tot seculorum decursu incubantem, eamque caliginem spiculo lumine quod hactenus admotum est, ne leuiter quidem depulsum, ingenuè profiteri præstat, quàm lusciosis nostris oculis abblandiendo, inficiari.

PROLOQVVM II.

Nova lucis ostentatio; nostrum consilium.

I.  X O R E R E ô tandem iubar micantissimum, & isthæc luminum minutalia, tantæ caligini discutiendæ impatoria, ocyûs præstingue. Nouas stellas seculo nostro, siue telescopijs subsidio notatas, siue nûc primùm efformatas gratulatur Astrologi. Quid si Sole nouo frui liceat? Enixa Augusti parens, visa coniugi Solem fudisse, vt ex anterioribus scriptoribus prodit Constantinus Manasses num. 72. Error fuit, & emotæ mentis hallucinatio. Prodiisse è matris utero Solem ante Orum suum, indice digito labiis adhærente, ferunt Ægyptij, referente Photio Cod. 242. Ægyptij sunt, quorum proprium quarto modo est fabulari. Non error, non fabula est quod dicam. Solem nouum de Theologico cœlo, affulgere ætati nostræ inaudiens, omnibus incedo lætitiis. Quid enim aut ad vsum aptius, aut ad posteritatis memoriam gloriosius, quàm contrucidata tot seculorum nocte, illuxisse denique nouæ doctrinæ beneficio diem, qua non modò inaccessum illud diuinæ libertatis adytum, sed & abditissima quæque Theologiarum difficultatum spelæa, conspiciari propalam, & peruadere liquidò liceat? In Christi Domini libertate cum impeccabilitate solidè concilianda, vbi hætenus ingenijs omnibus

fixa crux; in gratiæ efficacis quantumcunque ineluctabili prænotione, incolumi creatæ voluntatis libertate, tandiu à tam multis tanto studio hætenus irritò, indagata fœderatione, nullo in posterum labore defungi; si commendatione dignum, si eximium, si præclarum dixerò, detriuerò tenuitate vocum præstantissimi inuenti decus, & nunquam satis cumulata eius laudem, arrosisse, non supergressus esse videri potero.

II. Et sunt qui posterioris æui fæces obiiciant, anterioris laudum nunquam saturi? Sunt qui ingeniorum parentem naturam, veluti anum effætam, sterilefcere calumnientur? Excuset sane mundi senium apud Demetrianum Cyprianus; neget illis viribus stare orbem quibus priùs steterat, quia grauis æuo fatiscit. Addat hinc esse, quod *non hyeme nutriēdis seminibus, tanta imbrium copia est; non frugibus æstate torrendis, tanta Solis flagrantia: Nec sic verna de temperie sua, sata leta sunt; nec adeò arboreis fatibus autumnus sæcunda sunt. Minus de effossis & fatigatis montibus eruuntur marmorum crustæ; minus argenti & auri opes suggerunt exhausta iam metalla; & pauperes venæ breuiantur in dies singulos ac decrescunt. Deficit in agris agricola, in marina nauta, miles in castris, innocentia in foro, iustitia in iudicio, in amicitijs concordia, IN ARTIBVS ac disciplinis PERITIA, in moribus disciplina.* Excurrat quod continenter facit, in Solem, radios in occasu minus claro splendore iaculantem; in Lunam, declinante iam cursu exoletis cornibus tenuatam; in arborem ante viridem ac fertilem, postmodum arescentibus ramis sterili senectute deformem; in fontem exundantibus priùs venis largè ac copiosè pro-

fluum, præ senio vix modico sudore distillantem: Ex-
 patietur per humanas ætates inter quas senectus non
 perinde vt prius vigeat auditu aurium, cursu pedum,
 oculorum acie, virium robore, succo viscerum, mole
 membrorum: Eo in campo quam latè patet facundia
 quadriga agitet, homo eo in genere exercitatissimus,
 vt ad metam illam pertingere denique liceat; *quodcum-*
que nunc nascitur, mundi ipsius senectute degenerat.

Hoc vt in terrenis ac corporeis rebus quæ æui pro-
 cessu euigescunt, causari liceat; in rebus materiæ con-
 cretione liberis, humanis inquam mentibus ac inge-
 niis, sanè non licet. Apage igitur fastidiosas illas vo-
 ces. *Ingeniorum parens natura, veluti anus effæta, desit*
parere. Infrequentius illa quidem, eximios ingenio-
 rum fœtus edit, subinde tamen edit, pensante numeri
 damnum sobolis dignitate, exemplo nequaquam sin-
 gulari. Centenarius elephanti partus, quotidianam
 gallinæ chortalis fœturam, immensum quantum su-
 perat, vt vel comparisonem omnem excludat. Ad
 eum modum eximiorum ingeniorum parens, infre-
 quenti pastione, diu gestatum, diu alio conclusum
 fœtum, per longas moras ægrè absolutum enititur,
 impactam infœcunditatis labem, egregiæ sobolis fera
 ; n lucem educatione abstergens. Hoc ætati nostræ con-
 tigisse, gratulemur. Hoc est quo aiebam adduci me,
 omnibus vt lætitiis incederem.

III. Quid tamdiu Lectorem moror, & dum quali-
 buscunque præconiis rem tantam onero, defixum tar-
 da exhibitione eius animum, longa expectatione fati-
 go? Nouus Doctor, nouo opere DE LIBERTATE

DEI ET CREATURÆ, decupla approbatione munito, pereleganti, ornato, luculento, omnem tantarū quantas attigi difficultatum implexitatem, ex non satis perspecta vel ignorata libertatis nostræ natura, enatam statuit. Si enim libertatem creatam, non vt hæctenus vulgo Theologorum ac Philosophorum visum est, sed vt illucens recens diuino radio tandem est deprehensum, in eminentia & amplitudine ex adhæsione cum Deo, sitam dicamus, omnis illa nubium moles protinus soluta euanescet, caligo vniuersa dispelletur. Agnoscendum est quod Scripturæ produnt, & Patres contestantur, creaturas scalam esse qua ad Deum subuehi liceat. Itaque per humanam libertatem ritè aptèque expositam, ad diuinam libertatem perspiciendam nullo negotio efferemur, auspiciis noui Doctoris; & & eam non angustis finibus coercebimus externarum operationum, vel has duntaxat spectantium internarum Deo actionum, sed quàm latè patet vita diuina, diffundi non erit obscurum. Sunt in Deo processiones æternæ immanentes, quibus à Patre Verbum, ab utroque Spiritus sanctus, necessariò & immutabiliter oritur. Sunt & æterna decreta de condendis in tempore creaturis, & deriuando in eas stillicidio quopiam diuini esse fontalis, infinities & inexhaustè participabilis. Vtraque ex parte liberrimum esse Deum, facile est deprehendere, gradiendo per vestigia hæctenus in creaturis signata, gressusque Doctoris relegendo. Adhæret enim sibi semper Deus, nec à se vnquam diuelli potest. Quicquid vult amat, prosequitur, in se vno, quin potius in eis seipsum prosequitur. Est igitur Deus, &

ad intra, & ad extra liberrimus.

Habet Lector abstrusissimarum implexitatum expeditam à non Doctore evolutionem, nec sine superpondio quoad Deum. Nam cum de eius tantum libertate circa res creatas quæsitum hæctenus esset, eiúsque cum immutabilitate conciliatio, desperanda plerisque per nos videretur; quod multo operosius erat, ac ne desiderio quidem languido expetitur, obtigit: ut scilicet diuinarum quoque internarum processuum germanissimam libertatem perspicere liceret. Ut minus sanè mirum sit, inde conspicuam esse Christi Domini & quorumvis beatorum, tametsi extra labendi aleam constitutorum, plenissimam libertatem: Et gratiæ quæ tamdiu Theologorū torsit ingenia, quam prædeterminantis & ineluctabiliter ad operandum adigentis cum voluntate libera consensionem, indidem patere liquidissimò. Hi omnes difficultatum antehac imperuiarum recessus, prælucente vna illa libertatis conuenienter expositæ facula, adiri inoffensè, ac penetrari nullo negotio possunt; ut non sit ultra necesse, intellectus nostri circa diuina hebetudinem deplorare; aut quod non nemo, & quidem è maiorum gentium Theologis, antehac fecit, in seram fœlicitatis æternæ lucem, tantarum tenebrarum discussionem protrahere.

IIII. Tam porrò perspicuè ac solidè à se propositam atque firmatam, eam libertatis notionem qua reliquus processus nititur, affirmat laudatus mihi autor nouus, ut qua est in pronunciando de rebus suis modestia, dicat; diu ac multum quærenti sibi, quid obiici

cum aliqua probabilitate queat, occurrisse nihil: & vix esse patet in vniuersa libertatis facie quam posuit ob lectorum oculos, & in sua propria ac natia specie inspiciendam dedit, quod æqui censors reprehendant. Tantam certè esse, & tam aptam, omnium quæ tradit, cohæsiõnem existimat, vt vel nexus ille atque iunctura vniuersorum, fidem faciat, non mendacem: & supposititiã, sed veram ac germanam libertatis notionem esse, quam ipse assignat, etiam si nullæ aliæ probationes præsto essent. Inde tandem doceri nos, diuinum munus libertatis quale quantumque sit, apprehendere; & magnificè de eo ac pro tantæ rei dignitate sentire; quando quidem non humile quid vel humi abiectum est libertas, sed ipsa eminentia, ipsa amplitudo.

E contra verò à recentioribus nonnullis, (& laudat passim in hoc albo, Ludouicum Molinam, Gabrielem Vasquez, Franciscum Suarem, Leonardum Lessium,) adeò sublime munus, mirum quantum obscurari & attenuari visum est. *Eam quippe libertatem consinxere, appendo verba auctoris ex libri primi præfatione, quæ Deo propemodum aduersetur, quasi iugum eius indignata; eam quæ cum gratia non conueniat, eam quæ sine peccato intelligi vix queat. Ita vt quia Christus singulari priuilegio peccare omnino non potest; vel prouidentiam Dei non omnia quæ eius sunt amplecti arbitrentur, vel ipsum circa illa eadem, libertate non potiri; quasi vt illum cogitent liberum, minus subiectum Patri esse oporteat. Ita TENVEM ET MACILENTAM libertatem effecerunt, vt cum ab antiquis conciperetur tanquam suspicienda verè αἰτιότητα, sui potestas, vis nimirum indomita & diuina, quæ creatura*
rationalis

rationalis sibi omnibûsque dominatur, eo dominio quod est omnium ordinatissimum & nobilissimum, proindeque quod & Deo subiectum est, & Deo soli; ipsi pro libertate adinuenerint NESCIO QUAM LEIVNAM ET EVANIDAM POTESTATEM, ad ea quæ Dei ordine non continentur, (si quæ tamen huiusmodi sunt,) prout fors tulerit, excurrendi. Ac demum, cum reliquæ omnes perfectiones eo cumulatiores sint & latiores, quo principio suo magis accedunt: ista tamen, si illis credimus, ubi ad Deum perfectionis omnis scaturiginem per gloriam reducitur, euanescat, & nulla sit. Addit Autor, obstupuisse profecto se, homines sapientissimos & doctissimos, tam magnifice tamque diligenter, nihil dixisse.

V. Verùm hæc, leuia & nulla, si lubet, habentor, præcaptata quam iisdem impingit, non libertatis creatæ incolumitate, ut obtenditur, sed reuera exsolutione à diuino dominio. Quod enim obtrudant recentiores prædicti, vsum scientiæ mediæ in libertatis negotio; De eo ferè constat, inquit Autor l. 1. c. 23. n. 1. facere id quidem specie tenuis, ut libertatem hominis sartam rectam tueantur: reuera autem NON ALIA CAUSA, quàm quia sentiunt, Deum libero hominis arbitrio non perfecte dominari: sed ut arbitrium nostrum liberum sit, à diuina etiam potestatis iugo, aliquantisper liberum, & solutum esse debere. Non potuit apertius, Molinam, Suarem, Lessiû, quos ibi nominatim impugnat, læsæ diuinæ maiestatis, & quidem in primo ordine, reos agere. Quid quod eisdem stylo ac mente dicere, gratia Dei destitui libertatem, intrepidè obijcit l. 1. c. 30. n. 6. & cap. 1. n. 3. Ex qua areola iuuat hoc sertum decerpere. Non possum satis

mirari, recentiores quosdam tam agrè ferre in libertatis nostra descriptione subiectionem illam ad Deum, & quibuscumque possunt artibus submouere illam: quasi velint libertatem nostram, sicut & Dei libertatem, esse indifferentiam absolutam ad agendum & non agendum, non temperatam ordine ad finem. immemores, nos esse creaturas, principio & fini obnoxias. TANIINE VERÒ EST FACERE NOS LIBEROS, VT FACIANT ALIQUA RATIONE ET SACRILEGOS? Libertatem nostram, eximium & singulare Dei donum, secundum quod ad imaginem Dei creati sumus, diuino dominio subtrahant, nec dicere erubescant, nihil Deo cum ente morali? Physica quidem & metaphysica omnia entia, ab ipso pendent, at non morale. Quanam obsecro PEREGRINA ILLA DOCTRINA, AC NOVA LIBERTAS EST, QUÆ DEVM NESCIT? Ergone ita liberi esse volunt, vt nec Deum velint habere Dominum? Ergone ita malè de Deo existimant, vt quod ab eo per creationem effluxit, per gubernationem eius aut amittatur, aut fatiscat, sique Dei dominatio creationi contraria? Itaque en genus humanum per hanc nouam & peregrinam Suarij, Lessij, & similium recentiorum doctrinam, Deo rebelle atque sacrilegum. Et miramur concitari autorem in huiusmodi doctrinae virus, ac ea ipsa verba quibus Augustinus l. de spiritu & lit. c. 34. tumorem Pelagianum Deo subiici detrectantem contundit, in eius propolas intorquere? Nominatim verò vapulat ab eo Gabrick Vafques l. 1. c. 31. n. 5. quod violarit sanctitatem doctrinae quæ negat libertatem ferri in peccatum. Et ibidem c. 32. n. 14. quod Sanctissimorum virorum & Doctorum grauissimorum autoritate contempta, in re in qua vel verba

ipsa modûsq; loquendi penè horrorem incutiunt, DOCTRINAM PRODIGIO SIMILEM sit commentus, docens potentiam peccandi à Deo esse.

VI. Minus mirum videri debet, Autorem in iis quæ Dei maiestatem tam propè attingunt, sic concitari, qui suum pro veritate æstum, circa placita à periculo remotiora, tam sæpè prodat. Longum sit referre quàm olida aspergine perfundat, imo qua censurarum securi excaudicet, falsa (vt putat,) placita nec paucorum nec ignobilium Doctorum. Cuiusmodi est sententia de aliquibus actibus humanis in indiuiduo indifferentibus, quam seuerissimè flagellat l. 1. toto c. 13. & quæ Deum spatiis imaginariis inexistere tradit, in quam effervescent l. 2. c. 1. n. 1. Quæ diuinæ volitionis rationem aliquam profert aut inuestigat, quam castigat l. 2. c. 22. n. 14. Quæ in mediis bonitatem aliquam respectiuam agnoscit, terminatiuam amoris; à qua tanquam ab impura & luculenta, cauendum decernit l. 1. c. 17. n. 2. quæ damnatis ac dæmonibus, aliquid agendi vel non agendi libertatem tribuit. Vnde collidi scripturas ac Patres ex postulat l. 2. c. 28. alibique non semel.

Sed nullibi magis, incensus ac præferuidus Auctoris pro veritate zelus proditur, quàm in eius placiti suffixione quod scientiæ mediæ vsum aliquem ad prædestinationis negotium, & diuinam de salute nostra prouidentiam agnoscit. Quanquam hallucinor, qui nudæ veritatis incensum zelum hac in parte in eo celebrem: Et hic quoque violatam Dei maiestatem ulturus armatur l. 1. c. 23. his præter cætera. *Qui Deum ad decreti operisque sui certitudinem, obligant rimari cordis.*

humani recessus, & quærere extra se, diffusum sua omnipotentia, humana illum imbecillitati subiiciunt: & ut fidem faciant ex eo se metu id imaginatos, identidem istud inculcant, hominem turrim adificare volentem, computare sumptus qui necessarij sunt. Et qui estis vos qui iudicatis Deum? limites illi ponitis quos praterire nequeat? Cui similem fecistis altissimum? aut cui adæquastis eum? Longum cum Deo ex Scripturis aceruatis colloquium, obliquat tandem hac clausula. *Qui ita sentiunt de te Domine Deus meus, ut velint attendi ad se, priusquam quicquam de illis statuas etiam boni, vias suas bonas, nolunt esse prorsus tuas. Tribuant sibi initium salutis suæ, & post Pelagianorum hæresim & reliquias, Ecclesiæ tuæ iudicio seuerè damnatas, AMOR PROPRIÆ EXCELLENTIÆ, ET SIBI ALIQUID TRIBVENDI INSANVS ARDOR, in hunc se locum tanquã in tutissimũ recepit asylum, ut sub obtentu sapientiæ tuæ, in morem prudentiæ filiorum Adæ conformandæ, gratiam tuã, ETIAM VOCATIONIS PRIMÆ, etiam electionis æternæ, non constare credant, nisi nostrum aliquid in mente tua præcesserit. Eo quod spiritus est in gratia, & quasi gratia gratia & decus, energiam scilicet & efficaciam, non tuæ aut vocationi aut gratuita electioni, sed homini ipsi deputare non erubescunt. Absit à me Domine, absit, sic de te sentire, sic de me præsumere. Dixeris, non Suarem, Leshum, Molinam, quos nominatim eo capite exagitat, sed Pelagium, Cœlestium, Iulianum Celanensem, eiulve furfuris quempiam alium, ab autore feriri, hac tanta veementia & acerbitate orationis.*

VII. Illud verò maxime, Autori est in singultum atque cordolium, pro zelo suo diuini honoris, ac incenso quo flagrat studio veritatis, quod ut l. i. c. 36. n.

4. ingenuè aperit, exorto nouo iubare quod ipse terris intulit, dilexerint homines magis tenebras quàm lucem. Et falsitatem quidem huiusmodi sententiarum deprehenderint, ideò tamen deferere non placuerit, quia iam ante defenderant. Rarissimos enim reperire est, qui D. Augustini summam humilitatem imitati, sententias suas & placita coram vniuerso orbe retractare & condemnare parati sint. Viderunt certè rationes, quibus hac doctrina fulcitur, & PERSENERVNT EARVM PONDVS; nec latere eos potuit, in sua sententia, gratiam ad quam potissimùm attendendum fuerat, supponi naturæ, non præponi, non mediocri creatoris iniuria; & creaturam esse quæ cum præcipienti & monenti acquiescere lubet, à contumaci se discernit; scilicet prorumpens in opus, monita quidem à Deo, sed non mora. Nec ignorant quicunque ita sentiunt, auferre se à Deo, quicquid est eximium in creatura; actum secundum videlicet, qui causa secunda complementum est. Et cum id faciant in omni causarum & operationum genere, tum verò studiosissimè exequuntur in causis liberis, quando qua tales agunt. Non possunt profectò non advertere quod expressè docent; essentialiam & facultates inesse nobis immediatè à Deo, at electionem competere nobis à nobis ipsis. Et cum D. Augustinus & Theologi vnanimiter eum secuti, duo tantùm distinxerint; quedam quæ fiunt à Deo in nobis sine nobis, quedam quæ fiunt à Deo in nobis nobiscum; se tertium membrum non minus stupendum quàm inauditum adiecisse; eorum quæ fiunt in nobis, & à nobis, sine Deo. Viderunt & alia permulta prorsus absurda, VT NE QUID PEIUS DICAM, quæ ex hac sententia manifestissimè consequuntur. SED EST TANTI SIC SENSISSE. His corollarius vt ad-

dit numero 6. *quid absurdius, quid magis paradoxum, quid magis ridiculum, quid magis intolerandum? SED EST TANTI SIC SENSISSE.*

VIII. Ohe iam satis est; etiam plusquam satis, suffixionum, sannarum, censurarum, patiente aure ebitum. Semper ego Auditor tantum? Nunquam ne reponam? Minimè sanè, qui illud Origenis aduersus Celsi impotentiam, altè pectori infixum geram. *Maledicta conuictiâque iaculari, non est disputatoris, sed plebeium & indignum Philosopho vitium, (Theologo, eoque huius farinae, & cum talibus agente, multo indignius: sed pergo cum Origene :) & furoris indicium; cum deberet rem propositam examinare candidè, & quantum fieri potest, nihil alienum ab ea dicere.* Hæc sapienter planè Origenes, in calce libri primi aduersus Celsum, quæ Christianum disputatorem tenere mordicè, omnino consentaneum est. Nec illud animo excidit, quod aduersus Petiliani lædorias, sapienter à D. Augustino obiectum est l. 3. c. 1. *Si & ego tibi vellem pro maledictis maledicta rependere, quid aliud quàm duo maledici essemus, ut ij qui nos legerent, alij detestatos abijcerent sana gravitate, alij suauiter haurirent mala voluntate?* Subijcit sapientissimus Pater de more ac usu suo, quem expressum à me imitatione potius quàm verbis velim. *Ego quando cuique vel dicendo vel scribendo respondeo, etiam contumeliosis criminationibus lacepsitus, quantum mihi Dominus donat, frenatis atque coërcitis vanæ indignationis aculeis, auditori lectorive consulens, non ago ut efficiar homini conuiciando superior, sed errorem conuincendo salubrior.*

IX. Hoc mihi cum aduersario agenti qui fœnum


in cornu habet, sanctum esto. Criminationes ille quidem in nostra placita intorquet, adeò aculeatas, vt nihil horridius; adeò asperas, vt nihil atrocius; adeò nulla veritate subnixas, vt nihil ad calumniæ prodigalitatem desit. Pelagiani enim audimus, & violatæ diuinæ maiestatis non vno ex capite arcessimur, infano ardore propriæ excellentiæ agitati dicimur, & reliquis verborum sordibus conspergimur, quas ne mihi ipse vltro affricem, sciens non itero. Idque totum, ex illo scilicet coenossimo fonte in nos dimanat, quo statuimus libertatem esse agendi & non agendi potentiam, vel esse facultatem quæ possit in hoc aut illud ferri prohibito. His omnibus surda aure exceptis, vnum esto studium meum, veritatem doctrinæ propositæ, vt Theologos decet, solidè, vt Christianos, quamuis laceratos, sedato & tranquillo animo excutere.

Quantum verò per accuratam & seriam nouæ huius doctrinæ disquisitionem deprehendo, eo collineandum est, vt creatæ libertatis germana notio statuatur. Ea si ritè ab autore posita est, stabunt omnia noua & inaudita quæ illi superstructa, de beatis, de damnatis, de Christo, de Deo ad intra liberrimo, referebam. Illo disiecto fundamento, vniuersum nouum ædificium collabi necesse est, Quare hinc auspicari, non operæpretium duntaxat videtur, sed etiam necessarium.



PARS I.

Discussio noua sententia de natura libertatis.

I.  VSCVLTVNDVM est Cassiodoro in calce præfationis ad librum de anima. Oportet prius nominum similitudines quasi ramos obuiantes abscindere, ne semitam disputationis nostræ, vocabularum consonantium sylua, vmbrosis imaginibus videatur intexere. Oportet inquam, de qua libertate agendum nobis incumbat, præmittere. Potest enim *libertatis* nomen, (quod latè tradit Ocham in 2. q. 19. *litera K*, Castro. V. *Libertas* hæresi. 1. ac Pennotus l. 1. propugnac. c. 3. & infra apertius erit,) variis admodum significationibus minùs propriis & latè dictis vsurpari: nempe pro exsolutione à seruitute alteri homini addicente, quæ dicitur *libertas civilis*: pro exemptione à seruitute peccati, quæ dicitur *libertas gratiæ*; pro segregatione à corruptione & miseria, quæ vocatur *libertas gloriæ*; pro immunitate à coactione, quam vocant *libertatem complacentiæ*, vel *libertatem naturæ*. Omnium verò consensu, ea est libertatis acceptio pressa


pressa & genuina, qua designatur omnimoda exemptio à naturali & extrinseca determinatione, cum potestate agendi & non agendi; quæ exemptio atque potestas, est fundamentum moralitatis, atque adeò etiam meriti & demeriti, implantatorum moralitati: Hunc enim esse veluti characterem quo internoscantur & distinguantur actiones laude aut probro dignæ, scitè dixit S. Basilius in Psal. 33. ad illud, *iste pauper clamavit*. Simile D. Hieronymi dictum, agnoscere se, & toto corde suscipere, ait D. Augustinus l. de natu. & grat c. 65. Ratione idem confirmat Angelus c. 6. moral. textu. 1. Seposita ergo quavis alia voci *libertatis* interdum subiecta notione, de ea sola agendum est, quam dixi esse propriè & pressè acceptæ libertatis: hoc est de ea quæ fundat moralitatem, & progerminans ex ea meritum atque demeritum.

II. De hac ipsa propriè dicta libertate, moralitatem ac germina eius fundante, sermonem sibi esse, disertè proficitur autor novæ sententiæ l. 1. c. 1. n. 1. *in fine*. Contestatur enim tractare se de ea libertate *quæ præexigitur ad meritum siue bonum siue malum, & secundum quam premio vel laude digni sumus, cuius defectu peccatum nullum admittitur, nullum opus moraliter bonum exercetur*. Et quanquam huius propriæ acceptæ libertatis constitutum, negat esse quod omnes hætenus protulerunt, siue dominium proprii actus, siue actiuam voluntatis indifferentiam, siue potestatem agendi aut cessandi ab actione positis omnibus prærequisitis, aut etiam agendi contrarium: Tamen libertatem propriè dictam, eam esse quæ moralitatis & germinum eius,

hoc est meriti & demeriti fundamentum est, pro certo habet, & de ea se agere toto opere contestatur citato loco. Quam verò esse velit rationem huius libertatis formalem & constitutiuam, quandoquidem iuxta ipsum, anteriores omnes quotquot de libertate philosophati sunt vt de facultate versatili & ad vtrumque indifferente, ab ipso ostio aberrarunt, aperiendum ante omnia est, vt ordinatè procedamus.

CAPVT I.

Typus noua sententia, eiusque firmamenta.

I.  TATVIT in primis autor, & diffusè variis capitibus explicat, libertatem propriè dictam, quæ scilicet est moralitatis fundamentum, posse & causaliter & formaliter definiri. Et quanquam propositum illi est, libertatem vniuersè exponere, tam prout Deo; quàm prout creaturis competit: Tamen quia creaturæ sunt nobis notiores, & hæc iuxta Bernardum est scala mundi qua ad inuisibilia Dei pertingimus, idcirco libertatis definitiones & partitiones aperit primùm in creata libertate, inde assurrecturus ad incretam.

Radix noua libertatis, subijci, vel adharere Deo.

Definitionem libertatis causalem, autor l. 1. c. 34. n. 1. & l. 2. c. 14. n. 2. hanc proponit ex Augustino epist. 89. liberum est quod subijcitur Deo, nempe immediatè, & non

ut brutæ animantes, quæ Deo subiiciuntur duntaxat per hominem, sed immediatè ac per seipsum. Quod enim propriè liberum est; non per alterum, sed seipso subiicitur Deo, & tanquam efficienti principio, & tanquam fini. Tanquam principio quidem, eo quòd sinat se ab illo moueri; nec ita afficiatur, ut velit proprio motu, propriâque vi; rebus agendis intendere. Tanquam fini autem, quatenus ad Deum rectà tendit in suis appetitionibus, nec aliò diuertit motionem diuinam, quàm ad principium vnde prodiit. Quanquam autor l. 2. c. 12. n. 2. subiectionem ad Deum, ut ad efficiens principium extraneum statuit causationi libertatis eo quòd subiectio illa sit tantùm subiectio; & per eam creatura ab vniuersitate & amplitudine quàm ante secula in Deo habuit transeat ad particularitatem & limitationem quam in proprio ordine nanciscitur. Eam ergo subiectionem solam, ait esse radicem libertatis, quæ est subiectio ad Deum ut ad finem; eo quòd hac subiectione, creatura à particularitate & limitatione proprii ordinis, transeat ad vniuersalitatem & amplitudinem ordinis diuini ac increati. Nam quâto magis Deo ut fini subiicimur, tanto ad eum accedimus propiùs, & ab angustiis nostris recedentes dilata-mur, donec omnem tandem exilitatem nostram deponentes, plenèque supergredientes proprium ordinem, eandem ferè amplitudinem recuperamus, quam præhabueramus in Deo ante secula.

Hæc igitur est iuxta autorem, radix libertatis, ex qua compingenda est causalis definitio libertatis. Eam porro subiectionem ad Deum, duplicem esse, statuit

l. 2. c. 28. n. 6. vnā quam ipsi operamur; alterā quam operatur Deus. Prior est, quā recedimus à creaturis ex Dei amore, ac ex desiderio sistendi & restituendi nos Deo. Posterior est, affectus ille quo volumus nos ipsos tradere in manus Dei. Vtrāque, sed hæc præsertim posterior, subdividitur trifariam. Vna quippe est secundum voluntatem; altera secundum esse; tertia tanquam membri ad caput, qui sunt totidem libertatis fontes, & totidem capita vnde varij modi perfectæ libertatis dimanant.

Eiusdem noua quidditas, eminentia & amplitudo.

II. Iam verò liberum formaliter, illud est quod in summa amplitudine versatur, ad quod subiectio hætenus exposita, proximè disponit. Subiectio enim, quod autor l. 2. c. 14. n. 2. obseruat, via est ad libertatem, non ipsa formaliter libertas, cui potius opponitur, cum libertas sonet independentiam & amplitudinem, quæ subiectione excluditur. Formaliter ergo libertas, iuxta autorem, est amplitudo, ad eam quam proposui subiectionem consequens. Nam quamuis quod Deo subiicitur, ob immutabilitatem quam induit, non sit liberum à necessitate, (nisi à necessitate limitationis ac dependentiæ, quæ illud ad finitum aliquid coarctaret, statueretque dependens ab externis;) Tamen sufficienter intelligitur liberum, in ea vocabuli proprietate quam verè sonat libertas. Creatura namque Deo subiecta, ob eminentiam & amplitudinem quam in Deo consequitur, propellit à se abiectionem ad creatā, atque adeo seruitutem: quod est potiri verissima & propriissima libertate, quandoquidem libe-

rum, ex anticipata omnium notione, seruo opponitur, non autem necessario, vt autor notat l. i. c. 34. n. 3. sicut libertas, non necessitati, sed seruituti opponitur, quod autor frequenter inculcat, & nominatim l. i. c. 6. n. 2. & 10. ac 12. contra quàm imaginati sunt recentiores; qui non attenderunt, necessarium opponi contingenti, non autem libero. Ex quo factum esse addit autor, vt libertatem frustra quæsierint in indifferentia absoluta agendi & non agendi, vel agendi oppositum, cum libertatem exponere oportuisset per adhæSIONem ad finem vltimum, cui adhæSIONi annectitur indifferentia circa media seruato ordine finis. Est ergo libertas formaliter & quidditatiuè, eminentia & amplitudo, ex adhæSIONe cum Deo fine nostro, excludens seruitutem ad res creatas.

Hanc libertatis notionem, autor l. i. toto c. 1. à n. 2. & plenissime à c. 3. confirmat, partim directè, prolatis non iam spicis aut manipulis, sed acervis testimoniorum è scripturis, Patribus, Philosophis, Scholasticis; prolatis item rationum multiplicium firmanentis. Partim indirectè, siue elisione vulgaris sententiæ, quæ libertatem statuit in potestate agendi vel non agendi positis omnibus ad actionem prærequisitis: Sed maximè monstratis immanibus difficultatibus, quæ in præcipuis Theologicæ doctrinæ capitibus, circa Deum, & Christum, ac humanam voluntatem, deuorandæ sunt ei qui in antiqua illa & vulgari libertatis notione perstare velit; cum tamen noua hac sententia supposita, clarum sit, omnes illas difficultates euanescere. Hæc omnia distinctè infra ac sigillatim proponentur;

& hunc tanquam eximium laboris ab autore circa libertatem collocati fructum, exhibet panegyricus secundus ad eius opus. Sic enim habet, post proficissam indifferentiam Peripateticam adolescentioris scholæ. *Tanti interfuit non ignorari, nil ad nostram, quâ vel bona vel mala est, voluntatem, illam æqualem animi librationem pertinere; ut ex hac potissimum hallucinatione, in vitam animæ quæ gratia est, ἀποθεώσεως quæ Theologorum animos etiam unum distrahunt, dimanarint.*

Vel etiam Deificatio.

III. Alio præterea verborum cortice, reuera tamen eodem sensu, supra hymettia quæuis & hyblæa inella sapido, eandem germanam libertatis propriè dictæ notionem proponit autor l. 1. c. 34. n. 2. & 7. latèque l. 2. c. 27. Quia enim libertas, formaliter & intrinsecè sita est in eminentia & amplitudine prædicta, idcirco ait libertatem esse formaliter & quidditatiuè deificationem. Homo quippe seruitutem imò tyrannicum iugum creaturarum omnium excutiens, & fælici ad Deum adhæsiōe adipiscens libertatem, transit in Deum, & vnus cum eo spiritus est, iuxta Apostolum 1. Cor. c. 6. vnde eminentiam & amplitudinem infinitam consequitur; qua, sicut Deus in quem transformatur, non tam omnia habet, quàm est; omnibus vritur vt superior ac Dominus, quatenus ea ad finem suū conuertit, quod est esse ἀντὶ τοῦ θεοῦ. Et quamuis conuersionem illam ad Deum solus Deus in nobis efficiat sine nobis, tantumque in ea sinamus nos trahi: tamen idcirco in ea efficienda moueri à nobis dicimur, quia monemur à Deo, cum quo vnus, & vnum sumus.

Papæ! quanta libertatis excelſitas, quanta maiestas & ſublimitas, hoc nouæ doctrinæ telescopia deprehenditur, abiecta exilitate illa indifferentiæ actiue, aut potestatis in actum suum, penes quam limis aut lufcioſis recentiorum oculis, ratio libertatis proponebatur ex ſucca & macilenta, vt autor expoſtulat; inſigens non vno loco, libertatem eſſe perfectionem, ſecundum quam homo ad imaginem Dei conditus eſt, & ſecundum quam homo, omnia non tam poſſidet quam eſt: ac proinde ſupremam quandam eminentiam & infinitatem adipiſcitur, ratione tranſitus à paruitate creaturæ ad diuinam amplitudinem. Ex quibus liquet, donari libertate, idem eſſe quod deificari; & viciffim deificari, idem eſſe quod donari libertate.

Ita magnificentiffimè de creata libertate autor: qui vt penitiùs ſuum hoc placitum de libertate formaliter deificante perſuadeat, l. i. c. 27. triplicem omnino modum deificationis, atque adeò etiam veræ libertatis diſtinguit. Primus continetur ſubiectione & demiffione omnimoda humanæ voluntatis ad diuinam. Secundus participatione diuinæ naturæ. Tertius vnione hominiſtanquam membri, cum Deo vt capite in idem corpus, quæ & incorporatio dici poteſt. Duo priores modi, ſunt libertatis qua liber eſt ipſemet Chriſtus. Reſuſtemus breuiter ſingulos.

IIII. Primam illam deificationem ac libertatem, Ethnicis quoque Philoſophis, & inter eos Stoicis, ac in his Senecæ maximè, ac Epiſteto innotuiſſe, obſeruat autor, prolatis locis eorum compluribus quibus diſertiffimè traditur, hominem ſi Deo adhaereat eumque

imitetur, liberrimum, felicissimum, Deo simillimum, ac Deum quadantenus, euadere. Sanctius etiam ac fortius id tradunt SS. PP. Augustinus præsertim, qui humanam voluntatem, quo Deo fit subiectior, eo liberiorem esse contestatur. Addit autor, subiectionem illam nostram ex amore, ad summum veluti verticem efferi, atque adeò obtineri florem primæ illius Deificæ libertatis, cum non modò omnia propter Deum, sed etiam in Deo amamus. Qui natiuus ipsi Deo creaturas amandi modus, (nec enim Deus amando extra se peregrinatur,) sanctis abiecto hoc corporis ostreo ad perfectam libertatem subiectis ac deificatis, fit proprius iuxta autorem: & idcirco expostulat, ab iis violari sanctos non mediocri iniuria, qui satis magnificè sibi sensisse videntur de sanctorum amore, si statuunt, eos omnia amare propter Deum, etiam si ea ament præter & extra Deum: cum tamen pura & iniuriæ in sanctos expers de eorum amore sententia, omnino ferat, beatorum voluntates, totas in Deo quiescere, ac veluti immergi, condique in eum penitissimè, nulla ipsarum parte inde abstracta, vt extra illam veluti fornacem frigescat.

Secundam Deificationem & libertatis adeptionem, quæ diuinæ naturæ participatione constat, autor Patrum suffragio & scripturis expressissimis confirmat. Homines enim per gratiam Deo nasci, & in filios excelsi ac Deos transcribi, decantatissimum est in sacris literis & Christianis Doctoribus.

Tertiam denique & longè intimiorem Deificationem, sicam in vnione fidelis tanquam membri cum Christo

Christo capite in vnum corpus, vnāque personam, eruit autor ex Apostolo, iuxta quem, omnes nos sumus vnus Christus; quia per gratiam diuinitus indultam subiicimur Deo, non tantū prout domino ac patri, (sicut olim Adam, qui idcirco quasi per se ac separatim spectatus, non in Christo iustus erat,) sed verē vt capiti, & tanquam membra Christi, in quo proinde sancti efficimur, & deificamur, donamurque libertate longē sublimissima, hoc est non libertate puræ cuiuspiam creaturæ, sed ipsiusmet Christi, Dei & capitis nostri, cuius portiones quædam, & membra sumus. Non me contineo, quominus auctori, adeo excelsæ, adeo deicæ de libertate doctrine, elogium pangam iisdem vocibus quibus approbator Auranus. *Quantus sit is qui hæc conscripsit, cogitate, qui vt homines faceret liberos, fecit diuinos.*

Haftenus ex autore libertatis definitio, cum causalis per subiectionem ad Deum, tum formalis duplex, nempe per amplitudinem & deificationem. Penes varias porrò eiusdem amplitudinis & deificationis considerationes, autor duplicem profert libertatis partitionem. Priorem lib. 1. c. 2. in libertatem quoad statum, & quoad actum. Posteriores lib. 2. c. 15. in libertatem initialem, siue orientem, progredientem & consummatam.

Prior noua partitio libertatis, quoad statum & actum.

V. Prioris partitionis ratio non est obscura. Potest enim libertas in voluntate creata considerari bifariam; nempe quoad statum & quoad actum.

Utrumque ex dictis illustratur. Quod voluntati creatæ confert formaliter libertatem status, est beata illa dilatatio quæ subiectionem ad Dei infinitatem consequitur. Ea quippe subiectione, homo transiens in Deum, eiusque infinitam amplitudinem, supereminet creaturæ cuicunque, & à rebus omnibus solutus ac independens redditur, quod est nancisci statum liberri- mum. Quod si voluntas omnibus effecta superior, & infinitatem quandam ac sublimissimam eminentiam & amplitudinem adeptæ, descendat ad inferiora assumens ea ut media, reuocansque ad Deum finem suum; tum demum libertatem exercitij sortitur, quæ partus quidam est eius libertatis quæ ad statum pertinet. Itaque creatura quatenus adeptæ amplitudinem & eminentiam per adhæSIONem cum Deo, fit libera formaliter libertate status: quatenus verò agit intra terminos adhæSIONis ad Deum & dimanantis ab ea amplitudinis, nullatenus ab ea in agendo recedens, libertate exercitij potitur siue libertate actus. Quamquam iuxta autorem, non actio tantum, sed & agendi facultas ad hanc libertatem pertinet, tanquam aliquid cum actione omnino nexum. Libertas status, quia actu tanquam germine suo anterior est, actum non supponit. Itaque in quibusvis rebus locum habet, etiam si infantibus, aut ratione destitutis. At libertas actus in ijs duntaxat reperitur, qui consentaneè ad statum libertatis operantur, idque sonat ipsa vox *libertatis quoad actum*, ut per se liquet.

Non determinat autor, libertatis statum & actum, in duas libertatis species nequaquam connexas; (hoc

enim l. i. c. 2. n. 5. in recentioribus reprehendit :) sed completam libertatem, vnicam agnoscit, quæ à statu incipiens, per actum consummatur. Status, fundamentum est, cui facultas & exercitium superstruitur. Nam quia quis liber est, ideò liberè & operari potest, & operatur. Sicut quia quis homo est, idcirco operari potest, & operatur humano modo. Quoniam igitur ita secundum esse affecti sumus ob adhæSIONem cum Deo, vt supra creata omnia emineamus; similiter quoque in agendo afficimur; nam posse & opèrari sequuntur esse: atque ita eo ipso quòd obiecta creata non rapiunt nos, aut transuersos agunt dominantia nobis, sed ipsi potiùs obiectis creatis dominamur, vtentes eis iuxta finem à Deo præstitum, potimur libertate quoad actum, vnam completam libertatem integrante cum libertate status, siue cum libertate quoad esse. Nec plura de priorè libertatis partitione superiùs proposita.

Posterior penes varios ad Deum ordines.

VI. Æquè facile est ex iactis principijs, alterius partitionis rationem repetere. Quia enim libertas summi & vniuersalis boni amplitudinem respicit, quisquis illius capax est, libertatis ortu donatur, & in libertatis veluti ingressu versatur. Tendendo autem ad eam summi boni amplitudinem, habetur libertatis progressio triplex. Aut enim est ordo ad summum bonum, integer quidem ac purus, sed qui subuerti & dilui queat; quæ est libertas pura, sed non confirmata; qualis in Adamo fuit priusquam foelici innocentia

statu excideret. Aut est ordo ad finem vltimum diuinitus ita vallatus vt disijci nequeat, quæ est libertas pura & confirmata. Aut denique est ordo ad finem vltimum, & imminutus, & deordinationi admixtus: quæ est libertas nec confirmata, nec pura, sed defectibilis & admixta seruituti, qualem nanciscimur quotquot gratiæ participes sumus in quantulocunque gradu, etiam ante sanctificationem. Ita enim liberi dicimur ac sumus ratione gratiæ, vt tamen admixtæ inclinationes prauæ, dum mentem ad creata degraunt, libertatem seruitute permisceant atque inficiant. Denum libertatis consummatio continetur integro atque totali ordine ad finem vltimum: ordine inquam, non iam tendentiæ quasi ad bonum absens, sed quietis tanquam in bono præsentis. Hæc est quam Apostolus Roman. 8. libertatem gloriæ filiorum Dei appellat. Omne quippe iam iter emensus homo, nihil ultra expetiturus, & nactus omnia in Deo, in summi boni infinitate placidissime conuiescens, gloriam obrineret, Dei filio congruentem. Habemus ergo tres capitales libertatis species, hanc secundam libertatis partitionem integrantes: nempe orientem, progredientem, & consummatam: quarum extremæ duæ, oriens inquam, & consummata, atomæ sunt: Media siue progrediens, tripartitò subsecatur; nempe in puram, necdum confirmatam, puram confirmatam non consummatam, ac denique & puram & consummatam vndeunque:

Haftenus de libertatis partitionibus iuxta autorem. Vulgares verò libertatis diuisiones, in eam quæ

est quoad speciem, & eam quæ est quoad exercitium; quæ aliter contrarietatis & contradictionis appellantur, autor non agnoscit, aut ita interuertit vt à sensu quo antehac acceptæ sunt, procul absint, nec ab iis qui illas hætenus tradiderunt, sint agnoscendæ.

Dei libertas & libertatis obiectum, ex dictis eruitur.

VII. Per scandulas libertatis creatæ ad quam pertinent omnia hætenus proposita, licet cum autore conscendere ad Dei libertatem. Libertas enim quam postremo loco recensuimus in posteriori partitione, beatorum propria est, & quantum creata increatis fas est componere, proximè accedit ad libertatem diuinam, quæ per immetatam, & nullis conclusam finibus amplitudinem constituitur; indéque profluit libertas omnis quæ in cælo & in terra nominatur. Est sanè Deus, primum, ac principale, & fontale liberum, quippe suapte natura infinite amplius, & inalligatus, ac immunis à seruitute: ideóque iuxta autorem, cum ipse in se libertatis plenitudine fruitur, nec tantum per ordinem ad externas actiones, sed & quoad processiones internas est liberrimus, de quo latè libro 2. c. 2. & 3. Tum etiam cuius libertatis nomine gaudenti, principium est libertatis: ita vt nihil sit quod liberum dicatur, nisi per respectum ad Deum: nempe vel quia in illum quodammodò transit, vt sit in beatis; vel quia ad eum magis aut minus accedit, statu aut actu excutens vincula affectuum, & à rerum creatarum angustijs euolans ad immensam Dei amplitudinem per

adhæſionem cum ea; vt viatoribus contingit.

VIII. Hinc verò liquet, libertatem non eſſe tantum mediæ, vt vulgo hætenus iactatum eſt, ſed eſſe quoque, & quidem maximè, reſpectu finis vltimi, cui adhærendo, euadimus in veræ libertatis amplitudinem, vbi exſoluti ſeruitutis compedibus, nulliſque rebus creatis aſtricti, omnibus ſupereminentes & inalligati exſpatiamur. Latè hæc confirmat autor lib. i. c. 9. 10. & 11. ſequunturque apertè ex noua ſententia, iuxta quam libertas ſita eſt in amplitudine oriunda ex adhæſione cum Deo fine noſtro. Poſſe ergo libertas circa finem verſari. Nec refert quod circa cum finem feramur naturali neceſſitate. Nam S. Thomas 1. p. q. 82. artic. i. docet neceſſitatem naturalem non repugnare libertati. Id quod præter D. Thomam, Bonauenturæ quoque, Scoto, Henrico, atque Durando placuiſſe obſeruat autor. Igitur datur libertas circa finem. Et verò nōne voluntas, ſub ratione potentiæ liberæ refert alia obiecta in finem? Ergo etiam vt libera eſt, verſatur circa finem. Deinde an non meremur occupando nos interiùs circa Deum, cui ratio finis noſtri inabdicabiliter conuenit? Non eſt quidem ea libertas, contradictionis vel exercitij iuxta autorem; eſt tamen libertas ſimpliciter, libertate contradictionis & exercitij ſuperior; & tamen fundans meritum; non prout actus ille circa Deum, eſt actus noſter, ſed prout eſt opus Dei per Chriſtum in nobis. Ita porrò meritorius eſt actus ille, vt tamen propriè illo non mereamur. Quare concludit autor capite illo 11. num. 3. tantum abeſſe vt libertas circa finem nulla ſit, vt potiùs

CONTRA NOVAM LIBERTATIS QUIDDITATEM. 39
omnis planè libertas sit circa finem vel acquirendum
vel tenendum.

Expressi fideliter vniuersam auctoris de libertatis na-
tura, partibus, & obiecto sententiam. Quam ille lib. 1.
c. 35. extremo, benè sibi, benè ingenij sui foetibus omi-
natus, irreprehensibilem per æquos censores statuit;
Tam verò perspicuam, vt ipsa solo conspectu semo-
tis quibus suis rationibus sufficienter se probet: A nullo
certè vt ait l. 1. c. 3. quicquam afferri possit probabilius:
Et quod habet l. 1. c. 7. n. 5. nihil ipsi diu multumque
quærenti occurrit, quod in contrarium opponi cum
probabilitate aliqua queat.

CAPVT II.

*Sententiam propositam, planè commentitiam & à
vero alienissimam esse, quoad libertatis
rationem formalem.*

LINGERAMVS aduersario quod ei
quærenti non occurrit, nobis autem
adeò obuium fuit, vt incurreret non
quæsitum. Eiusmodi sanè sunt quæ
de libertate recens audiuius, vt possimus non iniuria
illud Augustini 3. in Iulia. c. item. 3. nostrum velle, &
aduersario occinere. *Mira sunt quæ dicitis, noua sunt quæ
dicitis, falsa sunt quæ dicitis: Mira stupemus, noua caue-
mus, falsa conuincimus.* Hoc postremum vt exequa-
mur, probationum agmina sunt adornanda, quæ cum

plurima & fortissima suppetant, ea tamen educenda duntaxat erunt, quæ ita firmitate valebunt, vt paucis instrui contenta, multæ impensæ apparatus non exigant. Duplicem aciem proferam. Prior in formalem rationem libertatis ab aduersario propositam dirigetur. Posterior in assignatam ab eo libertatis radicem; ea quippe succisa, exarescere formalem libertatem inde progerminantem necesse erit.

*Nova libertatis quidditas, primò impugnata,
quia nescitur cuius sit.*

Argumentor igitur primò contra libertatis quidditatem ab aduersario propositam, quia etiam si vtrò daremus eius sententiam niti veritate, adeò tamen lubricè & implexè naturam libertatis exponit, vt nisi alia via ineatur, inexplicatam planè manere sit necesse. Ait enim aduersarius, libertatem esse *eminentiam*, esse *amplitudinem*, esse *infinitatem*. Prima illa vox, ad libertatis naturam non accedit, vt ex sequentibus perspicuum fiet: Idcirco tamen tam studiosè in hac tractatione ingeri videtur, quia sapit dignitatem Cardinalitiam, de qua blandiri sibi huius sententiæ natales, ex operis ad Pontificem inscriptione epistolica, intelligitur. Amplitudo & infinitas, affectiones sunt quantitatis, vel corporeæ vel virtualis: quæ omnia à libertatis ratione abesse quàm longissimè, vel lippus videar. Nam amplitudinem vel infinitatem corpoream huc non spectare, frustra monerem. Spiritualem quoque infinitatem, nemo non videt nulla ratione cum libertate conuenire. Infinitas enim spiritualis essentialis, non
magis

CONTRA NOVAM LIBERTATIS QUIDDITATEM. 41
magis à Deo cui propria est, transfundi in alia potest,
quàm ab ipso Deo abdicari; nec magis creaturæ com-
municari potest, quàm ratio entis à se, vel independen-
tia. Aliam spirituales infinitatem quæ re ipsa existat,
Theologi in puris creaturis non agnoscunt. Esto non
pauci possibilem esse fateantur, & aliqui in quibus-
dam spiritualibus Christi accidentibus eam conce-
dant. At libertas munus est omnibus ex æquo crea-
turis intelligentibus tributum, nec Dei incommuni-
cabiler proprium. Restat ergo ut dicatur libertatem
esse amplitudinem spirituales, aut quod idem est, ex-
celsitatem & eminentiam præ alijs subius iacentibus.
Qua ratione quicquid alio altius & entitatiuè grandius
proferetur, (cuiusmodi sanè est quæuis entitas ad aliam
despicatiorem & in gradu rerum exiliorem compara-
ta,) amplitudinem sibi prædictam & eminentiam, at-
que adeò etiam libertatem vendicabit.

I I. Præsentio quid aduersarius immurmuraturus
sit. Mala fide secum agi expostulabit: Contestabitur
nunquam sibi in mentem venisse tam pinguem do-
ctrinam proferre quæ Soli obiecta colliquescat: Non
esse adeò ad viuum resecanda omnia, nec adeò crudè
excipiendos vocum sonos ut merus syllabarum cortex
spectetur. Sibi itaque de metaphorica duntaxat emi-
nentia & amplitudine sermonem esse: Ea inquam am-
plitudine quam creatura ex adhæsiōe cum Deo sine
suo adipiscitur, grandescere ex obiecti illius amplitu-
dine tendentis in eam hominis voluntate.

Audio. Hoc ipsum tamen est, quod primo loco in
aduersarij sententia, (tametsi vera esset,) reprehenden-

dum contendo Quis enim ferat in accurata & scientifica libertatis disquisitione, adeò reconditas & extraneas metaphoras? Hæ phaleræ, ô bone, in populari tractatione quæ mulcendis tantùm lectorum animis aptatur, locum suum sanè habeant: ab accurata, & ad scientiæ regulas exacta veritatis perscrutatione, qualem tractatio de natura libertatis præfert, semoueri omninò debent: alioqui omnia æquè inexplicata & implexa manebunt. Et ita planè in hac re contigit. Interrogo enim quæ sit, & cui generi categorico subfit ea amplitudo, ea eminentia, atque infinitas. Certè cum definitio quælibet ex genere categorico & differentia illud arctante compingatur, incommodè omnino aliquid definit quisquis definit, nisi rei definitæ rationem communem talem assignet quæ ad aliquod vulgatorum decem generum reuocetur. Quò autem amplitudo, illa vel eminentia pertineat, & substantiæne sit, an quantitas, cui ve alteri è decem summis generibus subiaceat, adhuc quærimus. In hoc ergo primùm peccat doctrina proposita, quòd libertatem homini propriè & non duntaxat metaphoricè conuenientem, explicat tantùm per metaphoram, cui quis re ipsa genuinus sensus subsit, non intelligitur.

III. Quid quod ne intra fines quidem metaphoræ propositæ, idonea est aduersarij doctrina? Neque enim ex eo quòd attingatur obiectum amplum, sequitur facultatem circa illud occupatam grandescere, & amplificari iuxta obiecti amplitudinem. Nisi si actus intellectiōis attingens montem, exporrigitur aut eminet supra actum quo attingitur formica. Non igi-

CONTRA NOVAM LIBERTATIS QUIDDITATEM. 43
tur ex eo quòd actus hominis versetur circa Deum,
qui utique omnimodo amplissimus est, consequitur
eum actum protendi aut sustolli supra reliquos homi-
nis actus, quamvis verissimum sit pro dignitate obie-
cti crescere actus perfectionem. Sed hoc quid ad li-
bertatem? Nec dissimulandum est, insistendo aduer-
sari principijs, intellectum, contra quàm autor disertè
tradit lib. 1. c. 1. n. 4. & lib. 2. c. 11. n. 6. statui oportere
anteriori & perfectiori libertatem voluntate, non
radicaliter tantum sed etiam formaliter. Nam intelle-
ctus circa amplius & protensius obiectum occupatur
quàm voluntas; cum etiam feratur in mala, nec vel
mica entis aciem eius subterfugiat. At angustius esse
voluntatis obiectum, in confesso est. Esset ergo intel-
lectus perfectiori liber quàm voluntas, quod propè
omnes contra Durandum, repudiant. Et fore quoque
intellectum anteriori liberum formaliter, ac præoccu-
paturum libertatis formalis prærogatiuam, constat ex
eo quòd intellectus voluntati semper præcurrat, nec
possit voluntas nisi prælucente intellectu, obiecti ali-
cuius bonitatem suauari vel stringere.

Tandem nulla amplitudo, ac ne metaphorica qui-
dem, in facultate libera reperitur, quæ sit superior po-
testate agendi aut non agendi; vel terminandi ad ali-
quid actum suum, aut non terminandi; qualem ampli-
tudinem liberæ facultatis constitutiuam vulgari indif-
ferentia superiorem, comminiscitur aduersarius. Nam
in facultate libera nihil planè est anterieus ea potestate,
siue indifferentia actiua, ac per eam solam sufficienter
constituitur, & à quibusvis alijs lecernitur. Igitur li-

bertatis definitio per amplitudinem, nullo modo est idonea.

Altera impugnatio, ex libertatis & amplitudinis summa distantia.

IV. SECUNDÒ principaliter argumentor, & probò amplitudinem nullo modo posse statui rationem quidditatiuam libertatis, quia longè disiunctissima sunt, esse amplum, & esse liberum. Id quod in Deo est manifestissimum: vt non possim sanè satis suspicere vestibulum illud libri secundi apud aduersarium. Liber est Deus, imò liberrimus, & si quid liberrimo liberius esse potest: quia nullis omninò siue loci siue naturæ cancellis coercitus, locum omnem replet. Omnia est quæ sunt & esse possunt, quin omnia infinito interuallo supergreditur. Liber est, quia nullus eum locus continere potest, nulla creatura prohibere aut retardare, nulla impellere aut mouere, nulla notio vel similitudo exprimere. Hanc illi scripturæ libertatem tribuunt, hanc Doctores omnes & Patres, hanc Angelicus Doctor D. Thomas inter ceteros expressè, hanc denique communis sensus & ratio. Hæc autor, nec dissimilia inferiùs num. 3. verbis illis ex communi (vt ait) sensu. Si liber qui nullis finibus circumscribitur, sed in immensum patet, qui nullius egens, qui omnia omnibus affatim suppeditat, qui superior omnibus, qui omnium finis, amplitudo & regnum, certè Deus est liberrimus. Est enim eiusmodi. Nunquam ista ego satis suspexerim, siue quoad res ipsas, siue quod ex omnium Doctorum, omnium Patrum, & omnium communi sensu proferri dicantur, ac nominatim ex D. Thomæ expressa sen-

CONTRA NOVAM LIBERTATIS QUIDDITATEM. 45
tentia. Vbi enim hæc adeò paradoxa S. Thomas? vbi
SS. Patres? vbi Doctores reliqui? Nec ratio quæ ob-
rendeatur reuerà fauet. Quis enim adeò rudis diuina-
rum rerum est, vt ignoret, libertatem Dei esse attribu-
tum ab illocalitate & immensitate distinctissimum?
Hoc qui non videt, ex oculatus profectò est, & in sa-
cra doctrina admodum tyro, qui vel ex ipso syllabo
quæstionum primæ partis D. Thomæ, & tanto tracta-
tionis attributorum illorum interuallo, non agnove-
rit, ea attributa & notione, & formali ratione longis-
simè distare. Cum ergo libertas creata ectypon quod-
dam sit atque expressio diuinæ libertatis, dubitari non
potest quin eius longè alia ratio sit, quàm amplitudi-
nis & immensitatis.

V. E tribus responsionibus quas ad hoc argumen-
tum adhibet aduersarius lib. 1. c. 7. n. 5. primam & se-
cundam dimittamus, quia sunt hominis difficultate
impediti. Tertia responsio quæ videri potest ad rem
facere, nec est apertum subterfugium vt duæ antero-
res, in eo sita est, quòd infinitas & amplitudo prout
sunt attributa peculiaria & seiuncta à libertate, spe-
ctentur absolutè: Libertas autem idem sit quod am-
plitudo & vniuersalitas, siue immensitas & infinitas,
(quæ omnia aduersario idem sonant) prout per eam
quis est sui.

Hic primùm autoris indiligentiam deprehendo,
qui tam necessariam particulam nuspiam alibi memo-
rat; hinc tantùm obiter, & inter respondendum argu-
mento eam attingit. Et cum ipse tot querelas ingemi-
net de prætermissa per alios in libertatis definitione,

clausula quam à D. Thoma in libertatis definitione appositam fingit: Ipse clausulam planè essentialē, & sine qua libertas ab aliis attributis disiunctissimis non secernitur, toto opere missam fecit; Obiter tantum, inter respondendi connixus, ad aliqualem difficultatis abactionem, eam attigisse contentus fuit.

Deinde audio voces, quid tamen illis subsit boni sensus, non intelligo. Quid enim est amplitudo, siue infinitas, aut immensitas, prout per eam quis est sui? Quid inquam est in re libera eam esse sui, quod non sit in re quā libertas deficiat? Omne quidem suppositū, est sui nō alterius: nec aliter videtur supposititalitatis ratio exponi posse legitimè, quàm quod rem completè subsistentem donet larium priorum iure in mundana ciuitate, faciātque sui esse non alterius. An ergo omne suppositum est liberum? Confirmo, ne ipsum quidem aduersarium intelligere, quid sit in re libera eam esse sui, quod non insit rei non liberæ, nisi admittat, rem liberam esse quæ est sui iuris, hoc est quæ obtinet dominium & potestatem in actiones suas, & indifferentiam actiuam ad eas profundendas vel omitendas. Hoc si fateatur aduersarius, in primis seipsum miserè iugulat, & in sententiam quam toto opere fœdè proscindit, fœdiùs relabitur. Deinde ineptè planè, & contra dialecticarum regularum prima elementa, illocalitati vel amplitudini locali adiungit differentiam restringentem, planè extraneam, nempe *esse sui*: quod non est leuius peccatum in definitionis compactione, & quidditatis expressione, quàm cum humano capiti ceruix equina subnectitur: aut ratio sensitiui non per

CONTRA NOVAM LIBERTATIS QUIDDITATEM. 47
tale sensitivum peculiare, sed per differentiam lapidis
truncive restringitur. Præterea intelligentia puncta-
liter locata, ac etiam posito quòd non posset localiter
diffundi & plusquàm puncto correspondere, non mi-
nus esset sui, verèque libera, quàm cum spatio coapta-
tur: constatque eas intelligentias non esse liberiores
quæ sunt diffusiores, possuntque protendi & exporri-
gi latius. Dissimulo quanto iure aduersarius infinita-
tem cum immensitate permisceat; quas esse, vt voci-
bus, ita & rationibus formalibus seiunctissimas, no-
runt inter Philosophos ac Theologos, vel qui non-
dum ærelauantur.

*Ratio tertia, quia in Deo & beatis, est amplitudo
absque libertate.*

VI. TERTIÒ argumentor, quia quomodocum-
que sumendo amplitudinem qua libertas constitui-
tur, prout tamen est aliquid derivatum ex adhæsi-
one cum Deo, perfectissimè competit ipsi Deo ad seipsum
comparato, siue spectetur prout ad extra operatur
profundendo creaturas, siue spectetur prout Pater ad
intra Filium progignit; rursusque Pater & Filius pro-
ducunt Spiritum sanctum. In his siquidem omnibus,
Deus est sibi vnitissimus, & sibi ipsi maximè adhæret,
ac proinde summa & ultra quàm concipi possit im-
mensa amplitudine potiri debet, iuxta aduersarij prin-
cipia. Neque tamen Deus erga creaturas intelligitur
liber esse ob amplitudinem vllam suam, sed quia eas
procreare potest vel non procreare, prout diuina de-
terminatio tulerit. Multo minus Deus ad intra liber

est, quantiscunque intra se spatijs diffusus, per seipsum oberret cogitatione vel amore, nuspiam arctandus, nuspiam angustijs premendus. Beati quoque, qui maximè omnium quantum creaturis fas est, Deo adhærent, tantùm abest vt ex ea adhæsiōe consequantur amplitudinem libertatis constitutiua, vt potius in ea adhæsiōe necessitentur, & non liberi sed abrepti ferantur in Deum, necessitate felici.

VII. Respondet aduersarius lib. 2. cap. 2. 3. & 4. Deum & ad extra & ad intra esse liberrimum, quia ponitur summa amplitudine, inde deriuata quòd semper sibi adhæreat coniunctissimè. Et vt libertas ad intra quæ impeditior videtur, lucem accipiat, præmittit capite illo 2. n. 1. mentis suæ non esse affirmare, liberum esse Deo sese intra semetipsum communicare ac diffundere: sed esse quidem Deum in sui communicatione liberum, non tamen liberum illi esse vt secundùm illam se communicet: quæ duo longè discrepare obseruat. Itaque vt addit cap. 3. n. 3. quamuis Deus libertatem suam circa solas creaturas exerceat, tamen liberrimus est respectu sui ipsius, quatenus est omnino independens, & omnibus supereminens. Eadem ex causa, libertatem veram agnoscit in diuinis processionibus internis, vt in spiratione Spiritus sancti, quam cum Scoto liberam censet, non ob Scoti fundamentum, sed quia eximitur ab omni subiectione ac seruitute. Et quamuis à sola coactione eximeretur, liberam tamen verè ac propriè fore, censet autor ibidem num. 5. Quinetiam lib. 1. c. 8. n. 2. ex Augustino eruere se putat, generationem quoque diuini verbi, & vitam

Dei

CONTRA NOVAM LIBERTATIS QVIDDITATEM. 49
Dei ac præscientiam esse actiones liberas, etsi cum om-
nimoda essendi necessitate coniunctas. Quod repetit
lib. 2. c. 2. n. 2.

Beatorum verò libertatem quam in calce argumen-
tationis nostræ inficiabamur, autor è contra habet pro
exploratissima. Quod cum infinities inculcet, tum
perspicue lib. 1. c. 6. n. 10. & 11. & ijs libri secundica-
pitibus quæ proximè allegabamus. Nam capite 2.
n. 6. humanam libertatem per omnes gradus compa-
rationis positivum, comparativum, ac superlativum
deducens, verticem libertatis tribuit statui beatorum
plenè ac perfectè potentium Deo, & ab eo ne leuiter
quidem deijcibilium. Eadem iterat cap. 3. n. 6. addens
insuper, libertatem qua beati in fine obtento con-
quiescunt, summam esse, quia actus formaliter beatus,
non est actus quo beati transmittant sese vel transmit-
tantur in finem: sed est actio Dei in nobis, qua ad cen-
trum nostrum perducimur, quam S. Augustinus lib. de
corrupt. & grat. vocat libertatem nouissimam, & qua-
cunq; alia maiorem fore pronunciat.

*Reiecta noua explicatio diuina libertatis ad extra,
& ad intra.*

VIII. Hæ aduersarij responsiones argumentum
nostrum non infirmant. Nam Deum esse ad extra li-
berum quia omnia propter seipsum vult & facit, falsis-
simum est, si nomine *liberi* intelligatur quod intelligi
debet, non autem quod aduersarius gratis comminil-
citur arte nouata mutandi appellationes rerum, quæ
nullo modo difficultates euacuat, cum quantalibet fa-

ita vocabulorum mutatione, semper supersit lis de significato passim substrato voci *Libertas*. de quo significato, non autem de vocis cortice, debet esse hæc disputatio.

Ne ergo frustra tricemur, obseruo, quæcunque tandem sit libertatis germana notio, certum tamen esse; Deum ita voluisse condere mundum, vt potuerit velle non condere; id quod passim appellant diuinam libertatem circa externa. Monstrandum ergo aduersario est, quomodo volitio condendi mundum inextiterit Deo, & tamen potuerit quoque Deus salua immutabilitate sua, nolle mundum condere. Nos impeditißimum hunc nodum ita expeditus cum communi sententia, vt dicamus, Deum respectu actus sui externi esse liberrimum, quia potest eum profundere vel non profundere, habetque in eum plenam potestatem atque dominium. Et quamuis Deus in actum suum volendi, à quo pendet libertas actus externi, non habeat potestatem aut dominium, (est enim actus ille ipsemet Deus, qui nulli ac ne sibi quidem subest, vt in Natur. Theolog. Dist. 7. n. 151. monstrare memini contra Philonem, & Eunomium.) Tamen satis est quòd possit ad externam actionem, suum illum internum actum terminare vel non terminare, absque vlla eius mutatione, vt rectè vidit Ferrar. 1. contra gent. cap. 68: Quod est, Deum ad extraliberum esse ratione potestatis prædictæ, & ratione indifferentiæ ad terminationem actus interni circa externam actionem, vt explicatum est. Ergo argumentum quod confecimus, non expeditur ab aduersario, cum dimissa ea indifferentia

CONTRA NOVAM LIBERTATIS QUIDDITATEM. SI
quæ in Deo monstranda fuerat, (siue rectè appelleretur
libertas, siue non, de quo cum eo nunc rixari nolu-
mus, longè aliò rem auertit, & novam libertatis no-
tionem cudit, iuxta quam Deum liberum appellet.
Quærimus ergo vt ex ea amplitudine quâ statuit esse
rationem libertatis, ostendat quomodo Deus ita vo-
luerit mundum condere, vt potuerit nolle condere,
quod in ea amplitudine sistendo, nunquam monstra-
bit. Nos verò id ex eo monstramus, quòd Deus ha-
beat indifferentiam actiuam, ratione cuius potest actio-
nem externam elicere vel omittere. Igitur cum in hoc
sita sit quæ passim dicitur libertas, aduersarius non po-
test eam in Deo ostendere respectu obiectorum Deo
extrinsecorum, adducendo Dei amplitudinem ex ad-
hæsiōe quam secum habet operando ad extra.

I X. Sed neque fas est dicere, Deum esse ad intra li-
berum, ratione eiusdem amplitudinis & adhæsiōis,
quia ea amplitudo & adhæsiō nihil iuuant vt intelli-
gamus Deum potuisse ad intra non producere: quod
tamen monstrandum fuisset, vt astrueretur id de quo
quæritur, nempe cadere in Deum ad intra, id quod pas-
sim, (siue benè siue malè,) appellatur libertas. Quia
enim eam indifferentiam producendi aut non produ-
cendi, in Deo ad intra non agnouerunt Theologi,
propterea passim negarunt Deum esse ad intra libe-
rum, etiamsi amplitudinem & adhæsiōem Dei se-
cum in processionibus internis non ignorarent, rati
eam nihil referre ad libertatem de qua quærebatur,
quia ea amplitudine & adhæsiōe non obstante, pro-
cessiones internæ non ita sunt à Deo, vt potuerint ab

eo non esse. Pauci quidem scholastici, vt Scotus, & nonnulli ex eius partiaris, dixerunt processionem Spiritus sancti liberam esse, sed malè ab autore pro sua noua sententia allegantur: quia rationem illius libertatis qua donant eam processionem, nequaquam petunt ex amplitudine aut adhæsione cum Deo, sed ex eo quòd processio illa sit à principio intrinseco præsupposita cognitione singulorum in quibus est actus, quæ est definitio voluntarij pressè accepti & libero anterioris. Vnde sumunt liberum pro voluntario, eaque ratione rectè dicunt, processionem illam esse liberam, non autem ea ratione qua aduersario placuit eam liberam appellare. Antiqui eam impropriad libertatem cum ratione voluntarij recurrentem, vocabant *libertatem complacentia*, vt notat Angelus c. i. mor. t. 2. notab. 2. & Almainus tract. 1. moral. c. 1. notab. 3. aduertens eam libertatem non esse moralitatis fundamentum, atque adeò semouendam esse à tractatione morali ad quam libertas propria maximè pertinet. Ac ne in hoc quidem improprio sensu, quisquam hactenus ante autorem excepto Vvicleffo 3. Trialogi c. 28. apud Vvald. 1. doct. c. 22. n. 5. liberam appellauit vel appellare potuit processionem filij sumptam intrinsecè ac per seipsam, quia non est per voluntatem cui præsupponitur notitia. Et immeritò allegatur D. Augustinus tanquam autor illius modi loquendi, quem reuerentiusquam vel adhibet vel insinuat. Esto obiectiuè, seu prout generatio terminat volitionem Patris necessariam, (vult enim Pater æternus, esse, atque adeò etiam generare,) generatio filij à quibusdam dicta interdum

CONTRA NOVAM LIBERTATIS QUIDDITATEM. 53
fit voluntaria, non tamen intrinsecè ac per seipsam si-
ue eo voluntarij modo qui dicitur causalis. At hoc est
illud voluntarium, quod latè v'surpata voce, liberum
quandoque nominatur. Quod verò iuxta aduersa-
rium, ad libertatem propriè dictam processioneis Spiri-
tus sancti, potest sufficere eius exemptio à coactione,
est planè falsum: quia vt infra dicam contra Caluinum,
qui auctori hac in parte præiuit, exemptio à coactione
cadit etiam in bruta, nec sufficit ad libertatem propriè
dictam.

X. Porro aduersarius, ita de diuina libertate, in sen-
su apud ipsum solum obuius philosophatus est, vt ta-
men iuxta receptam quoque libertatis notionem, vel-
le videatur Deum liberum esse: non quòd liberum sit
Deo sese intra semetipsum communicare ac diffunde-
re, (hoc enim reiicit vt vidimus,) sed quod communi-
catio eius intra semetipsum, sit liberrima; atque hæc
duo discrepare quàm longissimè. *Liber est Deus in
sui communicatione: Et, liberum est Deo vt secundum il-
lam communicationem se communicet.* Ego verò ingenuè
profiteor, postquàm duo illa in omnem partem versa-
ui, nullum mihi inter ea subluere discrimen; nec satis
dispicere, (quæ mei visus suppressio est præ aduersarij
perspicacissima acie,) quomodò si Deus in sui com-
municatione liberrimus est, vt aduersarius affirmat,
non sit ea sui communicatio libera Deo. Nam ali-
quem liberum esse in agendo, & actionem esse illi li-
beram, synonyma sunt. Ergo cum paritas & proportio
omnimoda interueniat, (est enim actio quoque com-
municatio quædam, tametsi cum distinctione naturæ

inter causam & effectum) fatendum est si Deus liber est in sui communicatione vt aduersarius admittit, liberam quoque esse Deo communicationem illam, quod aduersarius negat verbis illis, *Non est liberum Deo, vt secundum illam communicationem se communicet.* Vbi dissimulo implexam battologiam. Quid enim est *secundum illam communicationem se communicet*? Æquè quadrat quod ex aduersario addebam, libertatem Dei ad intra, non esse secundum exercitium sed secundum statum. At cum status libertatis iuxta autorem, sit libertatis actus primus, & esse ac posse præuium ad agere actu, quomodò ponit in Deo statum libertatis, qui intrinsicè & essentialiter spectat actum secundum qui eliciatur conformiter ad actum primum, & tamen negat in Deum cadere actum secundum? Hæc sanè manifestè repugnant, habere Deum potentiam ad actum, nec tamen posse habere actum illum quem potentia essentialiter connotat. Perinde ac si dicerem, alicui inesse visum qui est potentia eliciendi visionem, nec tamen posse videre: nam hoc ipsum est, actum videndi non posse in eum cadere. Neque verò constans est aduersarius in negando exercitio diuinæ libertatis ad intra. Illud enim admittit lib. 2. c. 2. n. 6.

*Explosa noua libertas beatorum, circa
Dei amorem.*

XI. De prætensa ab eo libertate beatorum circa Dei amorem, eadem propè dicenda sunt quæ de diuina libertate. Nimirum iuxta receptam libertatis notionem de qua disputandum est, quicquid sit de vocibus, eos

CONTRA NOVAM LIBERTATIS QUIDDITATEM. 55
nullo modo esse liberos in eo actu: quæ est communis
Doctorum sententia apud Valentiam. l. 2. d. 1. q. 4. p. 1.
Itaque cum argumentum tertium quod confecimus,
supponat notionem prædictam; non infirmatur ab
aduersario; rem auocante ad aliud genus libertatis om-
nibus retrò Doctoribus incompertæ, de quo non que-
rebatur, imò quod ex supposita illa libertatis notione
euertebatur. Quod autem aduersarius, amorem bea-
tificum ait esse actionem Dei in nobis, pertinet ad ob-
soletam paucorum Nominalium Theologiam passim
à recentioribus explosam: Quinimò communissima
nunc sententia fert, impossibile esse vt actus vitales ef-
ficientur quocunque modo in nobis sine nobis Physi-
cè coefficientibus, de quo plenius qui cum Vega dis-
putant quoad effectiorem actuum gratiæ præue-
nientis.

Cœterum quod nego beatis libertatem circa Dei
amorem, non ita accipi volo, quasi beati circa nihil
aliud vera libertate potiantur, & nullo modo sint acti-
uè indifferentes, quod aduersarius lib. 2. c. 27. d. 1. & 2.
malè contendit iuxta nos esse necessariò admitten-
dum. Argumentum eius est, quia sancti nihil velle aut
agere queunt nisi attendendo ad Deum clarè visum,
in quo illis omnia sunt euidentia, ac proinde exulat ab
eis indifferentia culpæ expers, quæ ignoratiōem sup-
ponit. Illam verò aliam agendi & non agendi indiffe-
rentiam quæ culpam continet, qualis est eorum qui-
bus perinde est, siue Deo adhæreant siue non adha-
reant, constat non cadere in beatos. Hoc argumen-
tum inane est. Nam quamuis beati nihil possint velle

nisi attendendo ad Deum clarè visum, id est, nulla ratione queant à præscripto diuinæ voluntatis discedere, in plerisque tamen operibus, de quibus nullum illis propositum est diuinum decretum, & quæ æquè ad Dei gloriam commoda possunt videri, siue suscipiantur siue omittantur, salua illis est indifferentia actiua. Non igitur tenemur diffiteri omnem planè, veræ libertatis siue indifferentiæ actiue vsum in beatis, quoad omnia, etiam si eam negemus quoad amorem Dei clarè visi, & ea quæ cum illo nexa sunt, in quibus aduersarius florem libertatis agnoscebat, repugnante disertè S. Thoma quæst. 22. de verit. artic. 8. *sub finem corporis.*

Argumentum quartum ex suspensione actus.

XII. QVARTÒ principaliter argumentor, quia suspensio actus cum posses agere, est aliquid liberum, vt benè expendit Gerſo tract. de perfect. cordis parte 2. *sub initium.* nemòque de hoc dubitet, qui meminerit laudatum in scripturis fuisse eum qui potuit transgredi & non est transgressus, facere mala & non fecit; quæ laus immeritò exhiberetur, nisi suspensio actus qui poni potuit & consultò prætermittitur, libera esset. Atqui in huiusmodi suspensione non apparet amplitudo vlla, cum sit negatio mera, nec vllam potentiæ exporrectionem ad operationem contineat: Non igitur verum est, libertatem posse exponi per amplitudinem.

Responderi potest ex doctrina autoris lib. 2. c. 11. n. 8. suspensionem actus non pertinere ad formalem libertatis

CONTRA NOVAM LIBERTATIS QUIDDITATEM. 57
libertatis rationem. Imò perperam ad eius explica-
tionem vsurpari, quia perspicuum est, Deum qui liber-
rimè mundum conseruat, non posse supposito decre-
to suo resilire ab actu quo mundum conseruare decre-
uit, quia sic statueretur in luce Dei, vicissitudinis
obumbratio: & tamen Deus liberrimè agit, quia sola
sua bonitate ducitur ad operandum: Igitur libertas
non est exponenda per facultatem desistendi ab actu,
quæ in Deum licet liberè agentem non cadit, sed per
ordinem ad bonum amplissimum, quod & Deo
semper, & nobis quoties liberè agimus, obuersa-
tur. Hîc aduersarius irremeabile hypobrichium ijs
qui libertatem per desistendi potentiam explicant,
auguratur.

Sed contra, quia nulla ratione negari potest, quin
facultas desistendi ab opere, spectet formaliter ac dire-
ctè ad libertatem; alioqui suspensio illa destitueretur
libertate; nec esset laudis argumentum, cum sermo est
de abstinentia à prauo opere; neque vituperio esset ob-
noxia, cum agitur de omissione actus præcepti. Hæc
ex ipsis terminis videntur euidentia, vt non sit cur in
eorum pleniori siue illustratione siue confirmatione,
tempus & operam frustra teramus. Exemplum verò
quo aduersarius nos vrget, nullo modo nobis incom-
modat. Nam quamuis vltro demus non posse Deum
ab actu suo desistere; (actus enim ille est ipsemet Deus,
& æternitate ac immutabilitate potitur, non minus
quàm essentia cui aduenire intelligitur.) Tamen liber-
tas Dei non est explicanda per positionem & desitio-
nem actus, quæ locum in eo non habet ob summam

necessitatem essendi & indefectibilitatem, sed explicanda est per terminationem vel non terminationem actus illius necessarij quoad esse: quia actus entitatiuè necessarius potest iuxta Dei beneplacitum terminari ad obiectum creatum, vel ad illud non terminari. Quod autem posito semel diuino decreto & terminatione ad aliquid, non possit Deus ab ea actus sui terminatione desistere, non lædit diuinam libertatem, quia est tantum necessitas ex suppositione quæ cum libertate aptè cohæret, quatenus prius natura quàm intelligamus terminationem illam poni, intelligimus in potestate Dei esse, illam non pondere. Sicut nos quamuis non possimus non elicere actum quem elicimus, posito quod nos ad eum determinauerimus, liberè tamen operamur, quia prius natura quàm eam determinationem poneremus, in potestate habuimus eam non ponere iuxta doctrinam Scoti in 2. d. 1. q. 2. *litera E.* & in 3. d. 18. *litera H.* alibi stabilitam, agendo de libertate in ipso operationis exercitio.

*Quintum argumentum ex proportionem ad
libertatem ciuilem.*

XIII. QUINTO principaliter argumentor ex proportionem ad libertatem ciuilem, cuius hæc definitio traditur lib. 4. ff. de statu hom. & §. 1. Instit. de iure person. *Libertas est naturalis facultas eius quod cuique facere liber, nisi quod vi aut iure prohibetur.* Et è contra, seruitus ciuilis, est addictio personæ ad alterius voluntatem, negato ei ciuilitè voluntatis propriæ dominio. Quæ

CONTRA NOVAM LIBERTATIS QUIDDITATEM. 59
causa est, cur seruus quia propria voluntate non regi-
tur, propria quoque ratione practica quasi destitutus
habeatur: quia tanquam nulla censetur ratio practica,
quæ dictamina non profert regendæ voluntati ac-
commodata. Vnde non abs re serui, veluti voluntatis
proprie atque adeo etiam proprii intellectus practici
expertes, habentur pro nullis l. *quod attinet*. ff. de reg. iu-
ris, & l. *si seruus*. ff. de iure deliber. Et pulchrè l. *lege*
Aquila. ff. ad l. *Aquil*. vbi serui exæquantur quadrupe-
dibus. Alibi dicuntur *non personæ*. Fauet Aristoteles. 1.
Polit. c. 3. iuxta quem propriè & secundum naturam
seruus est, qui rationis eo vsque tantum est particeps,
vt illam potius sentiat quàm habeat: vnde alterius, ra-
tione plena vtentis, arbitrio regi debet, eique per om-
nia subesse, quod vt Poëta disputat apud Platonem 6.
de leg. ijs Iupiter mentis dimidium abstulerit, qui ad
seruitutem sunt destinati. Refert ea quoque carmina
Athenæus l. 6. dipnosoph. c. 7. Cum ergo seruitus ciui-
lis contineatur ereptione potestatis ciuilitè expeditæ
ad agendum quod lubet, & dependentia à nutu alie-
no, siue ab aliena determinatione; necesse è contra est,
libertatem ciuilem contineri ea potestate in proprium
actum, & exclusionem determinationis extrinsecæ. Ita
vt sicut seruus; quamuis Physicè loquendo possit ali-
ter se gerere, tamen ciuilitè, & spectato iure quo per
seruitutem astringitur, non potest suoptè nutu & pro-
pria determinatione ferri; & idcirco seruus dicitur: sic
homo idcirco dicatur & sit ciuilitè liber, quia nullius
alterius determinationi subiaceret, sed quò libuerit fer-
tur, nullius astrictus voluntati. Vtrunque præclarè

expressit, & ad mores aptauit Iulianus Imperator Apostata orat. 6. quæ est *in Cynicos imperitos*.

Atqui libertas Physica quæ est moralitatis fundamentum, explicari proportionem debet eodem modo quo ciuilis, vt per se patet ex eadem vtriusque determinatione: vtrique ob non dissimilem rationem, & proportionalem vtriusque quidditatem. Ergo libertas Physica siue propriè dicta, & meritum vel demeritum fundans, de qua disputamus, debet exponi per facultatem determinandi seipsum, vel per potestatem agendi quod libuerit illudve omittendi, non autem per amplitudinem & eminentiam, coherentem cum determinatione ab alio. Sicut absurdè hominem ciuilitè liberum quis describeret, dicendo eum esse ciuilitè liberum qui amplius est & eminens; cum possint aliqui neque eminentes esse, & tamen esse ciuilitè liberi, quia nec aliena viuunt quadra, nec lege reguntur.

Non dispar argumentum formare quis possit, ex metaphorica & proportionali ferarum & auium libertate. Quod enim ex varijs iuribus tradit Brissonius ad tit. de verb. signific. Libertas, etiam feris & auibus tribuitur. Vnde naturali libertate potiri, eamve recipere feræ & aues dicuntur, cum in suam naturalem exsolutionem perueniunt, non coërcitæ humana custodia. Ita habetur l. possideri. ff. de acquir. possess. §. item feras. Et §. Fera, Instit. de rerum diuis. Cum igitur libertas nostra quæ est primarium libertatis analogatum, debeat conuenientiam habere cum hoc minus præcipuo analogato, (alioqui enim idem nomen participare non deberet,) rectè sequitur si aliqualis brutorum

ORBIS VNIVERSVS CONTRA AMPLITVDINEM. 61
libertas in exsolutione sita est , & nostram quoque
in ea consistere.

CAPVT III.

*Vox orbis vniuersi aduersus prædictam formalem
libertatis rationem à noua sententia
propositam.*

I.



N extremo agmine rationum contra formalem libertatis rationem hætenus improbatam, colloco argumentum quod à communi apud omnes gentes per omnes ætates, libertatis notione desumitur, quod nemo non videt esse potentissimum, & vt Tertullianus l. de testimon. animæ c. i. scitè dixit, *Omni literatura notius, omni doctrina agitatius, omni editione vulgatius, toto homine maius.* Neque enim verisimile vlllo pacto est, omnes ad hanc diem ab omni retrò ætate homines, hallucinatos esse, eam formando libertatis notionem, quæ reuera sit incongrua, & rei non quadret. Nec quisquam adeò de se suoque ingenio præfidenter & arroganter statuat, vt erroris conuicta omnium mortalium vnanimi consensione, abolitis omnibus vbilibet receptis loquendi modis, omnibúsque dictionarijs hac in parte suppressis, ius sibi esse velit, adigere homines vniuersos ad nouum sensum efformandum, & linguam quam non nouerant audiendam. Itaque si monstrauero, omnes

hactenus sapientes, ipsumque etiam vulgus, libertatem appellasse, non amplitudinem nescio quam ex adhesionem cum Deo, sed facultatem actus sui dominam; quæ scilicet possit pro libito quippiam facere vel omittere, rem effecero commodissimam ad impugnationem nouæ sententiæ, & veritatis stabilitionem. Et vt falsitas quoque veritati hac in parte suffragetur, præter sapientes Ethnicos & Christianos, ad extremum hæreticos quoque aduocabo, memor prudentissimè dictum à Nouatiano c. 18. de Trinit. *Firmum est genus probationis, quod etiam ab aduersario sumitur, vt veritas etiam ab ipsis inimicis veritatis probetur.*

Vulgata libertatis notio, probata Philosophis.

II. Certissimum ergo est, omnes hactenus nomine libertatis meritum aut demeritum fundantis, vel nomine liberi arbitrij, intellexisse potentiam vtrolibet flexilem pro innata sibi potestate: vt aliam libertatis veræ notionem, ne fingi quidem posse, supponat Dionys. Cisterc. in 2. d. 24. q. 1. artic. 1. conclus. 5. Et esse eam quam proposui libertatis notionem, planè ab omnibus nemine discrepante receptam, statuit Ferrar. lib. de Euangel. libert. c. 1. initio. Ipsos terminos eam notionem manifestè præferre, obseruat Catharinus in c. 4. Genes. ad illud, *Sub te erit appetitus tuus.* Hoc inter Ethnicos fuisse peruulgatissimum, latè ostendi in Morali dist. 2. à n. 217. Quod si peculiariter exquiratur sensus Græcorum, apud quos ferè pedem fixit Ethnica philosophia, sufficiunt voces queis exprimunt principium liberum & affectus liberos. Vocant enim princi-

ORBIS VNIVERSVS CONTRA AMPLITVDINEM. 63
pium liberum, αὐτὸν ἐξέσται. Quæ vox idem sonat quod
sui potentem, ac dominum actionis suæ, vt infra ex
Nemesio & Damasceno docebo. Effectus verò libe-
ros vocant Græci τὰ ἐφ' ἡμῶν, quæ in nobis. Id est quæ
in nostra sunt potestate, quæ nostro arbitrio sunt reli-
cta, ita vt ea facere possimus vel omittere. Ita enim
eam vocem interpretatur Damascenus 2. fid. c. 26. Igi-
tur libertas apud omnes Græcos sonat potestatem
agendi vel non agendi, non autem amplitudinem ex
adhæsiōe cum Deo sine nostro.

Nominatim verò Platonem laudat Theodoretus
lib. 5. contra Græcos, quod hominem liberum fecerit.
Quid autem sit *hoc esse liberum*, ita ex Platone exprimit
Theodoretus. *Plato liberam esse animam sensit, domi-
nāque eorum quibus perturbetur affectuum, spontēque ip-
sam sua huc atque illhuc agitari, suæ demum voluntati re-
ferre acceptum quod vincat, quodque succumbat.* Clemens
item Alexandrinus 5 strom. ex Platone l. 10. de Repub.
ait, liberum arbitrium esse, *non parere alterius dominio,*
*sed esse sui metipsum dominum, faciendo aut omittendi-
do quod libuerit.* Zeno apud Laërtium, libertatem de-
finit, *potestatem operandi pro libito.* ἐξ ὧν αὐτὸν ἐξέσται.
Demum Alcinous, (quem Eusebius vocat Arrium Di-
dymum,) in breuiario doct. Platon. cap. 19. hæc verba
habet ex Platonis mente. *Liber animus est: hoc quid sit,*
exponunt quæ sequuntur, atque in eius potestate est si-
tum, illa agere vel non agere, nec ad ea, vlla necessitate cogi-
tur. Struices præterea Ethnicorum, qui eodem modo
expresserunt libertatem, exhibet Strobæus in eclogis
Ethnicis cap. ultimo, quod est τὸ ἐφ' ἡμῶν. Ealo-

ca ne hîc frustra exscribantur, licebit inde repetere. De
notione itaque libertatis apud Ethnicos receptæ, pla-
nè liquet.

*Item Patribus sub nomine potestatis ad
vtrumlibet.*

III. Venio ad nostros, quibus hanc quam dixi liber-
tatis notionem fuisse probatam, possum per omnia
Christiana secula, (ne anteriora replicem,) euidenter
conuincere. Videantur Patres ac DD. quos pro liberi
arbitrij assertionem plenè aciebus ex Orientis & Occi-
dents Ecclesia, producit Bellarminus lib. 4. de grat. &
lib. arbitr. à cap. 8. & lib. 5. à cap. 24. & signatis distinctè
annis queis floruerunt, Iodocus Coccius tom. 2. lib. 1.
artic. 5. E tam multis, vix est qui libertatem non ex-
plicet, vel per potentiàm agendi vel non agendi sim-
pliciter & absolutè, vel per potentiàm ad opposita, vel
per facultatem agendi benè & malè: & cum talem ali-
quam potentiàm aut facultatem homini adscribunt,
eam insigniunt nomine libertatis. Quæ omnia planè
conuellunt notionem libertatis ab aduersario prola-
tam, cum ait, libertatem esse ampliè ordinem ex adhæ-
sione cum Deo. Volo ex innumeris qui vbiuis pro-
stant, paucos duntaxat appendere, & ex ijs qui liberta-
tem declarant per facultatem vtrolibet flexilem, & ex
ijs qui libertatem nostram exponunt per potestatem
benè aut malè agendi.

S. Clemens Romanus epistol. 3. *Si quis audiens ser-
monem veri Propheta velit recipere, aut nolit amplecti
onus eius, habet in sua potestate; liberi enim sumus arbitrij.*

Et mox.

ORBIS VNIVERSVS CONTRA AMPLITVDINEM. 65
Et mox. *Quia liberum est animo in quam velit partem de-
clinare iudicium suum, & quam probauerit eligere viam,
constat euidenter inesse hominibus arbitrij libertatem.*

S. Irenæus lib. 4. aduersus hæres. c. 9. *Homo rationa-
bilis, & secundum hoc similis Deo, liber in arbitrio factus
& sua potestatis, ipse sibi causa est vt aliquando quidem
frumentum, aliquando autem palea fiat. Quapropter iuste
condemnabitur.*

Clemens Alexandrinus 7. Strom. *Neque verò inui-
tus saluus erit is qui fit saluus; non est enim inanimis, sed
omnino voluntarie & libero animi arbitrio contendet ad sa-
lutem. Quocirca præcepta quoque homo accepit, vt qui ex
se moueri & incitari possit ad vtrum velit ex ijs quæ sunt
eligenda & fugienda. Plurima ex eo similia notauit
Fcuard. ad citatum S. Irenæi caput.*

Tertullianus lib. 2. in Marcio. cap. 6. *Oportebat ima-
ginem & similitudinem Dei, liberi arbitrij & sua potesta-
tis institui, in qua hoc ipsum imago & similitudo Dei depu-
taretur, arbitrij scilicet libertas & potestas, in quam rem ea
substantia homini accommodata est, quæ huius status esset,
afflatus Dei, vtrique liberi & sua potestatis. Et mox: To-
ta ergo libertas arbitrij in vtramque partem concessa est illi,
vt sui dominus constanter occurreret.*

Nouatianus lib. de Trinit. cap. 1. *Cum omnia in ser-
uitutem illi dedisset, Deus homini, solum liberum esse vo-
luit. Et ne in periculum caderet rursus soluta libertas,
mandatum posuit. Et mox: Nam & liber esse debuerat,
ne incongruenter Dei imago seruiret; & lex addenda, ne
vsque ad contemptum dantis, libertas effrænata prorumpere-
ret: vt & præmia condigna & merita pænarum conse-*

quenter exciperet, suum iam habens illud quod motu mentis in alterutram partem agitare voluisset.

Arnobius lib. 2. n. 58. cum dixisset Deum sub nostri iuris arbitrio fructum suæ benignitatis exposuisse, addit ex Platone: Sortem vitæ eligendi, nulli est Deus causa, neque alterius voluntas adscribi potest cuiquam rectè, cum voluntatis libertas in ipsius sit posita potestate qui voluit.

S. Athanasius homil. de semine. Habet quiddam admirabile agricolæ Ecclesiastici sermo, ut potè qui & Zizania frumenta efficiat, prout eorum voluntas fuerit. Cum enim vltroneus sit hominum motus, & sui arbitrii mens, in te situm est, velisne temetipsum lolium fieri & pabulum brutorum animalium, an potius in frumentum mutari. Et orat. contra gentes. Anima liberum sui ius arbitrii, tumque intuetur, sentitque se in vtramque partem corporeis membris uti posse; tum ad ea quæ sunt, tum ad ea quæ non sunt. Ea autem quæ sunt appello bona, quæ non sunt mala.

S. Basilius in Psalm. 61. Liberum arbitrium stateram nominauit David, quod momentum æquale ad vtrumlibet possit capere. Et homil. quòd Deus non sit autor malorum: Anima libero facta est arbitrio, quod creatura rationis participi maxime conueniebat. Soluta enim hac omni necessitate, & vitam in sua potestate constitutam ex Deo accipiens propterea quod ad imaginem eius creata est, bonum quidem intelligit & iucunditatem illius nouit, potestatemque habet ac facultatem in boni contemplatione & spiritualium fruitione manendi, ac vitam sibi connaturalem conseruandi: habet autem & à bono deflectendi facultatem.

Nazianzenus orat. 1. *Summa ac singularis Dei bonitatis argumentum est, facere ut virtus, nostra quoque aliqua ex parte sit, nec natura tantum nobis inseratur, sed etiam per voluntatem liberique arbitrij in utramque partem agitationes excolatur.* Et Iambico 15. *Quo volo moueri, liberum arbitrium voco.*

Theophilus Alexandr. epist. 3. Pasch. *Non ambigitur, quin in utramque partem, faciendi vel non faciendi bona, habeamus liberam facultatem.*

Nemesius, aut ut alij censuerunt, Gregorius Nyssenus, toto lib. 7. de Philosophia, hanc libertatis notionem ratam habet, ut superuacaneum sit futurum, plagulas decerpere.

S. Augustinus lib. 2. de peccato. merit. c. 18. *Arbitrium voluntatis, huc atque illuc liberum flectitur, atque in eis naturalibus bonis est, quibus & male uti malus potest.*

S. Cyrillus Alexand. lib. 2. in Ioan. c. 34. *Liberum hominis arbitrium, ad alterutrum, secundum animi sui iudicium potest proficisci.* Et lib. 9. cap. 10. *Rationali creatura liberam potestatem creator largitus est, & suae voluntatis habenas unicuique commisit, ut in eo sit, quicquid probauerit eligere.* Et lib. 1. contra Nestor. cap. 3. *Vnusquisque nostrum suae potestatis intelligitur, tanquam cui suae voluntatis à Deo permissae sint habenae.* Et lib. 8. in Iulia. ad textum 3. *Homo factus est sui iuris & liber, ac suae voluntatis momento transiens ad potestatem quaecunque vellet faciendi, siue bonum siue malum.* Tandem lib. 1. de adorat. non multis ab initio paginis. *Dicimus factum esse hominem ab initio eiusmodi, ut quamuis animum haberet peccato ac vitijs praestantior, non is tamen esset, ut in utramcunque*

partem vellet, flecti non posset. Etenim illi rerum vniuersarum optimo opifici Deo rectissimum est visum, propriae voluntatis habenas illi permittere, spontaneisque conatibus tribuere, id vt facerent quod sibi visum fuisset. Oportebat enim vt virtus, voluntate suscepta, non vi necessitatis coacta videretur. Non agit de statu supernaturali hominis: disertè enim paulò post ait, hæc pertinuisse ad propriae hominis naturæ rationes; cui diuina per gratiam similitudo postea accesserit.

Prudentius lib. 1. contra Symmach. epigr. 14. præferens hominem Soli, monstransque, Solem quod liber non sit vt homo, Deum non esse, sic canit, & libertatem flexili vtrolibet potestate describit.

Hic erit ergo Deus præscriptis lege sub vna

Deditus officijs? Libertas laxior ipsi

Concessa est homini, formam cui flectere vita

Atque voluntatis licitum est; seu tramite dextro

Scandere, seu lauo malit decurrere campo:

Sumere seu requiem, seu continuare laborem,

Seu parere Deo, siue in contraria verti.

Ista ministranti regimen solenne dierum

Haudquaquam Soli datur à Factore potestas.

Sed famulus subiectus, agit quodcunque necesse est.

Theodotus Ancyranus tom. 6. Conc. Ephes. cap. 10. homil. in Natali Saluat. hanc ipsam Prudentij ratiocinationem de hominis supra Solem prærogatiua, ob libertatem vtrolibet flexilem, oratione soluta, egregiè expressit. Locum dabo infrà cap. 5. cum de necessitatis & libertatis dissidio.

Prosper carmine de ingratis vers. 430.

*Sed quia iam in nobis & ve'lle & nolle creatum est,
Arbitrijque sui quo vult intendere motus,
Libertas accita potest: &c.*

Apud eundem Autor poëmatidis de prouid. v. 653.

*Coram adsunt aqua seruatrix, populator & ignis,
Ad quod vis, extende manum, pater aqua facultas.*

S. Faustus Rhegiensis lib. 1. de grat. & lib. arbit. cap. 10. *Sicut dexteram Deus in omni homine ipse formauit, sed in potestate hominis posuit, vt eam quò velleret, extenderet, & ad diuersa opera conferret; pari modo sensum rationis & arbitrium voluntatis, in vnamquamque animam inseruit, inspirauit, infudit; sed eam in manu humani consilij moderandam & exercendam reliquit, eiusque officia iuri hominis dominiòque commisit; vt si malum deprauatus appeteret, id arbitrij libertate permissum sibi sciret, licere nesciret: Si autem bonum cuperet, actionem & perfectionem eius à Conditorre deposceret, ad mercedem verò illius, officiosa deuotio pertineret. Et ideò hominis formator & rector, bonae voluntatis homini deputauit vsum, sibi reseruauit effectum. Non ergo aequum iustumque, vni velle concessit, & alteri denegauit: sed sicut omni homini manum, oculum, gressumque donauit; ita similiter omni homini voluntatem, vt eam in quamlibet partem versaret, indulgit. Hic autor, quem sanctitate clarum, & cœlitum honoribus decoratum, monstraui in tractatione de causa Valeriani Cemelienfis cap. 3. n. 2. in negotio gratiæ, suspectus non immeritò plerisque fuit, vt dixi in Censura censuræ libri de prædestinatione & gratia, n. 14. In negotio tamen libertatis, præsertimque notionis qua concipienda est libertas, malè nunquam audiuit. Vides tamen quàm*

graphice libertatem exprimat, per potestatem expeditam quaquauerfum.

IV. Possem innumeros alios libertatem nostram versatili ad vtrumlibet potestate definientes referre. Sed in re clara & passim obuia, mihi iam videor nimius. Quare plures ex hoc primo ordine referre fastidio. In altero ordine, hoc est eorum qui libertatem hominis explicant per potestatem ad bonum aut malum, innumerabiles item adduci possent, præter eos quorum testimonia iam recensuimus in primo ordine, ac præter vtrolibet flexilem facultatem qua libertatem metiuntur; ei quoque tribuunt posse ad bonum aut ad malum verti pro potestate. Paucos nunc seorsim notare sufficiet, ex quàm plurimis qui libertatem nostram per facultatem benè aut malè pro libito agendi declarant.

Athenagoras in legat. pro Christ. *Liberi arbitrij Angelis quoque in vtramque partem, voluntatem constituerat Deus, sicut & in hominibus liberam, & prauitatis & virtutis eligenda potestatem cernere est.*

Methodius in fragmento contra Origenem quod exscripsit S. Epiphan hæres. 64. *Quomodo animam liberum arbitrium habere in hoc mundo apparet? In nobis enim situm est, ut credamus & non credamus. Vbi autem in nobis situm est credere & non credere, in nobis rectè facere & peccare, in nobis bene facere & malè facere.*

S. Basilii in cap. 14. Esaiæ. *Ex suo ipsius proposito & libera voluntate, unusquisque esse potest semen sanctum, aut certè in diuersum abire.*

S. Epiphan. hæresi 16. quæ est Phariseorum, tra-

Etans illud Isaïæ. Si volueritis & audieritis me, bona terra comedetis, si verò nolueritis, &c. ita ex eo loco colligit. Quare omnibus manifestum est, clarumque ac minime ambiguum, quòd liberum arbitrium exhibuit nobis Deus per seipsum locutus, si volueritis & nolueritis. Quare circa hominem est, bona operari, aut malas res appetere.

S. Hieronymus epist. ad Damasum de filio prodigo. Solus Deus est in quem peccatum non cadit. Cætera cum sint liberi arbitrii, iuxta quod & homo ad imaginem & similitudinem Dei factus est, in vtramque partem, suam possunt flectere voluntatem. Et dialog 3. contra Pelag. Atticus Catholici personam sustinens, Critobulum Pelagianum sic affatur. Hoc est quod tibi in principio dixeram, in nostra esse possumus potestate vel peccare vel non peccare, & vel ad bonum vel ad malum extendere manum, ut liberum seruetur arbitrium.

S. Augustinus lib. 2. de gestis cum Felice cap. 3. & 4. multus est in hanc rem. Illud appositè habet præter cætera. Esse liberum arbitrium, atque inde peccare quemque si velit, non peccare si nolit, non solum in diuinis scripturis quas non intelligitis, sed etiam in verbis ipsius Manichæi tibi probo. Et mox. Habet quisque in voluntate, aut eligere quæ bona sunt, & esse arbor bona, aut eligere quæ mala, & esse arbor mala. Et cap. 8. ait aliquos per liberum arbitrium subdere se sanandos Deo optimo medico, & alios eius misericordiam per liberum arbitrium respicere; & idcirco illos præmiari, istos damnari.

Autor hypognostici apud August. lib. 3. Esse fate-mur liberum arbitrium omnibus hominibus, habens quidem iudicium rationis, non per quod sit idoneum quæ ad Deum

pertinent sine Deo aut inchoare aut certè peragere, sed tantùm in operibus vitæ præsentis, tam bonis quàm etiam malis.

S. Diadochus lib. de perfect. spiritu. cap. 5. *Liberi arbitrij potestas est voluntas animæ rationalis, quæ promptè mouetur quò velit: cui quidem tunc suadebimus vt ad bonum tantùm prompta sit, cum mali memoriam bonis cogitationibus consumpsimus.*

S. Damascenus 2. fid. cap. 26. prolatis operibus quæ in nostra sunt sita potestate, ait, inter ea esse quoque, *Virtutis & vitij opera: horum enim arbitrij libertatem per se, liberamque potestatem adepti sumus.* Et cap. 27. ait, in potestate libertatis esse, sequi appetitus, cõsue frænare. Et cap. 29. ait, Deum, mala neque discernere facienda, neque facta approbare, libertati tamen permittere vt ea eliciat. quod suaptè vi & versatili facultate potest.

S. Anastasius Sinaita cap. 2. Ducis viæ. *Liberum est, quod sui iuris est. Nam quod sub domino seu alieno iure est, hoc non est liberum. Libertas enim propriè est, omnis fræni & impedimenti expers potestas, persequendi id quod animo allubescit. Libertas animæ intellectuâli competit, & est concupiscibilis partis expedita, nullòque obice retardata ad virtutem vel malitiam propensio, & motio. Vbi verò malitia & virtus non obijciuntur, illhic libertas reperiri non potest. Quæ enim ratione libera eligendi facultas elucescat, nisi contrariorum oppositu?*

S. Bernardus serm. 81. in Cant. *Similem verbo animam facit arbitrij libertas. Ex hac nempe inest illi inter bonum & malum, necnon inter vitam & mortem, sed & nihilominus*

ORBIS VNIVERSVS CONTRA AMPLITVDINEM. 73
*nihilominus inter lucem & tenebras, & cognitio iudicij &
optio eligendi.*

V. Video in retam perspicua tàmque vbiuis obuia,
tempus à me propè insipienter còsumptum. Sed si fa-
ctus sum insipiens, aduersarius me coëgit. Protuli por-
rò in vtroque ordine, antiquos duntaxat. Cur autem è
posterioribus neminem nominatim censuerim addu-
cendum, multitudo facit, & quod ad vnum omnes
iam ab aliquot seculis antiquę libertatis notioni quam
proposuimus, adhæsisse constanter, sit extra dubium.
Id quod egregius aduersarij laudum præco, his verbis
prodidit in operis elogio. *Indifferentiam quam non Pla-
tonica, id est diuina, sed Peripatetica disceptatio in puram
putam libertatem iam pridem induxerat, hic autor ita elimi-
nat, vt mirum sit, eam aliquot retrò seculis, ADOLES-
CENTIORI SCHOLÆ vsque adeò placuisse. Licet
ne quid eruditioribus viris detrahatur, in eorum operi-
bus quod hîc propalatur dogma, delitescat velut in semine:
vel tanquam è silice, non mentis contentione tamen, sed at-
tentione, non præiudicando sed obaudiendo excudendum. At
nos silices tundere, & scintillas excudere, in tam lucu-
lenta flamma vbiq; excitata, non laboramus.*

*Errones quoque, vulgatam libertatis notionem
supposuerunt.*

VI. Satis de arguimento contra amplitudinem, ex
sapientum omnium, ipsiusque etiam innocui vulgi,
communissimo sensu. Nunc, vt me facturum, initio
recepti, legendæ sunt è spinis vuæ, & è tribulis ficus, ex
erronibus inquam & hæreticis educenda est hæc veri-

tas. Fatarij quidem iam olim, humanæ libertatis hostes habiti sunt, eoque nomine ab ipsis etiam Ethnicis profcissi, vt apud Eusebium legimus l. 6. de præpar. neque tamen nomine eius libertatis quam impetebant, aliud designabant, vt ibi initio capitis sexti discretè traditur, quàm absolutam agendi & non agendi potestatem, eaque ex causa ab Oenomaio Cynico, *venefici* dicti sunt, ab alijs autem alijs probris notati.

Sed quominus necesse sit erroneas longo iam situ putres ac marcidos reuocare in lucem, facit multitudo hostium libertatis quæ in his seculorum sæcibus ebulliuit, ducibus Luthero atque Caluino, duobus nequitiae primipilis. Hi ergo eorumque partiarj ad vnum omnes, quibuscum ad messem vsque crescere cogimur in his regionibus, vt proinde non possimus eorum sensa non callere, dissident à Catholicis quoad libertatem expeditam, quam Catholici ex Ecclesiæ præscripto tuentur, illi dissentuntur atque impugnant. Nihil autem impugnant aliud, quàm potestatem vtrolibet flexilem pro hominis voluntate. Audi Caluinum 2. Instit. cap. 2. *Censeo cauendas eas voces quæ absurdum aliquid sonant, præsertim vbi perniciosè erratur. Quotus autem quaso quisque est, qui dum assignari homini liberum arbitrium audit, non statim concipit illum esse & mentis suæ & voluntatis dominum, qui flectere se in vtramvis partem à seipso possit?* En quam libertatem neget Calvinus, & ob quam negatam impugnatur à Catholicis tanquam hostis libertatis. Quam impugnationem declinare non posset, si diceret, se quidem libertatem humanam tollere, sed eo nomine tantùm intelligere po-

ORBIS VNIVERSVS CONTRA AMPLITVDINEM. 75
testatem agendi aut non agendi pro voluntate; liber-
tatem tamen aliam quæ sita sit in amplitudine ex ad-
hæſione cum Deo, à se non conuelli. Hanc declina-
tionem, nemo non videt, inanem & cassam fore, cum
eo ipso quòd Calvinus potestatem vtrolibet flexilem
inficiatur, illico omnium iudicio, libertatis inficiator
habeatur. Ergo notio libertatis, non modò apud Ca-
tholicos, sed etiam apud hæreticos, ea est quam pro-
ponimus, non autem qualem aduersarius, recens ob-
trudit.

VII. Argumentum quod hætenus contra nouam
sententiam ex peruulgata *libertatis* apud omnes no-
tione confecimus, confirmari validissimè potest ex no-
tione *electionis*, quam notissimum est esse partem libe-
ri arbitrij, & quidem præcipuum, vt etiam aduersarius
agnoscit, qui contendit libertatem debere definiri vim
electiuam. Quæ ergo erit notio electionis, eadem
erit & libertatis. At constat, nomine electionis desi-
gnari tantum volitionem terminatam ad vnum, cum
æquè posset ad alterum terminari. v. g. cum alicui ex-
hibentur duo media, vt equus vel naus ad iter facien-
dum, iubeturque eligere, plus satis liquet, cum non iu-
beri adhærere Deo & referre quippiam ad ipsum: sed
sensum esse, præberi illi optionem vt assumat vnum è
duobus, prætermisso altero quod æquè erat in pote-
state eius assumere. Hæc apud omnes omnino morta-
les, est, & fuit, electionis notio. Ac proinde cum electio
sit libertatis actus maximè proprius, fatendum est, li-
bertatem esse potestatem ad vtrumlibet, non autem
vel amplitudinem vel eminentiam deriuatam ex ad-

hæfione cum Deo, de qua nemini in mentem venit, cum audit vel vſurpat libertatis & electionis vocabula: in quorum certè cladem, & in Dictionariorum omnium ſubuerſionem, noua libertatis & electionis notio excogitatur.

Meminiſſe verò oportuerat autorem, moniti prudentiſſimi quod Tertullianus lib. de carne Chriſti cap. 13. his verbis præbet. *Omnia periclitabuntur aliter accipi quàm ſunt, & amittere quod ſunt, dum aliter accipiuntur, ſi aliter quàm ſunt cognominantur. Fides nominum, ſalus eſt proprietatum.* Sed & Clemens Alexandrinus 7. ſtrom. commendatis ijs qui per communes notiones exprimunt id quod eſt melius, carpit erroneſ, quorum vſum fuiſſe in contrarium teſtatur. *In omnibus, inquit, ferè dictionibus quas adducunt, inueneris ipſos ſola nomina attendentes ut qui mutant ſignificata, &c. Veritas autem non inuenitur in eo quòd tranſferat ſignificata: Sic enim omnem veram euertent veritatem.* Liquet etiam de quibus dixerit S. Hilar. 2. de Trinit. *Naturas nominibus adimunt, quia nomina non poſſunt auferre naturis.*

Quanto iure autor, eam nouitatis notarit.


VIII. In huius capitis calce, nolo celare lectorem, quæ animum meum cogitatio ſubiuerit, cum ea quæ hoc capite propoſui, cum ijs componerem quæ autor in libri primi præfatione, & alibi non vno loco tradit. Monſtraſſe enim mihi videor apertiffimè, notionem libertatis ab aduerſario cuſam, cuiusmodi eſſe, vt nemo ante eum tale quid ſubeſſe voci *libertatis* intellexerit, ſed omnes eo nomine designatam ab omni æuo v

ORBIS VNIVERSVS CONTRA AMPLITVDINEM. 77
luerint potestatem vtrolibet flexilem, vel agendi ac
non agendi facultatem. Hæc cum ita sint, quid sibi
vult aduersarius, cum sententiam suam canam & vetu-
stam, iamque præ senio albentem, & rugis aratam des-
cribit, ea quam dixi præfatione? Cum nostrum placi-
tum quo libertas dicitur esse potestas ad vtrumlibet,
vocat doctrinam *nouam & peregrinam*, vt proloquio
secundo referre memini? Ain nouam, quæ omnium
planè mortalium ante te fuit? quæ omnibus Dictio-
nariis consignata ab omni æuo habetur? Ain peregri-
nam, quæ nata in sensu ac iudicijs omnium retrò Do-
ctorum, ibidem, non iure ciuitatis donata, sed vt in pa-
trio solo consenuit? Præ hac tu albere dicas nouitio-
lam paraturam; & teneras malas nec dum prima lanu-
gine vestitas, cum cano capite cui iam palearia mento
longa pendent, ausis quoad ætatem componere, imò
præponere? Quæ pudicitiam contrucidarunt, si eis
iurgium cum alijs è molliore sexu interueniat, pro-
brum confestim anteoccupant. Sectarij ad vnum om-
nes, quamuis vt de Gnosticis à S. Irenæo dictum est
li. 1. cap. 33. velut è terra fungi, enati sint, præscij non ha-
bere se quid respondeant, si vrgeantur interrogatione
illa Tertulliani nouitatem illis exprobrantis l. de præ-
script. *Qui estis? quando & vnde venistis?* memores
malè habitos hac argumentatione Gnosticos à S. Ire-
næo l. 3. contra hæres. cap. 4. à Tertulliano Marcionem
l. aduersus eum primo, à S. Hilario Arianos libro altero
ad Const. Nouatianos à S. Cypriano epist. 76. Apolli-
naristas à S. Gregorio Nazianzeno orat. 52. Iouinia-

num à S. Hieronymo libro in eum secundo, ab alijs SS. Patribus, alios nouitatum architectos, & generatim omnes à S. Vincentio Lyrinensi in commonitorio; Horum inquam conscij sectarij, se solos canos, & antiquæ religionis ac fidei tenaces, se solos Apostolicos & veteris Ecclesiæ reliquias, solos Catholicos venditant, ait Saluianus l. 5. de prouid. & S. Augustinus in breu. collat. diei tertiæ cap. 3. Hoc est quod animum subiuisse dicebam, cum primùm sententiam quæ libertatem flexili vtrolibet potestate definit, vidi ab auctore, nouitatis & peregrinitatis insimulari.

C A P V T V.

*Radix libertatis ab aduersario prolata, vnâque inde
progerminans formalis libertas, stirpitus
euellitur.*

I.  GREGIOR alia ex parte nouam sententiam propositam; nempe impugnando radicem libertatis ab aduersario assignatam, subiectionem scilicet ad Deum, vel adhæSIONem cum Deo. Hanc radicem si euulsero, formalis quoque libertas, quæ ex ea efflorescere dicitur, eadem opera succidetur, verùmque hac etiam in parte prodetur, quod à S. Augustino cap. 1. ad Orosium, scriptum legimus: *Radicem effodere atque extirpare, compendium est.*

*Aduersus nouam libertatis radicem, prima ratio,
ex possibili necessitatione adhesionis
ad Deum.*

Radicem ergo ex qua formalis libertas progerminat, assignat aduersarius, subiectionem ad Deum, vel adhesionem cum eo. Quod imprimis inde impugnat, quòd omnes DD. post. S. Thomam qu. 22. de verit. artic. 8. vt certum supponunt voluntatem posse diuinitus necessitari, eoque adigi quò ipsa nutu suo ferri nollit. Nam quamuis voluntas cogi nequeat coactione propriè dicta, potest tamen absque coactione necessitari, si ipsa quidem volitionem excudat sed adacta. Hoc si quis Deo negauerit, nã ille parum congruè de diuina omnipotentia pronuntiabit: nimis autem magnificè de humanæ voluntatis vocibus statuet, qui eam virtuti infinitè robustæ, hoc est diuinæ, indomabilem & insuperabilem affirmare ausit. Quo pacto enim Deus omnia posse prædicatur, si tantulam vim non potest de munimento suo deicere, & ad nutum suum fingere vel renitentem? Itaque in hoc consensisse omnes Theologos, eique vnum & alterum è iunioribus perperam repugnasse, affirmat Pesantius 1. p. q. 19. artic. 8. disp. 1. Et præiuerant Theologis SS. Patres. Querentibus enim quòd Deus hominem dimiserit liberum, quem satius fore ducebant necessitari ad bonum, non respondent eam necessitationem non esse Deo possibilem, quæ fuisset expeditissima querelarum præclusio: sed respondent, id non decuisse Deum. *Si Deus est potens,*

misericors, conseruator, aiebat vnus aliquis apud Arnobium lib. 2. n. 58. Conuertat nobis mentes, & inuitos faciat suis pollicitationibus credere. Respondet Arnobius. Vis ergo est ista, non gratia, nec Dei liberalitas principis, sed ad vincendi studium, puerilis atque inanis contentio. Quid est enim tam iniustum, quàm repugnantibus, quàm inuitis extorquere in contrarium voluntates; inculcare quod nolint, & quod refugiant animis; priùs nocere quàm proxis, & priore detractò in alienum habitum sententiàmque traducere? Non aliter similes expostulationes elidunt Tertullianus 2. in Marcio. c. 6. Basil. hom. quòd Deus non sit autor malorum, & alij inferiùs in eam rem proferendi, perspicuè omnino supponentes, voluntatem posse à Deo necessitari. Multis argumentis id confirmat Bernardus à Gannaco apud Capreolum in 1. d. 45. quæst. vnica artic. 2. in argumentis contra secundam partem quintæ conclusionis. Nec istam viam omisit, qui nouem modos voluntatem necessitandi proponit, Angelstus cap. 3. Moral. textu 6. Posse igitur voluntatem à Deo necessitari, ratum esto.

Adigat itaque Deus hominem, vt spretis bonis hisce caducis, incommutabili bono, ipsi inquam numini adhæreat. Perspicuum est, in eo euentu defuturam homini libertatem, quæ cum necessitatione ad actum inconciliabiliter pugnat; & tamen daretur adhæsiò cum Deo, qua posita poni perfectam libertatem moralitatis fundatricem, sententia est aduersarij.

Effugium, ex eo quòd Deus non sit homini extrinsecus.

II. Video quo se latibulo conditurus sit aduersarius.

NOVA LIBERTATIS RADIX EVELLITVR. 81
rius. Effatum eius est sanè singulare, quicquid à Deo in
nobis fit, esse naturalissimum: non ex eo fundamento
ex quo pauci quidam scholastici omnem Dei in crea-
tura actionem violentia exemerunt, quia scilicet Deus
est autor naturæ & prima causa, quod fundamentum
euertimus in Moral. dist. 2. à n. 12. sed ex alio nunc pri-
mum iacto. nempe quòd Deus cum homine operans,
fiat idem quod homo, vel certe ipse homo transeat in
Deum. Hinc enim autor lib. 1. cap. 17. n. 9. & 10. effici
ait, vt qui à Deo mouetur, à seipso moueri, ac proinde
liberè agere sit dicendus. Existimo vacillaturam Le-
ctoris fidem, nisi ipsa aduersarij verba repræsentem.
*Moueri à Deo, inquit, non est moueri ab alio: multo minus
ab extrinseco. Etsi enim Deus nec sit pars mei, nec egomet
prout spector in me a limitatione, est tamen meum esse lauda-
bile, vt loquuntur Platonici: Est αὐτὸ τὸ αὐτὸ ipsummet ip-
sum, est mihi intimior intimo meo* Et mox num. 10. con-
ficiens summam doctrinæ eminentissimæ de hominis
transitu in Deum, per subiectionem ad illum, ita con-
cludit. *Consequens est eum qui mouetur à Deo cui tan-
quam fini inhaeret, non moueri ab extrinseco, sed à seipso,
quandoquidem mouetur ab eo quod est esse suum. Cūque
Deus sit actus purus, intimitas autem τῆς unionis ab actus pu-
ritate & simplicitate petatur, unionem illam Dei nobiscum
esse intimiorem quauis alia: ac rursus cum sit actus summus
& vniuersalis, creaturam vnione illa transire quodammodo
à sua particularitate & limitatione ad esse immensum &
vniuersale & Deum fieri illi omnia, sicut habet expresse
Apostolus. 1. Cor. 1. vt sit Deus omnia in omnibus.
Ideoque cum mouetur à Deo qui quolibet alio intimior illi*

est, magis moueri à seipsa, quàm cum ipsamet secundum suum esse proprium ac particulare seipsam mouet. Eodem fundamento nititur quod autor lib. 1. cap. illo 17. n. 6. ait, si ego quatenus ego me moueam, motum fore violentum: nec hominem à seipso moueri sine violentia, nisi moueat motus ac determinatus à Deo; quantumque homo à Dei motione recedit, tantum à naturalitate sibi congrui motus desciscere, & motum suum violentiæ admistione inficere; eo quòd homo iuxta Platonem in Alcibiade. 1. si spectetur in Deo, sit αὐτὸ τὸ αὐτὸ, ipsummet ipsum: si verò in seipso consistere incipiat, efficiatur αὐτὸ ἑτερον, ipsum alterum. Ex hac ergo doctrina, aduersarius argumentum propositum elidet, dicendo, non posse Deum, voluntatis libertati officere quantumcunque valida necessitatione, quia actio inde ex prompta, quantumcunque non ab ipsius hominis nutu prodeat, tamen non fiat ab alio, sed ab homine, quatenus ipsummet eius esse laudabile, Deus est.

Præcluditur.

III. Hic hæreo. Neque enim habeo quomodo satis suspiciam hunc philosophandi modum. Sanè ut responsio quadret argumento cui adhibetur, necesse est admittere, hominem ita trāsire in Deum, ut vna sit vtriusque entitas. Nam nisi Deus sit hoc modo vnum nobiscum, impossibile erit concipere, cum qui mouetur à Deo non moueri ab alio, ex quo sequetur actionem vi talis motionis elicitam, non esse liberam. Atque eam hominis cum Deo vnitatem, non modò in

Eutychete innumeræ Synodi, ac Patres in tortis censurarum fulminibus prostrauere, sed etiam naturale lumen manifestè monstrat repugnare, vt egregiè præter cæteros tradit S. Cyrillus epistol. 2. ad Successum, & Ferrandus Diaconus epistol. 1. ad Anatol. Estque res adeò clara, vt non censeam in ea hærendum.

Neque verò quædam scripturæ loca quæ monstruosum illum hominis transitum in Deum, externa specie videri possent sonare, eum reuera sensum habent. Dicimur enim vnum cum Deo fieri, & vnus cum Deo spiritus esse, eo duntaxat modo, quo plures amici dicuntur esse cor vnum & anima vna: nempe per affectum, salua (quod vix monendum est) distinctione entitatiua. Est in eam rem locus illustris apud Hieronymum lib. 2. in Iouin. ad propositionem quartam. Obijcienti enim Iouiniano, omnes iustos, æqualiter iustos esse, eo quòd omnes vnum sint cum Deo; Respondet Hieronymus, *non nos secundum naturam, sed secundum gratiam, vnum esse in Patre & Filio. Neque enim eiusdem substantiæ est, quod Manichæi solent dicere anima humana & Deus. Sed dilexisti (inquit) eos sicut & me dilexisti. Vides ergo, quod in consortium substantiæ eius assumimur, non naturæ esse, sed gratiæ.*

Similiter dicitur Deus fore omnia in omnibus, eo proportionem modo quo Apostolus dicit se factum omnibus omnia, non per transitum realem in omnes alios, & alias: sed quia ad cuiusque captum & genium fingebat sese. Erit ergo Deus omnia in omnibus absque reali in eos transitu, quia cuique beatorum conferret quicquid ei expetibile aut consentaneum esse po-

terit. Vel iuxta Hieronymum epist. 147. Deus erit omnia in omnibus quia in cælo manifestabit plenè dona sua in omnibus beatis, non vt nunc in vno donū vnum, in alio aliud. Aut iuxta Cassianum collat. 10. c. 6. & 7. & collat. 7. c. 6. Erit Deus omnia in omnibus beatis, quia sancti Deum vnum sitient, nihilque præterea habebunt in desiderio: quem ille statuit proportionally verticem perfectionis huius vitæ, & anticipatam quandam status beatifici prægustationem iam ex hoc seculo. Est & alius verborum illorum sensus à Terulliano cap. 4. aduersus Praxeam insinuatus qui capitæ texturæ magis cohæret. Nempe fore Deum post seculi metam omnia in omnibus, id est summo ac pleno in omnes imperio potiturum. Autor operis de Incarnatione perperam Diuo Augustino tributi lib. 2. c. 1. aliam insuper proponit eiusdem loci expositionem admodum piā, quam nolo omittere, *Vbique, inquit, & in omnibus dicimus esse Deum, pro eo quòd nihil potest esse vacuum Deo: non tamen ita esse dicimus, vt omnia sit nunc, in quibus est. Vnde diligentius intuendum est, quale est hoc quod perfectionem beatitudinis rerūque finem significat, quod non solum in omnibus Deus esse dicitur, sed etiam omnia esse dicitur Deus. Quæ sunt ergo ista omnia quæ Deus futurus sit in omnibus, inquiramus. Et ego quidem arbitror, quia hoc quod in omnibus omnia Deus esse dicitur, significet etiam in singulis Deum omnia esse. Per singulos autem, omnia erit hoc modò; vt quicquid rationabilis mens expurgata omnium vitiorum face, atque omni penitus extersa nube malitiæ, vel sentire, vel intelligere, vel cogitare potest, omnia Deus sit: nec ultra iam aliud aliquid nisi Deum*

entiat, Deum cogitet, Deum videat, Deum teneat, omnis motus suus, Deus sit: & ita erit ei omnia Deus. Non enim iam ultra boni malique discretio, quia nusquam malum. Omnia enim ei Deus est, cui iam non adiacet malum. Nec ultra ex arbore sciendi bonum & malum edere concupiscet, cui semper in bono est, & cui omnia Deus est. Sic ergo finis ad principium reparatus, & rerum exitus collatus initijs, restituet illum statum quem tunc habuit natura rationalis, cum de ligno sciendi bonum & malum edere non egebat. Et amoto omni malitiæ sensu, & ad sincerum purumque deterso, solus Deus qui est vnus bonus, hic ei fiet omnia; & non in paucis aliquibus vel in pluribus, sed ut in omnibus ipse sit omnia. Et cum iam nusquam mors, nusquam aculeus mortis, nusquam omnino malum, tunc verè Deus omnia in omnibus erit. Protuli tam multas, tamque varias loci illius interpretationes, ut liqueat quàm variè locus ille qui aduersario est murus aheneus; (cum enim habet ad stabilienda multa inaudita mysteria, semper ad manum;) in sensus longè alios accipi possit, quàm ad stabiliendum realem nescio quem inimaginabilem transitum hominis in Deum, vi cuius transitus dicere liceat, motum à Deo in homine causatum, ab ipso homine effici. Differit plenè de hoc Apostoli loco Valdensis l. i. doctr. cap. 4. occasione Vvicleff, quem refert in his Apostoli verbis nidum reperisse idearum, & per eas hominis cum Deo identitatem. Ut videas non nouum esse abuti hoc loco ad astruendam hominis identitatem cum Deo. Ego cum Augustino concludo lib. de natu. & grat. cap. 34. Si aliqui putant tantum nostrum futurum esse profectum, ut in Dei substan-

tiam conuertamur, & hoc efficiamur prorsus quod ille est, viderint quemadmodum astruant sententiam suam, mihi hoc fateor non esse persuasum. Agit de nostro in Deum transitu in altera vita.

Quare argumentum quod conficiebam, perstat inconcussum: quia cum Deus quantumcunque hominem diligat, sit semper ab eo seiunctissimus entitatiuè, nec homo in eum transeat nisi mysticè & per affectum; fatendum est, hominem si à Deo ad agendum adigatur, moueri ab alio, & extrinsecus ad operandum vrgeri, non immanenter operari, atque adeò agi non agere, vt exigeretur ad libertatem operationis. Nemo sanè dixerit actionem ab vno amicorum prodeuntem adigente altero amico, esse homini adacto liberam, quamuis amici sint vnum cor & vna anima. Actionem item vnus amici, eo ipso quòd est ab altero amicorum, esse alteri amico Physicè immanentem, & ab intrinseco principio respectu eius, nemo ita desipiat vt admittat. At Deus quantumlibet hominem amore prosequatur, & ab homine redametur, infinites plus distat ab homine, quàm creatura quæcunque ab alia discrepet. Ac proinde actio Dei in homine passiuè se habente, est homini extrinseca & ab altero. Nec Plato in Alcibiade. 1. de neganda hac Deum inter & hominem alteritate cogitauit. Agebat enim de diuinis ideis, ratione quarum homo in Deo est ipse Deus, quia representatio hominis à Deo non differt. Vel certè agebat Plato de homine causaliter accepto, seu de vi diuina hominis effectiua. Hæc autem quid ad rem præsentem?

Ratio secunda, quia daretur libertas ante eius radicem.

IV. Secundò contra propositam ab aduersario libertatis radicem & inde exortam libertatem formalem, argumentor, quia certum est, adhæSIONEM VIATORIS cum Deo esse actum liberum. Est enim actus meritorius, quod non haberet si libertate destitueretur. At qui supposita aduersarij sententia, actus adhæSIONIS non posset dici liber. Nam ea adhæSIO cum sit radix libertatis formalis, non potest subsequi germen suum siue amplitudinem, & ratione eius esse libera formaliter. Sumo ergo actum adhæSIONIS, & de eo ut antecedente amplitudinem, omnémque denominationem ab ipso progerminantem, interrogo sit liber necne. Si non est liber, ergo non est actus moraliter bonus atque meritorius, quod absit ut quis admittat. Si verò liber est, ergo dabitur libertas formalis ante libertatem formalem, ab aduersario propositam, hoc est ante amplitudinem: dabitur item germen principians radicem suam, nempe libertas principiabit adhæSIONEM, quæ dicebatur radix esse libertatis.

Nec potest aduersarius argumenti huius impetum declinare, dicendo, in euentu proposito quod habet rationem actus primi liberi non esse adhæSIONEM actualem, sed gratiam sanctificantem quæ iuxta Apostolum est substantia absconditi cordis hominis; vel certè esse denominationem ab anteriore actu adhærendi, quæ moraliter superstes sit, &

hominem efficiat vel denominet liberum. Nihil inquam horum dici potest. Sumo enim hominem lustralibus baptismini aquis inextiatum, & qui nullo antea perfectæ conuersionis actu, adhæserit Deo fini suo. Illius ergo primæ adhæſionis principium formaliter & causaliter liberum quærimus; & cum iuxta aduersarij placita assignari nequeat, superest vt consequenter negetur eum esse liberum, atque adeò etiam bonum moraliter, quæ quanta esset doctrinæ peruersitas nihil attinet dicere.

*Tertia, quia non omnis liberè agens,
adheret Deo.*

V. Tertiò argumentor quaiuxta sententiam quam impugnamus, admittendum consequenter est, omnem planè liberè operantem, attingere actu Deum, eique subijci & adhærere. Neque enim potest esse libertas formalis sine radicali, quæ de aduersarij sententia, huiusmodi adhæſione & subiectione continetur. At omnem actum liberum attingere Deum, non modò ridiculum est, sed ita falsum vt nulla ratione admitti possit, quod duobus præcipuè modis ostenditur. Nam probabilis est grauissimorum Theologorum & Philosophorum sententia, dari pleròsque actus liberos qui non modò ex obiecto, sed etiam attentis omnibus circumstantiis sint indifferentes. Ita enim tradunt D. Bonauent. in 2. d. 41. n. 22. Scotus & Scottistæ omnes, quidam eadem dist. 41. alij 40. Angelus cap. 8. moral. Gabriel, Carthusianus, Almainus, & alij quos

quos retuli in Moral. dist. 2. n. 30. vbi ex DD. Hieronymo & Augustino notaui, eandem quoque fuisse Philosophorum olim communem sententiam. Et quamuis aduersarius lib. 1. cap. 13. maximè efferuescat in hanc doctrinam, iisque loquendi phaleris disputationem aduersus eam conuestiat, quæ Aphthonij potius progymnasinata quàm maturitatem Theologicam redelegant: Tamen nihil planè profert quod ei sententiæ probabilitatem adiudicet, & ab illius patronis absque graui labore retundendum non sit. Admissa autem ea sententia, quæ verè est probabilis, nec minùs idoneis, (certè non admodum disparibus) fundamentis nititur quàm contraria, ruit vniuersa aduersarii doctrina, quia actus indifferens non fertur re ipsa & formaliter in Deum, nam eo ipso bonus esset. Ergo cum actus indifferens supponatur esse deliberatus & humanus, atque adeò liber, perspicuum est, libertatem non dimanare ex adhæsiōe cum Deo, nec libertatem formaliter contineri amplitudine ad eam adhæsiōem consequente.

VI. Quod præterea firmissimè euincitur ex actu moraliter malo. Nam indubitatum est, eum qui malè moraliter operatur, liberè agere: neque tamen qui ita operatur, vel Deo subicitur & adhæret, vel à creatis auertitur. Vtrunque de fide est, & naturæ quoque lumine notum. Nam quòd qui peccat auertatur à Deo, & derelinquens fontem aquæ viuæ, fodiat sibi cisternas dissipatas quæ continere non valent aquas, perspicua oraculorum sacrorum testificatione compertum est. Quòd verò is qui peccat, liberè peccet, æque certum

est. Nam nisi libertate potiretur, non peccaret. Fuerunt quidem qui censerent, hominem cum elicit actionē malam destitui libertate & non peccare tunc, sed peccasse ante, quos latè refellit Gul. Paris. lib. de vit. c. 10. vt tamen detur peccatum exclusa prorsus libertate, ne fingere quidem licet. Nec est quod frustra hīc accumulem testimonia sacra, quibus peccatorem peccando libertatem suam expromere, & liberè agere, apertè traditur. Patres quoque ad vnum omnes suffragantur, vt superuacaneum sit aliquorum loca nominatim appendere. Illustrissimè præ cæteris id tradit S. Augustinus lib. de vera relig. cap. 14. affirmans peccatum vsque adeò esse liberum, vt si dicatur liberum non esse, eo ipso peccatum esse negetur. Et inde probat dari liberum arbitrium, quòd constet admitti ab homine peccata, quæ non nisi libero arbitrio admittuntur. Splendidissimè quoque peccantis libertatem agnoscit lib. 1. contra duas epist. cap. 2. & 4. Item lib. 2. eiusdem operis cap. 3. disertè ait, esse in hominibus liberum arbitrium quod ad peccandum valeat in iis qui subduntur diabolo. Et lib. de natura & gratia cap. 64. cum Pelagius locum ex D. Chrysostomo protulisset quo affirmarat, peccatum esse, *actum malignum de arbitrij libertate descendente*, Respondet D. Augustinus, *Quis hoc negat?* Similiter S. Ambrosius lib. 1. de Iacob cap. 1. distinctissimè ait, eum qui peccat, liberè peccare. Id quod etiam optimè tradunt S. Anselmus parte 1. concord. cap. 3. & S. Bern. lib. de grat. & lib. arbit. ac Richard. Victor. lib. de statu inter. hom. c. 22. & lib. 1. de erudit. inter. hom. cap. 30. Nec aliud voluit Origens

NOVA LIBERTATIS RADIX EVELLITVR. 91
initio tomi tertij in Ioannem, cum numerat inter pa-
radoxia Gentilium, asserere quòd solus sapiens & iu-
stus sit liber. Inutile est in re tam clara suffragatores
proferre. Datur ergo actus liber absque adhæsi-
one cum Deo, imò continens auersionem à Deo : atque
adeò libertas perperam exponitur per amplitudinem
progerminantem ex adhæsi-
one cum Deo.

*Peccandi potentiam, libertatem non continere,
doctrina aduersarij.*

VII. Respondet aduersarius lib. 1. toto cap. 31. pec-
candi potentiam neque esse libertatem, neque partem
libertatis, sed defectum. Et hanc esse ait, indubitata
doctrinam omnium penè grauiorum autorum suffragio ni-
xam. Et mox n. 5. vocat, doctrinam clarissimam, certis-
simamque, & quam nemo in dubium reuocare hætenus au-
sus fuerat, quamuis aliqui inter Neotericos, præsertim Ga-
briel Vasques & Leonardus Lessius sanctitatem eius vio-
lare non sint veriti. Rursusque cap. 32. sequenti n. 14. lau-
dat D. Thomam, D. Bernardum, Richardum, Capreolum,
& alios plerosque, qui religiosè semper docuerunt, peccandi
potentiam à Deo non esse. Acerrimè autem suffigit Vas-
quem, qui illorum autoritate contempta, in rem qua vel ver-
ba ipsa modis que loquendi penè horrorem incutiunt, peccan-
di potentiam Deo adscribere maluit 1. 2. d. 129. c. 10. & ta-
men ibid. c. 7. negat, libertatem qua actibus nostris competit,
à Deo dependere: libertatem videlicet actuum humanorum,
tenuius aliquid & exilius reputans infelici peccandi poten-
tia, quam à Deo esse proficitur. Doctrina prodigio similis.

Præmiserat verò n. 13. aduersus hoc ipsum Vasquesij placitum. *Recentiores dicunt libertatem quæ inest actibus humanis non esse à Deo, ex evidentissimo absurdo NOVVM DOGMA SVSCITANTES, pietati parum consentaneum, à veritate autem prorsus absonum.* Addit, eos perinde differere, ac si dependere à Deo, abiectionem quandam homine indignam præ se ferret.

Erit qui auctori pro Vasque reponat quod Augustinus Petiliano li. 2. c. 32. *Tu es maledicus conuiciator, non veridicus disputator.* Mihi tamen ad tam asperam Theologi sine controuersia doctissimi suffixionem, nihil placet reponere; præsertim cum nihil ille hac in parte singulare protulerit, sed institerit Doctorum anteriorum ac Patrum vestigijs, vt mox dicam: atque adeò brutum fulmen ab aduersario in Vasquem vibratum, æquè in lectissimos illos Doctores & Patres intorquetur, & in omnes æque irritum est.

Refellitur.

VIII. Quicquid verò sit de indubitata certitudine, sanctitate, claritate, alijsque eminentissimæ illius doctrinæ prærogatiuis, certum est ex fide, cum qui peccat liberè agere. Negas? Audi Augustinum lib. de vera relig. cap. 14. *Vsq̃ue adeò peccatum, voluntarium est malum, vt nullo modo sit peccatum si non sit voluntarium. Et hoc quidem manifestum est, vt nulla hinc Doctorum paucitas, nulla indoctorum turba dissentiat.* (Priora verba ex Seneca refert Guliel. Paris. lib. de vitijs cap. 10. Verè tamen sunt Augustini.) Et quæst. 24. ex 83. *Nec peccatum nec*

rectè factum, imputari cuiquam iustè potest, qui nihil fecerit propria voluntate. Recole præterea quæ aduersus nigram Caluini doctrinam de peccatore ad peccandū adactō, atque adeò non liberè peccante, disputant hærescologi, nec supererit ambigendi locus, an qui peccat, liberè peccet. Et tamen hæc libera peccatoris actio, non fertur in Deum illi adhærendo, vnde iuxta aduersarium pullulat amplitudo constituens libertatem. Ergo vel conuellendus est sensus vniuersi generis humani, vnâque fidei scitis obluctandum, dicendo, peccantem non agere liberè, quia Deo non adhæret: vel hæc nouella libertas retrudenda est in suas latebras quibus hætenus abdita latuerat, omnibus ante aduersarium incomperta. Sanè iuxta eum, vt ille iocabatur,

Quæ manus est, dum se licitos extendit in vsus,

Extensa in veritos, desijt esse manus.

Mens porrò Patrum & autorum qui aliquando negare videntur potentiam peccandi esse libertatis partem, perspicua est ex S. Anselmo qui dialog. de lib. arbit. c. 1. prout eum rectè expendit Baconus in 4. d. 1. qu. 5. art. 3. tradit de ratione libertatis prout homini cum intelligentiis ipsòque Deo communis est, non esse potentiam peccandi, atque adeò de intrinseca ratione libertatis generaliter acceptæ non esse, posse peccare, quod est verissimum, & traditur à D. Thoma quæst. 24. de verit. artic. 3. & in 2. d. 44. quæst. 1. art. 1. ad. 1. & ab Henrico quodl. 3. quæst. 1. suffragaturque manifesta ratio. Nam Deus liberrimus est, & tamen habet immortalitatem, id est impeccabilitatem iuxta D. Amb. glossam: Beati quoque cū potiantur libertate quoad permulta,

retinerent peccandi potentiam, quæ constat admitti non posse. Inde tamen non sequitur, libertati nupiam accidere posse peccare: siue in nullo subiecto competere libertati, vt possit non modò in bonum ferri, sed etiam ad malum desciscere. Placet D. Anselmi verba ex citato capite adducere, vt ex vno, germana mens Patrum cæterorum perspiciatur, conitetque eos vnum illud velle quod dixi, non autem quod aduersarius obtendit. *Quamuis differat, inquit S. Anselmus, liberum arbitrium hominum à libero Dei arbitrio, & angelorum bonorum, definitio tamen huius libertatis in vtrisque secundum hoc nomen, eadem debet esse. Licet enim animal differat ab animali, siue substantialiter siue accidentaliter, definitio tamen secundum nomen animalis, omnibus animalibus est eadem. Quapropter talem oportet dare definitionem libertatis arbitrij, quæ nec plus nec minus illa contineat. Quoniam ergo liberum arbitrium diuinum & bonorum Angelorum peccare non potest, non pertinet ad definitionem libertatis arbitrij, posse peccare: denique nec libertas, nec pars libertatis est, peccandi potestas.*

I X. Liquere hinc puto, quid velint Patres & DD. cum tradunt potentiam peccandi non esse partem libertatis, & nullo iure aduersarium efferbuisse tanta concitatione in Vasquem & Lessium, iis verbis quæ si hæreticum dogma perculisset, non potuissent mitia videri: rectissimè autem ab eis assertum esse, potentiam peccandi esse partem libertatis, non vniuersaliter acceptæ, sed humanæ atq; mutabilis. Qua ratione Ocham in 4. qu. 14 *litera E.* interpretatur quod obiectum fuerat, potentiam peccandi non esse libertatem neque

partem libertatis, dicēs id valere quia non omnis liber peccare potest vt patet in Deo & beatis: etiam si omnis qui peccare potest, sit liber. Sicut enim peccare est agere liberè, ita potentia à qua peccatum prodit, est actus primus liber, quia repugnat dari actum secundum sine actu primo proportionato. Quandoquidem ergo peccatum, etiam vt sic est actus secundus liber, necesse est facultatem quæ peccatum profundit, etiam quatenus illud profundit, esse facultatem liberam. At libertas, & facultas siue potentia libera, idem sunt, iuxta communissimam Doctorum sententiam in 1. d. 25. vbi probant libertatem non esse habitum sed potentiam. Enimuerò nisi potestas peccandi esset pars humanæ libertatis, admittendum absurdissimè foret, potestatem cessandi à malo morali quod perpetrare posses si luberet, non esse partem libertatis: quia libertas vnius contradictoriij inuoluit libertatem alterius, vt salua sit vtriusque optio quæ est de ratione libertatis. Vnde nisi potentia peccandi esset pars libertatis, dicendum consequenter esset, potentiam non peccandi siue feriendi à malo, non esse partem libertatis, quod constat asseri non posse. Itaque citra vllum dubium, sicut peccare est liberè agere, & non peccare cum possis, est liberè omittere: ita potentia peccandi est potentia liberè agendi, & potentia non peccandi est potentia liberè omittendi: ac proinde potentia peccandi est vera libertas in actu primo, & libertatis adæquatè sumptæ pars aliqua: neque hoc vt negarent, vllis siue Patribus siue Doctoribus, venit in mētem, quamuis eos malè in huiusmodi sensū acceperit aduersarius.

*Quomodo ea potentia dicatur libertatis
defectus.*

X. Equè peruertisse eum video quod aliquando tradunt graues DD. nempe rectè eligere & seruato ordine finis, esse perfectionem libertatis : At peccare, pertinere ad defectum libertatis. Quod habet D. Th. 1. p. qu. 62. artic. 8. ad 3. Sensus S. Thomæ est, quem tractans affinia quædam Patrum loca fusiùs persequitur Lensæus lib. 6. de libert. Christ. cap. 12. & optimè etiam illustrat Baconus in 4. d. 1. qu. 5 art. 1. nempe munus esse liberi arbitrij, eligere è pluribus vnum, idque cum præstat consentaneè ad finem vltimum, exercendo videlicet indifferentiam actiuam qua pollet, non per effrœnem licentiam, sed prout dignum & iustum est, perfectionem sibi conuenientem obtinere. Cum autem per abusum, aliò impenditur, abscedere eximiam illam libertatis perfectionem ex legitimo eius vsu, & succedere defectum, siue labem, & nœuum illius. Est enim magna labes libertatis, quod non eò adhibeatur quo collata est, quamuis non ibi cernatur defectus, id est exclusio seu carentia libertatis, sed aperte exerceatur libertas. Vides ergo in verbis ex S. Thoma propositis, sermonem esse de perfectione accidentaria libertatis ex bono eius vsu, & de aduentitio defectu siue macula ex abusu indebito & diuina lege prohibito, qui rem non destruit, vt constat ex illis quæ disputat S. Augustinus lib. de vera relig. cap. 20. At aduersarius, *perfectionem* illam ac *defectum*, longè aliter accepit:

accepit: nempe ita ut libertas sit essentialiter perfecta ac vera tunc tantum, cum ea rectè utimur. Deficiat autem, id est nullo modo sit libertas, cum præter vel extra finem fertur, quod est libertatis bonum vsum cum libertate ipsa confundere. Et posset sanè aduersarius, eodem argumentandi modo probare, non spectare ad liberum hominis arbitrium, quod nunc vnum velit, & postmodum velit contrarium abiecta volitione prior. Nam S. Thomas qu. 16 de malo artic. 5. inter libertatis nostræ defectus, æquè ponit capacitatem transendi ab vna volitione ad aliam, ac capacitatem malè agendi. Neque tamen negari potest, quin transitus ille ab vna volitione ad aliam sit in nobis à libertate, quamuis posse ita vertibiliter operari, sit defectus, id id est labes ac næuus libertatis, nam idcirco libertas perfectissima siue diuina, eam vicissitudinem excludit. Non ergo quilibet libertatis defectus, sonat libertatis exclusionem, sed plerunque defectus facultatis liberæ sumitur pro imperfectione facultatis liberæ, quæ exercetur aut cum mutabilitate, aut cum peccato; quamuis cum vtraque imperfectione coniungatur libertas vera, quod vnum volebant Vasques ac Lessius ab autore tanta verborum atrocitate suffixi.

*Rationes aduersarij contra peccantis
libertatem, elisa.*

II. Miseret verò me rationum, quibus autor tantorum virorum damnationem communit capite illo 31. à n. 2. *Prima est*, libertas est idem cum voluntate. Ergo

N

sicut voluntatis, ita & libertatis obiectum, est bonum. Ergo libertas non potest ferri in malum & peccatum.

Respondeo, utinam nunquam ferretur; sed iuge experimentum est in contrarium. Paralogismi autem propositi vitium in eo situm est, quod existimet auctor, bonum voluntati obiectum, esse duntaxat bonum honestum; cum tamen voluntas sit appetitus vniuersalis, ideoque in bonum quoque delectabile, tametsi inhonestum, ferri possit, & sæpè feratur. Et indebitè quidem, imò contra naturalem suam inclinationem ita se gerit voluntas, si spectetur prout est appetitus rationalis: Tamen non excurrit extra fines sui obiecti adæquati prosequendo bonum sensibile, quod verè in suo ordine bonum est, tametsi moraliter sit malum: quia quatenus voluntas est appetitus suppositi cui implantatus est gradus sensitivus, bonum delectabile quamuis illicitum, habet rationem convenientis atque adeò boni respectu illius. Agnouit hoc S. Anselmus in concord. c. 21. assignans pro voluntatis obiecto, bonum honestum aut delectabile. Est verò mihi planè imperuium quid voluerit auctor verbis illis quæ subdit n. 6. *Sicut quando voluntas in malum fertur, sub-specie boni & non aliter in illud fertur, & quod est verè malum, apparenter tantum & specie tenus, illius obiectum est, sic extensio voluntatis ad malum apparens tantum & ementita extensio est.* Dauid sum non Oedipus. An vult auctor, voluntatem apparenter tantum appetere malum inhonestum? An extensionem voluntatis ad malum, negat esse extensionem veram, & reipsa posi-

tam in rerum natura? Vt cunque se habeat mens autoris, si his verbis significetur quod est verè malum non obijci re ipsa voluntati malè operanti, hallucinatio est admodum crassa, & quæ omnem peccantem, culpa eximeret. Si enim homo malè agens, non aduerteret, obiectum in quod fertur esse inhonestum & malum, eo ipso immunis esset à peccato. Re ipsa ergo obijcitur peccanti verum malum, & non specie tenus duntaxat, vel apparenter, sed de facto ac reuera; quamvis quod voluntatem pellicit ad prosecutionem obiecti sensibilis cui adiunctam & confertam videt veram rationem mali inhonesti, sit ratio boni sensibilis, mulcens appetitum sensitivum, & voluntatem quatenus ei correspondentem, quæ dum se sensibilibus cupedijs inescari finit, homo dulcedinis illius capitur, & ad obiectum verè sensibilibiter bonum contra rationis præscriptum inconsultè fertur: quo ipso, bonum illud sensibile est simul verè malum in genere moris, & verè delectabile bonum in genere naturæ; inveniunturque in eodem materiali obiecto confertæ duæ illæ rationes, quarum altera, hoc est bonitas delectabilis, terminat directè voluntatem; altera, nempe inhonestas siue malitia moralis, non nisi indirectè, quia nemo intendens in malum operari potest, vt habetur c. 4. diu. nom.

XII. *Secunda ratio.* Libertas est potestas à Deo solo domabilis. At qui peccat, subigitur per creaturam. Ergo peccando non est liber, ac proinde potentia peccandi non est pars libertatis.

Respondeo. Libertatem non posse ab extrinseco domari nisi à Deo, verissimum est. Libertas enim vt scitè

dixit Antoninus lib. 8. de vita sua num. 41. est arx munitissima quam nulla vis creata potest suffodere. Alia in hanc rem protuli in Mor. dist. 2. num. 123. Itaque cum quis peccat, quod deicit voluntatem, nec est creatura inescans, quæ tantum est muscipula pedibus insipientium, neque Satan escæ & hami adornator, qui suadere & incitare potest, cogere non potest nisi volentem. Est ergo ipsamet voluntas quæ se deicit. Atque ita libertas, etiam dum ad peccatum adhibetur, manet sub Deo potentissima, & nulli infra Deum extra seipsam domabilis.

XIII. *Tertia ratio.* Agere liberè, est posse, & superiorem esse. Nam liberum arbitrium est potentia actiua. Sed male agere non est posse, nec superiorem esse: Ergo non est agere liberè, atque adeò potentia peccandi, nullatenus est libertas, vel pars libertatis.

Respondeo. Peccare est exercere suum posse, seque in eo exercitio prode dominum ac superiorem actus sui: quamuis qui ita se gerit malè planè & indebitè potestatem illam suam ac superioritatem exerat, & seruituti subijci dicatur, ob causas quas tangit S. Theodorus Studita Catech. 26. & S. Hilarius in Psal. 125. ad illud, *tunc dicente*, & pulchrè S. Anselmus dialog. de lib. arbit. c. 10. vbi seruitutem quam peccator contrahit peccando, ait non tollere libertatem; dici tamen seruitutem, quia homo lapsus in culpam non potest per seipsum resurgere, & recuperare quam malè abiecit rectitudinem. Plenissimè de hac seruitute disserunt Driedo lib. 1. de libert. Christ. cap. 1. parte 2 & Lenæus lib. 1. eiusdem argumenti, propè toto specialiter.

NOVA LIBERTATIS RADIX EVELLITVR. 101
monstrans cap. 12. cum servitute per peccatum inuecta
probè cohærere libertatem naturalem, siue potesta-
tem ac dominium in actum suum. Nos quoque eam
ex peccato servitutem, illustrauimus agentes de liber-
tate non impedibili per appetitum sensitium, in Mo-
ral. dist. 2. num. 291. & ibidem præscribentes generalia
affectuum alexipharmaca dist. 3. num. 100. & 101. ac
denique agentes de vitio dist. 4. à n. 421.

Non plura aduersarius pro suo illo effato, quòd po-
testas peccandi non sit pars libertatis. Quæ cum sint sa-
gittæ paruulorum, autor ei sum, vt in posterum ad suf-
figenda aliena placita sedatior ac lentior veniat: nec
præceps aduersus umbras suspicionum. suarum strin-
gat machæram, & suæ ad conuiciandum facundiæ fra-
meam effundat, vt ab eo aduersus Vasquem ac Les-
sium in hoc negotio factum est, contra omnem ratio-
nem: An verò absque periculo, infra excutiam cap. 5.
Vbi an horror quem delicatus hic miles ad Vasquesij
& Lessij verba clementitur, corripere potiùs eos de-
beat qui varia eius dicta percipiunt, examinabo.

*Quomodò moralitas à Deo non sit, sed potentia
peccandi.*

XIV. Eiusdem furfuris est, quod prodigij simile
esse affirmabat autor, asserere cum Vasque, actum ma-
lum prout liberum non esse à Deo, potentiam tamen
liberam qua talis actus elicitur, à Deo esse. Quid hic
prodigij perspexerit autor, planè me latet. Nam quod
actus prout liber non sit à Deo, æquè verè & sine pro-

digio dicitur, ac quod actus prout homini vitalis non sit à Deo, quod est ex terminis perspicuum. Sicut enim vitalitas est denominatio à principio intrinseco, ideoque non potest peti à principio extrinseco cuiusmodi est Deus: Ita libertas actus est denominatio petita à potentia libera determinante seipsam: proindeque repugnat, eam actus denominationem refundi in aliam causam, præter ipsammet liberè operantis seque determinantis voluntatem. At potentia libera creaturæ, non excludit, imò inuoluit habitudinem ad causam extrinsecam à qua producat, sed tantum excludit habitudinem ad extrinsecam causam à qua determinetur. Quare omnino verè dicitur, actum liberum peccati prout liberum, non esse à Deo, tametsi potentia libera ad peccandum sit à Deo. Actus verò honestus præsertim supernaturalis, tametsi quatenus liber homini non est à Deo ob eandem rationem, tamen multis aliis titulis Deo tribuitur: Nempe quatenus à Deo præcipitur aut suadetur, & ex eius eliciendi intentione tribuuntur homini à Deo suppetiæ indebitæ quibus fieri ab homine possit: qua ratione dicimur creari à Deo in operibus bonis in Christo IESU. Cum è contra, Deus, peccatum & prohibeat admittendum, & seuerè vlciscatur admissum.

XV. Porro peccatum prout liberum, & quoad moralitatem in libertate fundatam, non esse à Deo vt causa morali, dixerant ante Vasquem graues Theologi, alijque post cum quos naso suspendere adunco non ausit aduersarius. Ita enim Canus lib. 2. de locis cap. 4. ad 8. Roa 3. de prædest. quæst. 4. s. 3. n. 83. Sotus lib.

1. de natu. & grat. cap. 18. Vega lib 2. in Trid. cap. 15. Angles in 2. d. 37. qu. 7. conclus. 2. & diffic. 1. Zumel. 1. 2. qu. 79. art. 2. disp. 4. Aragon. 2. 1. qu. 1. art. 3. dub. 1. ad. 2. Bannes 1. p. qu. 49. art. 2. §. vltimò, Aluares disp. 24. de auxil. n. 24. & 39. Curicl. 1. 2. qu. 71. art. 6.

At potentiam peccandi à Deo esse, ante Vasquem & post eum docuere quàm plurimi, nominatim Magister in 2. d. 25. & pulchrè S. Bonau. ibi dub. 6 *circa literam*. Item rursus Magister in 2. d. 44. & ibi Scotus qu. 1. & Gabr. qu. 1. art. 2. & 3. Salas 1. 2. tract. 13. disp. 10. num. 42. videturque expressa sententia S. Augustini li. de grat. Christ. c. 17. vbi ait, Deum nobis dedisse potentiam & ad benè & ad malè agendum. Et lib. de natu. boni cap. 32. affirmat, malos accipere à Deo, malè agendi potestatem. Igitur potentia peccandi, iuxta D. Augustinum est à Deo. Idem affirmat Didymus lib. contra Manichæos, & probat ratione optima: quia nimirum nisi Deus dedisset potentiam peccandi, non dedisset potentiam liberè amplexandi bonum: quia potestas liberè & cum laude amplexandi bonum, connotat concomitantem potentiam amplexandi malum si allubescat. Iuxta generalem regulam quòd libera potestas faciendi vnum, iungitur facultati circa oppositum. Id quod tradit D. Augustinus lib. de spiritu & lit. cap. 31. & præiuerat Aristoteles 3. Ethic. cap. 5. verbis illis. *Quibus in rebus in nostra potestate situm est agere, in ijs & non agere, & in quibus non agere in ijs est & agere.* Quæ verba optimè ibi S. Thomas lect. II in hunc modum glossat. *Si operari est in potestate nostra, oportet etiam quod non operari, sit in potestate nostra.* Si

enim non operari non esset in potestate nostra, impossibile esset nos non operari : Ergo necesse esset nos operari. Et sic, operari, non esset ex nobis sed ex necessitate. Sic ergo dicendum est quod in quibuscunque rebus, affirmatio est in nobis, & negatio & e conuerso. Operationes autem virtutum & vitiorum differunt secundum affirmationem & negationem, &c. Vnde consequens est, quod si operatio virtutum est in nobis, ut probatum est, quod etiam operatio vitij sit in nobis. Itaque cum potentia peccandi non sit mala sed vsum illum optimum habeat, reddendi nos liberè potentes ad bonum, meritò infert Didymus, datam fuisse à Deo potentiam peccandi, hancque ait fuisse sententiam omnium rectè philosophantium. Eandem aperte supponunt Nemes. lib. de hom. cap. 41. Nyssen. orat. de mortuis, Arnobius lib. 2. Tertull. 2. in Marc. cap. 6. S. Basil. homil. quòd Deus non sit autor malorum, & alij plerique PP. retundentes criminationem à quibusdam malè sanis in Deum intortam, ob collatam homini potestatem peccandi. Neque enim hi PP. cum huiusmodi blasphemos repellunt, inficiantur Deum contulisse homini potestatem peccandi : sed admissa concessione illius potestatis facta diuinitus, addunt, potestatem peccandi bonam esse, (nam est ipsamet potestas bene operandi, & cessandi à scelere, quæ utique optima est :) solum autem abusum illius potestatis, siue exercitium eius contra Dei præscriptum, vitio verti : Minimè autem nouum esse, ut res bona abusui pateat, supponunt prædicti Patres, & egregiè confirmat S. Augustinus agens de eloquentia, lib. 1. doct. Christ. cap. 1.

XV. Alio tamen sensu quidam DD. meritissimò inficiati sunt, libertatem peccandi, vel potestatem malè agendi, esse à Deo, sumpta nimirum libertate peccandi pro exsolutione ab omni lege honestos actus præscribente. Qua ratione Card. Bellarminus in responsione ad Paulum Seruitam quæ habetur tomo 6. cum reprehensus ab illo mastigia fuisset, quòd libertatem peccandi, non à Deo sed à Diabolo esse dixisset, idque Seruita hereseos arguisset, ratus negari eo pacto liberi arbitrij dependentiam à Deo: Respondet, nunquam sibi in mentem venisse, negare quin liberum arbitrium sit à Deo: sed libertatem peccandi quam à Diabolo esse dixerat, longè distingui à naturali libertate respiciente bonum & malum morale pro hominis arbitrio: nihil enim aliud esse, quàm licentiam malè agendi, qualem concedit filio malè blandus parens, cum per nimiam indulgentiam finit eum desertis studijs meretricari, & popinonem agere: quam malè agendi libertatem, patet non esse liberum arbitrium, quod non pater filio dat, sed natura ipsa inscuit. Est ergo effrænatio & peruersio liberi arbitrij, connotata permissione impunitatis, & formali vel virtuali approbatione eius qui libertatem concedit. Hanc libertatem peccandi si concederet Deus, non posset hominem à peccato deterrere intentatis supplicijs, eaque post admissum peccatum irrogare, cum tamen vtrunque præstet, iuxta illud Augustini cap. 25. *Enchirid. Mortis supplicium comminatus fuerat homini si peccaret, sic eum munerans libero arbitrio, ut terreret exitio.* Ipsaque scriptura Ecclesiastici 15. cum dixisset collatum à Deo fuisse

sc homini liberum arbitrium, quo posset ad aquam & ad ignem manum extendere, id est peccare per abusum potestatis collatæ, vel rectè operari adhibendo eam ad Dei mentem, ne quis existimaret liberum arbitrium à Deo homini concessum, qua parte spectat malum, esse licentiam malè agendi, subdit; *Deum nemini dedisse spatium peccandi*, Græcè *ἄνοιαν*, quæ vox licentiam ac libertatem sonat, nec malè expressa est Latina voce *spati*. Sensus enim est, Deum nullum omnino tempus concessisse, in quo malis actibus inquinari liceret.

*Damnatos, & libertatis & peccati esse capaces,
contra aduersarium.*

XVI. Itaque argumentum quod tertio loco conficiebam contra radicem libertatis propositam ab aduersario, omnino optimum est; & officinæ quibus aduersarius splendorem eius obtenebrare tentauit, euauerunt. Quod autem in eo argumento generaliter de peccantibus diximus, specialiter de damnatis affirmandum est. Nam damnatorum superbia semper ascendit, vt est apud Psaltem; atque adeo iugiter peccant. Et tamen nemo non videt eos liberè peccare. A quo enim ad peccandum v. g. ad blasphemandum diuinum numen adigerentur? Vnde S. Bernardus lib. de grat. & lib. arbit. agnoscens in dæmone liberum arbitrium, ait, *Quod non valet in bonum respirare, non aliena facit violenta oppressio, sed sua ipsius in malo obstinata voluntas, & voluntaria obstinatio.*

Respondet aduersarius lib. 2. cap. 28. & 29. damna-

toꝝ libertate prorsus spoliari, ac ne peccatum quidem in illos cadere. Imò relata recentiorum sententia, negantium beatis libertatem circa amorem Dei clarè viſi, & ea quæ ad actum illum neceſſariò conſequuntur; concedentium autem damnatis libertatem peccandi, v. g. blaſphemandi numen, vel hunc aut illum tentatione vexandi, aliâque non abſimilia præſtandi, ſubdit autor; *hoc ab ijs proferri, non ſine ſtupore proſectò, non meo tantùm, ſed omnium qui paulò accuratiùs libertatis naturam examinaverint: eo quòd libertas ſit perfectio eximia, quam in beatis potiùs ſplendere par ſit, quàm in damnatis. Itaque ipſe quidem, longè aliam viam iniens, è contra ſtatuit, in beatis libertatem omnimodam eſſe, ſervitutem nullam: è contra autem in damnatis eſſe ſervitutem omnimodam abſque vlla prorsus libertate. Arcta quippe eſt omnis malitia, ſola innocentia lata eſt, ex D. Auguſtino in Pſal. 100. quod autor ita gloſſat, vt ſenſus ſit, impio, præſertim autem conſummato, & qui in profundum venerit, nullam prorsus libertatem competere. Imò ait autor cap. illo 28. num. 13. *tamenſi ſunt in damnatis & demonibus quidam motus qui operationes eorum eſſe videntur; non ita tamen res ſe habet. Deus operatur per illos, dirigendo viatores in finem, ipſius etiam diabolica tentationis miniſterio: at ipſi nequaquam operantur. Quod ſi damnati ne operantur quidem, multo minùs peccant aut liberè agunt, etiamſi peccatum quod in via contraxere, quia diuinitus ablutum non eſt, ſuperſit habitualiter inexplicatum, eiùſque ſenſus damnatos laceret in perpetuum.**

Non poſſe autem damnatos in eo ſtatu peccare;

probat autor cap. illo 29. num. 5. quia *peccant quicunque aberrant à via iustitiæ, & à debito ordine finis. Vnde liquet, peccatum tantum ab ijs committi qui sunt in via, & cum debito ac facultate tendendi ad finem.* Autores verò qui passim agnoscunt damnatos peccare, exponit autor, de sensu peccati in quod se sua sponte coniecere dum peregrinarentur : qui sensus, abiecto carnis ostreo in hominibus, & in dæmonibus discussa nebulositate illecebrarum peccati, longè acrior est atque viuidior, quàm cum peccatum perpetrabatur. Id ergo vnum volunt prædicti autores iuxta aduersarium, quod *damnatorum nutus, cogitatus, & affectus, motusque omnes, infelici illo charactere aut potius stigmate inusti procedant: nam peccare quidem ipsi non possunt, qui iam amplius in via non sunt.*

Vera ergo quæcunque libertas iuxta autorem, æquè damnatis deest, ac adhæsiō cum Deo. Esto locum in eis habeat aliqualis & apparens libertas, quatenus vt loquitur cap. illo 29. num. 2. & cap. 28. num. 5. volubilitatem ab vno in aliud in eis cernere licet, quæ eatenus videtur libertas, quatenus sicut qui verè liber est ex adhæsione ad finem vltimum, modò in hoc modò in illud fertur, nulli rei alligatus, sed seipsum voluens & reuoluens prout finis ordo poposcerit : Ita dæmon ex adhæsione ad seipsum vel potius ex auersione & odio Dei, modò hoc malum molitur modò aliud, quod conuenientius illi odio fuerit, ad maiorem Deo iniuriam irrogandam, potestatem sibi superstitem in eo impendens & collocans: At hoc est circumagi à peccato, non autem agere & mouere seipsum.

XVII. Hæc omnia ab aduersario proferuntur, non

sine stupore profecto, non meo tantum sed & omnium qui paulò accuratiùs libertatis naturam examinauerint. Nam quod damnatos, libertate exui vult, quia est perfectio eximia, telum est imbelle sine ictu: alio qui exuere damnatos oportebit ipsomet esse, quod in substantiis spiritualibus est eximiæ perfectionis. Sicut è contra eximia hæc perfectio, libertas inquam, quia respectu cuiuscunque obiecti non est simpliciter simplex & melior ipsa quàm non ipsa, nequaquam est concedenda beatis circa omnia obiecta, v. g. circa Deum & quæ cum eo sunt nexa necessariò, sed tantum quoad alia obiecta defectibus admixta, quæ expeti vel non expeti, aut etiam repudiari possunt, ob consertam bonitati malitiam vel ob non plenam eorum bonitatem. Itaque ex meritis obiecti statuendum est an sit circa illud libertas: At qui Deus est bonum purissimum ac plenissimum, proindeque cum clarè conspicitur, non modò repudiari nequit, sed etiam feriari erga se voluntatem non finit. Damnati verò, nullum tale obiectum necessitans propositum habent: & vt ultra obiectorum merita à Deo necessitentur ad operandum quæ rectæ rationi sunt dissentanea, fieri non potest. Quomodò enim infinita bonitas, dæmonem aut animam damnatam vrgeret ad blasphemandum? Quomodò Deus dæmonem armaret contra electos quæis assidue infestus est, cumque adigeret ad disturbanda sua consilia? Nul- lum autem aliud principium à quo dæmon & damnatus ad prædicta opera necessitentur, proferri potest. Nam præconceptum Dei odium, ex quo aduersarius insinuat damnatum necessitari ad quædam opera, ad

summum posset necessitare ad actus malos odium subsequentes; Ad ipsum verò odium quid necessitaret? Quod si odium Dei est damnato liberum, opera ex eius præsuppositione necessario facta, sunt tantum necessaria ex suppositione libertatem non lædente. Sicut amor mediij vnici præsupposito efficaci amore finis, necessarius est, sed necessitate tantum consequente quæ iura libertatis non temerat. Et in nobis quidem carne circumamictis, odium incensissimum, posset libertatem & suimetipsius & omnium consequentium operum præpedire, propter intellectus obtenebrationem ex turbatione phantasiæ & appetitus sensitiui. At in spiritibus puris nihil tale cernitur. Sed neque vi habitus intensi vinciri posse eorum libertatem, liquet ex dictis in Morali dist. 2. à num. 295. Alibi etiam monstrauimus dæmones & animas separatas non posse vi quorumcunque habituum verti in insaniam, contra falsum Victoriæ placitum ibi conuulsum.


XVIII. Quare quamuis damnatorum malitia multipliciter arctetur, nec ea cordis latitudine potiatur in qua innocentes spatiantur, tamen non destituuntur libertate peccandi, sed si lubet peccant (quamuis quia extra viam sunt, non demereantur sic peccando, vt notat Olkot in 2. qu. 1. *litera R.*) alioqui à peccato quocunque desistunt, pleraque item opera merè naturalia liberè exercent. Imò posse ab eis exerceri bonum aliquod opus morale, grauissimorum Theologorum sententia tulit, vt Scoti in 2. d. 7. quæst. vnica, Durandi ibid. qu. 2. num. 12. Valentia 1. p. d. 4. qu. 15. p. 2. De solis supernaturalibus operibus rectissimè di-

NOVA LIBERTATIS RADIX EVELLITVR. III
citur, damnatos, quoad ea esse prorsus steriles & infec-
cundos. Sunt enim ligna prorsus exsucca & arida,
quippe igni addicta, ideóque nullo vnquam cœlestis
benedictionis rore madentia, vt pulchrè tradit S. Cy-
rillus 10. in Ioan. cap. 14. Itaque quia vt optimè dixit
Nicol. 1. Epistol. ad Mich. Imperat. *in cassum terra cor-
dis, vomere linguæ nostræ proscinditur, nisi cœlestis roris as-
persione infundatur*, mirum non est quod terra damna-
torum à diuinis stillicidijs nunquā inebriata vel etiā
tincta, nunquam lætetur germinans, sed in æternum
sterilescat. Secus verò est de actibus naturalibus &
purè moralibus, ad quos proinde exercendos venire,
liberum est damnatis iuxta prædictos autores: Multó-
que magis certum est, liberum esse damnatis, abstinere
à blasphemiiis & odio Dei, reliquísque atrocissimis sce-
leribus in quæ assiduè ruunt. Quæ esse scelera negare
non licet, cum nullum principium ad cudendam mo-
ralem malitiam requisitum desideretur. Physicos au-
tem rudimentarios appello, quoad illud quod aduerfa-
rius assumpsit, damnatos hoc vel illud contra Deum
moliendo, aut blasphemando, ne agere quidem.
Quod item subdebat autor, Deum mala opera per
damnatos operari, quàm procul à Caluino absit, eó-
que Tartari extremo excremento quo Deum fecit
peccati autorem, alibi tractandum est.

Vltimum argumentum contra libertatis radicem
ab aduersario assignatam, peti potest ab autoritate.
Longè enim aliter de radice libertatis philosophati
sunt omnes retrò DD. de quo infrà cap. 6.

CAPVT V.

*An prædicta noua sententia vacet
errore.*

I.  **A**TIONES quibus proximis tribus capitibus nouam sententiam oppugnauimus, perspicuè eam reuincunt & falsitatis & inanitatis. Nunc exquirendum sequitur, an quod plerique subuerentur, nec pauci aperte produnt, insit ei fermentum aliquod doctrinæ non sanæ, & anguis virulenti dogmatis, ea in herba delitescat. Exquirendum inquam, non statuendum. Nam vniuersa quæ subiiciam, quantumuis censuræ speciem præ se ferrent, nolim accipi quasi prolata suffigendi aduersarij gratia, vel iudici, de eius sententia ferendi. Has ego non esse partes meas probè memini. Sed quod cuius non imperito, dum aliena scripta legit, iuris esse solet; vt de eis cum charitate, non vt censor aut iudex, sed vt lector pronunciet, hoc vnum mihi in hac causa concedi velim. Quia verò illud hoc loco non ago, vt notas quæ propositionibus aduersarij inurentur, exquisitè admetiar ad virus quod posset esse ijsdem illitum, quamuis non me lateat, supra propositionem erroneam pressè acceptam, alium esse malignitatis gradum tetriorem ac horridiorem quo propositio aliqua notari potest, duas tantùm hoc & sequenti capite, notas variorum aduersarij placitorum memora-

memorabo, nempe errorem & temeritatem. Meminisse item velim Lectorem, non id mihi esse hoc loco propositum, ut de omnibus pronunciem, siue erroneè siue temerè dictis, quibus aduersarij scriptio propè vniuersa perspersa plerisque visa est: quanto iure, monstrabo ad libri calcem in florilegio hirsuto. Nunc igitur id tantùm exquiro, an noua sententia quoad libertatis rationem formalem, eiusque radicem, & alia superiùs adducta, errore aut temeritate vacet.

Neque verò est, cur syncerè & citra adulationem sensum meum aperiendo de næuis aut tuberibus doctrinæ aduersarij, vel in offensionem eius incurrere, vel asper audire extimescam. Qui enim liberè & præferuidè de nostrorum primoribus, Molina, Suare, Vafque, Lessio, aperuit sensum suum, intelligendus est idem de suis placitis candidè & amicè præstandi, potestatem fecisse: multòque magis cèsendus est, habere in votis argui cum charitate, (quod præstare conabor,) quàm experierit cum charitate arguere, quod ab eo in nostros præstitum, censere ac debeo volo. Nec enim dubium quin autor Methodio assentiatur, cuius ea est sententia sanè præclara apud Epiphanium hæres. 64. *Maius bonum esse puto redargui quàm redarguere, quanto maius est ut quis ipse à malo liberetur, quam ut alium liberet.* Et ut autor nihil circa aliorum sententias mouisset; excutiendus planè esset in veritatis scrutatione, cui omnes operam damus, vanus ille offendendi malève audiendi metus. Medicos agimus animorum, quoties ad dedocendam falsitatem accingimur. Atqui ut est apud S. Cyprianum lib. de lapsis, boni Medici est, blan-

dimentis adulantibus non fallere. Imò imperitus est Medicus qui tumentes vulnerum sinus manu parcente con-
 rectat, & in altis recessibus viscerum, virus inclusum dum
 seruat exaggerat. Aperiendum vulnus est & secandum, &
 putraminibus amputatis, medela fortiore curandum. Voci-
 feretur & clamet licet, & conqueratur ager impatiens per
 dolorem, gratias ager postmodum, cum senserit sanitatem.
 Mihi sane idem qui S. Ambrosio epist. 47. animus est,
 nec fuit cur de pari sensu & affectu aduersarij, diffide-
 rem. Ego beneficio annumero, si quis mea legens scripta, di-
 cat mihi quo videatur moueri. Primum quia & in his quæ
 scio, falli possum. Multa autem prætereunt, multa quibus-
 dam aliter sonant. Pulchrum est si fieri potest, cauere om-
 nia. Deinde quia non debeo molestè ferre si cum de Apo-
 stolicis & ipsis Euangelicis Dominicisque verbis, plerique
 multas quæstiones serant, etiam in meis scriptis reperiant de
 quo disputandum putent. Satis prolusum; ad rem ip-
 sam accedamus

Substantia nouæ sententiæ, sæctus Caluini.

II. In ipsis nouæ sententiæ præcordijs, virus perni-
 ciosum deprehendi videtur, quatenus statum veræ li-
 bertatis non alium agnoscit quàm statum gratiæ: at-
 que adeò libertatem illam à qua liberi dicimur & ido-
 nei moraliter agere, non aliam esse statuit quàm gra-
 tiam sanctificantem, nec alios actus aliudve illius li-
 bertatis exercitium admittit, quàm opera sancta qui-
 bus Deo adhæremus: quia cum iuxta hanc sententiam
 nulla sit vera libertas & propriè dicta, præter liberta-

tem à peccato quam confert gratia Dei per I E S V M
C H R I S T V M, non possunt veræ libertatis fru-
ctus alij esse quàm sanctorum actuum quibus Deo
vinculamur. Tradit hæc omnia autor locis capite 1.
notatis.

Hæc est ipsissima Caluini sententia. Sensit enim
Calvinus; statum libertatis non alium esse quàm sta-
tum gratiæ: vnde quia per Adæ peccatum excidimus
gratia, commentus est extinctum fuisse liberum arbi-
trium. Eam namque vertibilitatem voluntatis quam
passim donamus nomine liberi arbitrij, omnino ex-
terminatam vult, & solo gratiæ statu, libertatis in no-
bis statum definit. Actus verò illius status, ait esse opera
iusta, quod his eius verbis prolatis docet qui cum eo
egerat & peritissimè hominem nouerat, Bartholo-
mæus Camerarius lib. de grat. & lib. arbit. cap. 3. *Nihil
ad arbitrij libertatem attinet, an homo sensu naturæ ad bo-
num appetendum feratur, sed hoc requiritur vt bonum re-
cta ratione diiudicet, cognitum eligat, electum prosequatur.*
Quam Camerarius fuisse ait Calvinianam libertatis
actualis definitionem, & iure subsannat vt mendosissi-
mam. Ipsissima verò est quam aduersarius profert &
approbat toto opere. Vt proinde non gutta guttæ si-
milior videri possit, quàm noua de status & actus li-
bertate sententia, cum sententia Caluini. Nam ampli-
tudo quam noua sententia gratiæ superaddit, est tan-
tùm extrinseca denominatio. Sanè libertatem status,
(quæ cardo est totius huius negotij,) non aliam Calui-
no esse præter gratiam, notauit iam pridem Driedo lib.
1. de grat. & lib. arbit. tract. 1. cap. 4. Lensæus lib. 1. de li-

bertate Christ. cap. 6. & Maldonatus Ioan. 8. num. 75. qui de hac libertatis à peccato per gratiam formaliter collatæ, & libertatis à necessitate, confusione per Calvinum facta, expostulans, ait, *Digna verberibus aut igne potius ignorantia*. Atqui libertatem à peccato quæ est formaliter ipsa gratia, eadem omnino esse cum libertate à necessitate, autor totidem verbis tradit, vt retulimus cap. 1. & expressè ita habet lib. 2. cap. 3. num. 4. Nullum igitur est in præcordiis (vt ita dicam,) totius nouæ sententiæ, discrimen à Caluini placito de libertate, quod tamen esse hæreticum, nemo dubitat hæreseologorum: & vel ex eo abundè liquet, quòd certum ex fide sit libertatem nobis per Adæ peccatum non esse ablatam, quàmuis certum sit ablatum esse gratiæ statum. Augustinus quoque lib. 2. de peccat. merit. cap. 18. ait liberum arbitrium esse vnum è bonis naturalibus, & ex eo bonorum genere quo mali vitio suo abuti possunt, quorū neutrum cadit in libertatem à peccato siue in gratiam sanctificantem. Est itaque quod dico, certum ex fide, nec potest Caluini sententia ab errore manifesto liberari. Quàm autem cum ea consentiat imò planè vna sit noua sententia, liquere ex dictis, puto.

*Labe alia noua sententia ex eadem scrobe, exclusio
potestatis vtrolibet flexilis,
à libertate.*

III. Erroris insuper explorati labe, eximere non possum nouam sententiam, quatenus negat libertatem sitam esse in potestate exsoluta alterutrius partis,

& ea licet deficiente vel exclusa, saluam esse dicit libertatem, modò adsit amplitudo ex adhæsione cum Deo. Hæc non posse ab errore excusari ex eo patere puto, quod ut potestatem prædictam ad vtrumque flexilem atque vertibilem quaquauersum nobis eriperet, tanto studio per superioris seculi sectarios annisus est Satan: nec cum eam potestatem impugnarent, aliud se impetere profiterentur, quàm libertatem tunc in Ecclesia receptam. Et è contra ut libertatem sic expressam retinerent Catholici Doctores, omni conatu satagere, ut proinde dubium esse non possit, quin res inter lites de fide adeò agitata, ad fidei dogmata pertineat. Calvinus certè lib. 2. instit. cap. 2. & 3. non dubitat se ea flexili facultate abroganda, à Catholica Ecclesia dissidere: còque nomine, ab omnibus Catholicis, hostis libertatis audiuit. Aduersarius ergo qui libertatem negat essentialiter esse facultatem vtrolibet flexilem, & cum deuinctione flexilitatē illam excludente ait posse consistere libertatem, si adsit adhæsiō cum Deo, & exurgens inde denominatio ampli ac eminentis; quo pacto Calvinum erroris hac in parte insimulare poterit, & eum nomine abrogatæ libertatis damnare? Aut quibus scripturis Patrūmve & Conciliorum testimoniis, armabitur aduersus Calvinum hac in parte? Nam nos quidem iis instruemur testimoniis, quibus potestas actiuè indifferens, & facultas ad vtrumlibet, homini data celebratur, quæ innumera sunt & apertissima: & quia eiusmodi facultatem nobis eripit Calvinus, pronunciabimus eum hæreticum & hostem libertatis, quòd videamus eam potestatem in Ecclesia hætenus

libertatis nomine fuisse insignitam, conformiter ad scripturas in quibus sæpè, *posse*, idem sonat quod *velle*, vt notat Valdens. lib. 1. doct. cap. 11. num. 6. Non liquet ergo qua ratione notam erroris defugere possit inficiatio illa potestatis vtrolibet flexilis tanquam essentialis libertati.

Item labes alia, cohesio libertatis & necessitatis in agendo.

IV. Eiusdem furfuris est, quod præterea in noua sententia asseritur, libertatem veram & propriè dictam ac moralitatis fundatricem, cohærere cum necessitate. Disertè sanè S. Thomas quæst. 9. de malo art. vnico, ait inter Christianos hæresim esse, apud Philosophos autem esse opinionem extraneam totius Philosophiæ euersiuam, negare libertati exsolutionem à necessitate: SS. quoque Patres semper à libertate excludunt necessitatem, negantque eas posse coherere, & idcirco hominem necessitate fuisse exsolutum, vt liber esset, & factorum ratio iure ab eo reposci posset. Paucos proferre non erit inutile.

S. Hilarius in Psalm. 2. ad illud, *tunc loquetur*, sic scribit. *Vnicuique nostrum libertatem vitæ, sensusque permisit Deus, non necessitate in alterutrum affigens, vt vnumquemque ex natura bonum malumve esse lex cogeret, sed qui nos per beneuolentiam vtendæ beatitudinis suæ creasset, profectum nobis ad id, meritum vitæ innocentis honestæque constituit. Quid autem honoris ac præmiij, bonitatis necessitas mereretur, cum malos nos esse, vis quadam nobis conserta non*

fineret? Voluntati ergo permissa bonitas est, ut premium sibi voluntas bonitatis acquireret, essetque nobis æterna huius beatitudinis profectus atque usus ex merito, non necessitas indiscreta per legem. Addit, quamvis lege creationis non simus necessitate ad bonum adstricti, tamen ut esset merito locus, & stimulus ad virtutem non deesset, additam supplicij comminationem: quia meritum necessitas naturæ non haberet, adiecit, ut libertatem ipsam quotidie propositus è contrario pœnæ terror argueret. Atque ita & per rationem æqui atque iusti ad meritum præmij permissa libertas est, & per bonitatem Dei vis libertatis metu constitutionis arctata est, ut bene velle meriti spes moneret, malum nolle, proposita ultionis pœna suaderet.

S. Basilius hom. quòd Deus non sit autor malorum. Deo eum puta fore amicum, non qui coactus, sed qui sponte sua virtuteque illi obtemperat. Virtus vero ex voluntate perficitur, non ex necessitate. Voluntas autem ab illis pendet quæ in nobis sunt sita. Quod verò in nobis situm est, voluntarium & spontaneum est. Qui ergo factorem reprehendit quòd non tales nos natura fecit qui peccare nequeamus, nihil aliud opinari videtur quàm naturam ratione carentem, ea quæ rationis est particeps, esse potiore: & illa quæ non mouentur nec mente ducuntur, ijs quæ eligunt, iudicant, conferunt, omnino præstare. Hanc exclusæ à nobis necessitatis rationem, æquè adhibent alij Patres, similiter rationem reddentes cur creati debuerimus exsoluti à necessitate. Itaque possunt quoque isti in hanc rem adduci. Tertullianum, Nemesium, Arnobium, sic philosophatos, iam suprà vidimus.

S. Ambrosius lib. 1. de Iacob cap 1. Non serui ad

obediendum constringimur neceſſite, ſed voluntate arbitra, ſiue ad virtutem propendemus ſiue ad culpam inclinamur. Et ideo nos aut liber affectus ad errorem trahit, aut voluntas reuocat rationem ſecuta.

S. Hieronymus epilt. 146. tractans illud, & diuiſit eis ſubſtantiam, ita loquitur. Significantius in Græco legitur καὶ δὴν αὐτοῖς τὸ βίον, id eſt, dedit eis liberum arbitrium, dedit mentis propria libertatem, & vt viueret vnusquisque non ex imperio Dei ſed ex obſequio ſuo, id eſt, non ex neceſſitate, ſed ex voluntate, vt virtus haberet locum, vt à cæteris animantibus diſtaremus; dum ad exemplum Dei, permiſſum nobis eſt facere quod velimus. Vnde & in peccatores æquum iudicium, & in ſanctos & iuſtos iuſtum præmiũ retribueretur.

S. Auguſtinus lib. de natura & grat. cap. 65. approbat dictum S. Hieronymi in hanc rem à Pelagio relatum. Quod ait à memorato dictum eſſe preſbytero, liberi arbitrij nos condidit Deus, nec ad virtutem nec ad vitia neceſſitate trahimur, alioqui vbi neceſſitas nec corona eſt: quis non agnoſcat? quis non toto corde ſuſcipiat? quis aliter conditam humanam neget eſſe naturam? Et lib. de vera relig. cap. 14. Quoniam peccari non dubium eſt, nec hoc quidem dubitandum video, habere animas liberum voluntatis arbitrium. Tales enim ſeruos ſuos meliores eſſe Deus iudicabit ſi ei ſeruirent liberaliter; quod nullo modo fieri poſſet, ſi non voluntate ſed neceſſitate ſeruirent. Tandem vt alia cius quàm plurima ſileam lib. 1. contra Fauſtum cap. 5. liberum arbitrium voluntatis quo vel benè vel malè viuatur, propter iuſtum iudicium Dei, ab omni neceſſitate liberum eſt: Non poteſt luculentius affirmari quod intendimus.

Theodo-

Theodotus Ancyranus homil. in Natiu. Saluat. quę extat tom. 6. Conc. Ephes. editio. Peltani cap. 10. hominem celebrans à libertate, sic scribit. *Solum hoc animal, inter cetera omnia, liberum conditum est. Solum enim hominem, sui arbitrij, suęque voluntatis dominum constituit Deus. Nonne cernis solem naturali quadam vi adactum volui? nonne constantem semperque sibi similem illius conversionem aduertis? Cur autem eodem semper modo circumagitur? Quia iudicium non habet. Tu autem productus es liber; facis quod lubet; necessitatem quę te vi impellat, nullam pateris; liberum est animi tui iudicium. Sol famulatur necessitati; homo sententiam sortitus est liberam. Iam dic obsecro. Vter præstantior est seruusne; an Dominus? Necessitatis iugo subiectus an ab omni necessitate immunis? Vides pugnam necessitatis & libertatis iuxta hunc autorem.*

Philo lib. quòd Deus sit immutabilis, pugnam prædictam æquè monstrat, homine ex hoc capite cunctis brutis prælato. Sic enim de anima rationali loquitur. *Solam hanc pater iussit esse liberam, exemptam & dimissam è necessitatis vinculis, donatamque munere decentissimo voluntatis spontanea, quatenus eius capax erat. Nam brutę animantes, quarum animabus non inest mens donata priuilegio, subiugata frænataque traduntur ad ministerium hominum, tanquam heris mancipia. Homo autem liberam facultatem & sui iuris sententiam sortitus, ex destinato pleraque faciens, meritò vituperium incurrit, si prudens sciensque peccat: sicut è diuerso laudem, quando sua sponte benefacit. Nam stirpium animaliumque nec vbertas laudatur, nec si malè proueniant, vituperantur:*

quod vterque hic motus, & vtraque mutatio, non est voluntaria: sed sola hominis anima, qua accepit à Deo motum voluntarium, hætenus illi similis, à molestissima grauissimâque herane necessitate, quantum licuit, manumissa, iure accusari posset, si liberatorem suum non coleret. Et mox alia subiicit de homine donato libertate, & potestate vtrumlibet è duobus oppositis eligendi, seclusa omni necessitate & deuinctione ad partem alterutram.

S. Bernardus explicatissimè & frequentissimè idem tradit lib. de grat. & lib. arbit. satis sint illa ex eo opusculo *sub initium*. Tractans enim multiplicem libertatem libero nostro arbitrio assignabilem; *Est, inquit, quam magis ei congruere arbitror libertatem, quam dicere possumus à necessitate, eo quòd necessarium voluntario* (apud Bernardum nomen voluntarij, sumitur pro libero) *contrarium esse videatur. Si quidem quod ex necessitate fit, non iam ex voluntate, & è conuerso similiter. Et mox addit, hanc libertatem à necessitate, & Deo, & sanctis Angelis, & quibusuis hominibus, & dæmonibus, communem esse. Et sub initium libri, ait, Vbi necessitas, ibi libertas non est.*

V. Idem passim tradunt Patres reliqui versatilem libertatis nostræ genium describentes. Autori tamen reclamanti & necessitatem agendi cum libertate item agendi coherere affirmanti præiuerunt non modò Calvinus lib. 2. Instit. cap. 2. & scurrarum æui nostri facile princeps Petrus Molinaeus in scuto fidei ad artic. 9. sed etiam antea Vvicleffus, quem id probasse iisdem argumentis quibus nunc autor vtitur, nempe quia in Deo & beatis necessitas non tollit libertatem, refert

Thomas Vvald. lib.1. doct. cap.22. & 25. quo posteriore loco.num.9.aliquos citato Diuo Thoma, voluntatem hominis ambulatoriam, compedibus necessitatis astringisse, grauitèr expostulat: & meritò ibid. cap.23.num.6.ait, Metaphysicam Pauli esse in contrarium; Nam Apostolus in epist.ad Philemo.vers.14.& 1. Corinth.7. pro eodem habet, esse liberum, & non habere necessitatem operandi. Necessitas enim inhibet ultrotroneum illum motum qui est de ratione libertatis, ac proinde libertatem excindit. Et ita fert communis consensus Scholasticorum.

Explicati Scholastici, contra sentire visi.

Nec repugnant quidam è veteribus Scholasticis, qui visi sunt admittere necessitatem cum libertate cohærere. Aliò enim respexerunt quàm nunc faciamus. Et nonnulli quidem vt liquet ex Gregorio in 1.d.10. qu. vnica art.2. post 3. conclus. Capreolo in 1.d.6. qu. vnica art.3. ad argumenta Scoti contra quartam, Argentina in 1.d.1.q.2. ad argum. contra 3. Almaino tract.1. Moral.c.1. notab. 1. libertatem vsurparunt aliter quàm nunc fiat. Distinxerunt enim libertatem à libero arbitrio; & cum admittant liberum arbitrium excludere necessitatem, aiunt tamen libertatem cohærere cum necessitate, eo quòd libertatem libero arbitrio contradistinctam, vsurpent pro sola complacentia voluntaria, violentiæ experte, non tamen indifferente & verè libera. Alij verò tantum voluerunt libertatem ad aliquid, cohærere cum necessitate ad aliud. v. g. admi-
serunt in Deo libertatem volendi cum necessitate ef-

fendi : quia libertas volendi in Deo ob infinitatem actus diuini immanentis, æquipollentis nostræ liberæ volitioni ac non volitioni, rectè explicatur per indifferentem illius vnus actus terminationem & non terminationem; cum qua terminationis contingentia, rectè cohæret diuinæ essentiæ immutabilitas, ac diuini actus necessitas in seipso; licet diuinæ volitionis necessitas qua ex parte libera est, id est quoad terminationem, nullo modo cohæreret cum diuina libertate: quia libertas dicit exsolutionem, quam necessitas exciscidit: vnde quoad vnum-& idem inconciliabiliter dissident. Tradidit hanc, necessitatis cum diuina libertate vel pugnantis vel cohærentis, distinctionem, S. Bonauent. in 2. d. 25. art. 2. quæst. 2. num. 44. vbi eam necessitatem quæ pugnat cum libertate, vocat *necessitatem coactionis*, quam ait interuenire cum facultas non est actus sui domina, nec se ad illum mouet prohibito. Eam verò diuinam necessitatem quæ potest cum libertate cohærere, vocat *necessitatem immutabilitatis*. Aduersarius ergo qui affirmat libertatem & necessitatem cohærere quoad idem, & libertatem vsurpat propriè ac prout est fundamentum moralitatis, necessitatem verò intelligit, eam quæ excludit dominium potentiæ in actum suum, longè aliter sentit quàm scholastici prædicti, nec potest erroris notam hac in parte defugere.

Argumentum in contrarium, contritum.

VI. Non est autem dissimulandum argumentum quo autor eam necessitatis propriè dictæ & veræ liber-

STRIBILIGINES NOVÆ SENTENTIÆ. 125
ratis cohæſionem frequenter ſtabilit, & nominatim
lib. 1. cap. 34. num. 3. nempe quòd liberum oppona-
tur ſeruo, non autem neceſſario. Nam Philoſophi
neceſſario opponunt contingens, non autem li-
berum.

Hoc telum nullo negotio retundi poteſt. Dimiſſis
autem innumeris quæ de multiplici acceptione & no-
tione contingentis, accumulât Gabr. in 1. d. 38. quæſt.
vnica art. 1. & in 2. d. 25. dubio vltimo poſt Camerac.
in 1. qu. 11. art. 1. breuiter dico, contingens vniuerſè lo-
quendo cum de cauſis & effectibus agitur, eſſe aliquid
commune cauſæ liberæ & cauſæ naturali impedibili, ac
effectibus vtriuſque. Nam contingens dicitur, quod
ita eſt vt ſecluſa exiſtentia poſſet non eſſe, vel quod ita
erit, vt poſſet carere eſſe: Et illa poſſibilitas non eſſen-
di, poteſt vel ex cauſæ indifferentia actiua vel ex eius
infirmirate prouenire: (poſſet ſiquidem effectus qui
eſt, non habere eſſe, vel quia cauſa poſſet illud non da-
re ſi vellet, vel quia cauſa poſſet à dando impediri:)
propterea cauſa dicitur contingens, vel quia cum ſit
domina actus ſui, ita illum ponit vt poſſet non po-
nere omnibus eodem modo ſe habentibus, in quo dif-
fert à cauſis neceſſarijs vt optimè tradit Gabriel artic.
illo 1. concluſ. 3. demonſtrans per hoc cauſam dici &
eſſe liberam. Vel certè cauſa dicitur contingens quia
ita operatur vt poſſet non operari, non ex intrinſeca
potestate cauſæ in actum ſuum, ſed ex imperfectione
& debilitate eius, ob quam iniici ei poteſt impedimen-
tum, & ipſa poteſt prohiberi actione. Et vtroque
etiam modo, effectus dici poteſt contingens.

Si ergo contingens sumatur adeò vniuersaliter, certum est, contingens non esse idem cum libero, sed latius eo patere. Si tamen restringamus contingens ad primum membrum, nempe ad illud quod potest operari vel non operari pro potestate quam habet in actum suum, vel ad illud quod esse potest aut non esse ob eam causæ potestatem, sic contingens est idem quod liberum, vt Cameracensis & Gabriel suprà loquuntur; imò communiter antiqui, apud quos libertas propriè dicta passim vocatur, *libertas contingentia*, vt videre est apud Almainum tract. 1. Moral. cap. 1. Est in hanc rem locus pulcherrimus apud Nemesium lib. de hom. cap. 40. sic enim ex interprete loquitur, monstrans obiectum libertatis, siue liberum, idem esse quod contingens *εἰς τὸ χόμδον*. Propriè in nostra potestate sunt omnia quæ ad animum pertinent, & de quibus consultamus. Consultamus enim, perinde quasi in nostra sit potestate agere, quod proponitur. Ostensum est autem suprà, consultationem esse rerum contingentium, per æquè in vtramque partem: quod genus contingentium sic definitur. Quod cum ipsum possumus, tum eius oppositum. Huius optio penes nostram mentem est, & hac actionis est principium: eaque in nostra potestate sunt quæ æquè in vtramque partem contingunt, vt moueri & non moueri, persequi & non persequi, appetere res necessarias & non appetere, mentiri & non mentiri, dare & non dare, letari quibus rebus oportet & non letari, denique quæcunque eiusmodi sunt, vt in ijs vitij & virtutis opera insint; horum enim penes nos potestas est. Huic contingenti opponitur necessarium, non quomodolibet acceptum, (est enim omnino multi-

plex *necessarij* acceptio; ad quatuordecim recenset Pen-
notus lib. 1. propugn. cap. 1.) sed necessarium ex defe-
ctu causæ, non habentis potestatem in actum suum.
Et ita Camerac. ac Gabriel, supra, & alij relati in Mo-
rali dist. 2. num. 64. imò communiter omnes: Vt vi-
deas quanto iure aduersarius dicat, iuxta Philosophos,
liberum non opponi necessario.

*Labes priori affinis, non necessitatem, sed coactionem
solam aduersari libertati.*

VII. Præterea erroneum planè videtur quod ad-
debatur in noua sententia, ad veram libertatem suffi-
cere immunitatem à coactione. Hoc non modò est
contra sententiam philosophicam quæ solam volun-
tatem statuit formaliter liberam, (nam intellectus
quoque vt ait Ocham in 1. d. 1. qu. 6. *litera M*, imò &
omnes potentia cognoscitiua & appetitiua immunes
sunt à coactione, vt probat Durandus in 4. d. 49. qu. 4.
num. 17.) sed etiam est contra Ecclesiæ oraculum. Nam
si immunitas à coactione ad libertatem sufficeret, fa-
tendum est, ad veram libertatem sufficere rationem
spontanei siue voluntarij libero anterioris. At hoc est
expressè damnatum à Pio V. & à Gregorio XIII. con-
tra Baium, cuius hæc erat propositio 38. *Quod volunta-
riè fit, liberè fit, quamuis necessariò fiat: Vbi voluntarium
sumitur pressè, seu pro spontaneo, quod solam co-
actionem excludit. Nec Baij tantum qui sine malitia
errabat, sed Caluini quoque fuit ea opinatio. Caluinus
enim, vt ci latè exprobrat qui cum eo egerat Bartholo-*

mæus Camerarius lib. de grat. & lib arbit. cap. 6. admittit libertatem hominis, dummodò per libertatem indicetur tantùm voluntarius & spontaneus operandi modus, solam coactionem excludens. En impuri calami virulentiam lib. 2. aduersus Pighium. Si coactioni opponatur libertas, liberum esse arbitrium constanter asseuero; & pro haretico habeo quisquis secus sentiat, si hoc liberum vocetur, quia non cogatur aut violenter trahatur extorto motu, sed sponte agatur sua. Sed cum aliud prorsus vulgo concipiant, dum hoc epitheton homini attribuunt, vel audiunt, vel legunt, & ad facultates viresque referant, & imaginatio hæc in mentem veniat, habere sub potestate sua bonum & malum, & alterum eligere suapte natura queat, hæc causa est cur mihi displiceat. Similia habet lib. 2. instit. cap. 2. num. 5. Subscribitque passim pusillus grex, & nominatim magnus in eo aries Petrus Molinæus in scuto fidei ad artic. 9. Præiuerat his omnibus Vvicleffus, quem ex lib. 3. dialogi cap. 28. refert Vvald. lib. 1. doctrin. cap. 22. num. 5. & idem communiter dixisse Vvicleffistas, habet idem Vvald. idem cap. 23. num. 6. Stoicis fatariis idem tribuit Iulius Sirenus lib. 3. de fato, cap. 21.

VIII. Tentauit autor lib. 1. cap. 29. num. 6. Baij & cæterorum quos idem sensisse vidimus, damnationem à se auertere; dicendo, idcirco damnatum Baium, quia censebat, quod sit spontaneè, fieri liberè libertate contradictionis quæ ad meritum bonum malumque exigitur: quo pacto motus illi qui rationem anteuerunt essent liberi, libertate ad peccatum sufficiente; se autem nihil tale dicere.

Verùm

Verùm si Baius damnatus est, quia libertatem ad meritum demeritumque requisitam censuit retineri posita sola ratione voluntarij, non video quomodò aduersarius se in eadem damnatione esse non videat; quippe qui in ipsa propè operis fronte, contestatur sermonem sibi toto opere fore de libertate ad meritum ac demeritum prærequisita. Si ergo aduersarius, huiusmodi propriè dictam libertatem, agnoscit posita sola immunitate à coactione perstare incolumem, (vt reuera agnoscit:) nulla profectò superest via declinandi impactam Baio notam, & Calvinianæ doctrinæ societatem hac in parte.

*Vel libertatem, seruitute, non necessitate
excludi.*

IX. Proditque insuper illud doctrinæ cum Caluino commercium, quod aduersarius locis supra annotatis, & nominatim lib. 1. cap. 6. num. 10. veram libertatem non necessitati sed seruituti opponi docet, quæ est ipsissima Caluini doctrina in opere contra Pighium pag. 66. vt Camerarius lib. de lib. arbit. cap. 6. retulit ac refellit. Inde autem videtur profluxisse hic error, quòd libertas ciuilis seruituti opponitur, non necessitati. Seruus enim liber est physicè, & necessitati cuius subducitur physicè loquendo; ciuilitè tamen non est liber, quia de iure, nutibus Domini addicitur. Vnde quia scripturæ sæpè memorant Christianam libertatem, ciuili libertati purè humanæ proportionalem, Calvinus, & qui ei improuidè adhæsit aduersarius, eam liberta-

tem soli seruituti oppositam, cum vera libertate commiscuerunt, & excludi à libertate necessitatem, sunt inficiati. Quanquam ante hos quoque, Democritus & Chrysippus apud Eusebium 6. præpar. cap. 6. cum libertatem, alter ex parte, alter omnino excinderent, eam libertatis exclusionem, nominarunt *seruitutem* ac *semiseruitutem*; & voluntatem vel *seruam* vel *semiseruam* dixerunt, rati libertatem cum seruitute pugnare, non cum necessitate, vt etiam censuit Calvinus.

Liquet porro ex dictis, nihil cum Caluiniano hoc fermento commune habere, quod interdum aiunt DD. aliqui quorum doctrinæ synceritas est extra dubium, nempe libertatem esse immunitatem à coactione, & opponi seruituti. Vtrunque habet S. Bonauent. in 2. d. 25. dub. 5. *circa literam*. Verùm S. Bonauentura expressè declarat, eam coactionem à qua statuit libertatem propriè dictam eximi, esse necessitationem oppositam determinationi à seipso, siue oppositam dominio in actum suum: quod apertè tradit ibid. nu. 37. libertatem seruituti coactionis oppositam, appellans libertatem à necessitate, & quidem ab ea necessitate qua facultati eripitur dominium in actum suum, vt inferius exponit eadem dist. artic. 2. quæst. 2. num. 44. Similiter seruitutem libertati oppositam S. Bonau. intelligit necessitationem. Eam quippe seruitutem, contradistinguit seruituti subiectionis, ad quam reducitur seruitus ciuilis. Itaque tantùm abest, vt dicat libertatem non opponi necessitati sed seruituti, vt pro eodem habeat necessitatem cum libertate pugnantem & seruitutem libertatis propriè dictæ exclusiuam, vt liquet

STRIBILIGINES NOVÆ SENTENTIÆ. 131
ex num. 37. & ex plurimis locis eiusdem distinctionis.

Quod de S. Bonaventura dixi, æquè dicendum est de Alphonso à Castro, qui v. *libertas*. hæc. 1. cum dixisset libertatem propriè dictam opponi necessitati, subdit, *vel vt veriùs dicam, coactioni*. Illico tamen ita se explicat Castro, vt appareat eum vsurpasse coactionem pro necessitatione; necessitatem autem, ibi accepisse pro immutabilitate, vel necessitate essendi, quam posse cum libertate cohærere, liquet ex Deo. At aduersarius, necessitatem propriè dictam negat cum vera libertate pugnare, nec seruitutem vsurpat pro seruitute necessitationis, quæ latè sumpta voce dicitur seruitus coactionis, sed vsurpat seruitutem ciuilitè, tametsi in sensu Christiano, prout scilicet qui peccato subiacet, seruitute premi dicitur; quo eodem sensu & modo voces illas vsurpat Calvinus, tradens libertatem non cum necessitate sed cum seruitute pugnare. Proindèque longè & à Caluino & ab autore absunt S. Bonaventura, & Alphonsus, tametsi cortex verborum videri vtroque posset non absimilis.

Tuber nouæ sententiæ, peccatores absque libertate.

X. Erroneum insuper videtur, veram & propriè dictam libertatem negare peccantibus, quod facit autor consequenter ad nouam sententiam, qua libertatem deriuari vult ex adhæsione ad Deum, quæ à peccatoribus exulat. Imò lib. 2. cap. 26. *in fine*, & lib. 1. cap. 33. nu.

8. concessa peccantibus sola indifferentia passiuæ, qualis est brutorum, & lapidum, ac materiæ primæ, addit, eam non modò non esse libertatem, sed etiam libertati repugnare. Et rectè planè supponit aduersarius, indifferentiam passiuam non sufficere ad veram libertatem, quod in Mor. dist. 2. à num. 92. probaui cum Durando, Gregorio, Vega, estque ex libertatis notione perspicuum. At indifferentiam peccantis non esse actiuam, sed duntaxat passiuam, atque adeò non esse peccatorem qui agit, sed merè passiuè se habere; (hoc enim est esse tantùm passiuè indifferentem) error est exploratus: quia sequeretur peccatorem reum fieri, & pœnis immanibus subiacerè, pro opere non suo. Meminisse verò hîc oportebat autorem, vitanda esse sententiarum extrema. Iuxta Lutherum quem eo nomine acriter castigat Roffensis artic. 36. non inest homini libertas nisi ad malum. Aduersarius autem non dat homini libertatem nisi ad bonum. Vox Nouatiani est lib de Trinit. cap. 30. Veritas inter extremos errores media pendet, vt Christus inter latrones.

*Et daemones ac damnati absque peccato
extra viam.*

XI. Videtur præterea erroneum quod aiebat noua sententia, dæmones & damnatos non peccare, quia cum nò adhæreant Deo, sunt expertes libertatis. Hæc nota si agatur de peccato non vagè sed determinatè, non videtur vllò nitro, vllâve herbæ borith multiplicatione elui posse. Nam damnatos Deum blasphemare

re, certum est. Eos autem nulla extrinseca necessitate adigi ad blasphemandum, rectè statuit Dionys. Cisterc. in 2. d. 7. quæst. 1. artic. 2. in fine. Imò nec ab intrinseco dici possunt necessitari ad execrandum illum actum. Et idem est de alijs sceleribus quæ iugiter designant, & cum facultas suppetit, exequentur. Quid enim inest damnato quod eum ad peccandum necessitet? Eius voluntas est ex se exsoluta à necessitate. Habitus quilibet, & iustum supplicium repensum anterioribus culpis, nihil tale præstare possunt. Ergo affirmare illos non esse liberos in actibus quos proposui, & sceleris puros eos præstare, erroneum est.

Sanè S. Bernardus, imaginem Dei in homine interpretatus libertatem, ser. 1. de annunc. ait eam Dei imaginem perstare in peccatore, etiam in gehenna: & vri quidem eam posse, sed non exuri, ardere sed non deleri, contra quàm contingere ait divinæ similitudini, siue virtutibus, quæ in Tartaro pereunt, & obliterantur. Idem Bernardus tract. de grat. & lib. arbit. sic scribit de dæmonis libertate. *Quomodò ad bonum conuersus per gratiam humana voluntatis consensus, eò liberè bonum & in bono liberum hominem facit quo voluntarius efficitur, non inuitus pertrahitur: sic sponte deuolutis in malum, in malo nihilominus tam liberum quàm spontaneum constituit, sua utrique voluntate ductum, non aliunde coactum ut malus sit. Et sicut cælestis Angelus, aut etiam Deus ipse, permanet liberè bonus, propria videlicet voluntate non aliqua extrinseca necessitate: (agit de bonitate Dei quoad actus externos in quibus iugis est, cum posset si vellent ab eis feriari:)* Sic profectò diabolus æquè liberè in malum

& corrui & persistit, suo utique voluntario nutu non alieno impulsu. Manet ergo libertas voluntatis, ubi etiam sit captiuitas mentis, tam plena quidem in malis quàm & in bonis, sed in bonis ordinatior. Et infra. Nec Deus caret libero arbitrio, nec Diabolus, quoniam quòd ille esse non potest malus, non infirma facit necessitas, sed firma in bono voluntas, & voluntaria firmitas: quòdque is non valet in bonum respirare, non aliena facit violenta oppressio, sed sua ipsius in malo obstinata voluntas, ac voluntaria obstinatio. Quod ait, dæmonem non posse in bonum respirare propter voluntariam peruicaciam, fauet sententiæ non ignobilium Theologorum, qui concedunt dæmonibus ac damnatis, facultatem bonum aliquod morale opus exequendi si velint. Ad bonos tamen actus supernaturales nullo modo possunt assurgere dæmones ac damnati, quia desunt eis prærequisita ad cudendos huiusmodi actus: Et hoc voluit D. Augustinus cum negauit damnatos habere libertatem ad bonum, vt Camerac. lib. de liber. arbit. cap. 3. in fine, refert.

Omnia eorum scelera, Dei non ipsorum opera.

XII. Non hîc stetit dæmonum & damnatorum excusatio quam instituit noua sententia, liberans eos à peccatis omnibus propter defectum libertatis. Vnum addidit quod cum chartæ illineretur, mirum est si non attramentum versum sit in minium, vt in Iulianum dixit Augustinus. Addidit inquam noua sententia, dæmones & damnatos non modò non peccare, sed ne agere quidem: *DEVM esse qui operatur motus illos in*

damnatis & demonibus, qui operationes eorum esse videntur; at ipsos nequaquam operari. Quod hoc doctrinæ prodigium, imò portentosum monstrum? Satan ad Abelis fratris cædem incitavit Cainum; Ammonem ad conspurcandam sororem pellexit; Iudam ad Christi proditionem incendit; Animavit Iudæos ut Barrabam dimissum vellent, I E S V M verò perderent; Herodem ad contrucidandos innocentes instigavit; Antichristum ad fœda & horrenda quæque perpetranda, & cumulandam anteriorum quorumvis scelerum mensuram vrgebit. Has non Satanæ operationes, sed Dei esse, quis sine horripilatione & fremitu audiat? Inventus est qui licendo adijceret ad horrendam illam vocem quæ superius seculum incestit: *Tam opus Dei est proditio Iudæ, quàm vocatio Pauli.* Quod enim tetrius est, omnium quoque dæmonum & damnatorum detestandi quique actus, autori Deo adscribuntur in solidum, ita ut dæmones & damnati ne agant quidem; Deus in illis & per illos, horrida & infanda quæque ipsis otiantibus operatur, iuxta autorem: *Quem in re in qua ipsa verba modusque loquendi horrorem incuriunt,* (telum est ex eius pharetra in innoxiam doctrinam Gabrielis Vasques, hîc iustissimè intortum,) *sanctitatem communis doctrinæ violare non esse verum,* iis Deo adscribendis quæ sua esse opera dæmon ipse non diffitetur, non possum satis suspicere, satisve refugere.

*Noua sententiæ paradoxum periculosum; mouere se,
esse agi ab alio, & libertatem
excludere.*

XIII. Eiusdem nouæ sententiæ næuus alius, & indubitatus error, videtur esse, quod affirmat, moueri à seipso siue seipsum determinare ad operandum cum potestate non operandi, libertatem non dicere, sed excludere. Ita asserti ab autore iam retulimus. Et expressissimè id habet lib. 2. cap. 14. num. 2. verbis illis. *Moueri à seipso, prout importat moueri, non dicit libertatem, sed priuationem libertatis. Dicit enim limitationem, dependentiam, & subiectionem; dicit agi ab alio, quæ sunt opposita libertatis. Et quanquam opponas, ipsum, moueri à se, illudque identidem inculcare nitaris, quia tamen nihil prorsus à seipso mouetur, sed oportet aliquam inter mouens & mobile distinctionem interuenire, semper verum est, quod mouetur, etiam à seipso, ab alio moueri, & agi, quod est contrarium libertati. Mox tamen autor admittit, creaturam rationalem etiam si à se non moueatur, tamen mouere seipsam, idque ad libertatem eius pertinere.*

Verùm hoc acumen est omni pistillo retusius. Nam *creaturam se mouere, & creaturam à se moueri*, adeò reciproca imò synonyma sunt, vt nihil præterea. Impossibile quippe est, verum esse quod ipsamet creatura se moueat, & tamen non moueatur. Si ergo cum se mouet, mouetur; peto à quo moueatur, præcisè vi motus
quo

quo ipsa se mouet. Ipsi termini aperte produnt, principium illius motus ut sic, esse ipsammet creaturam. Ergo creaturam à se moueri, non dicit dependentiam ab alio prædeterminante ad agendum, ac proinde non excindit libertatem ut aduersarius malè affirmabat. Quinimò eius ratiocinatio, omnem planè actuū creatorum libertatem tollit è medio. Nam si moueri ab alio est contrarium libertati, ut autor dixit, & nihil prorsus est quod à seipso moueatur, ut idem affirmat, sequitur nihil esse quod agat liberè. Adde quod si nihil est quod à seipso moueatur ut autor ait, non ergo moueri à seipso dicit libertatis priuationem. Cæterum vniuersè loquendo, ut autor loquitur, falsò planè dicitur nihil esse quod à seipso moueatur. Substantia enim perficit ac mouet seipsam, profundendo proprietates suas. Item quicquid viuit, prout viuit, seipsum mouet ac perficit. Quomodò tamen Philosophus verè pronunciauerit, & tanquam basim altissimæ de Dei existentia demonstrationis iecerit effatum illud, *Omne quod mouetur ab alio mouetur*, tractatum à nobis abundè est in Natur. Theologia dist. 5. num. 50. monstratumque id non de quocunque motu, sed de transitu à non esse ad esse intelligi oportere, quo pacto perspicuum est quicquid mouetur moueri ab alio; nihil enim sibi est essendi causa.

Placita fuliginosa, iam tacta.

XIV. Præterea vacetne errore quod autor diuinas processiones immanentes, statuatur liberas, idque nomi-

natim de diuini verbi generatione pronunciet, non est hîc consilium iteratò discutere. Satis quippe de eo actum est superiùs inter impugnandum aduersarij doctrinam. Tantùm dico S. Athanasium orat. 4. contra Arianos, S. Ambrosium lib. 4. de fide cap. 3. & S. Epiphanium hæresi 69. Arianismi damnare illam propositionem, *Filius liberè à Patre genitus est.*

Superiùs quoque expensus iam à nobis est error multiplex, quo noua sententia, vt libertatem nostrorum operum meritoriorum magnificaret ac tueretur, affirmabat eum qui Deo subiicitur, & ab eo mouetur, quatenus mouetur à Deo, moueri à seipso eo quòd Deus sit ipsum esse hominis, & homini per gratiam vnientem fiat intimior, quàm sit ipse homo sibi ipsi. Vnio quippe illa Dei ad hominem per gratiam, tanta est iuxta autorem, vt homo ipse in Deum transeat, & Deus fiat ipsummet esse eius. Vnde cum homo à Deo mouetur, de auctoris sententia, magis mouetur à seipso, quàm cum ipsemet homo secundùm suum esse proprium ac peculiare se mouet. Additque lib. 1. cap. 6. num. 6. beatos licet ad Dei amorem necessitentur, idcirco tamen liberè in eum actum erumpere, quia sibi ipsimet necessitatem imponunt amandi, quatenus Deus est illorum forma & actus purissimus. *Vnde quam ab illo ita vnito necessitatem sortiuntur, hanc sibi ipsis verè meritòque censentur imponere.*

XV. Hæc quamuis ab autore multipliciter condiantur, vsquè adeò tamen desipiunt, vt ne ingesto quidem vniuerso Moluccarum pipere, defatuanda videantur. Nam transitus hominis in Deum, non nisi

valdè metaphoricus est, & mysticus. Quisquis autem alium animæ quantumcunque contemplatiuæ aut etiam beatæ transitum in Deum comminiscitur, planè delirat, iudice Gersoni epistola 2. ad Bartholomæum Carthusiensem in causa Rusbrochij, vbi ait eam *phantasiam* (sic enim appellat,) fuisse Parisijs in vno Augustiniano damnatam, *tanquam fatuam & intelligibilem*. Quod verò deliri huius in Deum transitus patroni, obtenderent quædam scripturæ loca quæ autor cum quo agimus, frequenter vsurpat, operæ pretium est audire quomodò Gerso ea exponenda tradat in priore ad prædictum Carthusianum epistola, cum refellit transitum animæ in Deum per contemplationem & amorem. Sed videbitur fortassis, inquit, pro ista assertione facere illud Apostoli verbum, qui adharet Deo, vnus spiritus est. Et multa Christi dicta sunt in hanc sententiam, imprecantis Patrem vt fideles vnum sint, sicut Pater & Filius ipsi, sunt vnum. Dudum verò certa est SS. Patrum super his expositio, dicentium, illam unitatem non esse essentialem, nec per præcisam similitudinem; sed sola ibi notatur assimilatio & participatio: quemadmodum dicit Lucas quod multitudinis credentium, erat cor vnum & anima vna: & de duobus amicis itidem dici vulgaris vsus habet: quemadmodum etiam carbo ignitus & aer illuminatus, vnum appellantur cum suo igne & lumine. Hoc tropo probat Boëtius, hominem bonum esse Deum, iuxta illud Psalmi, Ego dixi, Dij estis; non quidem per veritatem & unitatem diuinæ essentiae, & locutionem propriam, sed participatiuè & assimilatiuè, imitatiuè & nuncupatiuè.

XVI. Vides cuiusmodi transitus hominis in Deum, concedi ad summum possit; hoc est, non nisi admodum metaphoricus. Ex tali autem transitu, inferre quæ autor inferebat, multo absurdius est, quàm ex eo quòd peccator in scripturis dicatur transire in equum & mulum, inferre verè peccatorè posse generare equum, & alia præstare, quæ ab equo non mystico sed vero duntaxat ac reali proficisci possunt. Quod si iocari in re tanta incongruum est, inferre sanè seriò licebit, quandoquidem homo per gratiam fit ipsemet Deus, & idcirco cum Deus eum mouet, non à Deo sed à se mouetur; licebit inquam inferre, creationem & conseruationem mundi, esse hominis operationes. Item generationem Filij, & processionem Spiritus sancti, esse actiones hominis, ei que physicè tanquam principio tribuendas: Et nouam denique ac plusquàm monstruosam communicationem idiomatum, Deum inter ac puros homines iustos, esse confingendam. Hæc si dici non possunt nisi ab homine, qui vt loquitur Theophilus Alexandrinus in 1. Pasch currum stultitiæ suæ ultra Æthiopix flumina agitarit, fatendum est, mysticos plerosque loquendi modos, vt eos qui propositi sunt, ac similes quos aduersarius affectare solet, agendis in stuporem imbecilibus ingeniis v.g muliercularum, admodum opportunos esse; à viris autem cordatis ac solidè eruditis, iure despici tanquam malæ messis sementem, & genitale virus è quo non rarò ingens errorum fœtura sobolescat; qua de re inferiùs pluscula.

Pleraque de merito, intuta.

Quo porrò loco habebimus quod autor lib. 1. cap. 9. num. 8. habet quoad meritum in bonis operibus? Argumentum sibi ipse obiecerat huiusmodi, contra doctrinam quam ibi stabilierat de nulla in nobis libertate exercitij, circa Deum. Exercemus circa finem ultimum actus aliquos meritorios, ac proinde liberos: ergo libertas exercitij non datur tantùm circa media, sed etiam circa Deum. Hoc argumentum ita extricat autor, ut planè seipsum implicet. Ait enim, actum quo Deum attingimus v. g. conuersionem ad Deum, duo continere. Vnum est, præcisa ipsa conuersio ad Deum: alterum est, auersio à creaturis, quibus vel quis iam inhæsit, vel facillè posset inhærere. Hæc auersio, est meritoria tanquam actus noster: Illa verò conuersio præcisè sumpta, non est meritoria prout actus noster est, sed tanquam opus Dei per Christum in nobis; reperiturque in nobis actus ille, quamuis non sit propriè noster: Est item meritorius, quamuis nos propriè tali actu non mereamur. Ex eo tamen quòd sit meritorius, competit ei libertas aliqua, quia communis sensus fert, omnem actum meritorium esse liberum. Hactenus enodatio prædicti argumenti adhibita ab autore.

XVII. Sed in ea primùm miror, quomodò autor qui non solet communi sensu velut vulgi sermonibus moueri, hîc præter morem agnoscat, actus qui circa Deum versantur esse liberos, quia omnes ita sentiunt, cum esset in promptu ipsa ratio nouæ libertatis, siue

amplitudo, per quam abiectio profano vulgo exponere liceret quomodo actus ille libertatem habeat, non aliquam sed planè perfectam. Deinde quomodo monstrabit autor, actum qui liberè exercetur non esse liberum libertate exercitij, cum libertatem actualiter & per actum siue in actu exercere, nihil aliud sit, quàm exercitij libertas? Præterea quod autor, conuersioni cuius ad Deum adiungi vult auersionem à creaturis, falsum est si agatur de auersione non virtuali sed formali, vt videtur ferre responsio autoris ad argumentum propositum. Potest enim quis purè & præcisè ad Deum conuerti, nec auerti ab vlllo alio obiecto cui prius malè adhæserit: Et de tali actu, clarum est quòd & sit actus noster, & meritorius, ac proinde liber actuali libertate.

Quòd verò auersio cum formaliter interuenit, sit meritoria vt actus noster, non item conuersio; itémque quòd conuersio sit meritoria, nec tamen nos per eam mereamur; & denique quòd conuersio reperiat in nobis, nec tamen sit actus noster; hæc inquam omnia sordent non vno errore, videnturque damnata eo Tridentini canone, quo feriuntur qui dicunt, hominem in supernaturalibus actibus ac meritorijs, merè passiuè se habere. Ne verò cui videatur hæc vno in loco autori per calamit exerrationem excidisse, iterat ea locis compluribus, vt lib. 1. cap. 14. num. 7. & lib. 2. cap. 19. num. 19. & lib. 2. cap. 15. num. 4. vbi ait, hominem nihil agere aliud nisi quod sinit se moueri ac pertrahi; conuersionem autem nostram, esse opus Dei in nobis sine nobis. Non lenitur porro hoc vlcus ea di-

stinctione, quòd actio illa, prout est auersio, sit à nobis. Nam etiam vt conuersio est, à nobis diuinitus sollicitatis, sed nosmetipsos determinantibus oritur. Auersio item, est supernaturalis, æquè ac conuersio. Est enim vna simplex entitas. Vnde si vna postulat non esse à nobis, idem de altera erit dicendum. Tandem quis concipere queat, vnā & eandem physicā entitatem, simul esse ab homine se determinante, & non esse ab eo determinante seipsum? Itaque omnes hæ autoris subtilitates, acumina sunt aristarum quas inefficaces ipsa subtilitas reddit, vt est apud Ethologum.

*Alia macula indicatæ; amorem omnem concupiscentiæ,
malum esse.*

XVIII. Ex iisdem principiis haustum ab autore videtur, quod lib. 2. cap. 6. num. 4. ait, operantem ex spiritu gratiæ, nihil suæ vtilitatis, etiam æternæ, gratia facere, nihil quærere nisi bonum Dei. Et lib. 1. cap. 4. num. 8. affirmat, actum rectum *elici propter finem vltimum, & ex amore Dei puro ac prorsus honesto, ac nequaquam ex amore concupiscentiæ.* Hæc si vera essent, actus spei non esset actus bonus, quia est actus amoris concupiscentiæ erga nos ipsos; non autem puri amoris erga Deum. At actum spei, esse honestissimum & supernaturalem, indubitatum est apud Catholicos. Item iuxta autorem, inclinare cor suum ad faciendas iustificationes Dei propter retributionem, præsertim æternam, non esset actus ex spiritu gratiæ elicited, quia

quando ita operamur, non renunciamus vtilitati nostræ, & æternum bonum nostrum captamus. Et tamen de fide est, & in Tridentina Synodo contra sectarios constitutum, talem operationem ex spiritu gratiæ elici. Quo emplastro possit huic vulneri medela fieri, viderit autor.

Hominem esse sibi finem, quia est Deus.

XIX. Liceat etiam superioribus assuere quod sequitur, nam & affine est, pertinetque ad nostram illam in Deum metamorphosin, de qua proximè. Autor lib. 1. cap. 5. n. 7. cum definisset ex Aristotele liberum, quod est sui causa, *ἑαυτὸ ἐνέργειᾳ*, sibi que obiecisset, ergo hominem non esse liberum, quia non est sui gratia, sed Dei, respondet his verbis. *Cum Deus sit summum & proprium eius bonum, cum sit nobis intimior intimo nostro, cum creatione & prima institutione simus capaces eius, ideo cum Dei sumus, nostri sumus, & ad Deum referri, non est aliò referri, nec pendere ab externis, sed potius sui gratia esse.* Eadem repetit cap. 7. num. 4. Quod aduersarius de his suis verbis iudicium ferri velit, non admodum refert. Ego si mea essent, non censereim fas mihi esse defugere, quominus verba tam inordinatè prolata, grauis erroris arguerentur. Quò enim deuentum est, si fas est dicere, hominem factum esse propter se? hominem ad nullum extra se finem referri? Sed vt clauus clauum, admiratio admirationem extrudat, addo & illa ex numero 12. eiusdem capitis. Homo Deo adhærens, & verè liber effectus, *ad quandam omnipotentiam*


riam peruenit, eiusque voluntati, ut & diuinæ nihil resistit, nihil ei dominatur, nulli subijcitur, quia totus à seipso separatus in Deum transijt. Itaque eò quoque noua doctrina peruenit, ut fas sit dicere, hominem Deo non subijci, hominem Deum non agnoscere Dominum, esse hominem planè ἀνάκτορος, esse omnipotentem. Et hæc cum dicimus, hypermyistici & transspirituales audimus. Non equidem inuideo, miror magis.

*Iustos Christi sanctitate formaliter
sancto esse.*

Denique quòd autor explicans varias per libertatem deificationes, tertiam esse ait, qua sanctificamur ipsiusmet Christi sanctitate, viderit ipse quomodò ab Illyrici, Bucer, & aliorum Lutheri geniminum sensu discrepet, qui iisdem verbis dixerunt, hominem non creaturæ cuiusdam puræ sed ipsiusmet Christi sanctitate sanctum formaliter esse, nec per sese ac separatim, sed in ipso Christo iustificari. Quem errorem passim conuellunt qui de iustificatione disputant, & nominatim Bellarminus lib. 2. de Iustific. cap. 7. Ipse autor distare se plurimum ab hoc insulsiſſimo errore, disertè monet. Sed multi sunt qui contestantur nolle se quicquam placitis suis esse commune cum erroribus, neque tamen eorum se fuligine satis liberant. Ut minimum verò cum autoris verba illa ipsa sint quibus Bucer & Illyricus fatuitatem suam expresserunt, considerandum illi fuit, quid iuxta vulgare effatum, ex verbis inordinatè probatis, sana licet voluntate, incurri soleat.

CAPVT VI.

*Quæ in noua sententia temeritatem
redoleant.*

I.  PALMARIBVS erroribus nouæ sententiæ, (nam minutiores plerosque sciens prætereo, spicilegium in tempore facturus;) transeo ad temeritates: quo nomine vt docetur secunda secundæ intelliguntur peculiare sententiæ quibus quis leuiter à communi via desciscit, iniens itinera non trita, nullo ineluctabilis rationis aggere obstante? Quo in genere quàm nauus sit aduersarius, vniuersum eius opus abundè docet. Vix enim est legere paginam, in qua communis doctrinæ conuulsio aliqua non occurrat.

Neque verò is ego sum, cui placeat seruitus quorundam ingeniorum, quæ nisi apud vnum aliquem è patricijs doctoribus quem sibi ducem delegerint, aut ab alijs delectum acceperint, sententiam aliquam totidem verbis expressam legant, illico damnant vt minimum temeritatis: Cuiusmodi non semel offendimus paucarum literarum homines, in alienis censendis & suffigendis supra Catones cum primùm quis tantisper ab ea semita deflexerit quam ipsi anticipato iudicio probauerint, tantum quia auctoris est quem habent pro gregis ariete. Hanc esse verè pestem disciplinarum, nec ferendam vnquam esse eiusmodi liberorum

ingeniorum mancipationem in seruitutem, eruditus quisque profitebitur, Senecæ auscultans cuius illa sunt in hanc rem egregia epist. 33. *Omnes istos nunquam auctores, semper interpretes, sub aliena umbra latentes, nihil puto habere generosi. Et mox: Isti qui nunquam tutela sua fiunt, primum in ea re sequuntur priores in qua nemo non à priore descivit. Deinde in ea re sequuntur quæ adhuc quaritur, nunquam autem inuenietur si contenti fuerimus inuentis. Præterea qui alium sequitur nihil inuenit, imò nec quaerit. Quid ergo non ibo per priorum vestigia? Ego verò utar via veteri, sed si propiorem planiorémque inuenero, hanc muniam. Qui ante nos ista mouerunt, non domini nostri, sed duce: sunt. Patet omnibus veritas, nondum est occupata: multum ex illa, etiam futuris relictum est.*

II. Quare absit ut eo nomine temeritatis dicam aduersario impactam velim, si aduersus placita in quibusdam scholis detritiora, validis adductis argumentis vindex veritatis exurgat. Hoc enim cuique liberum esse debet. Imò non adeo siccatos doctrinæ fontes existimare par est, ut nihil præterquàm quod anteriores hauserint, superesse censeamus hauriendum: Atque adeò si quis nouo tantùm modo clariùs tradat, vel firmiùs muniat anteriora placita; ac etiam (dummodò extra fidei scita & Christiana dogmata, vel cum ijs nexa,) nouum aliquod placitum ipsemet, bona & valida ratione subnixus protulerit, tametsi contra torrentem recentiorum, veterum tamen nonnullis probatæ notæ, quod ferè semper continget, vel explicitè vel implicitè & virtualiter astipulantibus, cum ego neque temeritatis, neque leuitatis damnari patiar, cum sit po-

tiùs ab ingenij acumine & felicitate commendandus. Verùm nulla nisi pertenui ac adumbrata ratione quæ facillimè dispellatur, nullo idoneo autoritatis præsidio suppetente, inire sibi vias singulares; hoc verò est quod temeritatis nota meritò suffigitur: Et talia aio esse inaduersarij opere singulis propè paginis aliqua. Scio illum quo est candore & amore veritatis, idem ac etiam mitius de suis scriptis iudicium non detrectaturum, quàm sit quod de alienis prior ipse tulit. Quare rotundè ac ingenuè cum Basilio, *ficum ficum* dicam, & breuiter præcipua quædam quæ in nouæ sententiæ veluti substantia atque visceribus, temeritatis nomine improbanda videntur, hîc delibabo. Cætera verò temerè prolata, quæ ad nouæ sententiæ quasi fundum & penetralia non pertinent, reseruo racemationi suo loco instituendæ.

Noua libertatis quidditas, temerè conficta.

III. Temeritatis ergo nota, iure in primis inurenda videtur definitioni libertatis, quam recens cudit noua sententia. Libertatis enim notio hætenus apud scriptores omnes sacros æquè ac profanos, expressa est per potestatem agendi & non agendi, vel etiam agendi oppositum, ita vt voluntas sola quia neutri parti astricta est, determinet quid teneat, vt Diu. Anselmus egregiè dixit parte 1. concord. cap. 6. Et idcirco aliqui qui dixerunt libertatem esse principium actus sui dominum, alij esse potentiam actiue indifferentem, alij esse potentiam sui iuris, alij esse principium quod po-

fitis omnibus prærequiritis potest agere aut non agere, vel etiam contrarium agere prout extensior vel actior fuerit libertas pro variis obiectorum meritis. Idcirco item aliqui libræ, aut trutinæ, alij tribunali comparauere libertatem, vt fusè prosequor in Morali dist. 2. à num. 115. alij temonem vitæ nostræ eam dixerunt. Quæ omnia sapiunt vertibilitatem potentia per ipsam flexilis ad alterutram contradictionis vel contrarietatis partem: Eo item nomine vt suprà iam attigi, Catholicus exercitus hæreticos, & Philosophi fatarios iam olim susceperè oppugnandos, quòd talem potestatem renuentes, libertatis hostes se proderent. Contra communem igitur hominum sensum, contra receptissimam apud sapientes, Ethnicos iuxta ac Christianos notionem, contra fidem omnium Dictionariorum, nouam libertatis notionem cudere, non potest ab insigni temeritate liberari. Itaque cum vniuersa aduersarij lucubratio à capite ad calcem in eo versetur, vt noua illa libertatis notio, admittatur, illustretur, infigatur, perspicuum est quanta amplitudine (propè dixi libertate,) in eius volumine exspatietur hæc nota.

Itémque eius origo noua.

IV. Æquè temeritatis insimulanda videtur origo libertatis quam assignat noua sententia. Statuit enim libertatem deriuari ab adhæssione cum Deo, quòd planè omnes hætenus latuit. Libertatis enim radicem, vt notaui in Morali dist. 2. à num. 144. antiqui iuxta ac

noui DD. vel dixerunt esse immaterialitatem; vel quod Ruardus ad artic. 7. Louan §. *huiusmodi autem*, & Pennotus lib. 1. propugn. cap. 6. latè referunt, indifferentiam iudicij, cuiusque vniuersalitatem: quæ omnia eodem recidunt, nisi quòd immaterialitas est radix remota libertatis, vniuersalitas verò & indifferentia iudicij immaterialitatem consequitur, estque libertatis radix proxima. Sanè D. Thomas quod aduersarius lib. 2. c. 10. & 11. non dissimulauit, & plene tradunt Conrad. 1. 2. q. 17. artic. 1. circa ad 1, ac Capreol. in 2. d. 24. *ad argum contra* 2. libertatis radicem esse dixit, non ad hæSIONem cum Deo, sed exemptionem à materia, unde pullulat capacitas vt res fiat omnia, habeâtque notitiam vniuersalem, cui appetitus quoque vniuersalis, id est non determinatus ad hoc vel illud, respondere debet. Itaque proxima radix libertatis, est indifferentia iudicij: remota autem libertatis radix ad quam proxima illa consequitur, est immaterialitas, de omnium hæTENUS autorum sententia, quam optimè exponit fusèque confirmat Aegidius Rom. quodl. 4. quæst. 21. docens, voluntatem ex eo quòd sit facultas nature immaterialis, *habere primordialiter & radicaliter* quòd sit libera: Ex eo autem quòd subordinetur intellectui habenti notitiam vniuersalem, *habere de proximo* quòd potiatur libertate. Aduersarius anteriorum omnium autoritate conculcata, nouam libertatis radicem protulit, ad hæSIONem cum Deo. Recolat quæ sit temerarij notio, & an hac ex causa in eum cadat, me silente, ipse pronunciet.

Nec non noua partitio, explosa veteri.

V. Iam duplex libertatis diuifio inuecta per nouam
sententiam, vt capite 1. retuli, vfque adeò recens eft, vt
nullus p̄ferri poffit antiquorum aut recentiorum
qui eam vſurparit. Temeritatem ergo non modicam
redolet ea nouæ diuifionis inuectio, & reiectio anti-
quæ, qua libertas vt eft apud Angeſtum cap. 2. Moral:
textu 2. notab. 2. & apud Conradum 1. 2. q. 1. art. 1. no-
tabili: imò & apud ipſum D. Thomam, vt autor quo-
que ex eo refert lib. 1. cap. 6. num. 4. diſtribuitur in li-
bertatem contradictionis & contrarietatis: aut vt aliis
verbis eam diuifionem exponunt nonnulli, in liber-
tatem quoad exercitium & quoad ſpeciem actus; vel
quoad obiectum, prout hanc ſecundam vocat Conra-
dus. Hæc fuit apud omnes recepta libertatis diſtribu-
tio. Quod enim autor lib. 1. cap. 1. num. 1. allegatis Vaſ-
que 1. p. d. 161. & Suare d. 19. Metaph. ſect. 3. num. 6. li-
bertatem contrarietatis repudiari ab eis affirmat tan-
quam adulterinam, tanta veritatis parcitate prolatum
ab eo eſt in ipſo propè operis limine, vt cauiffe ſedulò
videatur, ne ſerus ad imponendum accederet. Cerrè
quotquot Vaſquem ac Suarem nouerunt, nuſquam
ab eis negari libertatem cōtrarietatis, ſue quoad actus
ſpecificationem; imò diſertè ab eis aſſeti compertiſſi-
mum habent. Conſulatur Vaſques illa ipſa diſp. 161.
num. 9. & paſſim alibi, ac Suares ea diſp. 19. ſ. 3. & alibi
inſinities. Eſt ergo ea libertatis diſtributio, ab omni-
bus recepta cum antiquis, tum nouis, etiam ſi nomina

libertatis contrarietatis, & contradictionis, à Neoteri-
cis excogitata sint, vt ait Vigner. in institut. cap. 3. §. 3.
versu 1.

At aduersarius libertatem contrarietatis, expungit
albo veræ libertatis lib. 1. cap. 35. num. 4. & vt sibi ac
Musis canat, eo nomine non intelligit potestatem ex-
peditam agendi vtrumlibet è contrariè oppositis, vt
omnes ad hanc diem fecerunt, sed intelligit potesta-
tem peccandi. Fortè quod is qui peccat, statuatur se
contrarium Deo & legi eius aduersetur. Sicut per li-
bertatem contradictionis, autor non intelligit cum
aliis potestatem agendi vel non agendi quippiam; sed
vt liquet ex lib. 1. cap. 14. num. 7. intelligit potestatem
agendi benè, vel benè cessandi ab agendo: Quam li-
bertatem contradictionis, in profundo descensu quem
lib. 1. cap. 35. num. 4. adhibita operosa defossione insti-
tuit ad imum vsque creaturæ nihilum, ait esse secun-
dam libertatem meriti, eamque seiungit à prima meri-
ti libertate, qua creatura nondum penitus inhærens
Deo, tendit in illum donec assequatur: In ea verò ten-
dentia meritoria nullam esse libertatem exercitii, affir-
mat lib. 1. cap. 9. num. 8. eo quòd quamuis actus ille
exerceatur liberè, tamen non sit circa creaturas sed cir-
ca Deum: cum tamen libertas exercitij, circa solas res
creatas locum habeat. Quæ omnia contra communes
notiones conficta, non erunt temeritatis in simulanda,
si vsquam apud reliquos aliquale eorum vestigium
appareat. At quod in ea doctrina, libertas contradi-
ctionis arctatur ad facultatem benè agendi, & benè ab
agendo cessandi, quasi malè agere cum cessandum
esset

esset ab opere, vel benè non agere cum lex ad operandum vrget, non sit aliquid liberum, & functio quædam veræ libertatis, non debet insimulari temeritatis, cum videatur error exploratus.

Iam libertatis partitio in statum & actum qualem autor proponit, sibi non constat. Autor enim vt cap. i. retuli affirmat potetiam spectare ad libertatem actus, & hanc ait superstrui libertati status, quæ proximè & formaliter sumpta, est amplitudo & eminentia oriens ex adhæsione præelicta. Impossibile autem est libertatem status esse fundamentum libertatis actus & huic præsupponi; vicissim verò libertatem actus habere pro fundamento actionem potentia, & ab ea progerminare. At liquet actionem à potentia deriuari: ab actione autem qua Deo adhæremus, manat amplitudo & eminentia quam autor ait esse libertatem status. Quomodò ergo potentia quæ ad libertatem actus pertinet, manare potest ab amplitudine cui præsupponitur? Quomodò amplitudo principiari potest libertatem actus, cuius ipsa amplitudo siue libertas status, est veluti germen, cum ex actione resultet? Hæc tam implexa sunt, vt nulla inde Ariadne, quocunque exhibito filo Theseum educat.

Eiusdem denique obiectum, temerè nouatum.

VI. Tandem circa libertatis obiectum, indubitata hæcenus Aristotelis 3. Ethic. cap. 2. & 3. omniūque sententia fuit, circa finem vltimum non esse libertatem, sed circa media; non quòd non possimus circa fi-

nem vltimum liberè quoad actus exercitium versari, quamdiu hîc septo corporis conclusi lucem diuinam liquidò non haurimus: sed quòd beati quia Deum vident reducto sipario, eum necessariò diligunt: è victoribus verò, Deum in se spectatum & seclusis nocu- mentis quæ inferre potest, nemo auersari queat, sed vel abstinere àctione cogatur, vel non nisi amorem erga huiusmodi finem possit elicere. Hoc volunt qui negant libertatem esse circa finem, de quo plura in Mor. d. 2. à n. 185.

In hac sententia quia omnium hætenus fuerat, noluit autor hæerere; tantum non illud professus, *non me cuiquam mancipavi, nullius nomen fero.* At illud non verè ex eadem epistola 45. *multum magnorum virorum iudicio credo, aliquid & meo vindico.* Quomodò enim multum magnorum virorum iudicijs, sibi aliquid duntaxat tribuit, qui sensum suum, aliorum omnium sensui præponit? Contra quàm ergo omnes hætenus statuerant, negantes dari libertatem circa finem, aduersarius è contra asserit, non nisi circa finem vltimum dari libertatem: nec tamen eam libertatem esse exercitij aut contradictionis, sed altiore, & ad statum non ad actum pertinentem: id quod vt capite 1. *in fine* referebam, & autoritate & argumentis confirmat, lib. 1. cap. 9. Sed planè nulla est, siue autoritas siue ratio idonea, quæ huic placito astipuletur. Locari enim videtur, quisquis ex eo quòd D. Thomas admittat necessitatem naturalem qua voluntas indeliberatè versatur circa nonnulla, non excludere libertatem voluntatis circa alia, colligit cum autore, S. Thomam censuisse nos


esse circa finem vltimum liberos. Scotus & Henricus, quos autor præterea pro se adducit, agnoscunt tantum in actu amoris Dei erga seipsum rationem voluntarij, & expressè excludunt rationem liberi propriè accepti, quod ipsi vocant *liberum arbitrium*. Qua ergo sinceritate allegantur, quasi affirmantes libertatem nostram esse finis? Bonauentura atque Durandus, tormentis subiiciuntur, vt aliquid ad rem præsentem proferre videantur. Sed reuera muti sunt, & nihil promouent aduersarij causam. Itaque autoritas pro eo plane filet. Sed & ratio. Nam libertatem versari circa finem, dirigendo ad eum cetera, non est, libertatem esse de ipso fine immediatè, quasi scilicet qui eum clarè contuetur aut secundum se tantum considerat, possit illum auersari: quod vnum diffitetur communis sententia, quam proinde prima aduersarij ratio non quatit. In secunda verò latet venenum. Negat enim in ea autor dari posse amorem Dei deliberatum & ex electione profectum, veramque esse libertatem, qua peccator eligere possit Deo aut seculo seruire. Hæc cuiusmodi sint, & per se liquet, & in superioribus non est omisum. Itaque satius fuerat sobrietatem communis sententiæ adamare, nec ei adeò leuiter obstrepere.

VII. Non omitto monere, quod præterea habet communis omnium sententia, carere nos libertate circa felicitatem in communi, eo quòd nemo possit nolle esse beatus, conuelli ab autore lib. 1. cap. 4. num. 5. Diui Augustini autoritatem obtendente, in Enchir. cap. 105. Hoc est contra torrentem Doctorum, & manifestum vniuscuiusque in seipso experimentum.

Potest autem probatis tam multis apertissimis Augustini locis contrarium ferentibus euerri, vt mirer tentasse aduersarium, ex vno verbulo capitis illius 105. alia tam clara tamque densa Augustini testimonia obscurare. Videatur Diuus Augustinus 13. ciuit. cap. 32 & aliis locis quæ annoto in Moral. dist. 2. num. 28. Eo autem capite 105. non affirmat Diuus Augustinus, felicitatem in communi liberè appeti quoad speciem, quin potius contrarium aperte tradit, cum negat posse quemquam velle esse infelicem, vt rectè vidit Vasques 1. p. d. 161. num. 13. Tantùm ergo vult, libertatem quoad exercitium habere locum circa felicitatem in communi, quamdiu in hac vita sumus, etiam si libertas quoad speciem non habeat locum circa illud obiectum, sed necessariò circa illud feramur quoad speciem. Ex quo optimè infertur quod ibi intendebat S. P. nempe libertatem aliquam, probè cohærere cum necessitate aliqua: libertatem scilicet beatorum quoad ea quæ non sunt cum Deo connexa, cum necessitate non peccandi: sicut necessitas quoad speciem actus, cum nostra libertate quoad exercitium circa felicitatem in communi.

CAPVT VII.

*Vnde in fraudem actus aduersarius, & quàm malè
libertatem abusus expertem cum libertate
adequatè sumpta confuderit.*

I.  V O D de peccato dixit Apostolus, vt fieret supra modum peccans peccatum, per rem bonam hoc est per legem, operatum esse malum, dum quæ nostra est imbecillitas, rei bonæ non consentaneo vsu in malum ferimur, hoc in quouis alio bono, vsu venire æquè potest.

Et ne in aliis exemplis immorer, scripturæ sacræ quibus nihil sanctius, nihil pretiosius extat, cum sint ipsæ cœlestis Imperatoris ad terrestres subditos literæ, vt philosophatur D. Chrysostomus hom. 2. in Genes. Tamen cum secus ac par est tractantur, omnium errorum atque hæresum seminarium fiunt. Vt enim scitè dixit Hilarius Diacon. 1. Cor. 3. *Fundamentum aliud nemo potest ponere prater id quod positum est.* Nemo inquam iacere vllius erroris fundamentum potest, nisi detortis & aliorum tractis scripturis, & verbis Christi quæ in scripturis exhibentur. Hoc idem Hilarius latè prosequitur in cap. 3. epistolæ ad Titum, & optimè S. Vincentius Lyrin. in commonit. præsertim cap. 35. & infinities S. Augustinus, nominatimque lib. de ago. Christ. cap. 4. & lib. de ouibus cap. 14. & lib. 2. de

nupt. & concup. cap. 31. Præiuerat S. Irenæus, cuius illustrem sanè in hanc rem locum exscripsit verbatim S. Ephrem, decade capitum de virtute cap. 8. Ad extremum de hoc expostulant vniuersi propè Patres quod latè referunt Feüard. ad præfat. libri primi Irenæi n. 6. Medina 5. paren. cap. 1. & Canus 7. de locis cap. 3. Ipseque Apostolorum Princeps, deprauari scripturas ab instabilibus & indoctis hominibus, inde venenum promelle legentibus, prouidè monuit. Quod verò flebilius est & miserationem mouet longè maiorem, non modò hæretici qui verè sunt bestiae calami, vt D. Augustinus cap. illo 14. rectè vidit, (nidulantur enim in scripturis malè expositis, & ibi foueas habent;) sed etiam Catholici plerique, & ipsorum SS. Patrum non nemo, ad hunc lapidem aliquando impegerunt. Neminem latet quàm multi è priscis Patribus millenarij errorem ex quibusdam scripturis malè intellectis deprompserint. S. Cyprianus & Episcopi quàm plurimi qui cum eo ad Concilium Carthaginense conuenerunt, quàm densas scripturas pro hæreticorum baptismo irritò, per Catholicum Baptismum veluti eluendo accumulauerunt?

Scriptura, fouea aduersarij.

II. Itaque non videbor in aduersarium iniurius, si quod SS. quoque Patrum nonnullis humanum accidit, eidem contigisse professus fuero; nempe cum nouam sententiam, & illi adiunctam doctrinæ peregrinitatem capite primo relata, ex scripturis perperam

VNDE IN FRAVDEM ACTVS ADVERSARIVS. 159
intellectis deprompsisse: quod quisquis opus eius vel
oscitanter percurrerit, nullo negotio deprehendet.
Imò vel ipse operis frons aperit quod dico. Exponens
enim consilij sui rationem autor, post de pactum ex
Tertulliano, Bernardo, Damasceno, libertatis enco-
mium, subdit; ad libertatis tantopere ijs Patribus cele-
bratæ vocabulum, magnum se aliquid complecti ani-
mo debuisse; imò intellexisse illud esse libertatem
quod Filius Dei è cœlo terris illapsus reparare venit, &
de quo nos monitos voluit Ioan. 8. cum dixit. *Si vos
manseritis in sermone meo, verè discipuli mei eritis, & co-
gnosceitis veritatem, & veritas liberabit vos.* Et rursum. *Si
vos filius liberauerit, verè liberi eritis.* Et quod aliæ scrip-
turæ infinities clamant; si verò à Deo recesseritis, ser-
uietis peccato, & libertate excidetis. Id ipsum à fide-
lissimo Christi interprete Paulo sapissimè commemo-
rari ac commendari, subiungit autor; qui Patres
item aliquos in eam rem profert, & liceret proferre in-
numeros si res ferret, à quibus iustorum libertas & im-
proborum seruitus celebratur, ex prædictis scrip-
turis.

Indidem ergo autor colligit, solos iustos potiri li-
bertate, & extra adhæSIONEM cum Deo, sanctitati co-
mitantem, nihil vspiam cerni veræ libertatis: Illius in-
quam libertatis, *quæ præexigitur ad meritum siue bonum
siue malum, secundum quam præmio vel laude digni sumus,
cuius defectu peccatum nullum admittitur, nullum opus mo-
raliter bonum exercetur.* Appendo verba quibus autor
lib. 1. cap. 1. num. 1. contestatur hanc esse ipsissimam li-
bertatem propriissimè & in rigore scholastico di-

etiam, quam contendit contineri summa amplitudinē & vniuersalitate ex adhæſione ad Deum; ne quis aliò & ad improprias libertatis acceptiones initio huius opellæ memoratas, ſententiam auertat.

Quomodò in ſcripturis uſurpetur libertas.

III. Hanc eſſe dico foueam in quam prolapſus eſt aduerſarius. Scripturas enim proximè tactas, & PP. conformiter ad illas ſcripturas de libertate locutos, exiſtimauit de libertate ſcholastica ſiue philoſophica, moralitatem vnâque meritum ac demeritum fundante, egiſſe. At ſcripturæ illæ vt non pauci PP. accuratè explicant, libertatem aliter uſurpant quàm in Scholis uſuueniat, ſiue Theologorum ſiue Philoſophorum. Hi namque agunt de libertate naturali, quæ ad benè & malè operandum præexigitur, & vel benè intra nudum genus moris operatur, vel accedente auxilio indebito ad opera quoque ſupernaturalia aſſurgit; aut homine officiij oblito ad illicita contra Dei præſcriptum delabitur. At ſcripturæ & Patres, cum ſeruitutem peccantium memorant, agunt de morali effectū peccati, quod uinculis quibuſdam atque compedibus impium conſtringit: cum verò iuſtorum libertatem celebrant, agunt de effectū morali ſupernaturali, conſecuto redemptionem Chriſti, qua ex captiuitate per peccatum contracta, in libertatem Filiorum Dei aſſerti ſumus: qui morales effectus, libertatis & ſeruitutis nomine donantur ob analogiam aliquam illi cum ciuili & naturali libertate intercedentem.

Eam

Eam libertatem à Christo collatam, aliqui nominant Christianam, imitati Petrum Diaconum lib. de Incarn. & grat. Christi cap. 6. Ab aliis tamen Christiana libertas sumitur latiùs; nempe prout præter libertatem à peccato, ac quasi in germine aut radice collatam libertatem à miseria, perfectè in cœlo obtinendam (vt proinde beatitudo, libertas quandoque dicatur, vt notat Guliel. Paris. lib. de retrib. SS. cap. 1.) complectitur quoque libertatem à servitute legis Mosaicæ per Christum illatam remota servitute de qua Apostolus ad Gal. 4. Ambros. lib. 7. in Luc. cap. 13. & S. August. lib. de catechis. rudib. cap. 2. Denique alij minutiùs ista persecuti, Christianam libertatem ad omnes à Christo redemptos, atque adeò etiam ad PP. veteris legis extendunt. Libertatem verò quæ sita est in veteris legis excussione, quia status Evangelici propria est, vocant libertatem. Et quanquam parum referre quænam ex his appellationibus magis probetur, censuit Lensæus lib. 8. de Christ. libert. cap. 12. tamen commodiùs loqui videntur, qui libertatem omnem à Christo collatam, vocant Christianam, & libertati naturali ac philosophicæ contraponunt: quod ferè faciunt Patres, à quibus etiam Christianæ libertati opponi solet, non modò servitus Mosaicæ legis, sed maximè servitus peccati & germinum eius. Idcirco enim libertatis expertes pronunciant quoscunque peccatores, quòd quisquis peccatum facit, eidem servus addicatur, de Christi oraculo. Iustos autem, profitentur esse plenè liberos, qua libertate Christus nos liberauit.

I V. Disputat plenè & optimè de peccati servitute,

& collata ab ea per Christum libertate, S. Augustinus tract. 41. in Ioan. & mellitissimè de more Eucherius hom. 3. de Pasch. vbi seruitute multiplici peccatorum proposita, quæ eos quoque vrgeat qui liberi sunt in natura, serui in conscientia, extrinsecus generis claritate sublimes, intrinsecus mentis infirmitate degeneres, innocentum domini & criminum serui, quos intolerabili iugo, fœda dominatione & erubescenda subiectione premi docet; *inexcusabile malum esse* addit, *post mortem redemptoris Domini, seruum peccatis hominem se subdere*: conculcato beneficio, quo per Christi mortem à diræ iugo seruitutis in legem perfectæ libertatis traducti sumus. Illustrare plenius licebit iustorum per Christum libertatem, ijs ad eos aptatis, quæ Philo tradit libro quòd omnis probus liber, & Socolouius orat. 7. qua monstrat veram libertatem in eo esse, vt faciat quis, non quodlibet, sed quod licet & decet. Ex quibus etiam habetur, peccatores seruitutem seruire turpissimam simul & asperrimam. Nominatim verò quia inter improbos eminent hæretici, & moris eorum est, iactare e mentitam libertatem, notant multi P.P. apud Lensæum lib. 12. de Christ. libert. cap. 1. & sequ. illos maximè vrgeri seruitute. Nos cum Cassiano collat. 21. cap. 34. eorum libertatem vocare possumus *presumptiuam ac noxiam*, longè profectò discrepantem à vera libertate iustorum, atque piorum. Quanquam S. Ambrosius omnino pulchrè, & de iustorum libertate, & de improborum seruitute differens lib. 1. de Iacob. cap. 3. eruit ex Apostolo, libertatem iustorum non tam esse *libertatem* quàm *libertinitatem*, eo quòd omnes Chri-

sti liberti simus, nemo liber: ideóque aduertit, Apostolum non perfunctoriè, sed admodum accuratè locutum dixisse, *qui vocatus est in Domino seruus, libertus est Domini; similiter qui liber vocatus est, seruus est Christi.* Quod tamen ea libertinitas perfectissimæ libertati respondeat, passim absolutè libertas appellatur. In summa, tropologicæ huius vel libertatis vel seruitutis frequens apud PP. & in scripturis mentio habetur, semperque vt sciunctæ à naturali & philosophica libertate aut necessitate ei opposita vsurpantur.

Nec dissimiliter Ethnici sapientes, libertatem aliquam frequenter inculcant, moralem, à ciuili & naturali longè diuersam, qua gaudeat qui rectè viuit, careat verò quilibet improbus, etiam si nulli ciuilitè seruiat, sed innumeris dominetur. Sic Dio Chrysostomus orat. 14. & 15. & sæpè aliàs. Priore loco signato, fusè persequitur, non aliud statui posse libertatem, quàm scientiam (nempe practicam & recto appetitui conformem) rerum permissarum & prohibitarum; seruitutem verò, ignorantiam eorum quæ licent & non licent. *Ex quo sermone, inquit, nihil prohibet, quominus & Rex magnus, magnam tiaram habens super caput, seruus sit, & nihil liceat ei facere eorum quæ facit; omnia enim damnosè & inutiliter faciet: Alius autem quispiam, qui seruus videtur & appellatur, nec semel sed sæpius, si ita fortuna ferat, venditus sit, & si hoc contingat, compedes valde crassas habeat, magis sit liber, quàm Rex magnus.* Flaccus non dissimiliter lib. 2. Satyr. 7. qua seruus heri vitia sugillat.

Tunc mihi Dominus, rerum imperiis hominūque

Tot tantisque minor, quem ter vindicta quatérque
 Imposita, haud vnquam misera formidine priuet?
 Adde supradictis quod non leuius valeat: Nam
 Siue vicarius est qui seruo paret, (vti mos
 Vester ait;) seu conseruus; Tibi quid sum ego? nempe
 Tu mihi qui imperitas, alijs seruis miser, atque
 Duceris vt neruis alienis mobile lignum.
 Quisnam igitur liber? Sapiens sibi que imperiosus
 Quem neque pauperies, neque mors, neq. vincula terrent.
 Responfare cupidinibus, contemnere honores
 Fortis, & in seipso totus teres atque rotundus.

Apud Persium Satyra 5. Stoicus aurem mordaci lo-
 tus aceto, egregiè in hanc rem disputat, & libertatem
 exoptandam, à libertate ciuili, quam vna conferebat
 vertigo ac pileus, multò que magis à naturali quibusli-
 bet, eo ipso quòd homines sunt, competente, secer-
 nendam esse demonstrat. Longè igitur, non modò
 apud nostros, ac in Scripturis, sed etiam proportionali-
 ter agendo, apud p̄ofanos, distat libertas ac seruitus
 tropologica, à naturali & philosophica.

V. Hæc duo commiscens autor, & vnam liberta-
 tem ab alia non secernens, eò deuenit, vt libertatem
 quamcunque propriè dictam, hoc est moralitatis fun-
 datricem, peccantibus funditus eriperet: iustis autem
 libertatem ita concederet, vt non versatili agendi vel
 non agendi potestate contineatur, sed amplitudine &
 vniuersalitate, consequente adhæSIONem cum Deo:
 quæ amplitudo ab Apostolo dicta est libertas à pecca-
 to, multò que maior & perfectior habetur, quo quis
 Deo magis & perfectiùs adhæret, ac proinde in cœlis

VNDE IN FRAVDEM ACTVS ADVERSARIVS. 165
est maxima, & in ipsomet Deo respectu sui ipsius est
consummatissima, & talis, vt ne cogitatione quidem
perfectiorem fingere liceat. Explicatissimè hæc tradit
autor lib. 1. ca. 1. num. 1. *in fine*, vbi distinctionem liber-
tatis philosophicæ siue scholasticæ, & libertatis à pec-
cato, repudiat, & vtramque vnicam esse libertatem ve-
ram contendit. Id quod iterat lib. 1. cap. 3. num. 1. & lib.
2. cap. 3. num. 4. Præiuerat autori Calvinus, qui liberta-
tem à peccato per Christum collatam, solam esse ve-
ram libertatem ex instituto tradit, iisdem planè scrip-
turarum & Patrum testimonijs adductis, quæ dixi in
fraudem egisse aduersarium. Diligenter hanc fuisse
Caluini mentem monstrat Lensæus lib. 1. de libert.
Christ. cap. 6. & alij quos capite 5. retuli *sub initium*.

Quàm aliter in scholis.

V I. At non esse libertatem philosophicam siue
scholasticam moralitatis fundatricem, commiscen-
dam cum libertate qua Christus nos liberauit, & vnus
rationem longè aliam esse quàm alterius, tradunt stu-
diosè Patres vt Lensæus suprà cap. 7. refert. Subscri-
bunt vnanimiter Christiani DD. posteriores. Hugo
Victor. in summa sent. tract. 3. cap. 9. Magister in 2. d.
25. Albertus in summa de homine quest. 3. de libertate.
S. Thomas 1. Timoth. 6. lect. 1. *sub finem*, vbi disertè
admonet, libertatem de qua Christus in scripturis lo-
qui solet, non esse vulgarem libertatem de qua in
scholis differitur, & quæ est meriti ac demeriti funda-
mentum, sed esse libertatem tantùm spirituales ac

mysticam, cuius diuersissima sit ratio quàm naturalis libertatis. Videndus præterea S. D. 1. p. q. 83. art. 2. ad 3. & in 2. d. 25. qu. 5. & qu. 24. de verit. artic. 10. ad 7. & Ioann. 8. lect. 3. Idem habent, easque libertates planè secernendas esse tradunt tanquam natura & specie discrepantissimas, Scholastici communiter in 2. d. 25. vel 24. vbi benè Durandus qu. 3. num. 12. Ferrar. opusc. de Euangel. libert. cap. 2. Roffens. art. 36. *sub initium*. Ioannes Driedo lib. 1. de libert. Christ. cap. 3. Ruardus ad artic. 7. Louan. Camerar. lib. 1. de grat. & lib. arbit. cap. 3. Lensæus in opere de Christiana libertate passim, sed nominatim ac ex instituto lib. 1. cap. 7. Stapletonius in antidot. Euangel. ad cap. 8. Ioan. circa v. 36. Maldonatus Ioan. 8. num. 75. Bellarm. lib. 3. de grat. & lib. arbit. cap. 4. Pennotus lib. 1. propugn. cap. 3. Gamachæus 1. 2. qu. 13. cap. 3. Ægid. Coninck disp. 2. de actibus supernat. dub. 2. & passim alij.

VII. Ego paramicissimum huc adduxisse contentus, cæteros missos faciam, Richardum dico Victori- num, & S. Bernardum. Ille lib. 1. de erudit. inter. hom. cap. 30. indistinctionem libertatis per Christum collatæ, & libertatis naturalis, multos egisse in errorem, his verbis docet. *Scimus quis dicat, sine me nihil potestis facere. Tantum ergo possumus, quantum posse accepimus. Quid enim habes quod non accepisti? Nihil enim aliud est habere huiusmodi potestatem & fortitudinem, quàm habere gratiam cooperantem. Potestas tua, cooperatrix gratia. Quantum habes gratia, tantum habes & potentia; & quantum gratia accepta crescit, tantum & potentia tua proficit, & quantum gratia minuitur, tantum & potentia tua detrahitur;*

Et si quando subtrahitur gratia, simul perit & potētia. Hęc
 præfatus Richardus de liberi arbit. potestate ad super-
 naturales actus, subdit. Pater itaque ex his, quia aliud est
 arbitrij potestas, & aliud est arbitrij libertas. Aliud est enim
 magna posse, atque aliud est liberum esse. Et liber & infir-
 mus esse potes, sicut è cōtrario, & sanus & servus esse potes.
 Si sanus & robustus es, & multa & magna facere potes,
 veruntamen si liber es, ad nihil cogi potes vel debes. Et si
 amittis sanitatem, amittis priorem potestatem, non tamen
 & libertatem. Potestatis itaque est, quod bonum facere pos-
 sumus, quamdiu id facere valemus: Libertatis autem, quod
 ad nullum seu bonum seu malum inuiti cogi possumus. Quàm
 multi in definitione liberi arbitrij errant quia inter potesta-
 tem & libertatem distinguere ignorant vel dissimulant.
 Vide tamen quid intersit, cum potestatem homo sapè amit-
 tat, libertatem verò nunquam amittere possit. Item nemo ad
 omnia bona accipit potestatem, sed omnis homo, ad omnia bo-
 na vel mala accipit libertatem. Nam vti iam dictum est, ad
 nullum bonum vel malum, inuitus cogi potest. Sed cum sit li-
 ber omnium, non tamen omnium potestatem habet. Hanc
 arbitrij quoad supernaturalia potestatem, quam Ri-
 chardus animæ sanitatem nominat, liquet recidere in
 libertatem à peccato, quę proinde de Richardi senten-
 tia, à naturali libertate plurimum differt, vt asserimus.
 VIII. Nunc audiendus est Richardi æqualis &
 amicissimus S. Bernardus. Adeò enim explicatè has
 libertates distinxit, & de qua Christus in scripturis pro-
 latis egerit, adeò perspicuè expressit, vt nihil legi ac-
 commodatius queat. Sic habet lib. de grat. & lib. arbit.
 non multum ab initio. *A bestijs consensus voluntarius*

nos discernit. Est enim habitus animi, liber sui. Siquidem non cogitur, non extorquetur: Est quippe voluntatis, non necessitatis. Nec negat se, nec prebet cuiquam nisi ex voluntate. Alioqui si compelli valet inuitus, violentus est, non voluntarius. Vbi autem voluntas non est, nec consensus. Non est enim consensus nisi voluntarius. Vbi ergo consensus, ibi et voluntas. Porro vbi voluntas, ibi libertas. Et hoc est quod dici puto liberum arbitrium. Et infra conferens hanc libertatem quæ est propriissimè dicta libertas, cum aliis, subdit. Quapropter huiusmodi voluntarium liberumque consensum, ex quo & omne sui ex his quæ prædicta sunt constat pendere iudicium, puto non incongruè, vt supra definiuimus, esse quod solet liberum arbitrium appellari, vt liberum referatur ad voluntatem, arbitrium ad rationem. Sed sanè liberum non illa libertate de qua dicit Apostolus, Vbi spiritus Domini, ibi libertas: Est enim illa libertas à peccato, sicut alibi dicit, Cum serui essetis peccati, liberi fuistis iustitiæ. Nunc autem liberati à peccato, serui autem facti Deo, habetis fructum vestrum in sanctificationem, finem verò vitam æternam. Quis verò in carne peccati à peccato sibi vendicet libertatem? Hac ergo libertate, meritò nequaquam dictum arbitror liberum arbitrium. Est item libertas à miseria, de qua idem Apostolus, & ipsa, inquit, creatura liberabitur à seruitute corruptionis, in libertatem gloriæ filiorum Dei. Sed nunquid & istam sibi quispiam in hac mortalitate presumit? Et hac itaque liberum nominari arbitrium, non immeritò abnuimus. Est verò quam magis ei congruere arbitror libertatem, quam dicere possumus à necessitate, eo quòd necessarium voluntario contrarium esse videatur. Siquidem quod ex necessitate fit, non

VNDE IN FRAVDEM ACTVS ADVERSARIVS. 169
fit, non iam ex voluntate, & è conuerso similiter. Cum igitur
prout interim potuit occurrere nobis, triplex sit nobis propo-
sita libertas, à peccato, à miseria, à necessitate, hanc vltimo lo-
co positam contulit nobis in conditione natura, in prima re-
stauramur à gratia, media nobis reseruatur in patria. Dica-
tur igitur prima, libertas natura, secunda gratia, tertia vi-
ta vel gloria. Mox etiam addit de libertate à mise-
ria. De hac, & item de illa quam diximus à miseria, puto
quod Iudeis aiebat, si vos filius liberauerit, verè liberi cri-
tis. Liberum arbitrium liberatore indigere significabat sed
planè qui illud liberaret non à necessitate, sed à peccato, in
quo tam liberè quàm voluntariè corruerat, simulque à pæ-
na peccati quam incautum incurrerat, inuitumque fere-
bat. Quo vtroque malo liberari omnino non poterat, nisi per
illum qui solus hominum factus est inter mortuos liber, liber
videlicet à peccato inter peccatores. Non potuit Bernar-
dus vel significantiùs vel explicatiùs exprimere quæ sit
libertas in Scripturis celebrata in actu signato sub no-
mine libertatis; & quæ peccato crepta, & per Chri-
stum præstita dicitur. Nec item potuit distinctiùs ape-
rire, quanto operè libertas per Christum collata differat
à libertate moralitatem fundante, quas tamen duas li-
bertates aduersarius conflatur in vnam.

Bernardus ab autore frustra elusus.

I X. Frustra verò quærit in plano salebras, vel gra-
uare offucijs tentat loci apertissimi lucem, dicens lib. 1.
cap. 12. num. 6. Sanctum Bernardum agnoscentem ali-
quam libertatem naturæ quæ sit libertas à necessitate,

distinctam à libertate gratiæ, quæ est seruitus Dei, & libertas à peccato, non egisse de libertate secundum se, (de qua sola sibi sermonem esse proficitur auctor,) sed egisse de libertate quæ communis est hominibus in præsentis statu: quæ huiusmodi est, ut sit absolutè indifferens ad multa siue benè siue malè patranda, quæ non est noua differentia vel species distincta libertatis, sed defectum tantum illius importat. Sic aduersarius elusam à se S. Bernardi auctoritatem putat.

Sed dum in declinando aut auertendo telo ex S. Patris auctoritate ducto totus est, non auertit se eo confossum iacere. Nam libertas quæ communis est hominibus in præsentis statu, bonis ac malis, vel est vera libertas, vel duntaxat ementita aut nulla, eoque nomine indigna, quippe destituta germano libertatis characterè, veraque eius ratione. Si primum, habemus quod quærimus, ruitque ædificium nouæ libertatis, siue amplitudinis, adhæsiōi cum Deo superstructum. Si secundum, ergo hallucinatus est S. Bernardus, qui libertatem illam à necessitate, censuit esse propriè dictam libertatem naturæ, seiunctam à metaphorica & spiritali libertate, tum à peccato, tum à miseria. Quid verò sibi vult aduersarius, cum ait se hîc agere non de libertate præsentis status, sed de libertate secundum se? An non professus est se agere de libertate quæ ad bonum & malum præexigitur? qua præmio vel probro digni sumus? sine qua nullum peccatum admittitur, nullum opus bonum exercetur? At ea (ut per se patet,) est libertas præsentis status. Tandem si libertas præsentis status, siue libertas naturæ de qua egisse dicitur S.

Bernardus, non est noua differentia nec species distincta libertatis, sed est planè eadem cum libertate secundùm se vt autor asserit; quomodò S. Bernardus libertatem à peccato secernit à libertate naturæ, & longè disparis rationis vtramque statuit? cum tamen iuxta aduersariũ, libertas à peccato sit ipsissima libertas secundùm se, nec differat à libertate naturæ, quæ eadem est præsentis status libertas. Porro de symphonia huius loci aduersarij cum iis quæ habet lib. 1. cap. 7. num. 2. vbi libertatem à peccato, necessitate & miseria discriminat in varias species suis differentijs essentialibus distinctas, laborandum non est, in tam frequenti variorum eius locorum inter se collisione, cuius specimen exhibebo in calce operis.

Negari itaque non potest, quin S. Bernardus perspicuè placitum aduersarij exscindat: præstabátque S. Bernardum modestè deferere, quàm ei aperte illudere, adhibita distinctione quæ cum eius instituto perspicuè pugnet, seque ipsam euertat. Poterat sanè aduersarius eodem iure Bernardum hîc abiicere, quo circa libertatem à miseria. Nam lib. 1. cap. 3. num. 2. frigiditatis damnat, & rationibus frigidissimis impugnat, quod S. Bernardus dixerat, libertatem gloriæ Filiorum Dei quam Apostolus Rom. 8. memorat, esse libertatem à miseria. Sed cur Bernardo potiùs auscultemus, non est obscurum. Et auscultarunt ante nos qui eius tripartitam libertatis diuisionem, ratam habent, S. Bonau. in 2. d. 25. *dub. 4. literali*, & passim eadem distinctione Scholastici, Ruardus artic. 7. Driedo lib. 1. de libert. Christ. cap. 3. Ferrar. opusc. de libert. Euang. cap. 2. Lensæus lib. 1.

Origo fraudis aduersarij concluditur.

X. Videor perspicuè aperuisse, vnde in fraudem actus sit aduersarius. Nimirum ex commista duplicis libertatis in scripturis memoratæ acceptione. Dum enim consideraui loca scripturæ quibus libertas per Christum collata celebratur, nec perspexit libertatem in scripturis, in actu signato siue sub nomine libertatis commendatam, non esse illam libertatem quæ est moralitatis fundamentum, sed potius illam esse quæ subsequitur ad moralitatem in adultis, & infantibus quoque renatis, (tamen si libertatis moralitatem fundantis incapacibus,) communis est; Hæc inquam dum minus considerat autor, nouam sententiam quam retulimus, fabricauit, seque innumeris difficultatibus implicuit, & vt alia occasione dixit S. Irenæus lib. 5. cap. 13. *coactus est tanta malè interpretari, qui vnum noluit benè intelligere.* Omnia enim loca quibus peccatores dicuntur positi in manu consilij sui, & in potestate eorum esse audire Deum & bona terræ comedere, vel ad diuinas voces obsurdescere, & in exitium ruere, & dari vnicuique optionem adhærendi Deo, eumve abiiciendi, aliâque huiusmodi sexcenta, detorquere cogitur ad libertatem adulterinam, & negare esse verè liberos, qui ita agunt vt possent secus agere si mens non læua fuisset. Cogitur præterea negare, cadere peccatum in damnatos: insuperque admittere, vinculationem necessitatis cum libertate cohærere, quamuis libertas in omnibus di-

VNDE IN FRAVDEM ACTVS ADVERSARIVS. 173
ctionarijs exsolutionem à necessitate sonet. Denique
cogitur deuorare omnia incommoda quæ suprâ de-
monstratum est nouæ huic sententiæ comitari. Tanti
fuit, quam libertatem scripturæ à Christo reparatam
commendarint; non rectè agnoscere, & à naturali li-
bertate secernere. Nam libertas per Christum restituta,
respondet proportionē, non libertati philosophicæ
quæ est libertas naturæ, iuxta S. Bernardum, sed liber-
tati ciuili, qua liber dicitur quisquis alterius seruitio
non mancipatur, & captiuitate solutus est si eam subiit
aliquando. Sicut ergo homo ciuilitè seruus, potest es-
se physicè liber, & quæ libertates nullo modo sunt
commiscendæ; ita homo, Christiano ciuili iure, vt sic
dicam, seruus, hoc est peccator, potest esse liber physi-
cè. Nec scripturæ aut PP. cum peccatores seruos, & so-
los iustos, liberos statuunt, de alia libertate agunt
quàm de hac Christiana quasi ciuili; quod apertè fe-
runt, vt cætera nunc sileam, illa Paulini epist. ad Celan-
tiam. *Nescit religio nostra personas accipere, nec conditio-
nes hominum sed animos inspicit singulorum. Seruum & no-
bilem de moribus pronunciat. Sola apud Deum libertas est,
non seruire peccatis. Summa apud Deum est nobilitas, cla-
rere virtutibus.* Itaque concludamus cum Fausto Rhe-
giensi, lib. 2. de grat. & lib. arbitr. cap. 9. secernendam
omnino esse libertatem gratiæ, à libertate naturæ. Tam
ille appositè in rem præsentem differit, vt videatur in
aduersarium agere. *Sed reuoluis, inquit, & dicis, quod
mali & qui ad perditionem traduntur, non acceperint arbi-
trij libertatem. Primum scire debemus, quia libertas arbi-
trij, duplici ministerio prædita est; nunc ad salutem, nunc ad*

perditionem sui, prompta est. Sed opponis, quod voluntatis libertas solis liberandis competat, & in redemptionis beneficio constitutis. Non ita est. Liberatio ad donum gratiæ, & ad propositum consentientis pertinet vita: Libertas vero arbitrij, non est res accidentis munificentia, sed natura. Quarentibus illa vel tribuitur vel conseruatur: Etiam non requirentibus ista confertur. Illa renascentibus ministratur, ista nascentibus. Libertas ad solam Dei pertinet operationem: Liberatio, & ad subditi hominis seruitutem. Illa bonis confirmata, ista & malis insita est. Illa acquisitis & perseuerantibus competit, ista & perditis suppetit. Illa condentis, ista & obedientis est. Illa potentia, ista est misericordia. Illa originis & generis, ista est muneris & virtutis. Non potuit distinctiùs, luculentiùs, diligentius, libertatem gratiæ à naturali libertate secernere.

*Quàm facile simili modo Strophas novas
concinnare.*

Originem fraudis in quam aduersarius actus est, satis aperuimus. Vt autem appareat quàm non fuerit idonea, imò quàm sit intutum occasione accepta ex vno vel altero scripturæ metaphorico loco, ad nouitates prorumpere, & communem sensum conuellere, expensum velim, eodem iure quo aduersarius ex locis scripturæ ac Patrum de libertate iustorum ac seruitute peccatorum, intulit libertatem propriè & pressè acceptam, hoc est moralitatis fundatricem, sitam esse in amplitudine ex adhæensione cum Deo, nec extra iustos & Deo adhærentes locum habere; Eodem inquam iu-

VNDE IN FRAVDEM ACTVS ADVERSARIVS. 175
re, exurgere posse qui contendat, probos & iustos
quoscunque, esse Reges orbis terrarum in omni pro-
prietate, potiri que Iurisdictione & dominio in om-
nia. Nec enim plura & speciosiora scripturæ ac Patrum
loca corrogari poterunt, quibus astruatur libertatem
statuendam esse in amplitudine consequente adhesionem
cum Deo, qui est scopus aduersarij; quàm quibus
probetur, homines adhærendo Deo effici Reges in
omni proprietate vocabuli, nec alios Reges aut domi-
nos propriè dictos esse agnoscendos præter iustos: quæ
fuit Vvicleffi hæresis, detorquens ad rigorem meta-
physicum & accuratam dominij acceptionem, quæ à
scripturis & PP. per aliquam extensionem ac meta-
phoram, prolata sunt de iustorum potestate in inferio-
ra omnia. Alius omnes Christianos in rigore sacer-
dotes esse pronuntiabit cum Luthero: quod & scrip-
turæ & PP. sæpè memorent sacrificia, & aram inter-
nam, & sacerdotium cuiusvis Christiani; Imò hæc sola
esse vera & Deo grata sacrificia plerunque prodant.
Videsis Chrysostomum homil. 20. in ad Rom. & ho-
mil. 2. de David & Saule. & homil. 11. in ad Hebr. & in
Psalm. 95. ad illud *de die in diem salutare eius*. Isidorum
Pelusiotam lib. 3. epist. 75. Chrysologum serm. 108.
Augustinum 10. Ciuit. cap. 4. Clementem Alexand. 7.
strom. S. Ephrem tract. de pœnitentia pag. 565. vbi
Vossius alios Patres similiter locutos profert. Quæ in
scripturis ac Patribus spiritualiter & metaphoricè ac
per extensionem dicta, æquè traduci possunt ad sen-
sum proprium, ac quæ dicuntur de libertate spirituali
torquentur ab autore ad omnem vocis proprietatem

ac metaphysicum rigorem. Negabit denique aliquis, viros probos ac vitam secundum Deum exigentes, verè esse homines, quòd ita sonet cortex quarundam scripturarum, & ita tradere videatur S. Gregorius 18. Moral. cap. 39. & S. Basilius in Psalm. 115. ad illud, *omnis homo mendax*, ac Richardus Victorinus prologo in Cant. ex illis verbis Matth. 18. *quem dicunt homines*, ad quæ idem habet S. Hieronymus.

Quidni verò è contra alius, omnem planè peccantem contendat ad nihilum planè redigi, quòd ita sonent nonnullæ scripturæ & pleræque Patrum sententiæ? Vide quos refero in Morali dist. 4. num. 426. Erit saltem qui contendat, omnem peccantem effici propriè energumenum, quòd plerique PP. ex scripturis eruant peccatores euadere arreptitios. Retuli nonnullos lib. 6. de virtut. agens de ira. Quàm multi verò & PP. & Philosophi consentaneè ad scripturas, peccatores bestiis conferunt? Multos retuli dist. illa 4. à num. 399. & dist. 3. num. 8. & plurimi omnino prostant in libello nuper edito, cui titulus, *Caluinismus religio bestiarum*. Dicendum ergo consequenter erit, hominem peccantem, specie physica mutata brutescere: aut abiecta hominis essentia physica, transformari in dæmonem, quòd ex scripturis ita loquatur S. Chrysostomus homil. de Canticis David, & plerique PP. prolati in Morali eadem dist. 4. num. 401.

XII. Possum & ego in hoc campo exultare, & contendere illos peccantium motus qui voluptates & gaudia passim dicuntur, imò quæuis hîc gaudia nostra, per abusum gaudia dici, reuera autem, etiam physicè & quiddi-

VNDE IN FRAVDEM ACTVS ADVERSARIVS. 177
quidditatiuè spectando motus illos, longè abesse à ratione gaudij & voluptatis, quòd Scripturæ negent esse hîc lætitiâ, sed eam omnem cœlo transcribant; nos autem hîc non nisi sicut latantes esse doceant, vt Diu. Augustinus in Psal. 86. acutè aduertit. Et quamuis aduersarius lib. 1. cap. 4. num. 3. etiam Physicè rem æstimâdo, velit id ratum esse, tamen quotquot suauius afficiuntur, in contraria sunt æstimatione, & stupere sensibus iudicant, qui secus opinantur. Addamus etiam, nullum esse obiectum quantumuis conueniens, quod boni nomine donari possit præter bonum moraliter honestum, (quicquid Metaphysici omnes contra censeant:) Diuitias autem & alia quæcunque bona, non esse bona verè & quidditatiuè, eo quòd scripturæ spiritualiter ac mysticè loquentes, pronuncient iustos non defecturos omni bono; cum tamen vt S. Basiliius Psalm. 33. notauit, iusti vt plurimum sint ab huiusmodi rebus malè constituti. Vel eo quòd scripturæ alibi, bona terrena dicant esse bona picta & in imagine. V. Augustinum in Psalm. 72. ad vers. 7. & Richardum Victor. lib. de exterminat. mali cap. 9. Tandem (iam enim fastidio progressionem in huiusmodi gerris, & meta alicubi ponenda est,) fingere licebit, nihil propriè & verè existere præter Deum. Nam scriptum est, *nonne tu qui solus es?* Ergo nemo nostrum existit verè & propriè. Alia itaque præter vulgatam existentiae definitio & notio fabricanda erit, quæ soli Deo quadrare possit, exclusis ab existentium ordine creaturis.

Si semel hic philosophandi modus permittatur, (qui tamen is ipse est quem aduersarius circa liberta-

tem iniuit,) nemo non videt quanta in Ecclesiam perturbatio, quanta in doctrinam Theologicam omnēque disciplinas peruersio, & clades sit inuehenda. Quare viam regiam teneamus.

CAPVT VIII.

*Nouam de libertate sententiam quocunque
firmamento autoritatis
destitui.*

I.



*D*ixit Arum est, inquit S. Hilarius 1. de Trinit. in argumento octauī libri, sola ea ad satisfactionem afferre quæ propria sunt, quia plerunque blandientes sensum fallunt dictorum nostrorum interpolata assertiones, nisi etiam propositionum aduersarum demonstrata inanitates, fidem nostram in eo ipso quod ipsæ ridicula esse arguantur, affirmant. Adea ergo quæ aduersarius pro se affert, veniendum est, vt ijs conuulsis, firmetur magis vera sententia. Commodè autem ab ijs quæ proximè constituta sunt, delabemur ad huiusmodi munimenta sententiæ aduersarij. Quod enim in ijs primum locum teneant quæ ab autoritate ducuntur, iuxta præscriptum D. Augustini lib. de ord. c. 9. mandantis aperiendam esse ab autoritate ianuam rationi: Inter autoritatēs autem, ex primūm vrgeantur ab aduersario quas sacri codices suppeditant, de quorum hac in parte scopo multa pro-

NULLA AVTORITAS PRO NOVA SENTENTIA. 179
ximè præmissimus, poterimus in hoc puncto esse bre-
uiiores. Insistemus autem aduersarij vestigiis, & quæ il-
le pro se proposuit varijs primi libri capitibus, nempe
tertio quo Scripturas, quarto quo Patres, quinto quo
Philosophos, sexto quo Scholasticos & ceteros recen-
tiores digessit, hoc vno capite excutiemus, subiectis ad
eius dicta responsis nostris. Nam esse hoc candidi pe-
ctoris argumentum, nec parum ad veritatis diiudica-
tionem conferre, dixit pulcherrimè S. Eustathius, ini-
tio disputationis de engaltrymithor.

*Duo Scripturae loca, pro se ab aduersario producta.
Prior ex Ioan. 8.*

I I. Libertatem ergo veram quæ ad bonum & ma-
lum morale præexigitur, esse essentialiter sitam in am-
plitudine ex adhæsiōe cum Deo, non autem in pote-
state actiue indifferente quæ subtus illam amplitudi-
nem iacet, & potest deesse vbi est vera libertas, probat.
1. aduersarius lib. 1. cap. 3. ex scripturis, quarum duo om-
nino loca profert. *Duobus istis locis, vt Nouatiani ver-
bis vtar lib de Trinit. cap. 28. quasi quibusdam effosis lu-
minibus orbatus, totus erit in doctrina sua cæcitate supe-
ratus.*

Prior habetur Ioan. 8. vbi Christus Iudæos allo-
quens ait, fore vt essent verè liberi, si eos filius liberaf-
set. *Omnis, inquit, qui facit peccatum, seruus est peccati:
seruus autem non manet in domo in æternum. Si ergo vos fi-
lius liberauerit, verè liberi eritis.* His verbis Christus
iuxta autorem, libertatem aliquam insinuat seruituti

oppositam, non necessitati, aut immutabilitati. Atqui ea libertas aliud nihil esse potest, quàm voluntatis amplitudo ex adhaesione cum Deo: Ea enim amplitudo opponitur coarctationi ad res creatas, quam peccatum includit. Et hoc ipsum, ait autor, dicere teneri, quotquot eam libertatem seruituti oppositam & Christi ore laudatam, volunt esse libertatem à peccato. Nam libertas à peccato, est tantum carentia peccati. Peccatum autem est priuatio. Ne ergo detur priuatio priuationis, sed vt ei opponatur forma positiua, necesse est vt libertas à peccato siue carentia peccati, cui celebratae per Christum libertatis ratio competit, sit forma positiua: Ea autem forma positiua non potest alia esse quàm praedicta amplitudo. Nullam quippe aliam proferri posse censet autor. Et cum tunc liberi simus à peccato cum circa obiecta versamur seruato ordine finis, hoc est cum rectè & honestè agimus, quo ipso collimamus in finem nostrum, profectò liberi quoque tunc sumus à necessitate, quum iuxta D. Thomam, id ipsum sit liberum esse à peccato, & liberum esse à necessitate. Liberum enim à necessitate, quod est liberum Scholasticè dictum, definit S. D. operari prout Dei siue finis ordo exegerit. Haecenus argumentatio ex loco Ioannis.

Nihil iuuat amplitudinem.

III. Verum hic locus nihil planè iuuat aduersarium. Christus enim eo loco agit de libertate quam per redemptionem erat collaturus. Ea autem libertas

NULLA AVTORITAS PRO NOVA SENTENTIA. 181
longè differt à libertate cuius naturam venamur. Hæc enim vt S. Augustinus adducto hoc ipso Ioannis loco fusè differit lib. 1. contra duas epistolas cap. 2. nec peccato perierat, nec per Christum restituta est, sed tantum roborata ad bonum, atque sanata. Audi rursus S. Augustinum 14. Ciuit. cap. 11. *Detrahitur malum, non aliqua natura quæ accesserat, vel vlla eius parte sublata, sed ea quæ vitiata ac deprauata fuerat, sanata atque correctæ. Arbitrium igitur voluntatis tunc est verè liberum, cum vitij peccatisque non seruit. Tale datum est à Deo, quod amissum proprio vitio, nisi à quo dari potuit, reddi non potest. Vnde veritas dicit. Si vos filius liberauerit, tunc verè liberi eritis. Id ipsum est autem ac si diceret, si vos filius saluos fecerit, tunc verè salui eritis. Inde quippe liberator, vnde saluator. Vides ergo libertatem à Christo promissam Ioan. 8. esse solam libertatem à peccato, atque adeò eam esse longè aliam à libertate meritum & demeritum fundante, quæ est libertas scholastica & propriè dicta.*

Agnoscit hoc primùm aduersarius loco allegato, cum ait Christum eo loco Ioan. 8. non proposuisse libertatem oppositam necessitati, cuiusmodi est libertas scholastica. Mox tamen & intra paucas lineas, hoc conuellit, dicens, libertatem eo loco à Christo propositam, esse ipsammet libertatem scholasticam. Displicet præterea quòd aduersarius assumit libertatem à peccato esse formam positiuam, nec aliam nisi amplitudinem. Ain? Quid si verò esse formam positiuam concessero, non esse amplitudinem dixerò? Et ita profectò est. Ipsæ namque voces *libertas à peccato*, ferunt,

formam qua talis libertas constituitur, esse nitelam subiecti peccato vacantis, quæ in hoc statu pro peccatis lethalibus est gratia sanctificans; pro venialibus autem, & in statu naturæ puræ pro quibusuis peccatis, nihil aliud est quàm subiectum peccati, connotata diuina condonatione peccati antè admissi. Nam tale subiectum deterfa omni rubigine nitens, est aliquid positium. Optimè autem intelligitur à peccati sordibus liberum, si vel supra connaturale debitum suum niteat per gratiam, vel nulla extrinsecus appicta labe inquinetur, sitque eatenus mundum ac sceleris purum. Tandem quod aduersarius assumit, libertatem à necessitate nihil esse nisi tendentiam ad Deum, finem vltimum; est planè falsum & intutum, vt supra demonstrauius. Item quod assumit, peccatum quodcunque esse priuationem, id quod etiam de peccato commissionis valere, ex instituto probat lib. 2. cap. 17. toto, (quia id valdè intererat ad disputationem de libertate Dei & creaturæ,) reiiicitur ab aliis, quos profero & sequor in Mor. dist. 4. à num. 271.

III. Obiter verò hîc memorandum est, & cum istis componendum, quod autor habet lib. 2. cap. 20. num. 4. nempe priuationem illam quæ peccatum quodcunque constituit, esse priuationem Dei, saltem initialem: quod addit pro peccatis venialibus, quæ non sunt omnimoda euersio libertatis nostræ, sed tantum commotio quædam, & decussio nonnulla ordinis animæ nostræ ad finem vltimum, siue vnionis cum Deo. Næ aduersarius, homo diuinus est, cui semper & vbique Deus ex machina. At non plus persuaserit, Deum esse

NULLA AVTORITAS PRO NOVA SENTENTIA. 183
formam quam peccatum remouet, quàm solem esse
formam tenebris proximè & immediatè aduersantem,
siue ad quam tenebræ habeant rationem priuationis.
Videat porrò Lector, quid iuxta aduersarium conse-
quatur ex eius supermirabili & hætenus inaudito
placito, quòd peccatum sit priuatio Dei. Forma posi-
tiua cum peccato pugnans qua autor vult constitui li-
bertatem, est illa ipsa forma quam peccatum remouet.
Hæc autem non est amplitudo vlla vel eminentia no-
stra, sed ipse Deus, cuius peccatum est priuatio iuxta
autorem, vt iam vidimus. Igitur libertas hominis iuxta
aduersarium, est ipse Deus, vt impleretur quod dictum
est per Censorem hyperhierarchicum, *Quantus est hic,*
qui vt homines faceret liberos, fecit diuinos?

Sed neque posterior, ex 2. Corinth. 3.

IV. Alter locus scripturæ quem autor pro noua sen-
tentia profert, habetur 2. Cor. 3. vbi Apostolus ita lo-
quitur. *Vsq̃ue in hodiernum diem cum legitur Moses, vela-*
men positum est super cor eorum. Dominus autem spiritus
est: Vbi autem spiritus Domini, ibi libertas. Aufer-
ri velamen iuxta autorem, nihil aliud est, quàm non
ultra seruire Deo intuitu temporalium beneficiorum,
sed deiecto eo velamento temporalium beneficiorum
cuius interuentu Iudæi obsequium Deo præstabant,
purè in ipsummet Deum intendere. Hoc ergo vela-
men, Apostolus iuxta aduersarium, affirmat à Iudæis
amouendum, cum fidem in Christum suscipient, hu-
iusque sui dicti rationem reddit verbis sequentibus:

Dominus autem Spiritus est, posita coniunctione aduersatiua autem, pro causali enim; vsu (inquit autor,) scripturis satis familiari. Ita vt sensus Apostoli sit, à *Iudaïs in Christum credentibus* auferetur velamen, quo Deo non purè propter Deum obsequebantur. *Dominus enim spiritus est, & ubi spiritus Domini, ibi libertas*. Exclamat hîc aduersarius. Quæ illa libertas quam spiritus Domini constituit, nisi cordis amplitudo ex adhæsione ad Deum? Nisi magnitudo & sublimitas mentis inuictæ, omnes rerum creaturarum angustias in gloria supergressuræ? Huic patellæ apponit hoc operculum. *Certe non puto à quoquam posse quicquam afferri probabilius*.

At erit qui hanc putationem amputet, & iustæ censuræ falce succidat hunc loci propositi tam ab Apostolo auersum sensum, qui nullius hæctenus siue Patris siue interpretis animum subiit. Quod enim margini illi nitur Beda eam interpretationem ex Augustino mutuatus, per veritatis in allegando prodigalitatem factum est: Locus Augustini quem ibi Beda refert, habetur 1. Ciuit. cap. 7. Ibi ne pilus quidem interpretationis ab aduersario prolata comparet. S. Bernardus de grat. & lib. arbit. non multum ab initio, disertè tradit, libertatem de qua ibi agit Apostolus, non esse libertatem arbitrij fundatricem moralitatis, significatque esse libertatem gratiæ. Toletus Ioan. 12. putat Apostolum egisse de libertate gloriæ.

V. Genuinus tamen Apostoli eo loco sensus est, quem tradidit ibi plenè D. Thomas lect. 3. benèque etiam creditus Anselmus, atque Chrysostomus. Dixerat Apostolus multa se libertate vsu in Euangelij prædica-

NULLA AVTORITAS PRO NOVA SENTENTIA. 185
prædicatione, nihil dissimulando, nihil velando, contra quàm Moses fecerat, qui velamento obducta facie agebat ad populum: Illustri sanè typo legis, Christum velatum, & vt Rupertus scitè dixit lib. 1. in Exod. cap. 9. inclusum scirpo literę & ceremoniarum legalium proponentis, quod velamen etiam post Christi mortem, incredulorum Iudeorum oculis fuisse obductum, subdit Apostolus: reteggi autem, & amoueri ait ab oculis eorum qui Christiana sacra capesserent, id præstante Spiritu sancto, qui pro sua libertate, hos illuminat & velamine liberat, illos in tenebris deferit. Vel certè (nam variant PP. & interpretes circa illa verba, *Dominus autem spiritus est*, & aliqui non ad Spiritum sanctum, sed ad Christum ea referunt;) præstante id Christo domino qui est spiritus vegetans ac viuificans, & libertatem palam contuendi veritatem discisso velo priùs obducto, libertatem quoque veritatem perspectam, intrepidè & clarè annunciandi, præstat suis. Hunc esse genuinum Apostoli sensum, perspicuè liquet ex consequentibus verbis, quibus contrapositio Christianorum cum Iudæis continetur. Iuuat eam antithesim, & quam dedimus loci huius Apostolici interpretationem, subiicere ex S. Cyrillo lib 1. de adorat. non multum à principio. Sic enim scribit. *Iudeorum mentes cum hebetiores adhuc essent, faciem illam legis extrinsecam facile ferebant, ea inquam quæ per solam litteram significabantur. Iisdem non ferenda & abiicienda omnino videbantur, quo interiùs latebant, atque vt ita dicam, ipsa sensuum veritas. Itaque B. quoque Paulus scribit. Vsq; in hodiernum diem, id ipsum velamen in lectione*

veteris Testamenti manet non reuelatum, quoniam in Christo euacuatur. Sed vsque in hodiernum diem cum legitur Moſes, velamen poſitum eſt ſuper cor eorum. *Atque Iudæi quidem in hoc rerum ſtatu verſantur.* Nos verò omnes reuelata facie, *inquit,* gloriam Domini ſpeculantes in eandem imaginem transformamur à claritate in claritatem, tanquam à Domini ſpiritu. Dominus autem ſpiritus eſt. *Vt enim qui in ſpeculo contemplantur, imaginem & figuram rei veræ vident, non ipſam rem; ſic qui Chriſtiane conuerſationis pulchritudinem videre deſiderant, ſi lege tanquam ſpeculo vrantur, optimè quod cupiunt aſſequentur. Ipſam enim rerum imaginem ad veritatem transferendo, liquidò perſpicient, quid Deo acceptum in primis gratumque ſit. Vides quid eo loco apud Apoſtolum ſit, velamen Iudæis obductum, & libertas noſtra ex Euangelica reuelatione, & Chriſtiana velamenti ablatione, vt pulchrè quoque attigit in eum Apoſtoli locum incidens S. Auguſtinus lib. de opere Monach. cap. 31. Quid hîc pro aduerſarij amplitudine?*

Hic eſt impetus primi arietis ab aduerſario ad muniendam nouam ſententiam adhibiti. Hæc vniuerſa tela quæ è ſcripturarum armamentario prompſit. At liquet ex dictis, quàm à ſcopo in quem diriguntur auerſa abeant.

Nulli Patres aduerſario ſuffragati, ac primùm non Anſelmus.

VI. Patres qui ſuffragati nouæ ſententiæ dicuntur, adducuntur ab autore lib. 1. toto c. 4. treſ tantum, Au-

NVLLA AVTORITAS PRO NOVA SENTENTIA. 187
gustinus, Basilius, & Anselmus. Expendam eos ordine
retrogrado, quia in Augustino præsertim fit vis, erit-
que cui non ita facile expediendi videamur eius autori-
tate quàm cæterorum. Itaque quòd paulò longior
cum eo futura sit mora, differatur in postremum
locum.

Ex S. Anselmo autor cap. illo 4. num. 8. profert de-
finitionem libertatis, quam S. P. tradit dialog. de lib. ar-
bit. c. 13. his verbis. *Libertas est potestas seruandi rectitu-
dinem voluntatis, propter ipsam rectitudinem: Id est, in-
quit aduersarius, agendi propter finem vltimum & ex
amore Dei puro ac prorsus honesto, ac nequaquam ex amore
concupiscentiæ: sic enim ipse se explicat, cum ibi, tum in lib. de
concord. cap. 3. & vltimo.* Claudit autor argumentatio-
nem ex S. Anselmi autoritate, emissa hac voce exulta-
tionis: *Quid euidentius? Certè non est tantùm similis doctri-
na cum nostra, sed eadem.* Hincque lib. 1. cap. 30. casti-
gat eos qui Anselmum obiicere consueuerunt.

VII. Respondeo. Exultatio præpropera, ruboris
plerunque sementis est. Proposita certè argumentatio
ex Anselmi autoritate, tantum abest vt sit euidens, vt
potiùs argumentantis incogitantiam clarè exhibeat.
Inprimis quia S. Anselmus, libertatem definit non per
amplitudinem & eminentiam subtus quam iaceat po-
testas agendi vel non agendi, vt noua sententia com-
miniscitur, sed per ipsammet agendi potestatem, qua
connotari potestatem non agendi, dictum superiùs est
ex Aristotele, Didymo, S. Augustino ac S. Thoma.
Deinde S. Anselmus ibi, per rectitudinem, omnem
planè honestum actum intelligit. At glossa aduersarij,

inter actus honestos ibi definitos numerat tantum actus factos propter finem vltimum, & ex puro eius amore, non ex amore concupiscentiæ; quasi nō etiam amor concupiscentiæ in Deum tendens, sanctus & rectus sit, dummodò ex libertate prodeat prout de libertate loquitur eo loco S. Anselmus; id est dummodò propter rectitudinis & honestatis amorem fiat, nec vlla seruitute improbata, aut proprii vitiosi amoris feculentia sordeat. Norunt autem tyrones Theologi, de fide esse, actum spei optimum esse, quamuis sit amor concupiscentiæ in Deum, nec sit purus Dei amor, sed in nos retorqueatur, tanquam in subiecta.

Præterea autor explicationem suam definitionis à S. Anselmo propositæ, tribuit S. Anselmo, locis notatis. At nisi adhibeantur ocularia quibus aduersarius sæpè videt quæ non sunt tanquam ea quæ sunt, nihil tale apud Anselmum locis illis obuersabitur. Quod enim S. Anselmus dixit, libertatem esse amorem rectitudinis propter ipsam rectitudinem, non eò pertinet, vt significetur, ad hoc vt actus sit rectus & liber ad sensum Anselmi, necesse esse vt fiat propter purum amorem amicitiae erga finem vltimum: sed sensus illorum verborum est, vt actus materialiter ac obiectiuè honestus sit formaliter rectus, necesse esse vt non inquinetur appositione turpis finis: imò ne fidem quidem indifferentem posse tali actui præfigi ne vilescat, & destitutus bonitate inter actus indifferentes numeretur, aut etiam eo ipso sit malus, iuxta probabilem sententiam de vitiatione actuum deliberatè indifferentium. Ita seipsum fusè exponit S. Anselmus dialog. de verit. cap.

NULLA AVTORITAS PRO NOVA SENTENTIA 139
13. & breuiter dialog. de lib. arbit. cap. 1. & 8. ac 13. quo
postremo loco propositam libertatis definitionem ita
enucleat. Cum dicta libertatis definitio, potestas seruandi
rectitudinem voluntatis propter ipsam rectitudinem,
sit perfecta ex genere ac differentiis ut nec minus aliquid
claudat, nec plus quam illa quam quarimus libertas, nihil
illi addendum aut demendum intelligi potest. Est enim pote-
stas libertatis genus. Quod autem additum est seruandi, se-
parat eam ab omni potestate qua non est seruandi, sicut est
potestas videndi aut ambulandi. Addendo vero rectitudi-
nem, discernimus eam à potestate seruandi aurum, & quic-
quid non est rectitudo. Per additamentum voluntatis, se-
gregatur à potestate seruandi rectitudinem aliarum rerum,
ut virgæ aut opinionis. Per hoc autem quod dictum est,
propter rectitudinem ipsam, diuiditur à potestate ser-
uandi rectitudinem voluntatis propter aliud; ut cum serua-
tur propter pecuniam, aut naturaliter. Seruat enim natura-
liter canis rectitudinem voluntatis cum amat catulos suos,
aut dominum suum sibi beneficientem. Vides germa-
num S. Anselmi sensum, nec aliò spectare eas parti-
culas propter ipsam rectitudinem, quam quò referuntur
ab Aristotele, eas quoque adhibente inter explican-
dum conditiones actus honesti 2. Ethic. cap. 4. Sensus
ergo vtriusque genuinus, est is quem trado in Moral.
dist. 4. num. 187. nempe finem honestum debere appe-
ti propter ipsum, hoc est non debere appeti propter fi-
nem extrinsecum vitiosum aut indifferentem. Quæ
toto cœlo distant à falso sensu, quem glossa aduer-
sarij quam excutimus impingebat sancto Ansel-
mo.

VIII. Postremò, libertas cuius definitionem aduersarius ex S. Anselmo protulit, non est libertas adæquatè, cuius nos naturam venamur, sed tantum est libertas prout respicit actum bonum supernaturalem, estque fundamentum Christianæ iustitiæ, comparandæ ex opere operantis, vel interuentu liberæ dispositionis humanæ. Ita optimè hanc S. Anselmi definitionem intellexit Baconus in 4. d. 1. quæst. 5. artic. 3. & Magnus Albertus in summa de homine qu. de libertate voluntatis artic. 1. *in corpore*, & Honorius Dialogo cui titulus est, *ineuitabile*. Imò idem apertè tradit ipsemet S. Anselmus in prologo Dialogi de veritate, quo argumentum quoque Dialogi de libero arbitrio, & alterius de casu diaboli complexus est. Idem habet in concord. p. 1. cap. 6. verbis illis *Non idem est arbitrium, & libertas qua dicitur liberum. In multis dicitur libertas & arbitrium, ut cum aliquem dicimus libertatem habere loquendi, aut tacendi, & in eius arbitrio esse quid horum velit. In pluribus quoque alijs similiter dicitur libertas & arbitrium, quæ non semper adsunt, aut ad salutem animæ nobis necessaria sunt. Pro illo autem arbitrio tantum, & pro illa voluntate, ista quæstio ventilatur, sine quibus homo saluari nequit, postquam potest illis vri.* Et mox addit hanc esse libertatem, iustitiæ sedem, de qua sola ait se agere, & ibi, & in dialogo de lib. arbitrio, quàmque profiteretur à se definitam verbis illis; *Potestas seruandi rectitudinem, propter ipsam rectitudinem.* Rursusque ibidem p. 3. cap. 12. repetit se non agere de alio libero arbitrio, quàm de illo sine quo nemo salutem meretur; ita vt quamuis libertas quod ipse S. Anselmus profitetur, ad alia multa

NULLA AVTORITAS PRO NOVA SENTENTIA. 101
protendi queat, tamen in ea definitione sit tantum sermo de libertate prout se disponente ad consequendam gratiam & gloriam. Est quidem eadem planè libertas, qua homo & ad huiusmodi supernaturales formas se aptat, & à recto aberrans iisdem excidit, ut habetur dialog. de lib. arbit. cap. 13. *in fine*: Tamen quia libertas data est homini eo fine ut æternum salutem adipisceretur, disponendo se ad gratiam, idcirco S. Anselmus de gratiæ cum libertate consensu, & Christianæ rectitudinis veritate differens, contentus fuit libertatem definire inadæquatè tantum, siue per ordinem ad eam duntaxat functionem suam primariam & à Deo autore præcipuè intentam, qua libertas diuinitus adiuta supernaturale bonum spectat.

Hæc cum ita sint, planè extra chorum saltat, quisquis traditam à Diu. Anselmo definitionem libertatis, obtrudit tanquam astipulantem novæ sententiæ de natura libertatis, constitutæ per amplitudinem exad- hæsiōne cum Deo.

Neque item Basilius.

I X. Basilius qui præterea laudatur tanquam novæ doctrinæ suffragatus, eo loco quem autor profert, (hoc est homilia quòd Deus non sit autor malorum,) tantum habet quòd anima sit imago Dei ratione libertatis. Neque verò id disertè ait, aut conceptis verbis, sed tantum dicere videtur, ut autor ait: qui subdit. *Quomodo autem erit anima ad imaginem Dei, quatenus est libera, nisi anima libertatem in eo ponamus quòd ad Deum*

obuersa sit, eum intueatur & referat, eius capax sit, ad eum suspiret, eo denique tanquam vnico & summo suo bono sit explenda?

Respondeo. Nullo planè horum modorum, anima quia libera est, Dei imago appellatur: sed tantùm quia sicut Deus est sui iuris, ita & homo per libertatem, ita-
citur domus emancipati à Deo boni, & suorum actuum. Videsis quæ dico in Morali dist. 2. num. 119, ex Anastasio, Theodoreto, Isidoro Pelusiota, Damasceno, Tertulliano, Macario, Nysseno, Hieronymo, & ipsomet Basilio, qui sensum suum de diuina in nobis imagine per dominium in libertate fundatum, disertè aperit hom. 10. ex æm. Quare otiosè omnino, & non tam ex suspitione prorsus euanida, quàm duntaxat quia auctori placuit, allegatus est pro noua doctrina S. Basilius: & eodem iure, hoc est nullo, proferri æquè pro ea potuissent alij non dissimiliter ac Basilius locuti de diuina in nobis imagine; idque ad ostentandam suffragatorum multitudinem, & conciliandam volumini molem, fuisset non inopportunum.

Sed neque Augustinus.

X. Augustinum crepat vbique aduersarius, & vel hoc maximè nomine Pontificem ad suffragandum nouæ doctrinæ impellit, quòd hæc ratio explicanda libertatis, ex D. Augustini liquidissimis fontibus manifestè defluat, qui libertatem tanto esse maiorem affirmat, quāto diuinæ gratiæ subiectior fuerit qui magnam docet esse libertatem quando possumus non peccare; maxi-
mam

NULLA AVTORITAS PRO NOVA SENTENTIA. 193
mam verò cum ne peccare quidem possumus prorsus
Deo subiecti. Ita habet Augustinus epist. 89. & lib. de
corrupt. & gratia cap. 11. & lib. 14. Ciuit. cap. 11. & ibid.
lib. 21. cap. 16. & lib. 22. cap. 30. & in Enchir. cap. 30.

Respondeo, nouum non esse quod Facundus Her-
mianensis initio libri contra Morianum præclare mo-
nuit, vt quæ Diu. Augustinus aptè in loco dixit, detor-
queantur ad sensus à D. Augustini mente maximè alie-
nos. Fecisse hoc Faustum Rhegiensem in qq. de libero
arbitrio & detortis ac incongruè adhibitis variis Diui
Augustini locis, decipulam plerisq; simplicibus ador-
nasse, laborasseque S. Fulgentium in genuino Augu-
stini sensu aperiendo, & Fausto reuincendo, autor est
Facundus, qui addit: *Quid autem in hoc miremur? Neque
enim melius loqui potuit Augustinus, quàm Propheta, quàm
Apostoli, & Euangelista, quorum verbis similiter malè in-
tellectis & incongruè adhibitis, tam multi hæretici suos de-
fendere conantur errores.* Hoc illè rectè & verè. Nam vt
alios hæreticos taceam, Calvinus, quo vix nequiorem
& virulentiorẽ hæreticum Tartarus vomuit, cum
omnes passim Patres despuat, & impudoratè ac infru-
nitè abijciat, in mendacibus tamen Augustini pro se al-
legationibus iugis est; & quantumcunque atrocità &
horrenda sint quæ effutit, semper tamen apud Augu-
stinum scrutatur aliquid quod obtorqueat, & in erro-
ris patrociniũ trahat: & vt pippire pulli à gallina dis-
cunt, idem quàm studiosè obseruant omnes Caluini-
starum poppæ, quod iugi cum eis vsu, & eorum quæ
concionibus quæ scriptis docemur.

Certè ea D. Augustini loca, quæ apud aduersarium

conflant primam aciem pro noua sententia, illa ipsa sunt quæ à Caluino eiusque combibonibus proferuntur, vt probent in hoc statu nullum esse liberum arbitrium, sed fuisse quidem in homine ante lapsum, & fore postcà in gloria, nunc autem nullum esse: quia cum statuunt libertatem veram, (quod illa Augustini loca in speciem sonant,) esse solam libertatem à peccato, & hîc ea libertas pura ac plena non obtingat, videntur sibi è locis illis non modicum errori suo præsidium parauisse. Aduersarius autem eadem loca adhibet, vt probet veram libertatem moralitatis fundatricem esse libertatem à peccato; nam hoc est quod se probaturum & illustraturum vniuerso opere profitetur lib. I. cap. I. Eodemque recidit, quod ibidem & frequenter alibi ait, libertatem veram esse solam amplitudinem ex adhæssione cum Deo. Nam illa amplitudo nihil est aliud quàm extrinseca denominatio à gratia peccatum ex-turbante, & hominem Deo vniente: libertas autem à peccato, & libertas gratiæ idem sunt, vt benè aduertit Magnus Albertus in summa de homine quæst. 3. de libero arbitrio quæ est de diuisione libertatis, *ad penultimum argumentum.*

Prima locorum ex eo acies exarmatur.

XI. Non est tamen difficile, Augustinum ita exponere, vt neque veritati incommodet, nec falsitati astipuletur; idque diligenter iampridem præstiterè Doctores in Augustino eximiè versati. Respondet ergo Hugo Victor. tomo 3. in summa sent. tract. 3. cap. 9. &

NULLA AVTORITAS PRO NOVA SENTENTIA. 195
Vega lib. 15. in Conc. cap. 4. S. Augustinum, quibus
locis ait, voluntatem, subiectione ad Deum liberam
fieri, eoque esse liberiores quo est Deo subiectior, &
à peccato elongatior, non agere de libertate ad æqua-
ritè, siue absolute & simpliciter, sed de libertate tantum
à peccato, vel de libertate prout est potestas sufficiens
ad exequendum bonum. Quæ ratione liquet, maio-
rem fuisse in homine nondum collapsa libertatem, &
maximam fore in patria, vnde peccatum & peccandi
potestas omnis exulabit. Ita disertissimè se exponit ip-
se S. Augustinus lib. 1. contra duas epist. cap. 2. & 3. vbi
Iuliano Pelagiano Catholicos criminanti, quod asse-
renda gratiæ necessitate libertatem euerterent, respon-
det Augustinus calumniam esse apertissimam. Nec
enim liberum arbitrium periisse per Adæ peccatum,
nec Christi morte restitutum esse, sed eam tantum li-
bertatem periisse per Adæ peccatum, quæ summa fue-
rat ante peccatum; libertatem scilicet benè agendi, quæ
tandem in cælo obuentura sit perfectissima, & imper-
turbabilis: Hanc autem libertatem per Christum colla-
tam, quæ est libertas à peccato, longè distare à libero
arbitrio eaque libertate philosophica quæ est morali-
tatis fundamentum. *Quis nostrum dicat, ait ibi præter
cætera S. P. quòd primi hominis peccato perierit liberum
arbitrium de humano genere? Libertas quidem periit per
peccatum, sed illa quæ in paradiso fuit, habendi plenam cum
immortalitate iustitiam, propter quod natura humana, diui-
na indiget gratia, dicente Domino, Si vos filius liberauerit,
verè liberi eritis: utique liberi ad benè iustèque viuendum.
Nam liberum arbitrium vsque adeò in peccatore non periit,*

ut per illud peccent, maximè omnes qui cum delectatione peccant, & amore peccati hoc eis placet, quod eis libet.

Ex his verbis liquidissimum est, S. Augustinum agere duntaxat de libertate ad exequendum bonum supernaturale, quæ per Adæ peccatum deperdita, recuperatur per gratiam liberatoris Christi; qui cum nos ad eum modum liberauerit, tunc verè liberi erimus: consummabitur autem ea liberatio & libertas in cælo, cum non angemur ob metum prolapsionis in peccatum, sed indeclinabiliter viam iustitiæ tenebimus à peccati præcipitio prorsus securi. Eodem recidit quod alij dicunt, S. Augustinum distinguere libertatem à libero arbitrio. Et liberum quidem arbitrium, vocare potentiam assentiendi aut dissentiendi libertatem verò, accipere Christianè, id est pro facultate operandi meritoriè, quam plerunque vocat *liberum arbitrium liberatum*: circa quam locutionem iocos Caluini in Augustinum memorat & refellit Camerarius lib. 1. de lib. arbit. cap. 3. Id vnum ergo ferunt tam densa Augustini loca quæ proferuntur in prima acie, suntque proinde eiusmodi, ut ad rem de qua agitur; & ad libertatem meriti ac demeriti fundatricem de qua sola disputamus, nullo modo pertineant.

XII. Aliter nonnulli ea Augustini loca exponunt, quorum interpretatione æquè contereretur vniuersa ex locis illis argumentatio aduersarij. Sed quod cum Augustini mente is duntaxat sensus quadret quem proposuimus, non placet ab eo desciscere. Azor ergo tom. 1. lib. 1. cap. 2. quæst. 9. exponens S. Anselmum, qui Augustinum de more æmulatus, maiorem beatorum

NVLLA AVTORITAS PRO NOVA SENTENTIA. 197
esse dixerat libertatem, quàm viatorum, ait, sensum
Anselmi, atque adeò etiam Augustini, esse, quòd in
beatis libertas sit maior quasi extensiuè, quatenus bea-
ti non à necessitate tantùm sicut nos, sed & à peccato
& à miseria sunt liberi. Hæc propositorum B. Augusti-
ni locorum interpretatio, non est idonea, quia etiam si
nihil falsi contineat, tamen non est ad mentem Augu-
stini, qui attendit solam libertatem à peccato; & man-
cipationem nostram sub iugo peccati quæ hîc semper
est aliqua, composuit cum exsolutione à peccato, quæ
non nisi in cælo plena erit. At in prædicta interpreta-
tione, confertur nostra sub peccato seruitus, cum no-
stra futura libertate & à peccato & à miseria. Similiter
ab Augustini mente discrepare videtur interpretatio
quam adhibet Stapletonius lib. 4. de iustific. cap. 9. di-
cens, voluntatem iuxta Augustinum eo esse liberiores
quo est subiectior, quia voluntas per gratiam delibu-
ta, promptius & ardentius fertur in bonum; eo quòd
per gratiam aperiatur quod latebat, & suaue fiat quod
non delectabat, vt habet Diu. Augustinus lib. de spir.
& litera cap. 3. Hæc verè dici non diffiteor, Augustino
tamen non quadrare in locis quæ tractamus, putò
perspicuum.

Item acies secunda.

XIII. Alteram aciem locorum Augustini pro no-
ua sententia, instruit autor cap. illo 4. num. 3. Primùm
ex lib. 21. de Ciuit. cap. 16. vbi dicitur *tunc veraciter vinci
vitia, cum vincuntur delectatione iustitiæ*: quod in Enchir.

cap. 30. à liberaliter seruis iustitiæ præstari dicitur, ibi-
démque adhibetur aurea illa clausula. *Ipsa est vera liber-
tas propter rectè facti letitiam; simul & pia seruitus, pro-
pter præcepti obedientiam.* Inde autor argumentatur pro
noua sententia, tam neruosè, vt existimet non posse ea
duo loca in sensu probabili accipi, nisi libertas in am-
plitudine statuatur. Argumentum est huiusmodi. Diu.
Augustinus libertatem delectatione operis definit :
hoc autem fieri non potuisset, nisi libertas constituere-
tur amplitudine, exurgente ex adhæsiōe cum Deo.
Nam opere suo quatenus bono delectari, indicium est
amplitudinis cuiusdam atque immensitatis, nullis
repagulis coërcitæ. Est enim magnitudinis animi inu-
sitata, ac independentiæ ab omni commodo & in-
commodo, ab omni voluptate & dolore, tangi ipso
honesto, eoque delectari. Adiungendus est huic aciei
alter locus Augustini, quem postea educit aduersarius
ex lib. 3. de lib. arbit. cap. 5. vbi docet, Angelos beatos,
(qui certè peccare non possunt,) habere libertatem ad
vtrumlibet. Quam verò nisi amplitudinis diuinæ, ad
quam ipso gloriæ statu transeunt? Præterea idem S. P.
cap. 105. Enchir. ait, voluntatem qua expetimus fœlici-
tatem in communi, liberam esse, quamuis non possi-
mus nolle esse beati. Ergo libertas illius volitionis sita
est in amplitudine. Quod tandem confirmatur ex lib.
22. Ciuit. cap. 30. vbi luculentissimè traditur, summi-
tatem libertatis, indefectibilitate atque immutabilita-
te definiri: quod verum esse non posset, si libertas aliud
non diceret quàm indifferentiam actiuam. Quid verò
aliud quàm amplitudinem?

NULLA AVTORITAS PRO NOVA SENTENTIA. 199
XIV. Hæc acies nullo negotio examinetur. Nam
duobus primis locis, Diuus Augustinus agit de sola li-
bertate à peccato, quam rectè describit per delecta-
tionem iustitiæ. Quod autem delectatio de opere
prout honesto, non possit innuere libertatem à pecca-
to, nisi libertas fundans moralitatem sita sit in ampli-
tudine, hoc Diuus Augustinus ne somniauit quidem.
Taceo vnde aduersarius tantam immensitatem & inu-
sitatam magnitudinem in delectatione de bono ope-
re aduertere potuerit, quantam prædicat. Iam tertius
locus propositus quo Angelorum libertas citra pecca-
tum astringitur, quid amplitudini confirmandæ inser-
uiat, equidem non video. Est enim verè indifferentia
actiua in beatis, quoad pleraq; cum summo bono cla-
rè percepto non connexa. Et hoc est quod S. Augusti-
nus asserit. Quid ergo ibi pro amplitudine supra indif-
ferentiam eminente, & superstita, ac rationem veræ li-
bertatis retinente, quamuis indifferentia excludatur?
Desiderium fœlicitatis in communi, ex quo aduersa-
rius quarto loco argumentatur, non est liberum de
sententia D. Augustini, nisi quoad exercitium. Possu-
mus enim velle fœlicitatem & cupere beati esse, aut ea
beatitudinis prosecutione abstinere. Nihil ergo inde
habetur pro amplitudine constituyente libertatem ne-
glecta indifferentia. Vltimus Augustini locus allega-
tus, spectat ad libertatem à peccato, neque in eo quic-
quam metendum esset aduersario, nisi pro more suo
meteret vbi non seminavit.

*Quàm malè quosdam è Philosophis pro se protulerit
aduersarius.*

X V. Philosophos Patribus succenturiat aduersarius, & eodem quo Patres iure pro se profert. Platonem, quia in Cratylo dixit, virtutem dici ἀρετήν quasi ἀεὶ ποῦν, eo quòd semper fluat : vitium verò κακία, ἀπὸ τῆ κακίης ἰέναι quia agrè progreditur. Item quia Plato dat alas animæ quibus in sublime tollatur. Nemesium quia virtutem vocauit ἀδικοτον, absque domino. Proclum quia dixit, Deum & Angelos esse omnibus præsentibus, & ab omnibus liberos, omnia implere, nulli permisceri, discurrere per orbem vniuersum, & nulli loco addici. Item quia dixit liberum arbitrium in media prouidentia contineri, & inde moueri ac determinari, nosque ex nobis ipsis electiones promere, non formari ab externis. Aristotelem, quia dixit quosdam esse natura seruos, quosdam liberos, idque tum secundum corpus, tum secundum animam. Itémque quia alibi ait, hominis liberi vitam, esse herili dignitate meliorem : alibi autem liberum esse ait, quod est sui causa, ἑαυτῷ ἰνεια, quod nimirum aliò non refertur. Et rursus alibi, magnanimum ait esse apertum & liberum, quia est omnium contemptor & nihil admiratur, non est maledicus, tardigradus est ac barytonus, stabili & sedata oratione, aduersus fortunæ fluctus ac spumas, cautes imperturbabilis. Tandémque quia alibi affirmat, electionem esse mediorum meliorum, eámque electionem esse præstantissimam quæ facit Deum contemplari.

Tullium

Tullium præterea, Plutarchum, Epictetum, Philonem, Senecam, ac Boëtium, Philosophis annumerat, & pro se profert autor. Tullium, quia libertatem ait cum beatitate conuerti, & libertatem esse potestatem viuendi vt velis. Plutarchum, & Epictetum, quia aiunt liberum esse qui viuit vt vult, & qui nec impediri nec cogi potest eo quòd voluntatem suam Deo subiecerit. Insuper Philonem, quia dixit, liberum esse qui solum Deum sequitur. Præterea Senecam, quia dixit, neminem liberum esse qui corpori seruit, & non transcendit quæ vulgo magni fiunt. Item quia de homine modum ambitioni suæ non ponente, dixit, *non ille ire vult, sed non potest stare.* De Alexandro autem & Mario sic scripsit. *Omnes isti cum omnia concuterent, concutiebantur turbinum more, qui rapta conuoluunt, sed ipsi ante & voluuntur. Et ob hoc maiore impetu incurrunt, quia nullum illis sui frænum est.* Postremo quia Deum dixit liberum esse, etiam si se negare nequeat, quia est ipse sibi sua necessitas. In extremo agmine collocat autor Boëtium, quia dixit extremam seruitutem esse, vitiis deditorum; libertatem verò esse quidem in quibuscunque inest ratio, sed in Angelis esse incorruptam, in nobis autem prout magis Deo adhæserimus, perfectiorem euadere.

Ex his omnibus concludit aduersarius, libertatem propriè dictam, hoc est fundatricem moralitatis, iuxta Philosophos constitui essentialiter per amplitudinem, ac eminentiam supra creata, consequentem ex adhæsiōe ad Deum.

XVI. Sed hæc conclusio vt Caietanus alia occasione dixit, nunquam trahetur ex antecedentibus positis,

etiam si centum bouum paria ad moueantur. Nam si extrema autoritas quæ Boëtij est semoueatur, anteriores omnes, tantum à cōclusionē intentā elongātur, quantum distat ortus ab occidente. Licebit sanē quidlibet ex quolibet inferre, si rectē ex huiusmodi colū educatur hoc fūsum. Cuilibet enim citra attentionem & expensionem liquere potest, quā sint inconnexa & diuulsa priora illa quæ aduersarius assumit, & conclusio quam subsumit. Nec volo abuti Lectoris otio in percurrentis ac expendendis singulis propositionibus quod frustra faciendum intelligo, quantumuis ad censuram morosum & aduersarij studiosum Lectorem nanciscerer.

In postrema verò autoritate quæ est Boëtij, videri posset aduersarius non omnino extra chorum saltasse, cum probauit libertatem sitam esse in amplitudine oriunda ex adhæsiōe cum Deo, quia dixit Boëtius peccatorem à Deo auersum, premi seruitute, eoque hominem euadere liberiores, quo arctiūs & perfectiūs Deo adhæserit.

XVII. Hæc tamen nullo modo suffragantur amplitudini, sed tantum pertinent ad libertatem à peccato quæ iustis obtingit, oppositam seruituti quam contrahit quisquis à recto & honesto abducitur. Diximus de ea seruitute eique opposita libertate, superiūs nonnulla, multaque omnino ex variis corrogat Lælius Bisciola tomo 2. subsec. lib. 15. cap. 18. tractans effatum illud apud Ethnicos quoque vulgatissimum, *omnis ac solus probus liber*. Sita verò est ea libertas in eo quòd vir probus nec ad malè operandum peccati pondere abri-

NULLA AVTORITAS PRO NOVA SENTENTIA. 203
pitur; (dominante enim peccato, non quod vult bonum hoc agit homo;) nec laborat ijs in bono exercendo difficultatibus quibus præpeditur peccator, qui idcirco servus dicitur. Nam servitus peccati in eo sita est, quod peccator peccando prauos habitus acquirit, quibus ad malum fit pronior: quantum verò in se est, abs se repellit auxilia gratiæ quibus natura in bono firmaretur. Reddit enim se cœlestibus hisce suppetijs indignum: vnde pertractio ad alia peccata, quia iuxta S. Gregorium, peccatum quod per pœnitentiā non diluitur, mox suo pondere ad aliud trahit. Accedit obductio visus interni per peccati nebulas. Verè enim à S. Augustino dictum est tract. 8. in epist. Ioann. *aliquos flammā intelligentiæ, perversitate morum extinguere.* Cœcato ergo vel admodum suppresso interno visu, appetitus autem effrœnatione roborata & aucta, infœlix quædam necessitas peccatori iniicitur parendi peccato, salua quidem naturali libertate, sed ad eò debilitata, vt nisi gratia sanans & potenter roborans adueniat, vix iugum excutere & servitium detrectare misera valeat, propè que necessitari ad malum videatur, quod egregiè expressit S. Bernardus serm. 81. in Cant. His si addas, peccatum constituere peccatorem in eo statu quo se ipse nulla sua vi eximere possit, habebitur germana notio illius servitutis sub peccato, cui peccatorem subiacere sacræ literæ infinities produnt. Explicat eam luculenter S. Thomas in cap. 8. Ioann. lect. 4. & ibid. Franciscus Lucas, Espenæus digress. 11. in 2. ad Timoth. ac Lensæus lib. 1. de libert. Christ. per totum: addens lib. 2. de servitute peccatoris sub dæmonis tyran-

nide, quæ est alia seruitus peccatoris, annexa seruituti peccati. Exponit quoque eam Andreas à Vega lib. 2. in Conc. cap. 3. & 4. iuxta hæc ergo neque Boëtius, neque quotquot proborum libertatem, improborum verò seruitutem celebrarunt, quicquam habent quod nouę sententię suffragetur, & libertatem naturalem in amplitudine & eminentia adhæfionem cum Deo consequente, locandam suadeat, vt aduersarius committitur.

*Nemo scholasticorum pro aduersario, sed
maximè S. Thomas.*

XVIII. E scholasticis quos aduersarius post Philosophos educit, sex omnino pro se numerat. S. Thomam, Scotum, Radam, Henricum, Durandum, & ex recentioribus Contarenum, quibus animi gratia adiungit Suarem & Vasquem. Non quòd hi explicatissimè non sint in contraria sententiā, sed quòd aliqua interdum proferant, quibus in veritatem incidere vel inuiri videantur. Vnde meritò suis ipsorum telis appetuntur. Dixeris autorem illud Eucherij homil. 2. de pasch. cogitasse. *Validis absque dubio nritur privilegijs, qui causam de aduersarij asserit instrumentis. Speciosa victoria est, contrariam partem cartulis suis velut proprijs laqueis irretire, & testimoniorum suorum vocibus confutare, & amulum telis suis euincere, & pugnatoris tui argumenta, tuis probentur utilitatibus militare.* Attingamus sigillatim, quæ vniuersè tantum sunt tacta.

S. Thomam 1. p. q. 62. art. 8 ad 3. tradere conceptis

NULLA AVTORITAS PRO NOVA SENTENTIA. 205
verbis doctrinam quam impugnamus, & libertatem
definire per ordinem ad finem vltimum, aduersarius
repetit supra trigesies. Hic illi murus aheneus. Vbi-
que enim, ob eum vnum locum quem dixi, patro-
num nouæ sententiæ statuit S. Thomam, à quo per-
spicacissimè vestigatam ait libertatis naturam, addito
in definitione libertatis eo primæ partis loco assigna-
ta, ordine ad finem vltimum, tanquam essentiali & in-
trinseco libertati. Quare in libri primi præfatione, abi-
geatus reos agit recentiores, quod eam clausulam, *ser-
uato ordine finis*, è libertatis definitione expunxerint:
renouâtque flebiliter admodum eas querelas lib. 1. cap.
12. num. 1. castigans incuriam aut inscitiam eorundem
recentiorum, in truncanda libertatis definitione eo lo-
co assignata à S. Thoma, & premendo ordine ad finem
tam studiosè expresso per sanctum Doctorem.

XI X. Mihi verò hæc tam secura allegatio S. Do-
ctoris, totiesque ingeminata libertatis definitio per
eum tradita, addito ordine ad finem vltimum tan-
quam essentiali & intrinseco libertati, non potest mi-
ra non accidere, qui perspectum habeam, S. Thomam
de libertate toties & tam diligenter alibi agentem, vt
1. p. qu. 83. tota, & qu. 24. de verit. & in 2. d. 24. & 25.
nuspian libertatis definitioni appinxisse ordinem illū
ad finem vltimum. Itaque si quæ culpa fuit recentio-
rum in earum particularum prætermissione, æquè eius
culpæ insimulandus est S. Thomas, qui eas semper re-
ticit quibus locis ex instituto de libertate disseruit.
Trahendi item in eiusdem peccati societatem erunt
omnes S. Thomæ discipu'i, veteres iuxta ac noui, qua-

rum nullus eas particulas memorauit, tradens libertatis quidditatem.

Vnus verò ille locus ex i. p. qu. 62. art. 8. ad 3. quem ad nauseam ingerit ac regerit aduersarius, vt quanto-
pere ad rem faciat intelligatur, proferendus est, & vnde sit de promptus, aperiendum. Quæstionis titulus est, *de perfectione Angelorum in esse gratia & glorie*. Articuli, ille est titulus. *Vtrum Angelus beatus peccare possit*. En quam sollicitus sit eo loco S. D. de libertatis definitione cudenda. In extremo illius articuli angulo, reperit foueam ericius. Argumento inquam tertio, cum obiectum fuisset, homines posse eligere bonum & malum; posse igitur Angelos quoque beatos peccare, cum non minuatur in eis arbitrij libertas; respondet S. Thomas. *Ad tertium dicendum, quòd liberum arbitrium sic se habet ad eligendum ea quæ sunt ad finem, sicut se habet intellectus ad conclusiones. Manifestum est autem quod ad virtutem intellectus pertinet, vt in diuersas conclusiones procedere possit, secundum principia data. Sed quod in aliquam conclusionem procedat, prætermittendo ordinem principiorum, hoc est ex defectu ipsius. Vnde quòd liberum arbitrium diuersa eligere possit seruato ordine finis, hoc pertinet ad perfectionem libertatis eius. Sed quòd eligat aliquid diuertendo ab ordine finis, quod est peccare, hoc pertinet ad defectum libertatis. Vnde maior libertas arbitrij est in Angelis qui peccare non possunt, quàm in nobis qui peccare possumus.*

Hunc locum tanquam ipsis solis radijs scriptum, & definitionem libertatis exhibentem, expresso ordine ad finem vltimum, lusciosis ac cæcutientibus recen-

NULLA AVTORITAS PRO NOVA SENTENTIA. 207
tiorum oculis ostentat aduersarius singulis propè operis sui capitibus. Ego vel si Galilæi telescopium, & Batavicum speculari canaliculatum adhibeas, nusquam in his verbis libertatis definitionem obuersaturam pronuncio. Quod enim S. D. ait, libertatem deficere cum peccat, perfici autem, ac rectè & vt par est operari, cum collimat in finem vltimum, clarum est & extra controuersiam. Ast vbi in verbis propositis tradatur à Diu. Thoma illa tam expressa, toties ab aduersario ingesta ac regeſta libertatis definitio, pro qua studiosè, vel per ignorantiam, à recentioribus truncata, tot querelæ ingeminantur, non deprehendo, & deprehendi posse nego. Tot sanè tam lynceos, tam oculatos, tam perspicaces interpretes effugit, Caietanum, Bannem, Zumelem, ac (ne sigillatim alios appendam,) planè vniuersos, vt desperemus eius contuitum, nisi aduersarius sua illa conspicilla quibus videntur ea quæ non sunt, tanquam ea quæ sunt, nostris oculis admoueat.

XX. Profert præterea pro se aduersarius S. Thomam 1. p. q. 82. ar. 1. quia docet necessitatem naturalem non repugnare voluntati, imò ait, necessitatem quæ voluntas secundùm se inhæret fini, esse originem libertatis indifferentis circa media. Additque ad. 1. necessitatem naturalem ex Augustino 3. Ciuit. cap. 10. non auferre libertatem voluntatis. Tandem ad 3. negat nos esse dominos actus nostri circa finem, indicans dari libertatem quandam electione superiore & respectu finis, quæ dominio non contineatur.

Hæc S. Doctoris loca, aduersario non suffragantur. Quod enim voluntas necessitate naturali feratur in fi-

NULLA AVTORITAS PRO NOVA SENTENTIA. 207
indifferentiam actiuam erga circumstantias, præfer-
timque erga motiuum, qua de re infra 2. p. Eadem
indifferentia actiua reperitur in voluntate circa
exercitium amoris quo amamus beatitudinem, itém-
que circa exercitium ac speciem amoris quo alia bo-
na prosequimur. Quare non apparet, quomodò
loca ex S. Thoma adducta iuuent aduersarium. Imò
non parum ei incommodare videntur. Nam si Diu.
Thomas censuisset libertatem non pugnare cum ne-
cessitate, & constitui amplitudine, eoque maiorem
esse physicè quo maior est cum Deo adhæsiō, per-
peram omnino ad modum relatum enodasset diffi-
cultatem propositam circa Christi libertatem, cum
potuisset ex noua hac doctrina de natura libertatis,
longè commodiùs implicatissimam difficultatem ex-
pedire, vt sibi visus est facere aduersarius, locis po-
stea excutiendis. Perperam item dixisset S. D. non
dari libertatem circa finem vltimum, sed tantum
circa media, cum tamen iuxta aduersarium confor-
miter ad nouam sententiam de libertatis natura, li-
bertas maximè detur circa finem vltimum, & ex ad-
hæsiōe ad Deum vniuersa dimanet. Sed de D. Tho-
mæ sententia plus satis.

*Obiter de reliquis malè ab aduersario
adductis.*

XXII. In expendendis locis quæ aduersarius
pro se ex alijs scholasticis allegat, quia tanti non
sunt, parcitate vtat, emedullans tamen & exsugens

quicquid inerat eis boni succi. Profert ergo pro se insuper Scotum, & Henricum, ac Radam. Illos, quia dixerunt Deum & beatos se amare liberè, etiam si necessariò se ament. Radam verò, quia ambiguus est in enodanda libertatis natura, ac si quasi ad eum accedens, suggeras libertatem sitam esse in amplitudine, id ei in manus tradere censearis, quod diu quasiuisset & cupidè expectasse videatur. Profert denique Durandum, Contarenum, Suarem, & Vasquem. Durandum quidem, quia dixit, nostram electionem cum habetur, non esse necessariam prosecutionem obiecti, quia nec est finis vltimus, nec habet necessariam habitudinem ad finem vltimum. Item quia dixit; Deum esse creaturis liberiores, ac Angelos hominibus. Contarenum verò, quia dixit libertatem pendere ab amplitudine intellectus, & facultatis appetentis intellectui adeò amplo proportionatæ, ideòque affirmavit, hominem amplo nullisque terminis circumscripto arbitrio cieri; nec esse de ratione libertatis labi in peccatum, cum potius qui peccat, seruitute se irretiat. Suarem, quia dixit, libertatem cerni in Deo absque mutabilitate interna actus volendi; ac denique Vasquem, quia dixit, non solum electionem esse liberam, sed etiam intentionem: Itemque quia admisit liberum arbitrium fuisse peccato attenuatum & inclinatum: & denique quia dixit, liberum opponi alligato. Sic Vasques, qui vbiuis alibi auctori ludibrium debet, hîc volens nolens veritati, (tanta eius vis est,) patrocinatur.

Eloquar an rideam? Omnia hæc, tantum rei de qua agitur quadrant, quantum boui clitellæ. Iudicet prudens Lector, an ex antecedentibus propositis iure inferatur hæc sequela. *Libertas non est indifferentia actiua. vel, non est facultas flexilis utrolibet, sed est amplitudo & eminentia oriunda ex adhesionem cum Deo.* Ego tempus, rem omnium pretiosissimam, in his vel dissoluendis vel refellendis conterere, nec volo nec debeo. Obiter tantum dico, quod ad Scotum attinet, aliosque asserentes Deum se liberè amare, *liberum* apud eos accipi pro voluntario, ob rationem quam reddit Durand. in 2. d. 24. quæst. 2. num. 12. Itaque longè abest Scotus ab autore, qui amorem illum pressè ac propriè liberum statuit. Contarenius radicem & originem libertatis, deriuauit ex immaterialitate & late patentia intellectus voluntati prælucentis, quæ communis est doctrina, nec aliud habet loco qui ex eo profertur: ac ne per somnium quidem censuit, libertatem formaliter & quidditatiuè esse amplitudinem. Imò disertè ait, libertatem ex amplitudine deriuari. Explicatissimè autem comuni doctrinæ astipulatur, refellens quartum Lutheri articulum, pag. 569.

XXIII. Liquet verò quanto iudicio ac iure aduersarius suffragatores sibi asciuerit anteriores scriptores, quandoquidem inter eos quoque recensuit Suarem & Vasquem, tanquam nouæ sententiæ astipulatos, quæ quanta sit mendicitas nihil attinet dicere. Hi enim autores, adeò plenè ac dilucidè præ-

cæteris tradunt antiquam sententiam, vt eos velle pro noua referre, sit ludere. Quæ verò ex eis prolata sunt, aut nullo modo ad rem pertinent, aut adeò enodia sunt, vt nihil sit necesse in illis extricandis tempus consumere. Minus porrò mirum esse debet, autorem hac in re, Gabrielem Vasques malè sibi constantem ac fluctuantem exhibere, qui eum vbique veluti plebeium ac minutum scriptorem, vel mordeat, vel vellicet. Est tamen Vasques quibusuis verè eruditis maximo in pretio, quippe vir, ait Basilius Poncius Augustinianus relect. 1. *animi candore, morum puritate & probitate, non minus quàm ingenio, doctrina & eruditione celebris, non solum Philosophiæ & Theologiæ cognitione, sed etiam vtriusque iuris notitia adeò excellens, vt è Theologis non viderim quem repererim cum illo conferendum, & inter Iurisconsultos optimas meritò annumerari queat.*

CAPVT IX.

*Nullam rationem solidam nouæ sententiæ
astipulari.*

I. **R**ATIONES pro noua sententia aduersarius quinq; omnino profert lib. 1. cap. 7. & 8. quæ nunc excutiendæ sunt, addita sexta quam fusè per aliam occasionem profequitur cap. 9. Sunt autem eiusmodi, vt possim ad omnes præfari verbis Augustini serm. 11. de verb. Apost. *Videte acumen, sed vitreum; Quasi lu-
cet vanitate, sed frangitur veritate.*

Prima est. Indifferentia per quam omnium consensu explicatur libertas, sonat negationem: Dandum ergo est substratum positium, cui negatio illa nitatur: & hoc ipsum erit libertas, formaliter & quidditatiuè sumpta. Nam certum est libertatem esse formaliter aliquid positium, non autem negationem. Sed nulla potest positiua perfectio negationi illi subiaccens proferri, præter amplitudinem & vniuersalitatem voluntatis ab omnibus inferioribus independentis. Ea igitur est quidditas & formalis ratio libertatis. Et nihil sanè aliud præter amplitudinem assignari potest, quo causa libera differat à naturali quæ libertate destituitur, quamuis virtute actiua polleat. At illud quo

causa libera differt à naturali, esse constitutiuum libertatis, nemo non videt.

Respondeo. Prætermisissis negationibus quæ in ratione formali libertatis explicanda interferri possunt, positiuum formaliter constituens libertatem est potestas in proprium actum, siue eliciendum aut non eliciendum, siue terminandum aliquò aut non terminandum. Eòque recidunt variæ illæ libertatis descriptiones quas refero in Moral. dist. 2. à num. 75. & præsertim illa nunc celeberrima. *Principium liberum est, quod positis omnibus ad agendum prærequisitis, potest agere aut non agere, vel etiam agere oppositum.* Ex qua definitione liquet, quid sit quo causæ non liberæ à liberis discrepant. Neque enim bruta, vllàve naturalia agentia, positis omnibus prærequisitis ad operationem, possunt ferriari & actum suspendere, vel oppositum efficere, etiamsi merita obiecti id patiantur; sicut verè vtrumque potest causa libera, vt benè præter cæteros alibi adductos, tradit Almainus tract. 1. Moral. cap. 1. & Gabr. in 1. dist. 38. quæst. vnica art. 1. notab. 6. & conclus. 3. Quare prima hæc argumentatio, nullo modo firmat amplitudinem.

I I. *Secunda ratio.* Libertas à necessitate, peccato, & miseria, debent conuenire in aliqua libertatis generali notione omnibus illis speciebus communi, quæ alia esse nequit quàm amplitudo. Et singulæ quidem illæ species libertatis, per suas differentias formaliter distinctiuas & constitutiuas secernuntur: Omnes tamen in exemptione à dependentia & alligatione, tanquam in communi libertatis ratione conueniunt. At

nihil aliud est exemptio illa, quàm amplitudo & eminentia.

Respondeo. Quas autor hoc loco ait esse plures libertatis species differentijs specificis seiunctas, alibi ait esse vnam & eandem libertatis speciem, vt videre est lib. 1. cap. 3. num. 1. & lib. 2. cap. 3. num. 4. quibus locis disertissimè tradit, libertatem à peccato esse ipsissimam libertatem à necessitate. Hac doctrinæ constantia nunc prætermissa, ad argumentum propositum dico, tres libertates enumeratas, non esse species vniuocas vnius alicuius generis, sed ob analogiam tantum & proportionem aliquam, eodem omnes nomine donari. Ea autem proportio in eo sita est, quòd sicut libertas à necessitate, (quæ est primarium analogatum & sola propriè ac citra metaphoras est libertas,) non seruit alienæ determinationi, sed ipsa sibi legem statuit, & vt D. Anselmus in concord. cap. 6. dixit, *sola determinat quid teneat*, Ita qui à peccato & miseria veriùs liberatus quàm liber est, non subiaceret peccato aut miseriæ, quibus quodammodò prematur: Vt is qui alienæ necessitationi obnoxius est, eius determinatione quasi premitur, qua excutitur qui liber est.

Aliis verbis, eodem tamen sensu, idem tradidiq. Bonau. in 2. d. 25. dub. 5. circa literam num. 37. in secunda parte textus. *Libertas*, inquit, *opponitur seruituti. Seruitus autem duplex est, videlicet seruitus coactionis & seruitus subiectionis. Seruitus autem subiectionis, potest esse sub duplici differentia, secundum quod duplex est malum: scilicet malum quod patimur, & hoc est malum miseriæ, & in hoc attenditur libertas à miseria; Et malum quod*

facimus, & hoc est malum culpa, & in hoc attenditur tertia libertatis differentia. Et sic patet quòd libertas secundum quod consideratur per comparisonem ad illud à quo liberat, habet diuidi in tres differentias, quæ sunt libertas à necessitate, à culpa, & à miseria. Vides quid S. Bonaventura triplici illi libertati commune statuat, nempe exemptionem à subiectione aliqua: quæ exemptio, in libertate propriè dicta de qua agimus, est exemptio à necessitatione, siue potestas in actum suum. Aduersarius, & in hac & in aliis libertatibus, amplitudinem & eminentiam cogitat. Nos exiles ac pumili, deorsum iacere, & indifferentiam actiuam in ea propria exemptione agnoscere, contenti sumus.

III. *Tertia ratio.* In beatis iuxta B. Augustinum lib. de corrept. & grat. cap. ii. est libertas, & quidem arbitrij; nec qualiscunque, sed summa & consummata; neque tamen est in beatis facultas utrolibet flexilis; cum non possint ab ordine diuinitus præscripto tunc planè peruiro, declinare tantillum. Igitur eorum libertas in amplitudine posita est, quam sortitur quisquis circa Deum occupatur, nec circa creaturas nisi secundum Deum & in Deo distinetur.

Respondeo. Falsum est Diu. Augustinum eo loco agere de libertate arbitrij: agit enim de libertate à peccato atque miseria, ut superius monstratum est. Quamuis autem daremus eum egisse de vera & propriè dicta libertate, nihil inde promoueretur causa amplitudinis. Facile quippe foret, dicere beatos arbitrij libertate potiri circa ea ad quæ habent operandi potestatem in manu sua, cuiusmodi sunt pleraque de quibus

bus Deus nihil illis præscribit. Eaque est verè magna & summa in eis perfectio libertatis, quòd semper libertas eorum iuxta diuinas sanctiones exeratur, nec unquam à signato diuinitùs tramite exorbitet. Itaque amplitudo patrociniò libertatis beatorum destituitur.

I V. *Quarta ratio.* Liber est qui est sui causâ, ex 1. Metaph. cap. 2. Esse autem sui causâ, *ἰαυτῷ ἐνέργειᾳ*, non est pollere potestate actiuè indifferente, quæ est passim iactata liberi descriptio, sed est, ad seipsum referri, & non ad aliquid extrinsecum. Et ea ratione Deus est liberrimus, quia ad nullum finem refertur. Creatura item, rectè operando libera est eodem modo, *quatenus etsi ad Deum referatur, non tamen tanquam ad aliquid externum, sed tanquam ad id quod sibi intimius est & magis proprium quàm quidvis aliud etiam quàm proprium & peculiare esse specificum.* Fauus est ex autoris alucari: qui inde infert, libertatem importare amplitudinem. Quæ enim alia esse perfectio possit, secundùm quam quis ad seipsum referatur, & sibi ipse verus legitimusque finis fiat? Confirmatur, quia liberè agere dicitur, qui mouetur à seipso & gratia sui; nec formatur ab externis, sed ex seipso promit electiones suas: quod idem est ac si diceretur, liber est qui ad Deum obuertitur.

Respondeo. Quo sensu Aristoteles liberum dixerit esse sui causa, ex contextu liquet. Probat eo loco Aristoteles, sapientiam siue primam philosophiam esse omnium scientiarum nobilissimam, quia *ut eum hominem liberum dicimus, qui sui ipsius & non alterius gratia est: ita hæc sola ex omnibus scientijs libera est, quòd sola sit*

sui gratia. Ex his verbis liquet, libertatem de qua agit eo loco Aristoteles, non esse libertatem scholasticam siue moralitatis fundatricem, sed esse libertatem conditionis, (vt sic dicam,) siue libertatem ciuilem, vt rectè notauit Dur. in 2. d. 24. qu. 3. num. 12. iuxta quam homo dicitur esse sui gratia, negatiuè tantùm, quatenus scilicet non est obstrictus alienæ voluntati, quod non habet qui seruus est, quia seruus est domini gratia, & ad eum vt ad finem positiuè refertur, quatenus seruus est. Itaque argumentum fundatum in loco Aristotelis allegato, est prorsus inane.

V. Sunt verò nonnulla quæ iure præterea in eo argumento displiceant. Nam quod in eo assumitur, liberum propriè dictum constitui per exclusionem finis extrinseci, inauditum ad hanc diem fuit, alioqui nihil esset propriè liberum infra Deum. Quòd autem homo eatenus sit liber, quatenus sit sibi ipse finis, non modò falsum ac inauditum est, sed etiam, (semota auctoris mente, & sumendo verba vt iacent,) blasphemū est. Deum enim gradu & ordine finis vltimi deiicere, idem est quod eum deitate exturbare, quæ immanis est ac vltra omnem eumulum exaggerata improbitatis atrocitas. Non esset porrò Deus finis vltimus, si homo esset sibi ipse finis. Nec qui solidè pij, & iusto titulo spirituales & contemplatiui audiunt, næniis illis friuolarum cogitationum distineri se ac pasci sinunt, quod ipsimet sint Deus, & idcirco cogitent factos se esse propter seipsos, quia sunt facti propter Deum: sed semper recogitantes paruitatem suam, permagno æstimant nosse, quoniam ipse est dominus Deus noster, nos au-

tem populus eius, & oves pascuæ eius. *Sana quippe opinione agimur*, inquit Eucherius in mellitissima ad Valerianum parænesi num. 3. *ut reductos nos, sicut ab ipso, ita ipsi arbitremur. Unde ille plenè magnificèque perspexit creatoris nostri in effigendo homine sententiam, quisquis ita intelligit, quod nos & ipse, & sibi fecit.* Est ergo omnino falsa, & prorsus explodenda ea libertatis propriè dictæ definitio, quæ amplitudini inædificandæ pro fundamento demittitur: Libertas est independentia à fine extrinseco. Sic enim homo, quem certum est à fine extrinseco dependere, liber non esset.

Si dicas independentiam mysticam homini iusto competere, ratione cuius liber dici possit, quatenus adhærens Deo transit in Deum, & vnus cum eo spiritus est; Occurram, essentias rerû & quidditates metaphysicè consideratas, (ut hîc facimus libertatem,) non esse per huiusmodi mysteria exponendas: alioqui omnia ad typos & adyta reuocaremus, & nulla esset tam pinguis hæresis, quæ externam erroris professionem per verba inordinatissimè prolata, non posset similis alicuius mystici sensus interiùs latentis subdolo obtentu excusare. Quæ enim adeò inordinata & distorta locutio proferri poterit, quæ grauidari mysterio aliquo, & eatenus excusari non possit, si ista quæ (ut iacet) est hæretica, *homo est sibi ipsi finis*, mystico nescio quo sensu grauidetur, in quo Catholica habeatur, imò talis quæ ostentari debeat pro tessera spiritualitatis non vulgaris & eximix peritiæ diuinarû rerum? Eo enim demum tendit affectatio illa mysticarum istiusmodi phrascon extraordinariarum, nec passim receptarum, hodie vi-

gens apud nonnullos. Adde quod transitus ille in Deum, cui independentia illa mystica & in seipsum relatio comitatur, nullo modo, ac ne mysticè quidem, locum habet in illis imperfectis actibus quibus iustificationi peccatoris proluditur: cum tamen iam tunc actus illi sint liberrimi & aliquatenus meritorij. Sed & in illo priori naturæ quo contritio vel amor perfectus antecedunt gratiam sanctificantem, homo necdum transijt in Deum mystico transitu, nec adhuc vnus cum eo spiritus euasit, & tamen iam tunc potitur libertate. Vbi ergo tunc independentia, & sui ad seipsum relatio, nouam libertatem constituens?

Confirmatio quæ subijciebatur, admodum infirma est. Quod enim moueri à seipso tanquam à principio suimet determinatiuo, & domino actus sui, quod est liberè agere, sit moueri gratia sui, & non propter aliud, est planè falsum: quandoquidem quisquis rectè agit, liberè agit, & tamen non mouetur gratia sui, sed gratia honesti, quod in obiecto attingendo propositum habet. Item quod promere electiones suas ex seipso, idem sit quod obuerti ad Deum, nulla nos hætenus dictionaria, noua vel antiqua docuerunt.

VI. *Quinta ratio.* Libertas non tollitur per necessitatem & immutabilitatem, (vt disertè tradit Diu. Augustinus 3. Ciuit. cap. 10.) sed per dependentiam & limitationem ab altero, quibus seruitus inducitur. Ergo independentia & illimitatio, vel quod idem est, amplitudo rebus creatis supereminens, constituit formaliter & quidditatiuè libertatem. Idque agnoscunt, qui excusare volentes libertatis carentiam cum culpam de-

precantur, dicunt, *Ignorans vel mei impotens feci*, testantur eo loquendi modo; se quidem ad aliquid amplius & eminentius contendentes, mentis obtenebratione & passionis æstu abreptos, fuisse deiectos deorsum; & ad inferiora deturbatos. Agnoscunt ergo qui eam deiectionem excusant, libertatem formaliter in amplitudine & eminentia, non autem in indifferentia sitam esse.

Respondeo. Libertatem non tolli per necessitatem aliquam & immutabilitatem, verè dicitur, & consentaneè D. Augustino. Nam præterquam quòd necessitas essendi & immutabilitas rectè cohærent cum libertate agendi aut non agendi transeuntes, vel terminandi aut non terminandi actum internum essentialiter infinitum ad objecta externa finita; datur necessitas ex suppositione à nobis dependente, cui necessitati probè conuenit cum libertate. Et de hac expressè loquitur Div. Augustinus loco citato, non autem de necessitate limitationis. *Non, inquit, si quod volumus, necesse est ut voluntate velimus, ideo inducitur necessitas quæ auferat libertatem.* Ea necessitas in Deo, ac sic etiam in nobis, coniuncta est immutabilitati. Nam id ad quod Deus semel se determinasse intelligitur, fixum immutabiliter est, quia apud Deum non est transmutatio nec vicissitudinis obumbratio; lædereturque summa puritas diuina, si in Deo abiectionem determinationis semel positæ & novæ subitionem agnosceremus. In nobis item, quia quod est, ex suppositione quod sit, necesse est esse, determinatio semel posita ex quo posita intelligitur, pro eo tempore pro quo eam ponimus,

induit immutabilitatem, ne contradictoria sint simul vera, quod nulla vi effici potest. At necessitas ex suppositione antecedente, (id est non posita per voluntatem eius cui aduenit sed aliunde,) libertatem pessundat. Et idem est de immutabilitate actus; qui ne quoad terminationem quidem fuerit indifferens, prius natura aut ratione quam terminaretur ad aliquid. Huius necessitatis & immutabilitatis exclusio per veram libertatem, quid conferat ad probandum libertatem sitam esse in amplitudine rebus creatis supereminente, adhuc vestigo.

Quod item in confirmatione huius rationis addebat autor, nimirum eos qui vi aut ignorance aliud voluerunt, quam scientes ac sui compotes vellent, deprecentur deturbationem deorsum, & defectum amplitudinis, haec mihi incompertum est & inauditum: Sed quotidianum est audire in eo euentu, deprecantes determinationem ab extrinseco per vim illatam; vel præclusam obstructa scientiæ luce potestatem se determinandi, vnâque libertatem. Et hoc secundum excusasse Æschylum in grauissimo discrimine constitutum, alios verò ob adactionem prius illud excusare, autor est Aristoteles 3. Ethic. cap. 1. & ibi omnes interpretes.

VII. *Sexta ratio* ab autore proponitur lib. 1. cap. 9. num. 6. *in fine*, postque veluti fructus alterius probationis, qua longo ratiocinationum & verborum ductu confirmat, dari libertatem circa finem vltimum, siue Deum. Sic igitur argumentatur. Homo viator sua circa Deum interiori occupatione meretur. Ergo illa

cuius occupatio libera est, nullum quippe meritum absque libertate. Atqui in actu circa Deum, non potest cerni indifferentia. Velenim. 1. cerneretur eo quod homo agat circa Deum prævia deliberatione; aut. 2. ob impotentiam prorogandi aut simpliciter ponendi actum circa Deum; aut. 3. ob dominium summum hominis in actum suum circa Deum. Nullo autem horum modorum potest indifferentia habere locum, in actu nostro circa Deum. Non enim primo, quia de Deo & eius amore deliberatio suscipi nequit sine peccato, ut proinde deliberatio de vitæ statu inita, etiam si pro Deo potius quam pro seculo litem dirimat, non sit culpæ expers, ut autor expressè ait num. 7. addens nullam conversionem ad Deum esse legitimam, nisi quæ consilia nostra & cogitationes anteuertit. Præterquam quod deliberatio circa ea versatur in quibus seruari debet modus aliquis: at circa Dei amorem, nulli mensuræ aut modo locus est. Igitur Dei amor non consilio & electione suscipitur, neque is potest esse fons indifferentiæ in tali actu. Quem etiam liquet non posse statui indifferentem ratione impotentiae & imbecillitatis nostræ, quæ operationem inhibet potius quam eius libertatem promouere & fundare possit. Vnde excluditur secundus modus quo indifferentia statui posset in nostro circa Deum actu. Tertius denique modus excluditur; quia homo cum Deo tanquam Domino subest, non habet dominium actus sui nisi Deo subordinatum, proindeque ea rubrica dirigi inter agendum debet, tamque semper habere propositam interuentu consultationis & deliberationis. At hæc non habet lo-

cum quoad actum circa Deum. Neque igitur dominium illius actus competit homini. Quid quod homo viator tenetur irrequieto motu in Deum tendere, ita vt si potens ac prudens vel tantillum ferietur, rectitudine excidat? Hæc autem tam arcta tamque vrgens & iugis obligatio Deum amandi, non cohæret cum dominio in illum actum. Quod denique excluditur, quia non dominamur actibus nisi ratione obiectorum, cum actus non sint res subsistentes, quarum duntaxat est subesse alterius dominio, & premi seruitute. At Deus qui illi actui obijcitur, non potest fieri obnoxius dominio nostro. Ergo neque actus ipse. Ex hac ramosa & per plures paginas expassa ratiocinatione, infert autor num. 6. *in fine*, dari veram & propriè dictam libertatem absque omni indifferentia ac superiorem libertate contradictionis. Ita enim putat perspicuè cerni in actu nostro circa Deum, qui meritorius est ac proinde liber, nec tamen elicitur cum indifferentia. Eam autem libertatem propriè dictam, superiorem libertate contradictionis, autor vt clarum supponit, non aliam esse quàm amplitudinem. Vnde tamen habetur quod hîc quærimus, nempe veram libertatem, essentialiter sitam esse in amplitudine.

VIII. Respondeo, labare omnino amplitudinem tam ruinoso & pessimè materiato fundamento inædificatam; cum tam multa & falsa & inaudita assumantur in discursu proposito, vt indubitatum sit, amplitudinem eo subnixam non posse consistere. Aio igitur, nos hîc circa Deum liberè versari atque mereri. Idcirco autem liberè versari, quia versamur cum indifferentia, id est,

Id est cum potestate agendi vel non agendi. Eam porro indifferentiam aut potestatem obtinemus, quia dirigimur notitia vniuersali & indifferente, qua non tantum agnoscimus quid boni sensibilis in abiectio-
ne Dei occurrat, sed etiam quid boni honesti in Dei amore cernatur. Ea enim notitia nobis prælucente, possumus in bonum illud quod non plenum ac purum sed difficultatibus admixtum ac mancum proponitur, non ferri si lubeat, vel certè ferri. Consultissimè tamen deligimus ferri, & bono adhærere, spretis illecebris boni sensibilis, quod cum bono honesto collatum, inuentum est minus habens. Itaque indifferentia locum habet circa Dei amorem, formaliter quidem, quia homo dominus est actus illius. radicaliter autem, quia consultatio proposuit illum vt indifferentem, ac talem qui & elici & refugi posset Ex quo apparet, è tribus illis inuehendæ indifferentiæ modis quos autor proposuit, extremos duos, reuera duos non esse, sed vnicum.

I X. Sunt verò non pauca quæ iure improbentur circa ea quæ de duobus illis modis autor protulit. Ac primum, quod nulla de Dei amore consultatio institui queat, nec possit Deus ex electione deliberationem præuiam subsequente amari, est plenè falsum, & contra progesum quem in modo agendi humano, natura duce tenemus. Omnem sane actum humanum ex deliberatione præuia elici, nemo planè est Theologorum qui non affirmet. Petrus Bergomus in tabula aurea. V. *actus*, num. 126. signat duodecim D. Thomæ loca quibus hoc disertè affirmat. Vel ergo actus amo-

ris Dei non est humanus, atque adeo neque moralis, vel sit ex deliberatione, & tamen peccato vacat. An verò peccauit S. Susanna, cum in grauissimo aut vitæ, & famæ, aut certè peccandi discrimine constituta, librauit vtriusque partis momenta, & consultationem clausit in honestatis ac pudicitie fauorem, dicens, *Angustia mihi sunt vndique: si enim hoc egero, mors mihi est: si autem non egero, non effugiam manus vestras. Sed melius est mihi absque opere incidere in manus vestras, quàm peccare in conspectu Domini.* Danielis 13. An ad peccatum sollicitauit Elias 3. Reg. 18. cum nutantibus in veri Dei cultu Israëlitis, autor fuit, vt Deum & Baal componentes, viderent attentè, vtri digniùs & utiliùs obsequerentur? *Vsquequo, inquit, claudicatis in duas partes? si Dominus est Deus, sequimini eum. Si autem Baal, sequimini illum.* Id est, expendite, & non oscitanter examine, an non vobis sit conducibilius ac melius, Deo adhærere, qui vos innumeris sibi obstrinxit beneficijs, & maiorum ac æternorum spem ostendat; an Baali, qui vobis hætenus probro & cladi, tandemque exitio eris sempiterno. An denique ad peccatum inducunt Concionatores & Confessarij, quibus nihil familiarius est, quàm vt peccatores excitent ad considerandum quanta sit bonorum sensibiliũ caducitas, quàm turbida & fœculenta voluptatũ inde captabiliũ suauitas; quàmque sit melius guttam suauitatis tot malis in fossam abijcere, quàm priuari bonis purissimis, plenissimis, æternis; vt libratis vtrisque bonis, hæcant in verè bonis, à fluxis verò & impuris auertantur?

X. Falsissimum ergo est, quod autor ait, peccatores

in huiusmodi libratione peccare; quin potius si rectè & accuratè librent, non peccarent: quia omnis peccans, eatenus saltem est ignorans, quatenus non benè æstimat momenta rationum à malo auertentium, sed ea tantùm apprehendit, sicut ebrius carmina Empedoclis, quæ est Philosophi in hanc rem comparatio; id est tenuiter admodum & valdè perfunctoriè de eis cogitat, nec ea librat accuratè & diligenter: Vnde imponi sibi patitur à fascinatione nugacitatis obscurante bona, ceditque rationibus partis oppositæ, inescantis voluntatem ad prosecutionem boni sensibilis. Falsissimum item est quod autor ait, peccatorem cum post librationem rationum vtriusque partis, in fauorem Dei litem dirimit; aut deliberantem de vitæ statu, cum præeligit abiectionem seculi & Dei obsequium, peccare in ea electione, quia fruitur vtendis & vitur fruendis, quod autore D. Augustino, peruersum est atque præposterum. Verùm quis potest esse fons malitiæ, eam electionem ex obiecto ac circumstantijs optimam inquinantis? Non enim homo sic eligens, alium sibi finem præfigit quàm Deum, habens è contra Deum pro medio, quem præposterè ad aliud aliquid referat vt ad finem, in quo situs est inordinatus ille vsus fruendorum, & fruitio vtendorum à D. Augustino damnata; sed quod ordinatissimum est, creaturas Deo aptat, illisque præponit diuinum cultum, atque adeò etiam ipsum Deum.

Itaque conclusionem quam ex prætensa in eo procedendi modo, fruitione vtendorum, & vsu fruendorum his verbis infert autor num. 7. *Nulla est legi-*

tima conuersio ad Deum, nisi, quæ consilia nostra & cogitationes anteuertit; hanc inquam conclusionem, si mea esset, obductam vellem non atramento sed limo. Funditus enim tollit liberam conuersionem, quæ quamuis ex diuino seminio notitiæ & suauitatis inde liberatæ ortum habeat, tamen planè libera est, nec hominis consilium & cogitationem anteuertit, sed efficitur operante homine secundum consilium voluntatis suæ. Omitto quàm solidè ac purè autor, libertatis in conuersione laudem extenuans, addat; operationem hominis esse gratiæ operationem, quæ nostra fiat, lenta & sensim procedente nostri à creaturis retractiones; ita vt nostra conuersio sequens, comparetur ad eam gratiæ operationem, vt obex, non vt pars. Quomodo operatio gratiæ prius non nostra, sit postmodum nostra? Operatio enim à nobis simul & à gratia vno impetu prodit; nec per eam paulatim à creaturis retrahimur, sed vt plurimum per breuis est, & raptim transit, estque ipsa auulsio à creaturis & accessus ad Deum. Magis etiam lubricum est, quod dicitur, eam conuersionem prout à nobis prodit, esse obicem operationis gratiæ, non partem actus. Quomodo enim est obex, si est ipsemet effectus gratiæ liber & meritorius, qui voluntate refragante non poneretur?

XI. Quod præterea circa primum illum excludendam indifferentiæ fontem statuebat autor, nempe non posse de Deo iniri deliberationem quia amandus est sine mensura & modo, reiiciendum est. Nam quamuis virtutes Theologicæ quibus Deus attingitur, ex parte obiecti non sint in medio, tamen ex parte actus me-

diocritatem suscipiunt; sine qua, prosecutio obiecti tametsi secundum se honestissimi, vitiosa est. Et absque dubio, qui vellet in Deum de auctoris consilio sine modo ac mensura ferri, immemor aut negligens, quid valetudo, quid aliæ hîc curæ, & proprium cuiusque munus ferat, vitiosè ageret, nec actû amoris in Deum eliceret, utcunque ipse sibi abblâdiretur de legitimi ac non e mentiti amoris formatione in eo euentu. Vide sis quæ de hoc Theologicarum virtutum medio attrigi lib. 1. de virt. num. 36. cum Scoto, Gabriele, Durando, Angelsto. Perperam igitur auctor diffiteretur actum amoris circa Deum, posse ex deliberatione elici, eo quòd Deus sit sine mensura ac modo amandus. Quanquam etiamsi ita esset, adhuc superesset locus deliberationi, qua concluderetur esse ei obligationi satisfaciendum, cum posset ei non satisfieri, si homo noller, quamvis non satisfaciendo peccaret.

XII. Iam quod attinet ad illum alium indifferentiæ fontem ab auctore obstructum, nempe dominium in actum, ego quidem illud non agnosco pro fonte indifferentiæ, quia censeo indifferentiam actiuam de qua hîc est sermo, & dominium in actum, esse prorsus idem. Tantum verò abest, vt hoc dominium nobis eripi possit circa actum amoris in Deum, (quod auctor idcirco contendit quia talis amor est actus indeliberatus,) vt potius è contra statuendum sit, nos dominio in huiusmodi actum potiri, quia vt proximè constitutum est, eum elicimus deliberatè & interposita consultatione; quam esse euidens signû domini in actum, egregiè probat Nemescius lib. de hom. cap. 40. Sanè do-

minium in actum, nihil aliud est quàm potestas profundendi illum vel non profundendi pro libito; hoc enim est plenè disponere de actu, quæ est domini germana notio. Et quamuis dominari sit subsistentium, tamen subesse dominio, non est tantùm subsistentium, vt autor malè assumit. Multorum quippe accidentium domini sumus, etiamsi accidentia non subsistant. Nimirum idcirco subsistentium duntaxat, imò non nisi personarum est dominari, quia dispositio illa plena siue vsus perfectus rei sub dominium cadentis, supponit rationem vtentis ac disponentis, ratio autem non nisi personis atque adeò rebus subsistentibus competit. At subesse dominio siue dispositioni alterius, nihil tale exigit. Ergo possumus esse actuum domini. Neque ad id necesse est vt obiectis actuum dominemur, (vt verè non dominamur Deo, qui est nostri erga ipsum amoris obiectum,) sed satis est vt tendentia in obiectum sit in nostra potestate, possimúsque de ea disponere pro libito. Tandem quod autor dominium nobis eripit amoris nostri erga Deum, eo quòd homo viator semper & irrequietè debeat in finem tendere, & peccet si potens ac prudens cesset ad Deum properare, nulla ratione verum est. Actus namque charitatis, indicitur præcepto affirmatiuo, cuius non est tam arcta tamque vrgens obligatio ac negatiui præcepti, quod vrget semper & vbique. Itaque passim DD. agentes de actu charitatis, assignant statuta tempora quibus quis obligetur tendere in Deum per amorem. Et qui omnium maximè hanc obligationem diffudit Scotus in 1. d. 27 qu. vnica ad 3. §. *quantum ad se.*

cundum, neminem vr̄sit ad semper & irrequietè amandum Deum, sed tantùm astringit ad amandum fclis ac dominicis diebus: in quo tamen passim deferitur, vt videre est apud Sanchez lib. 2. in decal. cap 35. Eset verò onus planè importabile, & iugum supra vires nostras graue, ita vr̄geri ex obligatione ad perpetuò amandum. Quare quamdiu validum tantæ & tam duræ obligationis fundamentum non profertur, eam pro nulla habemus. Et quamuis eam agnoscere placeret, nihil tamen inferretur ad eripiendum nobis dominium amoris de quo agimus. Et si enim astringeremur semper & irrequietè amare, idque non præstando peccaremus, tamen eo ipso monstraremus nos esse illius nostri actus dominos; quippe quem non obstante obligatione cum ponendi, vellemus prætermisum.

Quare omnis illa substructio ratiocinationis aduersarij pessum it: concluditurque posse Deum cum indifferentia amari, quamuis si lex amandi tunc vr̄geat, & homo ferietur, peccet sic abstinendo operatione quam elicere tenebatur. Hoc autem sic constituto, ruit fundamentum amplitudinis ductum ex actu libero non indifferente; eaque libertas, libertate contradictionis superior quam autor inuehebat, euanesit.

CAPVT X.

*Quacunque autor noua sententia aduersus vulgò receptam
& antiquam libertatis notionem intorsit,
tela imbellia esse, sine ictu.*

I.



T appareat nullo iure aduersarium abiecta antiqua sententia nouam adamasse, retundenda sunt tela quibus ille veterem & longè communissimam sententiam appetijt, vel eo sanè nomine magni faciendam, quod vt ille scitè dixit, *magnum veritatis indicium est, aliquid omnibus videri.* At ante autorem, placuisse omnibus sententiam quam tuemur, est extra controuersiam, & ex supra dictis liquet.

Quantum autem ex non indiligenti autoris peruoluatione compertū habeo, omnia eius argumenta eò pertinent, vt receptæ ac vulgares libertatis notiones, falsitatis reuincantur. Notiones dico, non quòd multiplex sit libertatis quidditas, sed quòd vna cum sit, à nobis tamen penes varia connotata, aut per varias analogias, multipliciter exprimitur vt notauī in Moral. dist. 2. num. 4 quo loco varias illas liberi principij expressiones à variis DD. usurpatas retuli, & in idem reipsa recidere monstravi. Sunt verò fere quæ sequuntur. 1. Principium liberum est, quod positis omnibus
ad agen-

ad agendum prærequiritis, potest agere vel non agere, aut certè agere oppositum. 2. principium liberum est principium actiue indifferens. 3. libertas est causa sui ipsius determinatiua, siue motiua in alterutrâ partem. 4. libertas est facultas actus sui domina. Has principij liberi expressiones impugnat auctor varijs locis, è quibus deprompta argumenta fideliter hîc exhibebo, & diluam.

Prima libertatis descriptio, per agendi & non agendi potestatem, quomodò ab aduersario impetita.

II. Argumentatur ergo aduersarius contra primam descriptionem propositam, quam ait esse paucorum recentiorum, nec tenuiter in eius autores concitatur lib. 1. cap. 32. num. 9. quòd, vt ait, non erubescant illam omnibus alijs præponere, cum nulla fortè ei non sit anteferenda. Queritur autem de longo in ea verborum circuitu, cum potuisset vno verbo cum D. Thoma 1. p. q. 83. artic. 4. dici, libertatem esse vim electiuam. Quærit magno animi sensu, quid in illa recentiorum definitione deprehensum sit ab eis, propter quod ab illa alia quæ præstat & breuitate, & auctoris dignitate, & perspicuitate discedere debuerint. Contestatur & vrget ad ingenuè confitendum quod est; nempe vitari ab eis illam à D. Thoma prolatam causæ liberæ definitionem, ne cogantur cum D. Thoma 1. p. q. 62. artic. 8. ad 3. addere illas particulas *seruato ordine finis*, quibus vniuersum arcanum doctrinæ de libertatis formalis consti-

tutione per amplitudinem continetur.

Hanc ergo definitionem tot primùm probris appetitam, his deinde plagis conficit. Primò qui ita definiunt libertatem, conuincuntur definire liberum in ea latitudine qua peccandi potentiam comprehendit; cum in ea definitione non contineatur ordo ad finem vltimum, sine quo includitur peccabilitas, quam autor sub omni interminatione à libertate exclusam vult. Deinde qui ita definiunt, *incidunt, vt ait, in absurdum insigne, & ridendum magis quàm refellendum*; nempe quòd homo qui actu agit, cum agit, non agat liberè, sed libertas sit tantùm respectu futurorum actuum non præsentium. Nam priusquàm quis agat, non agit, ideòque nec liberè agit. Quando autem agit, eo ipso quòd agit, non agit liberè, quia non potest non agere, quod libertate per eam definitionem expressa importatur. In hoc absurdum se induisse recentiores, affirmat autor, ob non satis penetratam libertatis definitionem à S. Thoma traditam, qua libertas fundari dicitur in adhæssione ad finem, & recessu à medijs, quæ adhæssio ac recessus, locum habent etiam cum agimus. Grauius est quod tertio opponitur ex ea libertatis vulgari definitione sequi; nimirum gratiam minuere libertatem, gloriam verò eam prorsus consumere, quia gratia nos subijcit Deo; gloria autem efficit, vt non possimus non agere quando regula actionem indicit. Opponitur quartò, iuxta illam definitionem, sequi, refugendam esse gratiam, eique omni conatu obliuiscendum, cum inualescendo obscurer & minuat potentiã agendi & non agendi, atque adeò libertatem. Postremò

opponitur, eam libertatem non esse à Deo : neque enim ab eo esse potest peccandi potentia quæ tali libertatis definitione describitur. Concluditur autorem. 16. hæc esse absurda quæ aperte consequuntur ex proposita liberi definitione, eam rursus in exitu flagellans, quod liberum statuatur inalligatum Deo, & ab eius operatione independens.

Defenditur.

III. Mihi in primis hæc exagitatio definitionis propositæ æquè videtur in omnes propè reliquas libertatis definitiones cadere, erga quas tamen aduersarius mitior esse voluit. Deinde quòd eam definitionem paucorum recentiorum esse ait, indiligentiam suam in autorum lectione prodit. Vnum supra viginti autores optimæ notæ quibus ea definitio placuit, recensui in Mor. dist. 2. num. 76. quibus præiuerat Nemescius lib. de hom. cap. 35. Et addendus est qui postea prelo subiectus fuit, Gamachæus 1. 2. quæst. 13. cap. 3. & 4. omnium optimam eam definitionem pronuncians, quem aduersarius agnoscit præceptorem, sed maluit esse discipulus super Magistrum. Item addendus est in quem postea incidi, Alexander Aphrodisæus lib. de fato, referente Iulio Sirenio lib. 3. de fato cap. 27. in fine. Præterea addendus est Capreolus in 1. d. 38. quæst. 1. art. 2. & expressissimè ibid. dist. 6. quæst. vnica art. 3. ad argumenta Scoti contra quartam, vbi monet descriptionem liberæ facultatis à S. Thoma usurpatam, recidere in istam. Item addendi sunt prædictis, Adam in 1. dist. 1. qu. 6. ar-

tic. 1. & Gregor. in 1. dist. 10. quæst. vnica artic. 2. & eadem dist. Rubionius quæst. 2. ac in 2. dist. 25. quæst. 2. artic. 1. Fuisse suo tempore receptissimam in scholis hanc definitionem, testatur Victoria relect. de puero quæst. 1. propos. 3.

Verborum circuitus quem autor in ea definitione culpat, tantus non est, vt in plerisque receptissimis definitionibus multo vberior non feratur. Quòd autem D. Thomas libertatem definierit duobus verbis, dicens esse *vim electiuam*, gratis dato quòd ea verba apud Diu. Thomam contineant definitionem libertatis, non multum iuuat causam aduersarij. In primis quia ipse eam Diu. Thomæ definitionem non solet proponere; sed aliam, & hac D. Thomæ, & ea quam ipsemet hinc impugnat, multo copiosiore; hanc nimirum: *libertas est qua nullis finibus coarctata, in summa versatur amplitudine, quia Deo adheret, & creaturas non spectat seruato ordine finis*. Et deest tamen libertatis genus, quod definitionem iam satis prolixam, plus adhuc produceret. Deinde breuitas in ea quæ tanquam D. Thomæ profertur definitione duabus contexta vocibus, obscuritate offunditur, iuxta illud Isidori Pelusiota lib. 2. epistol. 226. *breuiter dicere volo, quod perspicuè eloqui nolo*. Neque enim satis intelligitur libertatis ratio ex eo quòd eligat, præsertim cum electio non sit adæquatus actus libertatis, deturque intentio libera. Quid quòd ea definitione non exprimitur ordo ad finem, quem dimisisse, aduersario piaculum est? Nec dici potest eum ordinem ipso *electionis* nomine importari; nam potest dari libera electio spectans finem malum & inde-

bitum, in qua non seruabitur ordo ille ad capeſſendum finem vltimum. Quare eſt quod aduerſarium vrgeamus nos quoque, ad profitendum ingenuè, cur & quomodò, tam intrinſecam libertati particulam in illa libertatis definitione quam approbat, miſſam fecerit. Satis de probris & querelis.

I V. Primo vulnere facile medemur. Quod enim auctor ait, noſtra libertatis definitione comprehendere potentiam peccandi, tantum abeſt vt reprehendendum fuerit, vt potiùs cenſeamus abſque periculo aliter dici non poſſe. Et præter ea quæ ſuperius cap. 4. circa hoc diſputata ſunt, alia in hanc rem ex S. Thoma adducit Aquarius in 2. diſt. 24. conſul. 6. qua ſtatuit libertatem eſſe potentiam indifferentem ad bonum & malum morale, ſicut intellectus eſt potentia indifferens ad verum & falſum.

Secundam plagam obducimus, fatendo qui liberè agit, tunc eſſe liberum cum agit, non ante. Nec refert, quòd cum agit non poſſit componere non actionem cum actione. Satis quippe eſt, quòd actio quæ ponitur non niſi dependenter ab eo ponatur, qui potuiſſet in priori naturæ eam non ponere. Diligentius hoc enodaui in Mor. diſt. 2. num. 354. & ſeqq. & egregiè Scotus in 1. diſt. 39. *litera F*, ac Soncinas 9. Metaph. qu. 17. Itaque extricamur magno illo & inſigni abſurdo, ridendo potiùs quàm refellendo, quod aduerſarius nobis impingebat. Viderit verò ipſemet, quomodò eo ſe magno abſurdo liberet, nec ſe ridendum potiùs quàm refellendum propinet. Nam indifferentiam illam ad plures actus ex qua hoc inſigne abſurdum

oriri hîc dicit, ipse lib. 1. cap. 30. num. 10. fatetur in creatura rationali habere locum, quamuis neget pertinere ad libertatis rationem. Vel ergo reperitur ante actionem tantum, vel cum ea ponitur. Vtrumuis dicatur, retorquetur argumentum aduersarij, eique occinitur, *Medice cura reipsum.*

V. Tertiæ & quartæ plagæ, medela fiet eadem opera; negando scilicet, cum gloria superstitem esse libertatem ad amandum Deum, quod aduersarius falsò supponit. Item negando, libertatem minui per gratiam, eique proinde esse obstitendum. Gratia enim nullo modo libertatem minuit, siue ad bonum siue ad malum, quia in promptu homini est diuinam gratiam abijcere eique dissentire: Idque qui inficiatur, anathemate percellitur in Tridentino sess. 6. can. 4. Denique quòd libertas hac definitione descripta, non sit à Deo, falsum est. Deum quippe, potentia peccandi autorem esse, monstratum copiosè est superius.

Quare definitio proposita, optima est & vndecunque sana. Quia verò explicatissimè & aptissimè proponit quod est libertati maximè intrinsecum, nempe indifferentiam actiuam, meritò alijs omnibus præferri potest: contra quàm visum est aduersario, eam supra omnes deprecianti. Et meritò id faceret, si verum esset quod ipse extremos ei calces illidens dixit, nempe liberum arbitrium in ea definitione statui à Dei operatione independens. Sed hæc tam pinguis calumnia est, vt ridenda sit potiùs quàm refellenda, & ob quam meritò auctori illud impingamus ex Augustino 16. contra Faust. capite 26. *ô hominem cogitantem se dictorem,*

& alium non cogitantem contradictorem.

*Impetus aduersarij contra secundam libertatis
descriptionem per indifferentiam
actiuam.*

VI. Argumentatur præterea aduersarius contra secundam libertatis definitionem quæ dabatur per indifferentiam actiuam. Quo nomine intelligit indifferentiam ad plures actus, indeque reijcit huiusmodi definitionem lib. 1. cap. 24. num. 3. quòd iuxta eam, homo non esset liber cum agit, sed tantum cum est in procinctu ad agendum, atque adeò non esset liber nisi respectu actus futuri qua futurus est. Nam indifferentia ad actus, nulla est in eo qui actu agit, sed in eo tantum qui acturus est cum potestate non agendi. Qui enim agit, iam non est indifferens, sed determinatur ad agendum. Deinde vt autor addit eodem lib. 1. cap. 30. num. 10. diuina libertas quæ prima est ac perfectissima, nullam talem actuum indifferentiam admittit: excinderet enim simplicitatem. Ergo neque ad creaturæ libertatem pertinet, quamuis in creatura reperiatur ob potentialitatem eius. Certè si daretur creatura ita perfecta, vt vno solo actu varia obiecta attingere posset successiuè, (quod aduersarius negat demonstrari posse impossibile,) liberè circa varia illa obiecta versaretur, absque vlla tamen indifferentia ad actus. Quid quòd creatura, quo ad Deum magis accedit, eo est perfectior ac liberior, & tamen minus in actuum varietatem effunditur ob maiorem à potentialitate elongationem,

& accessum maiorem ad Deum, in quo quæ alibi dispersa sunt, vnitissimè conferta inueniuntur? Præterea indifferentia libertatem constituens, vel est dominiū, vel eius radix proxima. At dominium spectat obiecta non actus. Est enim planè impertinens ad dominium libertati intimum, quod vno vel pluribus actibus attingamus obiecta. Postremò indifferentia ad libertatem pertinens, non est ad plures actus positiuos, sed tantum ad agendum & non agendum, & quidem seruatō ordine finis; quæ eadem est cum indifferentia ad obiecta, quam solam in nostra libertate agnoscit aduersarius.

Repellitur.

VII. Huius arietis primus impetus proximè retusus est. Monstravi enim libertatem & indifferentiam actiuam saluam esse, etiam cum homo agit, eo quòd sublatio indeterminationis ab ipsa voluntate deriuatur, non aliunde. Quod additur de diuina libertate pluralitatem actuum excludente, verum est. Sed nego libertatem diuinam sufficienter exponi per indifferentiam terminationis simplicissimi actus diuini ad varia illa obiecta. Nego præterea libertatem creatam exponi eodem modo debere quo diuinam. Nam ob potentialitatem & finitatem actuum nostrorum, vnicus actus noster nequit terminari ad plura obiecta adæquata. estque id tam impossibile ob specificationem actus creati penes obiectum quo actum semel constitui & specificari contigerit, vt mirum sit quomodo aduer-

aduersarius non agnouerit repugnare, vt idem actus finitus versetur successiue circa varia obiecta ; indeque argumentatus sit ad libertatem in sola obiectiua indifferentia collocandam. Actus quidem primus voluntatis nostræ, vnus & idem planèque immutatus, indifferens est ad varios actus elicitos profundendos, iure & priuilegio causæ liberæ; sed no. hîc agimus de determinatione formali, & in actu secundo, quæ longè arctior est, quia actus per vnum obiectum quod semel attigit, constituitur vltimò, ita vt nequeat vltèrius ad alia excurrere. Nego denique consequenter, creaturam quo in pauciores actus potest erumpere eo esse liberio rem, cum eo ipso versatilis eius natura restringatur, tollaturque facultas exporrectionis ad plura, quæ omnino est interna libertati. Ea enim exporrectio postulat plures actus in hominis dominio positos. Mirum verò est huiusmodi dominium actuum ab aduersario negari, cum tamen primum dominium nostrum, in actus quos profundimus vel inhibemus exeratur, sitque illud in plures actus dominium, essenziale libertati vt infra dicam. Nomine porrò plurium actuum quos libertatem creatam respicere dico, non intelliguntur tâtum actus positiui, sed etiam cessatio libera ab actu, quæ vt circa voluntarij definitionem annotabam in Moral. dist. 2. num. 33. habetur pro actu. Itaque corrui quod aduersarius postremò obijcit, de libertate non plures actus, sed actum & eius negationem respiciente, & quidem seruato ordine finis, non aliter.

VIII. Hinc vides indifferentiam obiectiuam quam solam autor libertati essentialè agnoscit, longè

aliam esse ab ea indifferentia obiectiua penes quam Bannes & Zumel adducti in Natur. Theol. dist. 8. nu. 76. & in Moral. dist. 2. num. 86. exponunt libertatis quidditatem. Hi enim nomine *indifferentia obiectiua*, intelligunt mancā hīc, & non plenā obiectorum quorumcunque bonitatem, ratione cuius & à voluntate adamari possunt ob modulum aliquem boni quo potiuntur, & repudiari ob plenæ bonitatis defectum, vel etiam mali cum bono illo diluto permissionem, quæ verè est radix libertatis. Vt proinde tantum hallucinati sint Bannes & Zumel, quia radicalem libertatem assignarunt pro formali. At autor, nomine indifferentiæ obiectorum, intelligit capacitatem vt admittantur vel dimittantur, prout finis vltimi ordo tulerit. Vnde non agnoscit eam indifferentiam nisi in obiectis honestè appetibilibus, nec nisi in obiectis creatis quæ sunt media ad vltimum finem, quorum neutrum aliis illis Doctoribus probatur.

Cæterum indifferentia actiua absolutè dicta, nec restricta ad agendum vel non agendum seruato ordine finis, quam autor hoc loco tanto impetu quatit, & libertati extraneam monstrare contendit; ab eodem tanquam ad libertatem spectans admittitur lib. 1. cap. 19. num. 2. quæ constantis doctrinæ laus est autori per quàm familiaris.

Libertatis descriptio tertia, per sui motionem ac determinationem, impugnata.

IX. Tertiam vulgarem libertatis notionem per de-

terminationem & motionem sui ipsius, latè explicat & confirmat Ægidius quodl. 3. qu. 16. & benè omnino Henricus quodl. 12. qu. 26. & 27. & quodl. 9. qu. 5. & quodl. 11. qu. 6. & 7. ac etiam Scotus in 2. dist. 2. quæst. vnica, *litera S.* Eam quoque ex D. Anselmo eruit S. Bonau. in 2. dist. 25. artic. 1. qu. 1. num. 12. & planè germanam esse, ac libertatis propriam, notat Angelus cap. 1. moral. textu 2. conclus. 2. Impugnat autem eam autor lib. 1. toto cap. 14. contendens finem vltimum sufficientissimè se solo determinare voluntatem, vt proinde dici non possit, hominem à seipso determinari ac moueri. Malè quippe sonare dicit, asserere finem vltimum esse insufficientem ad determinandam voluntatem, nisi adiungatur ipsius voluntatis determinatio. Vel enim illam vltimi finis insufficientiam supplemus in genere finis; sicque præter iniuriam diuinæ bonitati plenissimæ & ad mouendum sufficientissimæ irrogatam, omnis intentio deberet ferri non tantùm in Deum sed & in nos, indèque inquinari & vitium trahere. Vel eam vltimi finis ad determinandum insufficientiam supplemus efficienter: sicque agens creatum, esset primum mouens, nec subordinaretur plenè & integre fini vltimo: prout enim insufficientiam vltimi finis suppleret, eodem cum illo esset gradu, & que quasi collaterale. Vnde Deus non esset agente secundo superiori; nec verum esset, omne planè agens creatum à fine moueri, contra receptissima principia. Accedit 2. quod causalitas vltimi finis est intentio. Quod si loquamur de ordine gratiæ in quo Deus secundùm se habet rationem finis vltimi, causalitas illius est amor Dei, siue

conuersio ad Deum, quam omnes planè Theologici cum S. Thoma 1. 2. qu. 109. artic. 6. dicunt fieri à Deo in nobis sine nobis, ac proinde determinamur à Deo ad illam. Notatque autor id negari non posse, idem de quacunque intentione tradens num. 7. Conuersio autem cum sit intentio efficax & perfecta, infert vi sua electionem mediorum conuenientiorum ad finem. Itaque finis vltimus non tantum in ordine ad seipsum, sed etiam in ordine ad media se solo determinat nos in suo genere, idque absque libertatis oblesione, cum electio quæ media spectat, sit præcipuus liberi arbitrij actus. Præterea 3. omni fini correspondere debet agens quod æquè latè pateat, quia secundum ordinem finium est ordo agentium. Cum ergo libertas creata nequeat excludere dependentiam à primo mouente, nequit etiam excludere dependentiam à fine vltimo: præsertim cum primum illud mouens, nunquam moueat nisi conuertendo ad se. Ergo verè libertas nostra illæsa & integra, à fine vltimo determinatur, & mouetur per translationem à potentia ad actum: (quod est ab eo fine dependere in suo esse,) & per dependentiam operationis suæ cuiuscunque ab eodem fine. Quare concludit autor, causam liberam creatam cum à Deo ita dependeat, eatenus tantum dici posse se mouere, quod independentiam sonat, quatenus finis vltimus à quo mouetur, est summum ac proprium eius bonum, à quo proinde cum mouetur, à seipsa moueri dicitur. Et eatenus quoque libertas creata mouetur à seipsa vt ab agente, quia virtus actiua ex qua causa secunda ad agendum procedit, est finis præconceptus &

intentus, præexistens in illa tanquam proprium eius bonum. Iterat hæc autor euoluitque plenius lib. 2. cap. 14. num. 2.

Propugnatur.

X. Hic primùm autoris constantiam desidero. Nam de libertatis ratione esse, vt seipsam determinet, admittit lib. 1. cap. 24. num. 1. & lib. 2. cap. 5. num. 5. fatetur id verum esse de libertate creata. Hic verò omnia alia tradit. Deinde doctrinæ communis impugnatio, præter multam implexitatem & pleraque ad rem non pertinentia scatet paradoxis.

Et in primis obscurū est, quorsum autor de motione finali hic sermonem misceat, cum D D. contra quos agit, tractent de sola motione & determinatione effectiua: hæc enim est, quam libertati tribuunt, non motio finalis. Deinde nemo inquam adeò fungus fuit Philosophorum aut Theologorum, vt causæ liberæ à Deo independentiam in genere finis voverit asserere. Homo quantus quantus est, omnesque eius facultates, imò & opera eius omnia quatenus à Deo pendent, sed & omnia planè creata, Deum respiciunt vt finem vltimum: Et sic datur vnus finis simpliciter vltimus omnium effectibilium, vt latè probo in Moral. dist. 1. à n. 5. & 19. Quid sibi ergo vult aduersarius, cum expostulat causam liberam iuxta definitionem de qua agimus statui indepēdentem à Deo tanquam à fine, & Deo suo collateralem dici? Quod tamen vel ipse homo, vel eius libera

opera quæcunque, respectu ipsiusmet hominis, habeant Deum pro fine ultimo, falsò assumitur, cum possit dari homo qui nec se nec sua opera in Deum referat, vt liquet de iis qui Deum non norunt; ac proinde nec amant, quod ad finis motionem requiritur. Neque tamen idcirco talis homo statuitur à Deo independens, eòve superior. Hoc quis vel per somnium cogitet, cum quiuis siue Deum concipiat siue non, atque adeò siue Deus eum moueat vt finis, siue non moueat, à Deo & effectiuè & finaliter pendeat, dependentia inabdicabili & quibuscumque creatis essentiali? Quod verò vrgetur de fine omnia agentia creata ratione pollentia mouente, æquè obcurum est. Id quidem si sermo sit de motione formali atque directâ, verum duntaxat est de fine aliquo sa tem proximo: non tamen de fine ultimo aut de summo bono explicite quatenus est Deus, tamen si vt explico in Mor. Dist. 1. n. 26. & 27. verum sit finem ultimum & bonum summum sub ratione pleni boni intendi virtualiter quatenus quædam veluti portio boni in vniuersum appetitur quoties appetitur bonum aliquod. Neque tamen homo etiam si formaliter non semper appetat finem ultimum, exturbat Deum gradu finis ultimi: cum possit virtualis in Deum tendentia sufficere, qualis cuius actui honesto inest; ac ne hac quidem virtuali tendentia sublata propter malitiam actus, sequitur ea Dei quasi exturbatio & alterius finis ultimi constitutio, quia bonum malè concupitum non est finis ultimus respectu improbi nisi interpretatiuè, vt prosecutus sum loco allegato num. 39.

Tota ergo prima pars argumenti propositi, implexitatibus referta est, quia supponit principia de causatione finis vltimi, quorum aliqua planè obsoleuerunt; pleraque etiam, nulli vnquam sunt probata; affingitque communi sententiæ insufficientiam finis vltimi ad mouendum: cum tamen ratum apud omnes sit, finem vltimum ex se esse quidem sufficientissimum ad finalizandum, tamen non semper finalizare, sed plerunque solum bonum creatum mouere voluntatem creatam, & respectu eius esse primum mouens in genere finis.

II. Iam in secunda parte argumenti propositi, falsum est quod aduersarius assumit vt indubitatum. In physicis enim monstratum est, causalitatem finis non esse motionem metaphoricam siue amorem aut intentionem eius, sed esse illammet dependentiam quæ sub alio respectu potest esse causalitas omnium causarum. Malè præterea ab autore additur tanquam peculiare, Deum in ordine gratiæ habere rationem finis vltimi. Quasi verò id non sit verissimum de ordine item naturæ, si Deus purè ac secundùm se sumatur, & non vt causa ordinis toto naturæ ambitu superioris. Item falsum est, cum Dei amorem qui simpliciter appellatur conuersio, esse intentionem finis vltimi in ordine gratiæ. Nam etiam dato quod intentio seu amor esset causalitas finis, tamen potest dari amor finis simplex & imperfectus qui non dicatur absolute conuersio. Insuper est falsum, talem conuersionem à Deo fieri in nobis sine nobis, cum id tantùm valeat de motibus gratiæ præuenientis, non autem de

conuersione quæ est actus liber, & exigit à nostra determinatione & assensu pendere. Est autem aperta veri prodigalitas, affirmare quod S. Thomas & omnes DD. asserant, conuersionem fieri à Deo in nobis sine nobis, cum de ipsa quidem conuersione, formaliter & in seipsa, id asseri nequeat sine errore, & Concilij Tridentini conuulsione. Tot falsis assumptis quid inædificari possit verum, perspicit Lector; facileque agnoscit conclusionem quæ è principiis illis eruitur, hanc scilicet, *Ergo determinamur à Deo ad intentionem finis, non autem à nobis ipsis*, falsam esse, & tot putrium antecedentium vitium redolere.

Quod deinde subtextitur, electionem quoque mediorum à Dei determinatione pendere, quia intentio efficax inuehit electionem mediorum magis congruentium, falsum est; si media sint plura tametsi inæqualia. Intentio quippe tantum infert electionem medij, si vnicum suppetat. Mirum verò est, quomodo electio extorta per externam determinationem, videatur auctori libera; aut quomodo inde probet libertatem circa media non lædi, (non obstante forti illa & ineluctabili motione extrinseca à qua supponit prodire electionem,) quod cum sit electio non possit libertate destitui. Hoc de electione non extorta verum est. De ea verò quæ extrinsecus extorquetur, est falsum. & talis est quam auctor adducit. Quanquam sic formata electio, nomine electionis perperam insignitur.

XII. Eiusdem tertij argumenti pars tertia, iam diruta est superius, cum ostendimus quomodo libertas creata non sit à fine ultimo independens, quamuis
seipsam

seipsam actiue determinet & moueat. Quod verò finis vltimus siue Deus, (quem aduersarius in ratione finis vltimi non absque homonymia nominat *primum mouens*,) nunquam moueat nisi conuertendo ad se, verum duntaxat est de actione ipsiusmet Dei prout ab eo prodit, quia vniuersa propter semetipsum operatus est Dominus. Non est tamen verum in sensu in quo aduersarius iuxta sua principia loqui debet: nempe si sensus sit, omnem operationem quæ sub aliqua ratione à Deo finaliter pendet, sub omni item alia ratione pendere finaliter à Deo. Hoc (vt dixi,) non est verum. Nam operatio hominis de Deo non cogitantis, vt est efficienter ab homine, non pendet finaliter à Deo. Et tamen eadem illa operatio, prout est à Deo efficienter, (quod habet omnis actio creata,) pendet quoque finaliter à Deo, seipsum semper & vbiuis intendente.

Verissimè igitur, quicquid è contra aduersarius communem ea in parte sensum conuulsurus connitatur; verissime inquam dicitur, libertatem mouere seipsam ac determinare, nempe effectiue: non eo tantum tam mystico, imò ridiculo modo, quia mouetur à Deo qui est ipsemet homo; aut illo alio & Philosophicè & Theologicè paradoxissimo, quia virtus causæ liberæ est finis præconceptus, qui est ipse homo, cum Deus & homo sint planè vnum: Quis enim finem esse actiuam virtutem causæ, vel somnians fingat? Hominem verò transire in Deum finem suum, absurdè dicitur, vt sæpè monuimus. Non igitur his modis causa libera mouet & determinat seipsam: sed per veram propriæ motionis liberæ principiationem, à causa libera extrin-

secus non determinata profectam. Et quoad eam libertas creata rectè dici potest primum mouens, quia etiamsi præcedant excitationes proportionatæ ordini intra quem exercetur libera motio & determinatio sui ipsius, quæ excitationes hominem præmouerunt & sollicitarunt ad agendum; Tamen cum deuenitur ad cudendum actum liberum, sola voluntas determinat quid teneat vt dixit S. Anselmus cap. 6. concord. Ac ne Deus quidem, quia nos cum reuerentia disponit, ad coëfficiendum voluntati se accingit, nisi consulta libertate creata, quæ proinde prius ratione elicit actum quàm Deus. Multa in hanc rem dixi purgâdo S. Chrysostomum eo tractatu quo Valerianum Cemeliensem, nitentem ac doctrinæ integrum dedi, aduersus parum charitatis criminatorem. Quod verò autor lib. 1. cap. 26. num. 9. & 10. ex hoc quod admittimus hominem in ratione determinâtis esse primum principium actus sui, existimat planè inexplicabilem reddi modum quo Deus se applicat ad conuertendum cum causis liberis, commodè extricabitur p. 2. cum de eo puncto ex professo disputabitur.

Quarta libertatis descriptioni, per dominium in actum, obiecta ab aduersario.

XIII. Argumentatur denique autor contra quartam libertatis definitionem vulgatam, qua libertas definitur, *potesas actus sui domina*, consentaneè ad Diu. Thomam 1.2. qu. 10. art. 1. ad. 1. Imò ad ipsummet aduersarium qui solita constantiæ laude lib. 2. cap. 29. n.

4. agnoscit illud esse liberum, quod est indifferens indifferencia actiua, quæ coincidit cum dominio & sui potestate. Altipulatos esse omnes antiquos, monstraui latè in Moral. dist. 2. à num. 106. sed pul. hreid tradidit S. Augustinus lib. 3. de lib. arbit. cap. 3. ad finem, verbis illis. *Voluntas nostra nec voluntas esset, nisi esset in nostra potestate. Porro quia est in potestate, libera est nobis. Non enim est nobis liberum quod in potestate non habemus, aut potest non esse quod habemus.* Idem ferunt illa Arnobij lib. 2. num. 58. postquam dixit, Deum sub nostri iuris arbitrio fructum benignitatis suæ exposuisse. Sortem vitæ eligendi, nulli est (inquit Plato) Deus causa, neque alterius voluntas adscribi potest cuiquam recte, cum voluntatis libertas in ipsius sit posita potestate qui voluit. Nec aliud voluit Tertullianus 2. in Marcio. cap. 6. cum hominem dixit, creatum esse sui dominum. Oportebat (inquit,) imaginem & similitudinem Dei, liberi arbitrij & suæ potestatis institui, in qua hoc ipsum imago & similitudo Dei deputaretur arbitrij; scilicet libertas & potestas, in quam rem ea substantia homini accommodata est, quæ huius status esset, afflatus Dei, utique liberi & suæ potestatis. Sed & aliàs quale erat, ut totius mundi possidens homo, non imprimis animi sui possessione regnaret, aliorum dominus, sui famulus? Eo denique spectauit Nyssen in orat. Catech. cap. 10. verbis illis. *Qui in vniuersitatem liberam habebat potestatem, propter summum in homines honorem, dimisit etiam aliquid in nostra potestate cuius solus est dominus. Hoc autem est liberi arbitrij libera electio, res quadam minimè redacta in seruitutem, & quæ est sui iuris: sita in libertate mentis & cogitationis.* Vides quorum exemplo

libertas per potestatem actus sui dominam definiatur. Valdè approbat hanc definitionem, & multa ad eius illustrationem suppeditat Victoria relect. de puero, p. 1. propos. 4.

XIV. Inuenit tamen autor quod in ea definitione morderet lib. 1. cap. 9. num. 6. & cap. 7. num. 1. & cap. 27 num. 4. Dominium enim actuum nostrorum, non posse esse positium illud quod perfectione libertatis importatur, probat, quia homo secundum se & seorsim ab operationibus suis sumptus, est liber & sui iuris, neque tamen verè est sui dominus, quia dominium debet esse ad alterum: ergo libertas aliud est quàm dominium. Deinde dominium non est actuum, sed rerum quibus incumbimus per actus; nec potest esse actuum dominus, nisi qui rerum dominus est; quia actus est tantum unio quædam ad obiectum. Atqui respectu multarum rerum erga quas liberè agimus, ut respectu Dei, omni prorsus dominio caremus. Ergo etiam respectu actuum in illas tendentium tametsi liberrimorum, caremus dominio. Non igitur potest libertas in dominio consistere.

Dissoluantur.

Hæc argumenta rectè probant libertatem non esse quodvis dominium. Nullo tamen modo probant, libertatem non esse dominium facultatis liberæ in actus suos, quod unum asserit vulgaris definitio quam excutimus. Quare ad primum dico, hominem secundum se & seorsim ab actibus, liberum esse civiliter, nisi

fit homo mancipium. Hæc tamen libertas, nihil refert ad præsens negotium, quo tractamus libertatem philosophicam moralitatis fundatricem. Quod si autor consentaneè ad rem præsentem, velit agere de libertate philosophica; sic dico, hominem secundum se, liberum esse in actu primo; quia est dominus sui actus secundi. Non enim dominium quo homo est liber, habet pro obiecto ipsum hominem secundum se, sed actum ita ab homine elicibilem ut possit non elici, quod est perfectè dominari tali actui, de quo eo disponere plenè, ac summo iure importato per dominium, ut optimè attigit Conradus 1.2. q.1. art.1. § *nota hic.* & S. Bonau. in 2. d.2 §. artic.1. qu.3. num. 20. ac Heruæus quodlib.10. qu.9. *sub finem.*

Ex his conteritur quoque secundum argumentum. Nam dominium non esse actuum, falsum est, ut iam dixi; Possumusque etiam, actui nostro dominari non dominando obiectis; quandoquidem constat nos disponere ut libet de actu nostro circa Deum, quod est tali actui dominari, etiamsi manifestum sit, Deum subesse nostro dominio non posse. Plerique item dominantur cupiditatibus & appetitionibus suis, iuxta illud, *sub te erit appetitus tuus, & tu dominaberis illius:* & tamen obiecta illarum cupiditatum & appetitionum, plerunque nullo modo subiacent dominio eius qui actui suo circa illa obiecta elicitò dominatur. Itaque licet facultas libera iuxta S. Bonauenturam in 2. d. 2 §. art.1. qu.1. num. 6. dici possit habere dominium respectu obiecti, quatenus potest obiectum respicere aut prosequi; tamen propriè dominium illud cadit in

actum, qui potest poni & non poni pro facultatis libertate determinatione, vt idem S. D. optimè exponit ibid. quæst. 3. num. 20.

XV. Neque verò cum homini hoc dominium cōcedimus vi libertatis, obnoxij sumus illi censuræ qua autor lib. 1. c. 27. n. 4. percellit eos qui homini tale dominium tribuunt in suos actus; dicens eos censere independentiam à Deo, desiderari ad libertatem creatam: Vnde vsurpatis imò exacutis D. Augustini in Pelagianos vocibus lib. de spir. & lit. c. 30. ita in eos conclamat autor: *An verò homines sanæ mentis, ita liberi esse volunt, vt nec Deum velint habere dominum?* Absit à nobis illud cogitationis portentum. Iura diuina suprema & inabdicabilia, illæsa esse volumus. Quæ tamen Deus liberaliter homini indulgit, dignatus honorè suo æqualem homini impendere, vt Nyssenius dixit orat. de mortuis, ea quoque seruari integra par est: cum iustum non sit, autore Cassiodoro lib. 12. epist. 11. vt quæ princeps liberaliter contulit, subditi minuant. At libertas iuxta Tertullianum 2. in Marcio. cap. 6. libripens est emancipati à Deo boni. Vide quæ protuli in Moral. dist. 2. n. 110. vbi quomodò ea emancipatio diuinis iuribus creatam libertatem non subducat, breuiter sed sufficienter attigi.


XVI. Est ergo libertas, facultas actus sui domina. Αὐτεξουσίαν vocarunt Græci, significantissimo nomine: vt idcirco Caluino stomachum mouerit, & tanquam arrogantia plenum reiici voluerit lib. 2. instit. cap. 2. n. 4. At vereor ne aliò fortassis Lexico vsus sit Caluinus, quàm quod auctori probatur. Nam in operis

præfatione & lib. 2. c. 12 n. 4. ἀντιξυπότητα interpretatur statum quo homo sui iuris est propter obuersionem ad Deum, id est statum Christianæ libertatis quasi ciuilis. Verùm Græci quos Græcarum vocum vim tenuisse par est credere, longè aliter eam vocem vsurpant, & illam ipsam notionem quam Calvinus agnoscit voci subiectam, rem auersatus, eidem subiiciunt & amplectuntur vt veram. Videsis Damascenum 2. fid. c. 25 Nemesium lib. de hom. cap 39. 40. & 41. & Nicetam 3. thesau. c. 27. qui hanc vocem pulcherrimè enucleat verbis illis. Ἀντιξυσίον ἐστὶ τὸ αὐτοδύνατον, hoc est quod in cuiusque potestate situm est. *Quod enim domino subiectum est, liberi arbitrij non est.* Ἀντιξυσίότης ergo seu arbitrij libertas, propriè est, libera nec ullius dominationi subdita ad rem conceptam dominatio. Itaque incumbit aduersario Lexicon refingere, quo noua illa ἀντιξυσις & ἀντιξυσιότης notio Græcis omnibus incomperta lucem videat, & omnes retrò Grammatici dedoceantur errorem.

Dicam in hac meta, nec præfidenter sed verè dicam, de aduersarij in communem & priscam sententiam argumentis, quod dixit in simili Claudianus Mamercus lib. 1. de statu animæ cap. 11. *Vide quàm paruo negotio, veritatis calor, frigentium verborum pruinas liquefecerit.*

CAPVT XI.

*Vestigata germana causa, cur noua sententia caput haec-
nus non extulerit; reiectis quinque inanibus ab ad-
uersario excogitatis, quibus causa totidem
nouas sententias comminiscendi
subrogantur.*

I.  EDI haecenus & scuto inte-
ctam, & telis exarmatam, ac
etiam exungulatam amplitudi-
nem. Nunc excutienda restat
aduersarij meditatio, quam in-
stituit lib. 1. toto cap. 36. vesti-
gans causas cur doctrina ei quam primus ipse inuexit
contraria, adeò haecenus inualuerit; noua autem adeò
iacuerit, vt neque ante illam ab ipso euulgatam, quis-
quam in eam vltro venerit; neque post eandem euul-
gationem, vllus repertus sit eorum quorum scriptis
edendis prela quotidie feruent, qui eam sententiam
amplexari in animum induxerit: præter vnum fortas-
sis autoris symmisten, philosophum triobolarem, at
religiosi ordinis transfugam, ac vt ad plenam ludæ
germanitatem nihil desit, ipso die cœnæ dominicæ de
Apostolico quodam Collegio per posticum ad aliena
castra & pultes Scoticas quas gentilem eius Pelagium
prægrauasse querebatur S. Hieronymus, apostaticè
transgressum. Hunc in audio, (nam legēdis huiusmodi
scriptorum

scriptorum gerris tempus perdere, religio fuerit,) sym-
miltæ postea suo suffraturum, nouæ sententiæ subscrip-
sisse: non magno sanè eius vel præsidio vel ornamen-
to. Aliorum omnium nemo planè à vetere sententia
desciuit; cum tamen tam libera esse soleant æui huius
(nostratium præsertim) ingenia, tamque nouitatum
amantia; nec modica complanatio ad inuia hæctenus
in Theologicis & Philosophicis argumentis tesqua &
prærupta, beneficio huius sententiæ fieri videatur. Res
profectò admiratione dignissima & meritò vesti-
ganda.

*Prisca libertatis retenta, noua neglecta, causæ
quinque ex aduersario.*

I I. Autor causas profert eius omnino quinque. Pri-
ma est, amor nostri, quo tuemur mores nostros & senten-
tias nostris sensibus & vsibus accommodatas: adeò vt
quantumuis veritate priùs abdita vultum suum maiesta-
tèmq; detegente, auersetur occurrentem, erroris nostri
INSANO AMORE correpti. Est etiam eiusdem
trunci ramus amor carnis, & quod nemo sui abnegatio-
nem ita perfectè animo complexus est, vt non sibi semper
multum indulgeat. Amamus libertatem illam quæ disso-
luta est, & vaga frænique expers, subiectionem, etiam ad
Deum respuit. Amamus & opere vsurpamus. Inde profe-
ctum vt defenderimus.

Secunda est, ignauia & socordia, in sententias blan-
da facilitate arridentes laboris odio propendens, præ-
sertim si plausibilitas accedit, & qui admodum inua-

luit placendi amor. Ita enim ferè comparati sunt, etiā qui naui & laboris amantes, vt *placentia, & ad gustum aliorum loqui præcipuè velint, nitanturque.*

Tertia est, autorum turba, quam aceruatim reliqui vt grex arietem sunt secuti, vt *proinde non pro plurimis, sed pro paucissimis numerari mereantur*, cum omnes vno quo antecoccupantur iudicio sensuque ducantur, vt serua pecora.

Quarta causa est, rubor sententiam suam tametsi falsitatis & multorum prorsus absurdorum, ne quid peius dicat, reuictam, retractandi coram vniuerso orbe, palinodixæ teste. Probat porrò se autor hanc causam proferens, schematum Tullianorum non rudem, his præter cetera. *Anticipata opinio nullis argumentorum ponderibus cedit, nullis rationum machinis excutitur, ne ipsi quidem veritati reuelata facie se ostendenti acquiescit. Si citius illuxisses ô veritas, fortè nostros habuisses amplexus. Quia seriùs aduenisti, repulsam pati, & ne veritatis quidem appellationem merebere. Opinio amula, locum quem appetis & appetiuit prior & occupauit. Hanc figuram, loquentiæ Magistri, nominant prosopopœiam.*

Quinta causa recensetur ab autore, facilitas maior obsistendi hæreticis quæ in vulgari sententia ostentatur. Metimur autem sententiarum veritatem facilitate & utilitate, *non sine iniuria & quadam proditione veritatis.* At vel si inextricabiles consequerentur nodi, non est abiicienda veritas cognita; alioqui periclitabitur fides mysteriorum augustissimæ Trinitatis & Incarnationis. Neque tamen tot aut tam graues in Deum, in beatos, in hominem, in gratiā, in libertatem suboriun-

tur iniuriæ ex noua sententia, quàm ex vulgata, quæ opponit gratiam libertati; & vt hæc salua sit, obsistendum gratia docet; quæ beatos libertate spoliât; nec homini nisi ad actus futuros, prout futuros, libertatem permittit; quæ Deum ait dare non posse bona opera vt autorem & dominum, sed tantum vt extrinsecum suasorem atque tibicinem. Quæ autor cum apertissimè dicat haberi ex sententia vulgata, exclamat nihil esse ea absurdius, magisve paradoxum, magis ridiculum, magis intolerandum. Vt vt eius autores cauere sibi videantur, ne Deum autorem mali faciant, interim negantes ipsum esse autorem boni, & bonorum operum gloriam creaturæ deferentes.

III. Exhibui contracta fideliter, quæ autor longior oratione prosecutus est; vsupatis magnam partem ipsiusmet verbis. Et poterant quidem vniuersæ hæc æstuantis præ zelo animi spumæ, vna illa ex Augustino spongia elui, qua confictas à Petiliano de innoxijs calumnias abstergit lib. 2. cap. 14. Hæc si dicam de talibus esse dicta quales vos estis; respondetis, proba: Quid enim tu probasti? Aut si eo putas probari quo dicuntur, non opus est eadem repetere: Recita illa ipsa tibi, & à vobis in vos: Ecce & ego probaui, si hoc est probare. Quæ verò intra paucas lineas per innocuos calumniam passos dicta repræsentat, nolo mea facere. Non ad nos pertinet quicquid dicitis. Non vidimus, non fecimus, quid loquamini penitus ignoramus. Vos qui nihil aliud vultis quàm dicere quod probare omnino non potestis, quid aliud quàm os vestrum maledictione & amaritudine plenum est? Hæc vt dixi mea esse nolo, memor quid Christiana inter Catholicos charitas quantumuis malè appetita, quid patientia,

quid humilitas edicant. Tantum ne defugere iudicium videamur, rationes propositas librare, & an non potius hæ ipsæ vel admodum affines causæ ad nouandum propellant, considerare operæpretium est.

Æquè cadunt in omnes planè Doctores.

IV. Illud tamen ante omnia iuuat aduertere, non esse quod quisquam recentiorum solum se peti oratione proposita arbitretur, & cœnosa illa quinque prædictarum causarum sanè lutosarū aspergine commaculari. Nam quæcunque tandem auctori mens sederit, perspicuum planè est, omnes æquè peti antiquos & nouos. Omnes sanè ad vnum nouos cuiusuis instituti ac ordinis Doctores, etiam post exortum hoc nouæ sententiæ iubar, nemo nescit antiquæ sententiæ hætenus astipulatos esse: Ita vt quamuis circa grauissimas totóque orbe celeberrimas de diuinis auxiliis disceptationes dissidia ferueant hætenus incomposita; & commodissimum foret alteri parti quæ auxiliorum efficacium ineluctabilitatem tuetur, præcipuum quo ab aduersarijs petitur telum, temerata scilicet (vt putant aut timent,) eo pacto libertatis, declinare aut excipere absque noxa, obiecto hoc nouæ de libertate sententiæ scuto: Tamen nemo hætenus veterem de libertate sententiam abiicere, & nouæ albam sibi parmam obducere consilium cœperit. De anterioribus verò Doctoribus, qui superioribus seculis rem Theologicam & Philosophicam illustrarunt, perspicuum quoque est, nullum auctori præiuisse, quod euidenter in superio-

ribus cuici. Et quamuis vnicus è Patribus quem aduersarius pro se profert, adiunctis duobus quos vult posse videri idem sensisse; pauci etiam Philosophi summo labore emendicati; & vix senarius Scholasticorum violentissima obtorsione compulsus intrare, aduersario patrocinentur, quod nunquam dabimus: Tamen confertissimæ Patrum, Philosophorum, Scholasticorum, turmæ à vetere sententia stant apertissimè. Quod si omnia dictionaria consulimus, nec vniuersalem in omnia hallucinationem irreplisse hætenusque deprehensam non esse fateri volumus, genus humanum vniuersum in eadē est naui: Ne Catholicæ Ecclesiæ alumnos speciatim proferam, quibus cum Caluino & nouis (vt istorum atavos vocabat Oenomaus,) *veneficis* contentio est, non de amplitudine & eminentia, pro qua Ecclesia Catholica Christo humilium principi adhærescens certare non solet, sed de potestate vtrumlibet agendi quam libertatis nomine expressam admittit Ecclesia, leno impurissimus Caluinus, & vniuersum Lemanicum prostibulum auersatur. Innumerabiles itaque cuiusuis æui DD. Patres, Philosophi, Scholastici; Innumerabiles & Saræ & Agar filij in libertatis notione concordēs, in affectione tantum dissidentes; Iure dixerim; Omnes quotquot ad hanc diem dulce libertatis nomen v̄surparunt, & præsertim quotquot iam lucis orto sydere, & discussis antiquis tenebris vsurpare perseuerant, subiecta illi notione quæ in dictionariis omnibus prostat, & præscriptione plusquam longissima robur accepit: Omnes inquam prædicti, criminationi ab aduersario institutæ, & propositis ab

amore, in barathrum peccatorum decidisse, autor est. Nec dubium quin si illorum casus attendamus qui cadentes apertos habent oculos; qui inquam non hæresim à prima ætate combiberunt, sed electione in erroris foueam præcipites ruunt, præsertim verò cum à religiosis septis ad satanæ castra per apostasiam transgrediuntur, omnes ex hoc capite actos in ruinam, sumus deprehensuri. Nam effectus consequentes, plus satis hanc causam produnt, vt notauit S. Ambrosius in Ps. 36. *illud Psaltis vidi impium, &c. ijs aptans qui de monasterijs exierunt, & nunc luxuria sunt magistri.*

Hæc cum ita sint, iudicium esto lectoris, quale sit cœnum quo Catholicos Doctores tam multos quàm supra retuli, atque adeò ad vnum omnes respergit autor, cum quod in hæreticis lutulentissimum est, illis affricat, nimium sui amorem, indulgentiam carni præstitam, & amorem effrœnis libertatis, respuentis subiectionem ad Deum. Hîc sanè autor, eorum qui honorem ipsius charum habeant, verecundiam flagellat. Quis enim non erubescat ad tam atrocem censuram, nullo planè nixam fundamento? Nam satis constat, veterem de libertate sententiam, ab innumeris neque delicatum ac molle vitæ genus, neque carnis studium, neque effrœnem libertatem consecratis, fuisse probatam. Itaque primam causam deiectæ hæctenus nouæ sententiæ, & veteris retentæ, habemus pro nulla.

Fuligo secunda detergitur.

VI. Ignauiam, quæ secundo loco obiiciebatur vni-

garis de libertate sententiæ assertoribus, ægrè persuadeor verè obiici, qui videam tam multos labori cùm primis deditos, & indefesso studio in scientiarum per-
scrutationem incumbentes, & quod Didymo cognomen fuit ob immanem studendi laborem, Calchenteros, nec de noua sententia cogitasse priusquàm ab auctore cuderetur nec iam culam approbasse. Nolo in re perspicua videri copiosus.

Vnicum tamen exemplum si protulero, non potero mensuram debitam transgressus videri. An verò ignauus iudicio auctoris Franciscus Suares, quem videre memini senem adolescens, irrequieto studio literariis commentationibus incubantem, & in scientiarum scrutatione perpetuum, vsque eò vt etiam inter peregrinandum aliquid semper eius generis agitaret, quod appulsus in hospitium chartis committeret; tempus verò si quod furtim decerpere posset, incredibili parcitate sublegeret? Extant testes exquisitæ huius scriptoris diligentia, Tomi iustæ magnitudinis duo supra viginti præter eos qui cudendi supersunt. Vt planè ad miraculum accedat, hominem vnum de rebus altissimis, tam exquisitè, tam solidè, tanta eruditionis sacrae redundantia, scribere potuisse tam multa quibus vix legendis homo mediocriter diligens par esse queat. Omnes ille Patres immenso labore peruoluntarat; omnes Doctores scholasticos, quorum non est numerus, diligenter euoluerat; in sacris interpretibus erat verissimus; Iuris vtriusque consultos, sed Canonici maxime, ita legerat expenderatque, vt quod moralia eius scripta produnt, sententias & placita singulorum,
videre-

videretur habere in numerato; Conciliorum sacrorum erat scientissimus, nec rudis historiæ sacræ. Denique iubar sacræ disciplinæ haberi potuit, & verò habitus est. Nam Philosophicam peritiam exquisitè solidis, ordinatis, pereruditis voluminibus testatam, in tanta apud eandem diuinæ sapientiæ vbertate, vt despiciationem sciens prætereo.

Hunc hominem ignauia nunc primùm notari, eo quò ter omnino tractata ex instituto libertatis natura; (primo videlicet libro operis de auxiliis, & prolegomeno. i. de gratia, & disp. 19. Metaph.) nusquam in hoc negotium nisi oscitanter incubuerit, nec peruascerit arcanum nouæ de libertate sententiæ; admodum verisimile est non satis fidei apud æquos arbitros habiturum; forèque qui aduersario illud Ammiani lib. 18. occinendum dicant: *Quis innocens esse poterit, si accusare sufficiat?*

Eiusdem accessiones absterguntur.

VII. Plausuum captatio, & placendi amor, quorum cum ignauia in vnā causam retentæ veteris de libertate sententiæ conflatae sint ab autore, dubitatio esse potest. Quanquam si paulò attentius id scrutamur, non est ea consociatio destituta fundamento. Est enim admodum ignaui animi, à recto deficere displicendi metu, aut veritatis dispendio fumum humanorum iudiciorum & marcentem illico gratiam emerari. Vt vt porrò se habuerit facta ab autore coniugatio, ratum est ac fixum apud sapientes, placendi amorem

& humanorum plausuum captationem, fontem esse grauiſſimorum malorum, & rem omnium in Dei Ecclesia pernicioſiſſimam: vt non abs re Pfaltes regius, conterià Deo dicat ossa eorum qui hominibus studioſè, & affectatè placent, ac confusos denunciât, quoniã Deus spreuit eos. Et Apostolus disertè contestetur, non fore se Christi seruum, si hominibus placeret, & eorum gratiam plaususque captaret. Hunc inter primarios hæresum omnium fontes, numerat Anastasius Sinaita c. 3. Ducis viæ. *Exetrabilem cupiditatem* nominat S. Cyrillus lib. 7. de adorat. aitque hanc esse vestem ex duobus contextam & adulteratam, damnatam Deuter. 22. *tanquam crimen grauiſſimum, & cui nulla reprehensio sit satis.* Hinc illa peruersitas, quæ miserrimæ faciei Ecclesiam deformantis causa est inter præcipuas primaria, quòd qui à Deo tonare, coruscare, fulminare iubentur, ad eorum se potiùs nutum fingant qui dicunt, Loquimini nobis placentia. Hinc inquam illa enervatio dictionis Christianorum Oratorum quam masculam & torosam esse oportuerat, ita vt cum in verbis oris sui dolare & occidere audientiam deberet, fiant ei quasi carmen Musicum, quod S. Chrysostomus lib. 5. de sacerd. nec semel alibi, tanquam lutulentum turbidi huius fontis profluuium, longa oratione deplorat, & tom. 5. Græcol. serm. 58. peiores homicidiis esse huiusmodi homines dicat, qui diem hominis desiderantes, *proferunt diserta non fortia, & ad audientia popularis i'cebram culto sermone fucata*, vt Cyprianus quoque ad Donatum expostulauit. Nazianzenus orat. 26. has esse Ægyptiacas Ecclesiæ plagas dicit. Beda qq.

in Deuteron. c. 3. idololatriæ speciem aliquã hîc agnoscit. Sed præclare, vt cætera in hanc rem premã, S. Gregorius 16. Moral. c. 28. obseruat hanc agendi rationem vocatam ab Apostolo adulterationem verbi Dei, quod qui huiusmodi sunt, intenti in solam delectationem à plausu eorum quibus placere satagunt, de prole Christo generanda non sint solliciti.

Liquere puto, plausum captatio & placendi amor, quanto sint probro, & in quibus meritò timeri debeant. Nempe in iis qui dicendi ad populum prouinciam sustinent, aut ex officio dirigendis mouendisve aliis debent insistere. Hos enim metus iustus esse potest, ne placendi amor eneruet, & gratiæ eorum captatio quibuscum seuerius agendum fuerat, labefactet. At in retinenda vetere libertatis notione, & noua non admittenda, quis locus esse plausum captationi, & humanæ gratiæ studio queat? Cuius enim quærat fauorem, cuius plausum ambiat, cui placere satagat, qui de amplitudine & eminentia non cogitat? Quare hic locus profundiorē attentionemque auctoris meditationem postulat, vt ea suæ sententiæ aduersariis impingat quæ possint credibilia videri.

Repellitur tertia causa.

VIII. Tertia causa proferebatur, iactatio multitudinis auctorum veteris sententiæ, quos sine penitiorē examine secuti sint recentiores, vt multi solent detritis itineribus insistere, & impressa pridem vestigia relegere. Non possumus inficiari, hinc magnam omnino

plagam disciplinis illatam, quod plerique præiudicata ex autorum numero sententia, vix percepta rationum extrema facie, iis placitis adhærescunt quæ explosa oportuerat. Et verissimum est etiam quoad disciplinas, quod circa fidei scita tradit S. Hilar. initio sexti de Trinit. nempe nihil esse periculosius, quàm cum multi eodem inuoluuntur errore, nec alia ex causa quàm quod multi præiuerint, in eundem gurgitem præcipientes ruunt. Est profectò disciplinis exitiale eiusmodi cõsiliũ. *Quis enim nesciat, vt est apud Lactantium lib. 2. instit. cap. 20. plus esse momenti in paucioribus doctis, quàm in pluribus imperitis?* At multitudo præsertim copiosa, vix peritorum est. Hoc itaque fixum esto, non esse ex autorum numero, vt in tribunalibus circa suffragia asfolet, de sententiarum veritate pronuncian- dum; præsertim cum affectus plerunque, multos temerè conso- ciet in vnam sententiam. Quo ex capite, religiosos eiusdem instituti quantumlibet multos, cum vni om- nes sententiæ adhærent, non facere numerum, dixit Maior in 2. d. 1. qu. 4.

Nihilominus, argumentum sine dubio veritatis est, nec infirmum, aliquid omnibus videri. Et capitis pro- fectò est malè sani, abiecto omnium aliorum sensu, conculcatis cunctorum retrò Doctorum inuentis, so- lo suo spiculo lumine duci velle, præsertim nulla adi- gente tam valida rationum machina cuius impetus re- pelli non possit. Multitudo iure despicienda venit, cum est imperitorum; cum docti quique ex aduerso stant; cum reclamant qui sunt maturiore iudicio, pen- santes damnum numeri autoritate ac dignitate. Cate-

roqui spiritus est singularitatis (quem esse Ecclesiæ exitialem de grauium Patrum sententia censuit Psaltes) depastam à singulari fero vineam deplorans, dignari sequi multitudinem, & trita aliorum gressibus itinera aspernari. Quamuis enim quoad mores & vitæ normam, intuta planè cynosura sit iudicium multitudinis præcurrentis, quod Seneca epist. 29. & sæpè alibi sapienter monet; tamen in iis quæ à iudicio tantùm pendent, quia plus vident oculi quàm oculus, securius insistitur viæ quæ plurium vestigiis sit protrita, cum manifestus error non deprehenditur, nec ratio ineluctabilis aliò auertit. In hac causa quid profert autor huiusmodi? Quare pace illius stabimus in semitis antiquis. Nolumus illud à Hieronymo epistol. 4. in singulares intortum, ad nos reprehendendos pertinere: *Etiã muta animalia & ferarum greges ductores sequuntur suos. In apibus principes sunt. Grues vnã sequuntur ordine literato.*

Virulentia quarta causa defricatur.

I X. Locum quartum inter causas retentæ mordicis veteris sententiæ, & nouæ reiectæ, assignat autor, superbæ pertinaciæ. Hæc est origo exitij magnæ partis hæreticorum; præsertim eorum qui viuentes in infernum descendunt, id est interprete Nicolao 1. epist. ad Mich. Imperat. qui scientes pereunt, nec ex errore nisi fortassis studiose accito, à Christi caula extorres fiunt. Hinc illa S. Augustini ad Iulianum Pelagianum lib. 2. cap. 5. *Ostendis quantum in malis humanis valeat, eò quæ-*

quam fuisse progressum, vbi manere non libeat, vnde iam redire pudeat, &c. sed o si pax Christi in tuo corde vincat, & bona pœnitentia de mala verecundia palmam ferat! Idem in fragmento concionis de B. Paulo (est vndecimum inter fragmenta tomi decimi,) obduratorum tunc temporis Paganorum originem, refert ad superbam pertinaciam qua inuicem timebant, inuicem erubescabant. Quare paganum obstinatum in errore sic affatur. *Ne confitearis humilem, times superbos; & ei præponis superbos, qui pro te displicuit superbis.* Sed & Rusticus Diaconus in ipso fine libri contra Acephalos, hinc maximè timens obfirmationi in hæresi, ad obstruendum hunc erroris ac perditionis fontem, vrget Acephalum. Et è contrà Facundus Hermian. lib. 10. Theodorum Mopsuestenum commendat, tanquam fortissimè operatum, *cum calcans gloriam magisterio longi temporis acquisitam, ad emendationem dicti, sine confusione descendit: longè aliter quàm subdit fecisse permultos, qui vbi humanitùs lapsi sunt, homines se cognoscere noluerunt, & præ pudore, quanquàm consciij falsitatis, veritati cedere & errorem abijcere noluerunt.* Nimirum gloriæ non parandæ modò, sed & retinendæ insanus amor, ad hæreses & formandas & fouendas, expeditissima via est. Videtis Alphonsum de Castro lib. 2. de iusta hæreticor. punit. cap. 15.

Hinc liquet, quanta sit virulentia conuitij quod quarta hac causa continetur. Nam per eam & superbiæ, & duritiei, ac obfirmationis in errore, ac posthabitiæ hominum vocibus veritatis, incusantur, quotquot veteri de libertatis natura sententiæ inhærescunt. Sed

habemus inprimis *abundantissimam consolationem*, vt S. Augustinum dicere nemini lib. 3. contra lit. Petil. cap. 6. cum non dissimilia de se iudicia, & criminationes repellit, hanc subiiciens causam patienter excipiendi probra illata. Si in eis quibus me criminantur, testimonium conscientiae meae non stat contra me in conspectu Dei; quò nullus oculus mortalis intenditur; non solum contristari non deleo, verum etiam gaudere & exultare, quia merces mea multa est in caelis. Neque enim intuendum est, quàm sit amarum, sed quàm falsum quod audio, & quàm verax pro cuius nomine haec audio. Hoc vnusquisque nostrum sibi securus ac lætus occinat, cum inuri sibi, tam sine causa, tetras illas quas dixi maculas *superbae pertinaciae*, expeditur.

X. Autor tamen genuino sic infigendo, non leuem plagam existimationi suae intulisse videri poterit, dum æquus Lector quinam ij sint quos autor *superbae pertinaciae* insinulat, attentius expendet. Nā cadat lanè in eos qui nunc veteri modo philosophantur ea accusatio, vel potius denigratio, si erroris conuicti perspicuè probentur. Ea quippe laude se spoliant, quam *secundam* nominat S. Augustinus lib. 3. contra Orelco. c. 3. cum ait. *Sententiam falsam nunquam tenere prima laus est, secunda mutare.* Quod aliter dixit Cassianus lib. 1. de Incarn. cap. 4. *primum est, errorem penitus non incurrere; secundum, benè repudiare.* At se vel specie tenus conuictos negant, & verè negant. Sed conuicti sanè sint, atque adeo *pertinaciae*, nec cuiusvis sed *superbiae* rei agantur, qui etiamnum perstant in antiqua sententia de natura libertatis. Quid tamen iis fiet, qui ante illatum

mundo nouæ sententiæ iubar, eidem antiquæ sententiæ bona fide adhæserunt, ne tenui quidem cogitatione pulsati, fore vt illuceret mundo lux noua, detegendaque esset sententia non prius audita, quam amplexari omnes abiecta vetere astringerentur? His quanto iure superbæ pertinaciæ nota inuritur? Est vnde huic negotio lucem affundam. Planetarum orbis & plures & solidos esse, peruulgata ad nostram vsque ætatem existimatio fuerat. Nuper diligentissimi Astronomi, ex diuturna phænomenorum inspectione adhibitis telescopiis quorum vsus temporibus nostris seruatus est, demonstrasse visi sunt, vnicum esse omnium planetarum cælum, in quo erratica sydera variis orbitis fluxis ac permeabilibus circumagantur. Quicquid de ijs statuatur qui auditis nouis phænomenis veteri sententiæ adhuc inhærent, nemo tamen priscos illos qui de nouis phænomenis nihil audiuerant, & idcirco cuiuslibet planetæ orbem proprium adscripserunt, superbæ pertinaciæ damnatos velit, quod sententiam mutare detrectarint, quam mutare cum alia de qua nulla subibat cogitatio, in eo potestate non fuit. Non secus de omnibus pronunciandum fuit, qui ante exortam orbis nouæ sententiæ lucem, id est, ante trinoctium, libertatis naturam, de sensu omnium hominum, per potestatem vtrolibet flexilem expresserunt.

XI. Desciscit sanè ab vsu cuius approbationem habemus à natura ipsa consertam & congenitam nobis, quisquis veteris placiti falsitate perspecta, hæret tamen, notari timens vel inconstantia, vel contracti quandoque erroris, aut adamatæ nouitatis. *Quid enim,*

enim, inquit Arnobius lib. 2. num. 60. si hoc modo culpam velimus infligere prioribus illis atque antiquissimis seculis, quod inuentis frugibus glandes spreuerunt, & repudiauerint arbuta: quod corticibus contegi & amiciri desierint pellibus, postquam vestis excogitata est textilis, vsu & commoditate succinctior? Aut quod structis domibus & lautioribus successibus institutis, non antiquas adamauerint casulas, nec sub rupibus & cauernis praoptauerint vt belluae permanere? Commune est omnibus, & ab ipsis penè incunabulis traditum, bona malis anteferre, inutilibus vtilia praepondere, & quod esse constiterit pretiosius, latius id consecrari & petere. At in re praesenti nihil tale accidit, siue quoad nos quibus innotuit noua de libertate sententia, & innotuit vt planè falsa, siue quoad anteriores, quos planè latuit. Vnde neutri dici possunt veteri sententiae adhæsisse per superbam pertinaciam, ab humanis sermonibus & retractationis pudore, timentem sibi. Quod est iudicium auctoris, de ijs qui illatam orbi nouam sententiam non receperunt.

Ex his perspicuum duco, cuiusmodi sit quarta causa ab aduersario proposita. Ad phaleras verò verborum quibus autor hanc quartam causam in calce exornauit, illud vnum Augustini repono ex lib. 2. contra Petil. capite 32. *Nulla modo sonat disertè quod dicitur ineptè.*

Quinta causa admittitur.

XII. In extrema causa ab aduersario prolata, herbam porrigo. Verissimum quippe duco, sequendo nouam sententiam, ægerrimè aut nullo modo posse

hæreticis obsisti, eorūque de libertate nostra errores efficaciter conuelli. Quam enim aduersarius voluntatis nostræ necessitationem admittit, eam ipsam non aliam admittunt hæretici; hoc tantum discrimine, quòd illi profitentur se euertere libertatem; aduersarius autem negat necessitationis inuectione, tolli libertatem; sed voluntatem etiam si necessitate adaetam negat libertate excidere, quòd illi amplitudo nescio quæ, & eminentia sit superstes. Quæ aduersario nominum duntaxat cum Caluino ac sectariis contentio est; in re autem, perspicua consensio. Perinde ac si neganti meritum bonorum operum Caluino, refragari censeretur, qui meritum admitteret verbo tenus, affirmaret tamen nullam esse in humanis operibus ex diuina gratia factis, siue condignitatem, siue congruitatem cum mercede rependenda.

Quia verò aduersarius multus est in probandis ac stabiliendis prædeterminationibus humanæ voluntatis, & quotquot eas inficiantur, tantum non habet pro Pelagianis, & quod peius etiam videtur, pro excutientibus diuinum dominium, & suprema eius in humanam voluntatem iura negantibus; monendus est, etiam atque etiam consideret, quò via illa deducat. Quantumvis enim contendat posita prædeterminatione tali quæ voluntatem abripiat & ineluctabiliter adigat, persistere nihilominus libertatem quamdiu voluntas Deo adhæret, (quod contingit quoties adaetio illa est à Deo qui nequit aliò creaturam suam obuertere quàm ad seipsum:) Tamen viri magni, secretionem Caluinianni dogmatis de nostra libertate prorsus excisa, & placi-

ti illius quo Physica voluntatis prædeterminatio facta diuinitus inuehitur, ferè desperarunt. Ego nihil tale dico, sed quid alij senserint, refero. Magni inquam viri, sententiam pro qua autor pugnat, germanam Caluini placito sunt arbitrati. Hoc Bellarminus Cardinalis malleus validissimus hæreticorum, hoc Thomas Stapletonius, Theologus controuersiarum fidei peritus in paucis, hoc Mascaregnas Algarbiorum Episcopus & supremus de fide in Lusitania quæsitior, hoc Odoardus Vestonus, Gabriel Pennotus, & alij complures iam pridem monuerunt. Ex schediis verò Domini le Manchot, viri doctissimi, quibus non possum minus fidei adhibere quàm manuscriptis animaduersionibus Domini le Bosu, è quibus Molinae suffixionem hausit autor, còpertum habeo, Cardinalem Perronium æternæ memoriæ Præsulem, eruditionis & ingenij miraculum, recepisse coram eo quem falsum aut illusum nollet, omnes se ad vnum Calvinianos in Gallia poppas, volentes ac lubentes, vt prædeterminationum Physicarum veritatem chirographis suis communirent, adducturum.

XIII. Et potuisse præstare quod receperat, argumento est, quòd Martinus Kemnitius inter popinæ Lutheranae combibones strenuissimus, Colonienſes Societatis I E S V Patres, ob concessam libertati humanæ potestatem respuendi diuinam vocationem, tanquam apertos Pelagianos verbo ac scriptis vniuersa Germania proſcidit, quod refert qui aderat Iacobus Paiua Andradius, libro de libero arbitrio, qui est Orthodoxarum eius explicationum quartus. Itaque

Kemnitio de Lutheri quidem ganca, sed tamen in gratia & iustificationis causa, Calvinistarum germano, prædeterminationes diuinæ voluntatem abripiētes, pertinent ad scita fidei, eius utique quam ipse in Germania duce ac magistro Luthero proficebatur. Inter ipsos verò Calvinistas, Paulus Ferrius Metensis minister, scriptis pridem editis, Iesuitas quòd ineluctabiles gratiæ prædeterminationes repudient, *ter hereticos*; Iesuitarum verò ea in causa aduersarios, veritatis Catholicæ (eius scilicet quam ipse Catholicam nominat ac proficitur,) partiarios pronunciauit. Nec ita ante multos annos Batauica Pseudo synodus Dordracena, stricto anathematis gladio, Iesuitarum sententiam de gratia per voluntatem creatam repudiabili, appetiit. Nuper Petrus Paulus de bellis Italus, ex Theologo Ordinis cuiusdam Religiosi Gencuensis Apostata, in causa de Caluini & Bannesij discrimine aut concordia quoad prædeterminationes, compromissarius Iudex, pro vtriusque in eo puncto concordia pronunciauit, idque chirographo suo (quod ipse legi,) testatum voluit. Recens Gulielmus Amesius, Professor Franckeranus apud Batauos, in opere cui titulus est *Bellarminus enervatus*, tomo 4. lib. 3. cap. 3. thesi 1. & 2. adductis his verbis ex Didaco Aluares disp. 83. de auxiliis, *Deus per auxilium efficax gratia Physicè prædeterminat arbitrium creatum*. Subdit Amesius. *Hac sententia prout ibidem explicatur, est planè nostra, & apertè satis traditur in sacra Scriptura*. Ad Amesium relego aduersarium, vt omnia planè quæ pro prædeterminationibus profert, & quæ contra gratiæ eluctabilitatem opponit, fusè & explica-

tè eadem in Bellarmini scripta proferentem ac opponentem hæreticum inueniat; laudatis & verbatim adscriptis, cum aliis autoribus queis in hoc puncto adhæsit aduersarius, tum maximè Didaco Aluares, cuius allegatione, imò verò exscriptione, satiari non potest.

XIV. Hæc ego non eo consilio protuli, quòd vel aduersarij vel cuiusuis alterius de prædeterminationibus sententiam notare velim Calvinismi. Scio quippe meas partes non esse, hanc aliàmve vllam notam prædictæ sententiæ inurere: sed vt aduersarius intelligat, quàm verè dixerit, causam retentiæ per nos veteris de libertate sententiæ & abactarum prædeterminationum, quas nō videmus quomodò cum libertate componamus, inter ceteras esse non postremam, quòd hoc pacto perspicuè ab hæreticis libertatem eo ex capite excindi blaterantibus, abhorreamus: nec eam duntaxat libertatem, quam illi nobis murato ex parte loquendi modo quem Calvinus vsurparat permissam volunt, retineamus, quæ voluntarij rationem & coactionis exclusionem non transcendit; sed & potestatem vtrolibet flexilem, etiam prout voluntas subest diuinæ excitationi, quam illi libertatem funditus tollunt, vt videre est apud Amesium suprà, & apud Glossatorem Nicetæ Calvinianum, ad librum 3. thesauri cap. 27. pag. 602. Hanc libertatem retinere omnino volumus, & idcirco veteri sententiæ de libertatis natura inhæremus, iis repudiatis quæ cum illa prisca libertatis notione non cohærent, excindi libertatem nostram arbitran-

tes, quantumcunque ei ab amplitudine & eminentia; falsa incolumitas ostentetur.

Neque de sententia deducimur, vel villo pacto mouemur, grandinatione illa qua ab autore ferimur, audimúsque in Deum, in gratiam, in homines, in libertatem ipsam iniurij, & VERITATIS PRODITORES; qui norimus probra malè intorta in eos recidere qui intorserint; omnibus autem erronibus solemne esse, (quod S. Hilarius lib. 6. de Trinit. animaduertit, & S. quoque Augustinus epistol. 46. & lib. contra epist. fundam. cap. 11. annotauit,) veritatis se propolas venditare, aduersarios autem proditæ veritatis & errorum fœdissimorum insimulare: ab iisdem quoque assertioni peruersorum dogmatum diuinum honorem, contrariis placitis iniuriam numini irrogatam obtendi. *Deum enim destruunt, cum honorant, vt est apud autorem epistolæ de vera Circuncis. t. 9. Hieron. quod aliter dixit Basil. ad calcem libri primi aduersus Eunom. noua & incomparabili via vtuntur ad blasphemandum.* Specie diuini honoris aut indemnitis diuinorum iurium, diuinam iniuriam & inhonorationem velantes; quod nouorum iuxta ac veterum hæreticorum praxi confirmatum habetur apud Valentiam lib. 4. contra Vbiquetar. cap. 1. & apud Bellarminum 3. de Euchar. cap. 10.

XV. Audio quod autor reponit. Sententiæ quidem suæ & Caluinisticæ discrepantiam non vsque adeò apertam videri posse, præsertim obtusioribus ingeniis, & implexitates sine dubio non modicas in libertatis & necessitationis concordia, aliquibus occursuras. Nec

tamen idcirco refragandum esse veritati, quantisuis inuoluatur ambagibus: iuxta illud Augustini lib. de dono perseuer. cap. 14. *Nam ideo negandum est quod apertum est, quia comprehendendi non potest quod occultum est.*

Annuo, si (quod Augustinus ait,) aperta sint ea de quibus agitur, siue naturale lumen ita prodat, siue eam in partem cynosura Ecclesiasticæ definitionis illuceat. Imò si vel exoculari necesse fuerit, & contra apertam ex sensu proprio veritatem venire; præscribente Ecclesia, festinatò parendum. Verùm si quis suppetente ad veritates Catholicas exponendas alia ratione expeditissima, vltro se in impeditissimam & in laqueos inextricabiles induat, quibus implicitus, ægrè aut nullo modo tueri quæ ad fidem spectant, hæreticorum verò tela retundere valeat; eum ego nec verè peritum, nec sapientem arbitror; ac si perniciēs aliis inde creetur, etiam iniustum appellabo, qui cōsultò & volens innexuerit simplicibus pedicas quibus impedirentur ac perirent. In summa mihi cum Dominico Soto cap. de quantit. quæst. 2. art. 2. fixum est, quoties ex Ecclesiæ scitis non adigar, iis tantum assentiri quæ intelligam. Nam quod rectè obseruauit idem Soto, de iis duntaxat quæ per Ecclesiam fidei Magistram proponuntur, scriptum est, *nisi credideritis, non intelligetis.* At non existimo aduersarium suam eminentiam & amplitudinem tanquam irretractabili S. Ecclesiæ iudicio probatam obtrudere. Nullo igitur iure nos vrget, vt sententiam densissima caligine obtenebratam, abiecto communis sententiæ splendore confectemur, facti rebelles lumini, & diligentes magis tenebras quàm lucem. Me-

lancthon sanè in locis commun. tit. de viribus homi-
nis & libero arbitr. cum dixisset, Deum determinare
contingentia, viderètque inde euertere libertatem quam
sanior factus admittendam censuit: ait, credendam es-
se libertatis & externæ illius determinationis concor-
diam, licet non intelligatur. Quod ipsum iubet
autor.

Nouandi causæ quinque tanguntur.

XV I. Causas inolitæ de libertate veteris sententiæ,
omniùmque pertinaci studio retentæ, ex autore audi-
uimus & librauimus. Nunc vicissim vestigandum est
quæ causæ fuerint, nouam & tam multis retrò seculis
inuisam de libertatis natura sententiam fabricandi.
Vnde liquidò perspicietur, quod auctori propositum
erat quærere, cur noua sententia caput hætenus non
extulerit. Quòd tamen me iam longiùs prouectum vi-
deam, attingam potiùs quàm persequar, causas item
quinque quæ occurrunt, circa sententias nouandi,
quod in libertatis notione autor præstitit. Eas ego cau-
sas in autorem refundere, consilium non capio. Veri-
tatem candidè & nudè exponam. Quare petatum se
aut violatum, non erit quod expostulet. *Si enim extra
conscientiam suam sunt quæcunque dico, nequaquam ad in-
iuriam eius spectant cuncta quæ dico. Si autem in se esse
nouit quæ loquor, non à mea sibi hoc lingua dici æstimet, sed
à conscientia sua.* Lacinia est ex Saluiano lib. 4. de pro-
uid. quæ quia vera ac prudens est, mea esto.

I. *Amor sui.*

XVII. Prima nouandi causa, eaque radicalis & capitalis, est amor sui, detrectans vsum inuentorum alienorum, renuensque finibus quos alij posuerint, coërceri. Nam habet hîc quoque locum illud Iobi, *Vir vanus in superbiam erigitur, & quasi pullum onagri, liberum se natum putat.* Si exsolutionem corporis tantoperè amamus, quanto magis sententiarum & iudiciorum, quibus pars nostri potior ac intimior sui iuris probat sese, & ingenuam prodit, ferulæque subductam, quippe nullius addictam iurare in verba Magistri. Itaque ingenuitatem hanc & libertatem ingeniorum adamantes non pauci, in sano amore eius correpti, (recurrunt mihi nec cogitanti aduersarij voces,) junicum more, aut sicut vituli de armento, excurrere nullisque contineri repagulis cupidissimè gestiunt. Et esse hunc præsertim nouellorum magistrorum genium, obseruat Maior in 2. l. nec in scita comparatione ijs dixit esse non absimiles, qui hyeme vix ad ignem accesserunt, cum *statim* (inquit) *accipiunt tenaces & aliquid mouent,* nec patiuntur factam ab alio lignorum dispositionem manere. Nolo de autoris animo ferre iudicium, eiûsve in aliorum genio rimando, & ex suis suspicionibus damnando, morem æmulari. Ipsemetan prima hæc nouandi causa quam idoneam præsto, in eum reuera cadat, iudex esto.

II. *Ignauia.*

XVIII. Attexo secundam, nempe ignauiam sol-

uendi difficultates in antiquis sententiis occurrentes. Molle enim ac delicatum est genus nostrum. Aspera omnia vsque adeò refugit, vt non pauci, ipsi quoque cœlesti fœlicitati nuncium remittant, dum itinere difficili ac horrido adeundam vident. Itaque multo minùs mirum esse debet, in re literaria declinari procliuitate quadam naturæ sibi indulgentis seque miserantis, ardua & aspera quæque; lubentiùs verò insisti iam protrititis & complanatis itineribus, quæ difficultatum vacua & citra laborem decurrenda proponantur. Quia ergo nulla est tam liquida veritas, quin eam nebulæ aliquæ difficultatum ex aduerso venientium offundant, qui ad eas discutiendas pigri sunt, & præignauia atque fœcordia qualemunque laborem ea in discussione ponendum auersantur, ad nouas proprij aut alieni ingenij cicindelas conuertuntur, in tenui illa & euanida luce exultantes ad horam, mox densissima caligine opprimendi. Antiqua de libertate sententia, clara illa quidem, ac in se euidēs est. Ab adiunctis tamen aut consequentibus difficultatibus, videri potest tenebrescere non nihil. Quare qui has offucias dispellere præignauia grauatur, & affulgens alicunde noctilucum pro sole habere deligit, extimescens dubias tenebras, suffundetur caligine. Nam & qui timet pruinam, irruet super eum nix.

Nusquam id alibi familiarius; quod mecum recognoscet, quisquis ad ea quæ in hoc negotio non ante exactum seculum semel iterumque acciderunt, aduertet animum. Persenserat aculeos difficultatum ex natura libertatis legitimè exposita, Doctor grauis & eru-

ditus. Viderat quam operosum esset, diuinæ libertatis indifferentiam cum immutabilitate conciliare. Penetraverat abyssum difficultatum in consensione diuinarum motionum ineluctabilium, & libertatis quam humanæ voluntati ad supernaturales actus meritorios fides tribuit: Quàm abdita & inaccessa passim sit Christi libertas circa opera à Patre demandata, intercludente peccandi potestatem summa Christi sanctitate & diuina tutela, clarè perspexerat. Has difficultates vt leniret, visus sibi est philosophaturus non incommode, & difficultatum illarum salebras declinaturus, si libertatem non vt ferebat antiqua sententia in potestate actiuè indifferente, sed in obiectiua indifferentia collocaret; ita vt quæcunque præcederent, aut comitarentur vel subsequerentur voluntatis actum, circa obiectum cuius indifferentia ab intellectu exhiberetur, nulla ratione libertati voluntatis officerent, quândiu indifferens illa exhibitio superstes esset.

XIX. Quod reclamasse illicò propè omnes ad eam nouitatem, videret autor cum quo agimus, & non enodari eo facili ac in speciem molli modo difficultates, sed augeri; eludi, non elidi, firmis rationibus confecisse; vt molle ipse quoque ac expeditum iter aperiret, difficultatésque illas auerteret, libertatem non in iudicij indifferentia, quod fecerat Doctor anterior, sed in indifferentia seruato ordine finis, vel potius in amplitudine ad eam indifferentiam consequente collocandam edixit. Neque hoc benè, vt vt facilitas difficultates grauissimas expediendi, abblandiri auctori, & eius consiliis lenocinari sit visa. Eam certè facilitatis conse-

etationem, autor in seipsum disertus, damnat ignauia, & exagitat elegantissimè Et meritò quidem. Nam difficultates, & operam in eis enodandis collocandam refugere, ijs ad satisfaciendum adductis quæ consistere nulla ratione queant, illaudatæ profectò est parsimonia; Nec secus accidit in ea operæ ac veluti impensarum deuotione, quàm si quis parciturus sumptibus in iaciendis altè fundamentis domus quam ædificare velit, consilium ineat in terra non excauata ædificandi, idque à parcitate commendet. Vt quid enim infodere terræ plurimam materiam, quæ tollendo sublimè ædificio idonea sit? At hanc nemo non videt inconsultissimam fore parcitatem. Vt enim liberatio ab expensis illis probari posset, constare priùs oportuerat, domum nullis introrsum iactis fundamentis stare posse. Non aliter res habet in præsentia. Difficultatibus namque expediri, optandum est; ita tamen vt expeditio forma sit, nec destituatur fundamento. Intelligit autor quid dicam, & in quem isthæc cudatur faba.

Accessiones causa secunda, captatio plausuum, aut gratiæ à diuina diuersæ.

XX. Adiungo ignauia quam secundam nouandi causam statuebam, captationem humanæ laudis aut gratiæ, potiore sanè iure quàm autor hæc coniuncta voluerit circa priscam de libertate sententiam. Meritò sanè laudis illecebra, & plausuum quasi titillatio, permouisse ad nouandum timeri potest, cum aliis quibusuis in rebus tum maximè in sententiis, & disquisitione

rerum abditarum. Quid enim plausibilis, quàm audire, ingenium sublime, ferax, ingenuum, non alienorum inuentorum seruum, indeque digito monstrari & dici hic est? Quid plausibilis quàm ubi omnibus ingeniis hætenus fixa fuerit crux, aliquid excogitare quo difficultates omnes dispellantur, & veritas discussis offuciis enubilata nitescat? Est itaque in nouarum sententiarum excogitatione, captationi laudis ac plausuum locus. Nam & nouæ merces, peregrinitate sua vendibiliores sunt: & vt ex Homero prodit Lucianus Dialogo Zeuxis, *noua quæque cantilena audientibus est gratissima*: & de quo indignatum Zeuxim refert, *vincis sæpè operis diligentiam argumenti nouitas*. At in annosis iam & situ obstitis, gratia marceri ætatis non lenocinatur. Ideoque laudi minùs & commendationi patent. Hæretici sanè quos amor nominis laudumque insana cupido plerunque dementat, pari flagrant cupiditate nouandi, quàm in eis Nazianzenus orat. 41. initio, rectè obseruauit. Sed & iam olim S. Irenæus, Gnosticos quos in laudis escam intentissimos sæpè describit, nouitatum quoque affectatione celebrat; nominatim lib. 1. cap. 18. *Qui recentiores eorum agnoscuntur, inquit, affectant per singulos dies nouum aliquid adinuenire, & fructificare quod nunquam quisquam excogitarit*. Multo itaque facilius est, vt leues animæ, ad nouandum in sententiis ubi minus affulget periculi, spe laudis & obiecta plausuum esca prolectentur. Audi Sarisberiensem lib. 3. Metalogico c. 18. *De magistris, aut nullus, aut varus est, qui Doctoris sui velit inherere vestigijs. Vt sibi faciat nomen, quisque proprium cudit errorem*. Quid hîc non ve-

rum: Quid quod circa fabricationem nouæ de libertate sententiæ accidisse sit impossibile? Autor secum ipse reputet. Mihi ex vetere formula N. L. nec vt liqueret, iuuaret prode.

XXI. Par esto iudicium de placendi cupiditate, & gratiæ captatione. Hanc enim esse magnam plerunque illecebram nouitatum, dubitare non licet. Nouitate enim capitur humanus animus, & antiqua vsu ac assuetudine fastidians, gratos habet qui noua ingerunt: vt inter causas *quæ nobis merita nonnunquam maxima velant*, autore Seneca 3. de benefic. cap. 3. *prima omnium ac potissima*, ab eo proferatur, *quod nouis semper cupiditatibus occupati, non quid habeamus, sed quid petamus inspicimus; non in id quod est, sed quod appetitur intenti; Quicquid enim domi est, vile est.* Sequitur autem, vt vbi quod acceperis leue nouorum cupiditas fecit, autor quoque eorum non sit in pretio. Persensit iam olim ac etiamnum persentit Ecclesia, dispendium fontis huius nouitatum. Nam hæreses, quæ vt pulcherrimè in aureo commentorio prosequitur Vincentius Lyrinensis, puræ putæ sunt nouitates, non aliunde magis ortum habent, quàm ex placendi amore quo flagrant errorum magistri & buccinatores mendacij. Quod non tacuerunt, qui hæreseon natales vestigant, Alfonsus de Castro lib. 1. contra hæ. cap. 11. & Stapletonius orat. de causa grassantium hæreseon, alijque eiusdem argumenti tractatores. Idque vt illi tacuissent, euentorum series satis superque comprobaret. Quid enim aliud quàm placere hominibus carnem sapientibus voluerunt, qui nuper & iam olim, cœlibatum, ieiunia, corporis mace-

rationes, & quicquid carni insuaue est, ab Ecclesia & Christiano usu eliminarunt? Fuit hic semper ut grauissimè exostulat S. Hilarius initio decimi de Trinit. mendaciloquorum mos, *placita magis quàm docenda conquirere, & corrumpere sanctitatem fidei, dum secundum desideria studiorum potius quàm secundum euangelicam fidem coaceruant doctrinam. Auribus enim prurigne incitatis, dum per audiendi impatientem oblectationem sub nouella desiderij sui predicatione scalpuntur, ipsi penitus ab auditu veritatis alieni, totos se fabulis destinant, ut his quæ loquuntur veritatis speciem acquirant, dum quæ vera sunt, & loqui & audire non possunt.*

XXII. Extra res fidei, non pauca nouitates ebulluerunt ex hoc capite; inter Iurisperitos præsertim, qui ut partium gratiam emercentur, & placentia loquantur, haud ægrè nuncium veritati remittunt, maxime si principum res agatur, & spes ingentis commodi ostentetur. Tunc enim omnia audere, & nullis nouitatibus parcere, nouum non est; impendetque aliqui dispendium non captatæ nouando gratiæ: quod sibi accidisse, Bulgarus Bononiensis Iurisperitus, non illepidè questus proditur ab Ottone Morena in Chronico Laudensi. Cum enim aliquando inter ipsum Bulgarum, & Martinum illum cuius ceruicositas apud Iurisperitos locum parœmiæ fecit, medius equitaret Fridericus Imperator, quæsissetque ab eis, utrum de iure mundi totius dominus esset, & quidem dominio proprietatis, renuit Bulgarus ea nouitate asserenda ab blandiri Imperatori, quod cum impigrè præstitisset Martinus, eaque ex causa equo ab Imperatore dona-

tus esset, exclamauit Bulgarus; *Amisi equum, quia dixi equum, quod non fuit equum.* Asino melius compensandam dixerim eam Martini asinitatem, qua ut Imperatori assentaretur, & placentia loqueretur, vna nouitate effutienda tot mortalium iura violauit.

XXIII. Quid verò statuemus de tanto apud aliquos studio sententias novas cudendi, aut defossas educendi in apertum, ac renouandi, quibus Romani Pontificis supra quoscunque Ecclesiasticos hierarchas plena potestas labefactetur, specie quidem firmandi Ecclesiasticam hierarchiam, quasi religiosorum ordinum immunitatibus per summos Pontifices concessis turbatam: reuera autem ut plena ac summa Christi Vicarij autoritas conuellatur, & schismati quod Satan pridem molitur, via muniatur? Cœteroqui enim multo magis politiam Ecclesiasticam turbant, & hierarchiam conuellunt nouitates illæ quibus à capite membra abiunguntur, & clanculariis suffossionibus, Ecclesiæ firmitas vocatur in discrimen. Essetque id multo indignius & incongruentius, si qui sudant & algent ut regularium exemptiones trahant in inuidiam apud immediatos Pastores, essent ipsi irregulares id est merè seculares, & tamen Ordinariorum iuribus potestati-que subducerent sese, beneficio Pontificiorum diplomatum, quorum in aliis vis ac iustitia tanta contentione enervatur. Hoc verò est quærere hominibus placere per profanas nouitates. ἰδὸὺ πόδος, ἰδὸὺ πίνθημα.

An in noua libertatis notione cudenda, propositum auctori fuerit cuiquam placere, meum non est vestigare. Probandus tamen admodum est eius candor, quo

quo se veteri sententiæ primùm adhæsisse, & eam habuisse indubitatam profitetur, lib. i. capite 36. num. 4. postea tamen autoritate viri eminentissimi, qui penetrata diligenter libertatis maiestate, & vera notione eius perspecta, humilitatem ac abiectiōē veteris sententiæ, amplitudine & eminentia commutauerat, ac aliis idem vt persuaderet quibuscunque poterat rationibus laborabat; adductum esse, vt pro amplitudine & eminentia staret, eaque libertatem veram, nouo quidem modo, sed magnifico & gratiæ Dei perhonorifico definiret. Hæc ex autore, ea epistola qua opus Pontifici inscribit. Et laudanda est ingenuitas, qua vnde ad has nouitates amplexandas persuasus fuerit, edocemur.

III. Spiritus singularitatis.

XXIV. Causa tertia sententiarum nouitates confectandi, spiritus est singularitatis. Sunt enim ingenia, quæ tacita naturæ dissensione ab aliis, aut genio ad nouandum facto, fastidiunt quæcunque alijs placuisse animaduertunt, nec nisi noua & aliis nunquam audita aut visa probant. Hinc illa nouarum & contra vnanimem Sanctorum Patrum consensum fabricatarum Scripturæ interpretationum inuectio, improbata in Tridentina Synodo. Hinc in ipsis quoque vocibus quibus res mysticæ exprimuntur, hodie apud plerisque vigens insulsitas tanta, vt perinde ac si voces communiter receptæ sorderent, vel annositate fitura contraxissent, abiiciantur omnino: Vsurpentur autem nouæ & insolitæ locutiones, quibus trutinandis, doctrinæ singularitas, atque adeo sensuū granditas &

profunditas prodatur. In scholis Theologicis, huius singularitatis fœtus est, ad inuentio placitorum præter communem sensum: quo nomine malè apud plerofque audiuit Durandus, quòd ingenij vim qua valuit plurimùm, & scribendi methodum ac pelluciditatem quæ in eo fuit eximia, intra septa communium sententiarum frequenter non coërcuerit, sed iugi in alios pugnacitate audire voluerit Scholasticorum veluti Ismaël, cuius manus contra omnes, & manus omnium contra eum, & è regione vniuersorum fratrum suorum fixit tabernacula. Autor, & scripturis ad sensus nulli Patrum aut interpretum compertos obtorquendis, & exoticis locutionum formulis conquirendis, & placitis in schola planè nouis passim fundendis, ad eò diligentiam probauit, vt possit singulariter se esse donec transeat, augurari.

IV. Superbia.

XV. In quarta nouandi circa sententias causa, nihil aduersario affectum volo. Ipsius erit inter explorandum cogitationum suarum fibras, aduocata cœlesti luce diiudicare, an hæc nouandi causa eum attigerit quoquomodo, cum in cudenda noua libertatis notione laboraret. Aegrè adducor, vt hanc causam & sensum de ea meum, obstetricante calamo educam. Sed audendum est, & quod Philosophus i. Ethic. cap. 6. contestatur, veritatis amor cuius necessitudini anteferendus.

Superbia plerunque ac typhus animi, ad despiciendas alienorum ingeniorum fruges, propria autem in-

uenta magnificienda, inconsultos animos abripit: Et quæ perbella est Synesij in hanc rem comparatio, præ superbia qua in rebus nostris diiudicandis cæcutimus, non secus circa ingeniorum quàm circa corporum fœtus accidit. Matribus enim præ amore exoculatis, proles propria quantumcunque deformis; ac vel si Theritem, aut illum in quo Sidonius ingenium exercuit, deformitate superet, (vt proinde aliis quos amoris fascinum clara visione non prohibet, accedere ad simiolos videatur,) exquisitæ pulchritudinis ac venustatis velut paradigma existimatur. Nimirum amamus omnes insito naturæ impetu, nostra: Et quia amor in bonum & pulchrum fertur, ijs quæ amare fixum habemus, boni ac pulchri accessionem facimus, abblandientes nobis, & quæ ad nos spectant amplificantes per superbiam; à qua illa in speciem granditas, veriùs tumor inanis rerum cuique suarum, ingenij, iudicij, industriæ, & (quod nunc agimus,) inuentorum. Ea verò semel concepta & edita, obfirmatè retenta velle, eiusdem viperæ genimen est. Indidem quoque alienorum inuentorum quantumvis antiquorum deprecatio. Est in hanc rem insignis locus apud S. Gregorium, Mor. cap. 18. ad illud, porro ad me dictum est verbum absconditum, vbi præter cætera de hypocritis ait. *Communem scientiam habere refugiunt, ne cæteris aequales æstimentur. Occulta vel noua semper exquirunt, quæ dum alij nesciunt, apud imperitorum mentes, ipsi de scientia singularitate gloriantur.* Abrumpo orationem, quod de inuidioso argumento, non possum videri protulisse nimis pauca.


V. Iudicij imbecillitas.

XXVI. Postremam circa sententias nouandi causam, profero imbecillitatem & exilitatem iudicij. Paruo enim numero sunt lectæ animæ, quibus iuxta Platonem aurea materia obtigerit. Imbecillitatem porrò iudicij, consequitur existimatio de infirmitate alienarum sententiarum, & perfacili earum expugnabilitate, quia attendentes ad pauca, facilè pronunciant. E contra verò, quoad propria placita, nihil frequentius aut præcliuius est, quàm vt homo spiritu pauper, (iuxta Caietani iocum,) & exiguo iudicio, sibi abblan- diens & sensorum suorum venustati lenocinans, occu- perur cogitatione de expedita & vix vllis difficultati- bus patente eorum veritate. Vnde cuiuslibet nouæ co- gitationis tanquam fungi subitò apud ipsum nati ex- osculatio.

Hic autorem perstrictum nolo. His tamen verbo- rum ampullis commentationis suæ veritatem, perspi- cuitatem, soliditatem celebrat, vt ipso quidem iudice, nihil contra obiici verisimiliter possit. Antiquam verò sententiam, non quassam modò, sed & funditus euer- sam rationum suarum machinis arbitratur.

CAPVT XII.

*Iudicium de mysterijs ortus libertatis nostræ à diuina,
& regressionis ad eam.*

I.  ENTVM est ad mysteria. Profanum vulgus arcetor. Epoptæ tantum ac mystæ adsunt. Ortum creatæ libertatis à diuina, & regressum ad eam, de aduersarij mente in superioribus sæpè tetigimus; nunc demum de eo pronunciare operæ pretium est. Agit auctor de ortu, plenè lib. 2. cap. 12. & 13. de regressu autem ibidem & cap. 27.

Summa doctrinæ est. Antequam in nobis simus educti extra causas nostras, sumus in summa libertate: regnamus quippe in Deo, quia sine oppositione, sine contrarietate, vllâque prorsus diuisione in eo sumus: quod est esse summè vnum, & amplum, atque adeò liberrimum. Cum verò per productionis portam à Deo eximus, sicut à Deo summa vnitæ & amplitudine, ita à summa quoque libertate discedimus quia desinimus vnum esse cum eo qui est omne esse, & proprium ac particulare esse adipiscentes, ad limitationem & angustias nostras à libertatis amplitudine deficientes delabimur, & quibusdam quasi compedibus finitatis constringimur. Patet tamen per aliam quasi portam regressus ad eandem libertatem, cum hinc digredientes summo & vniuersali bono perfectè sociamur, & abic-

Et a particularitate ac limitatione quam contraximus in exitu à Deo, ac descensu ad proprium ordinem, transimus ad amplitudinem & vniuersalitatem ordinis diuini, egrediendo quasi carcerem quendam, terminos proprii nostri esse, ordinisque primi, & exiliendo ad amplitudinem summi boni, atque ad eius ordinem transcendo. Itaque creaturæ rationales, per suum à Deo egressum desinunt vnum cum illo esse, quatenus nouum ac differens esse sortiuntur: In regressu autem & consummatione, in tantum cum illo vnum fiunt, in quantum propriam differentiam propriamque limitationem transcendunt, & ad diuinam vnitatem assumuntur, foeliciter absorptæ in Deo. Et sicut cum creaturæ egrediuntur à Deo, manent tamen in Deo: sic cum regrediuntur ad Deum, manet tamen unicuique proprium suum esse, sed reductum ad Deum, sed absconditum & immensum in abysso diuinitatis: sed ita ut ipsæ quæ proprio suo esse & ordine altiores & eminentiores esse caperunt, cum ordinem per gratiam ingressæ sunt, proprium tunc ordinem penitus supergressæ sint, & in diuino ordine omnino consummatæ. Hæc sunt ima penetralia & adyta, eminentiæ & amplitudinis, nostræ humilitati ac nihilo communicandæ. Nam hæc est nouissima ac postrema creaturæ amplitudo, quam autor cap. illo 13. num. 3. eandem esse ait, cum prima & æterna, ita tamen ut quæ ab æterno erat Dei non nostra, fiat nostra in æternum. Sic autor de libertatis creaturæ egressu à Deo, & regressu ad eum.

Aduersarius mysticus totus, atque Platonicus.

II. Deprehendo quorsum strenuis laudum aduer-

sarij buccinator, in encomio operi præfixo, doctrinam eius neget esse *Peripateticam*, affirmet autem *Platoniam* atque *diuinam* esse. Verè enim non *Peripatetica*, id est expedita & nullis verborum inuolucris abdita, sed *Platonica* dicenda fuit ea doctrina, quæ res clarè & apertè enunciabiles, tot mysteriis & ænigmatibus de Platonis more inuoluit. Itaque quo consilio Aristoteles *Platoniam* de ideis philosophiam explosit 1. *Ethic.* cap. 6. sæpèque alibi antiquos Philosophos reprehendit, quòd adhibitis ænigmatum integumentis obscurarent quæ perspicuè & apertè tradi oportuerat erroris occasione subducta: eodem in primis, ut cætera deessent, displicere debet modus philosophandi autoris, res per se abditas magis occultans; quæ verò à pertæ erant, eas verborum ambagibus in mysteria conformans.

Annuet haud dubiè æquus Lector, si quantum aduersarij doctrina ad *Platonicas* ideas accedat, perspicuum fecero. Passim enim circa eas improbatum Platonem scimus, non ab Aristotele modò, (quem plerique aliò detorsisse Platonis mentem expostulant, ut esset ubi genuinum infingeret;) sed & à gravissimis Patribus, quos profero in *Natur. Theol. dist. 1. num. 44.* Neque tamen planè exors veritatis esse videtur Platonis placitum, si detractis verborum inuolucris, ipsum per se nudumque spectetur: at adeò ænigmaticè & implexè propositum, iure rejicitur. Non aliter de aduersarij sententia, si magnam partem in Platonis Ideas recidat, statuendum erit. Hoc ergo monstremus.

ad Ideas Plato, quod ex ipso met, ac Platonis dist. illa

I. num. 41. & seqq. aperte monstraui, non alias agnouit quàm diuinam sapientiam atque potentiam, vnde educi per creationem sumus. Ad eas hîc dum vitæ huius scamma decurrimus, aptamur morum sanctitate ac virtutibus. Tandem verò regressione ad eas, donandi beatitate, & in diuinum quasi ordinem transcribendi sumus. Hæc est mens Platonis, vt nominatim videre est apud Aristotelem 1. Ethic. cap. 6. vbi eam hominis per Ideas fœlicitatem, impugnat iuxta nudum corticem verborum quibus à Platone proponebatur. At hæc ipsissima est aduersarij sententia de hominis libertate à Deo per productionem velut extracta, & hîc per tempus vitæ pro maiori vel minori adhæsiōe cum Deo, magis minúsve affecta; tandem verò per regressum ad Deum ac beatitudinem, planè consummata atque perfecta. Nam apud autorem, inchoata libertate frui, & Deo adhærere per gratiam; itémque perfecta libertate potiri, & beatitate donari, idem omnino sunt, vt in superioribus sæpè vidimus. Igitur quod de Platonis Ideis omnes statuunt, quicquid scilicet sit de veritate sententiæ, genus tamen illud philosophandi implexum & ænigmaticum, probari non posse; esseque auersandum vt plenum latebris & ambagibus, id ipsum de modo philosophandi auctoris, qui Platonico ram genuinus est, pronunciandum videtur.

*Eiusdem ac Rusbrochij, in mysterijs
germanitas.*

III. Nec dissimiliter de sententia quadam Ioannis
Rusbrochij

Rusbrochij quæ in aduersarij sententiam æquè recidit, pronunciatum video à Gersone, duplici epistola ad Bartholomæum Carthusiensem. Affirmabat Rusbrochius, vt his verbis tradit Gerſo priore epistola, quòd *anima perfectè contemplans Deum*, (in hac vita quidem initialiter, perfectè verò in beatitudine,) non solum videt eum per claritatem quæ est diuina essentia, sed est ipsamet claritas diuina. Imaginatur enim sicut scriptura sonat, quòd anima tunc desinit esse in illa existentia quam prius habuit in proprio genere, & conuertitur seu transformatur & absorbetur in esse diuinum, & in illud esse ideale refluunt quod habuit ab æterno in essentia diuina: de quo esse dicit Ioannes in Euangelio, quod factum est in ipso vita erat. Et hoc esse præsupponit autor iste causam nostræ existentie temporalis, & esse vnum cum eo secundum essentialem existentiam. Addit, quòd perditur anima contemplantis in esse tali diuino abyssali, ita vt reperibilis non sit ab aliqua creatura.

Plagulas Rusbrochij à Gersone decerptas hîc atterere, opportunum existimo; quod pleraque Rusbrochij verba ac phrasas apud autorem syllabatim habeantur, vt refossam ab eo Rusbrochij sententiam, coniectare non inuerisimiliter liceat. Sic igitur habet ex Rusbrochio Gerſo. *Hæc sunt pauca de dictis suis excerpta ad literam.* Ait enim secundo capite tertiæ partis. In ipsa quidem sui vacuitate per fructuum amorem, spiritus perdit semetipsum; denique claritatem nullo intermediente suscipit, ac sine intermissione, ipsa fit ea claritas quam accepit. Et tertio capite. Dependetque nostrum esse creatum ab esse æterno, & secundum essentialem

existentiam, vnum cum illo est. Sequitur. Vniuersi super sui creationem in vita contemplatiua altitudine sublimati, vnum sunt cum hac deifica claritate, imò ipsa claritas, ipsi sunt. Vident proinde, sentiunt & inueniunt per hoc deificum lumen, se secundum esse vitamque suam increatam, eandemque fore simplicem diuinitatis abyssum. Sequitur. Atque cum eo quo vident, & quod vident, lumine idem fiunt. Et primo capite dixerat. Vniuersi deuoti spiritus vnum cum Deo profundo amoris destiuio, sicut defecti non quomodolibet quidem vnum, sed ipsum quod est ipsa in se essentia Dei, eo modo quo beatifica beatitudo. Et quarto capite expressius ait. Illuc spiritus est super seipsum translatus & vnificatus Deo, gustans vidensque in unitate viuida abyssus in qua se se secundum esse suum increatum possidet immensas diuitias, quæ ipsemet iuxta eum modum quo eas Deus, gustat & videt.

IV. Vides placitum, aduersarij placito omnino genuinum; quod tamen in Rusbrochio ab explorata hæresi liberare conati sint aliqui, vt Ioannes de Scho-
 nauia, libello qui Gersonis epistolæ subnectitur tomo 1. operum Gersonis, & Dionysius Richelius lib. 3. de vita contempl. cap. vltimo, allegantes alia Rusbrochij loca, quibus apertè dicitur, hominem post eum regressum in Deum, manere hominem verè à Deo distinctum, nec nisi similitudinariè & metaphoricè effici Deum. Ita enim habet in Opusculo quod inscripsit Samuel seu de vera contemplat. & lib. 2. de ornatu spirit. nupt. à cap. 76. & lib. de septem custodijs cap. 14. Tamen omnibus eo saltem nomine displicuit Rusbrochius, quòd de re quæ dilucidè & manifestè tradi po-

terat, adeò implexè pérque tot ambages sit locutus. Nec dubitauit Gerso, eam Rulbrochij doctrinam, tametsi prædicta explicatione conditam, damnare insanix, in opere de mystica Theologia speculat. considerat. 41. vbi suam illam epistolam aduersus Rulbrochium allegat, ac proinde auditas sibi excusationes quæ pro Rulbrochio afferebantur, ostendit.

*De mystico vtriusque nouiloquio, iudicium
Gersonis.*

V. Porrò quod libertatis à Deo egressio, & ad Deum regressio, de qua agimus, ad illud genus spectet insolitarum loquendi formularum, quæ defigendis stupore rudibus adhiberi à nonnullis solent, & vsurpantur ab autore frequentissimè, iuuat non omittere quid de illa verborum nouitate in explicandis siue rebus Theologicis siue pijs, eidem Gersoni visum sit. Permagni enim referre puto, abusum hodie inualesceniem, interposito hominis sapientissimi iudicio, quasi freno cohibere. Sic habet in secunda epistola ad Carthusiensem prædictum. *Deuotio illorum culpanda est, qui nituntur inuoluere sententias sermonibus imperitis, peregrinis, & inusitatis: vel eos qui sic volunt laudare atque defendere & defendēdo se ipsos magis inuoluere quàm euoluere. Adducam hoc loco ne mihi soli videar inniti, particulam cuiusdam sermonis factam in capitulo vno fratrum Carthusiensium, anno Dom. 1408. cuius thema est, Videamus si floruit vinea. Quartam deuotionem falsam, id est vanam & curiosam, illi exercent, qui sine mortificatione propria voluntatis, ac Zelo*

Domino seruiendi, vitam spirituales consistere credunt in ruminacione, vel potius phantasiacione rerum spiritualium; aestimantes hanc ipsam phantasiacionem vel saltem delectationem inde consequentem, deuotionem esse: vnde hi ad hanc ipsam consequendam, non contenti modis loquendi Scriptura sacra, adinueniunt sibi vel fingunt de rebus spiritualibus modos abstractiores, eo quod tales maiorem eis delectationem generent. Plerumque etiam ob hoc, materias satis faciles obscuris modis & abstractis in quibus delectantur, obuoluentes, aut vocantes humiliationem, vel fortassis etiam altam contemplationem, submersionem in abyssali profundo; diuinum amorem, annihilationem vel in nihilum reductionem; charitatum votum mentis in Deum, influxum in Deum; vocantes motus ad opus propter Deum, effluxum à Deo, & sic de aliis consimilibus, quamuis tamen Christus, Propheta, & Apostoli, & omnes Doctores Scriptura sacra tractatores, quantum poterant & expediebat, ea quae difficilia fuerunt, per modos loquendi fecerunt facilia. Hac reuera falsa deuotio, est religiosis periculosissima, quoniam multos, & quotidiana ben docet, & dolenda docuit experientia, qui spirituales ac religiosi apparebant, decepit, infatuauit, vel penitus excæcavit, ita vt fierent in obseruantis regularibus quas despexerant desides, superioribus quos rudes reputabant rebelles, etiam aliqui fugerent & apostatarent, aliqui etiam hereticarent, vel ante tempus prophetarent, dicentes. Hac dicit Dominus, cum Dominus non esset locutus: sed superba, vel saltem phantastica capita eorum, hac ipsa confinxerunt. Aliqui quoque mirabiles fatuitates extrinsecus in praetensu iubilacionibus, tripudijs, saltacionibus, & huiusmodi ostenderunt. Sequitur. Quarta deuotio est, vinum valde fumo-

sum, id est superbia generatiuum, & est libidinosum, de quo mysticè & illa fortassis inhibitio Apostolica accipi potest, nolite inebriari vino in quo est luxuria : Et reuera in hoc ipso est spiritualis luxuria, eo quòd sic falsè deuoti, non Dei cultum & honorem, sed propriam quarunt delectationem. Hac ibi.

V I. Subdit Gerſo continenter. O si vidisses quisquis autor fuisti sermonis illius, si vidisses epistolam nouiter ostensam mihi, (qualocutiones Ruſbrochij superiùs relatæ defendebantur,) quid dixisses? quid stomachi habuisses? Exclamè & ego potiori iure. O si vidisses & tu Gerſo, quæ & qualia hodie passim iactentur, etiam inter Bertas quæ spirituales audire volunt, anterioribus omnibus quantumuis Metaphysicissimis in eo genere, Ruſbrochio inquam, Taulero, Harphio, Susoni inaudita? O si audisses, transubstantiationes mysticas, cordis concentrationes, potentiarum annihilationem, connubium essentie creatæ & Diuinitatis, spirituale Sacramentum inseparabilitatis, charitatis coëmptionem, somnum omnium affectionum, triplicem animæ hierarchiam, orationem in quiete passua, ebrietatem spiritualement, cordis silentium, meditationes negatiuas, vniones superessentiales, puteum & gurgitem annihilationis cardiacæ, amorem deificum transformantem, vnientem, abyssalem, & cum Deo identificantem: confricationem deificam, eleuationem ex sanitate cælesti & infernali languore, introuersionem supercælestem, caliginem & umbram Dei, allocutiones internas, eleuationes incognitas, animæ suspensionem, iustitium ratiociniij, assultus qui ferri nequeant, hypermysticas animæ & Dei perychoreſes, impudentiam spiritualement, aspirationes misanthropicas, ignem si-

ne carbone, flammam sine corpore, ad holocaustum meridianum in viscerali impenetrabilitate. ῥήματα, ἢ θαύματα.

Hæc sesquipedalia verba, in noua pietatis schola adeò frequenter tenero supplantantur palato, vt nihil Magistri, nihil quilibet discipuli, sed discipule maxime ex vtroque ordine, seculari in quâ ac regulari, habeant familiarius. Diceres vsitatas locutiones, quasi vltro-neas merces putere, & vocibus, vt Salyorum carminibus, quæ ne ipsi quidem Sacerdotes satis intelligerent ait Fabius l. i. cap. ii. de raritate duntaxat ac peregrinitate pretium accrescere. Longè alio sanè cōsilio quàm quod in sacris libris Spiritu sancto dictante Scriptores sacri perpetuò tenuerunt, vt Theodoretus l. 9. contra Græcos pulchrè obseruauit, addens & exemplis patefaciens, pretiosorū omnium vidē esse testam; nec decedere libris sacris quicquam pretij, si vocibus pleni sint vulgaribus, ac de triuio acceptis, quas quilibet possit percipere; cum par non sit, rerum maiestatem è verbis abditis ac imperuiis petere, sed verba potius è rebus quas exprimunt, & modo perspicuè ac significanter exprimendi, æstimare iustum sit.

Noniloquium mysticum, à sapientum vsu abhorret.

VII. Non aliter locutum Christum Dominum de rebus sacris quantumuis abditis accepimus; non aliter Apostolos in epistolis, non aliter sacros Doctores in homiliis, aut scriptis libris, non aliter scholasticos in disputationibus sensa sua enunciaſſe, certum est. Quis enim Euangelistarū aut Apostorū, vel Patrū aut scholasticorum, impeccabilitatem qua beati potientur in

cœlo, exprellit nomine regressus libertatis nostræ in
 diuinā? Quis transubstantiationem spirituales ac my-
 sticam appellauit quæ dici perspicuè poterat, charitas
 incensissima? Sed *homines*, vt cum Gellio loquar l. 6. c.
 15. *in doctrinis quasi in præstigijs mirifici, communiumque*
vocum respuentes nimis & fastidientes, qui non habent
 vnde dignitatē ac pretium concilient rebus sacris quas
 pertractant, vsurpant sesquipedalia hæc verba quæ di-
 xi, & ampullosas loquendi formulas adhibent; consilio
 non ab simili ei Chymicorum industriæ, qua *Mercurij*
Saturnique fexiones, Solis ac Lunæ per pistillum contusiones,
 pro certa argenti, auri, plumbi, & huiusmodi metallo-
 rum applicatione vsurpant, grandiore vocum sono, ea-
 dem sententia, quæ simpliciter enunciata minus ma-
 gnificentia habere videretur, & simplicem plebecu-
 lam minùs percelleret. Nec dissimiliter *Seplasiarii*, con-
 ditas melle aut sacharo cucurbitas, *gutturis Angelicis ef-*
cas nominant, & *lachrymas Christi, manus Christi, san-*
guinem Draconis, aliâque huiusmodi grandia verba, vi-
 sibilibus materiis obducunt, vt eo ignotarum vocum ap-
 paratu, vendibiliore videri ac esse possint. Cabalisticæ
 quoque, dum affectant admirationem concitare noui-
 tate vocabulorum, quàm sint ridiculi, & quanta inep-
 tiant, fusè prosequitur Baptista Crispus in opere cau-
 tionum in Platonem, distribut. 1. l. 2. digressionem in eos
 qui secretiores Theologi nuncupari affectant, nempe
 nouarum præsertim vocum mysteriis. Nobis quia an-
 tiquos sermones vim suam non perdere, vt antiqua pharma-
 ca exhalato spiritui faciunt, persuasissimum est, cum Dio-
 ne Prusæ
 vos retinendos, nec nouellis specio-
 sioribus
 randos esse.

Et a particularitate ac limitatione quam contraximus in exitu à Deo, ac descensu ad proprium ordinem, transimus ad amplitudinem & vniuersalitatem ordinis diuini, egrediendo quasi carcerem quendam, terminos proprii nostri esse, ordinisque primi, & exiliendo ad amplitudinem summi boni, atque ad eius ordinem transcendendo. Itaque creaturæ rationales, per suum à Deo egressum desinunt vnum cum illo esse, quatenus nouum ac differens esse sortiuntur: In regressu autem & consummatione, in tantum cum illo vnum fiunt, in quantum propriam differentiam propriamque limitationem transcendunt, & ad diuinam vnitatem assumuntur, foeliciter absorptæ in Deo. Et sicut cum creaturæ egrediuntur à Deo, manent tamen in Deo: sic cum regrediuntur ad Deum, manet tamen unicuique proprium suum esse, sed reductum ad Deum, sed absconditum & immensum in abysso diuinitatis: sed ita vt ipsæ quæ proprio suo esse & ordine altiores & eminentiores esse ceperunt, cum ordinem per gratiam ingressæ sunt, proprium tunc ordinem penitus supergressæ sint, & in diuino ordine omnino consummatæ. Hæc sunt ima penetralia & adyta, eminentiæ & amplitudinis, nostræ humilitati ac nihilo communicandæ. Nam hæc est nouissima ac postrema creaturæ amplitudo, quam autor cap. illo 13. num. 3. eandem esse ait, cum prima & æterna, ita tamen vt quæ ab æterno erat Dei non nostra, fiat nostra in æternum. Sic autor de libertatis creaturæ egressu à Deo, & regressu ad eum.

Aduersarius mysticus totus, atque Platonicus.

II. Deprehendo quorsum strenuus laudum aduer-

sarij buccinator, in encomio operi præfixo, doctrinam eius neget esse *Peripateticam*, affirmet autem *Platoniam* atque *diuinam* esse. Verè enim non *Peripatetica*, id est expedita & nullis verborum inuolucris abditæ, sed *Platonica* dicenda fuit ea doctrina, quæ res clarè & apertè enuntiabiles, tot mysteriis & ænigmatibus de Platonis more inuoluit. Itaque quo consilio Aristoteles *Platoniam* de ideis philosophiam explosit 1. *Ethic. cap. 6.* sæpèque alibi antiquos Philosophos reprehendit, quòd adhibitis ænigmatum integumentis obscurarent quæ perspicuè & apertè tradi oportuerat erroris occasione subducta: eodem in primis, ut cætera deessent, displicere debet modus philosophandi autoris, res per se abditas magis occultans; quæ verò apertæ erant, eas verborum ambagibus in mysteria conformans.

Annuet haud dubiè æquus Lector, si quantum aduersarij doctrina ad *Platonicas* ideas accedat, perspicuum fecero. Passim enim circa eas improbatum Platonem scimus, non ab Aristotele modò, (quem plerique aliò detorsisse Platonis mentem expostulant, ut esset ubi genuinum insingeret;) sed & à grauissimis Patribus, quos profero in *Natur. Theol. dist. 1. num. 44.* Neque tamen planè exors veritatis esse videtur Platonis placitum, si detractis verborum inuolucris, ipsum per se nudumque spectetur: at adeò ænigmaticè & implexè propositum, iure reiicitur. Non aliter de aduersarij sententia, si magnam partem in Platonis Ideas recidat, statuendum erit. Hoc ergo monstremus.

ad Ideas Plato, quod ex ipso met, ac Platonici dist. illa

i.num. 41. & seqq. aperte monstraui, non alias agnouit quàm diuinam sapientiam atque potentiam, vnde educti per creationem sumus. Ad eas hîc dum vitæ huius scamma decurrimus, aptamur morum sanctitate ac virtutibus. Tandem verò regressione ad eas, donandi beatitate, & in diuinum quasi ordinem transcribendi sumus. Hæc est mens Platonis, vt nominatim videre est apud Aristotelem i. Ethic. cap. 6. vbi eam hominis per Ideas foelicitatem, impugnat iuxta nudum corticem verborum quibus à Platone proponebatur. At hæc ipsissima est aduersarij sententia de hominis libertate à Deo per productionem velut extracta, & hîc per tempus vitæ pro maiori vel minori adhæensione cum Deo, magis minúsve affecta; tandem verò per regressum ad Deum ac beatitudinem, planè consummata atque perfecta. Nam apud autorem, inchoata libertate frui, & Deo adhærere per gratiam; itémque perfecta libertate potiri, & beatitate donari, idem omnino sunt, vt in superioribus sæpè vidimus. Igitur quod de Platonis Ideis omnes statuunt, quicquid scilicet sit de veritate sententiæ, genus tamen illud philosophandi implexum & ænigmaticum, probari non posse; esseque auersandum vt plenum latebris & ambagibus, id ipsum de modo philosophandi autoris, qui Platonico tam genuinus est, pronunciandum videtur.

*Eiusdem ac Rusbrochij, in mysterijs
germanitas.*

III. Nec dissimiliter de sententia quadam Ioannis
Rusbrochij

Rusbrochij quæ in aduersarij sententiam æquè recidit, pronunciatum video à Gersone, duplici epistola ad Bartholomæum Carthusiensem. Affirmabat Rusbrochius, vt his verbis tradit Gerso priore epistola, quòd *anima perfectè contemplans Deum*, (in hac vita quidem initialiter, perfectè verò in beatitudine,) non solum videt eum per claritatem quæ est diuina essentia, sed est ipsamet claritas diuina. Imaginatur enim sicut scriptura sonat, quòd anima tunc desinit esse in illa existentia quam prius habuit in proprio genere, & conuertitur seu transformatur & absorbetur in esse diuinum, & in illud esse ideale refluunt quod habuit ab aeterno in essentia diuina: de quo esse dicit Ioannes in Euangelio, quod factum est in ipso vita erat. Et hoc esse præsupponit autor iste causam nostræ existentia temporalis, & esse vnum cum eo secundum essentialem existentiam. Addit, quòd perditur anima contemplantis in esse tali diuino abyssali, ita vt reperibilis non sit ab aliqua creatura.

Plagulas Rusbrochij à Gersone decerptas hîc attexere, opportunum existimo; quod pleraque Rusbrochij verba ac phrasas apud autorem syllabatim habeantur, vt refossam ab eo Rusbrochij sententiam, coniectare non inuerisimiliter liceat. Sic igitur habet ex Rusbrochio Gerso. *Hæc sunt pauca de dictis suis excerpta ad literam.* Ait enim secundo capite tertiæ partis. In ipsa quidem sui vacuitate per fructuum amorem, spiritus perdit semetipsum; denique claritatem nullo intermediente suscipit, ac sine intermissione, ipsa fit ea claritas quam accepit. Et tertio capite. Dependetque nostrum esse creatum ab esse aeterno, & secundum essentialem

existentiam, vnum cum illo est. Sequitur. *Vniuersi super sui creationem in vita contemplatiua altitudine sublimati, vnum sunt cum hac deifica claritate, imò ipsa claritas, ipsi sunt. Vident proinde, sentiunt & inueniunt per hoc deificum lumen, se secundum esse vitamque suam increatam, eandemque fore simplicem diuinitatis abyssum.* Sequitur. *Atque cum eo quo vident, & quod vident, lumine idem fiunt.* Et primo capite dixerat. *Vniuersi deuoti spiritus vnum cum Deo profundo amoris defluio, sicut defecti non quomodolibet quidem vnum, sed ipsum quod est ipsa in se essentia Dei, eo modo quo beatifica beatitudo.* Et quarto capite expressius ait. *Ille spiritus est super seipsum translatus & vnificatus Deo, gustans vidensque in vnitae viuide abyssus in qua sese secundum esse suum increatum possidet immensas diuitias, quæ ipsemet iuxta eum modum quo eas Deus, gustat & videt.*

IV. Vides placitum, aduersarij placito omnino genuinum; quod tamen in Rusbrochio ab explorata hæresi liberare conati sint aliqui, vt Ioannes de Scho-naui, libello qui Gersonis epistolæ subnectitur tomo 1. operum Gersonis, & Dionysius Richelius lib. 3. de vita contempl. cap. vltimo, allegantes alia Rusbrochij loca, quibus aperte dicitur, hominem post eum regressum in Deum, manere hominem verè à Deo distinctum, nec nisi similitudinariè & metaphoricè effici Deum. Ita enim habet in Opusculo quod inscripsit Samuel seu de vera contempl. & lib. 2. de ornatu spirit. nupt. à cap 76. & lib. de septem custodijs cap. 14. Tamen omnibus eo saltem nomine displicuit Rusbrochius, quòd de re quæ dilucidè & manifestè tradi po-

terat, adeò implexè pérque tot ambages sit locutus. Nec dubitauit Gerso, eam Rusbrochij doctrinam, tametsi prædicta explicatione conditam, damnare insaniam, in opere de mystica Theologia specular. considerat. 41. vbi suam illam epistolam aduersus Rusbrochium allegat, ac proinde auditas sibi excusationes quæ pro Rusbrochio afferebantur, ostendit.

*De mystico vtriusque nouiloquio, iudicium
Gersonis.*

V. Porro quod libertatis à Deo egressio, & ad Deum regressio, de qua agimus, ad illud genus spectet insolitarum loquendi formularum, quæ defigendis stupore rudibus adhiberi à nonnullis solent, & vsurpantur ab autore frequentissimè, iuuat non omittere quid de illa verborum nouitate in explicandis siue rebus Theologicis siue pijs, eidem Gersoni visum sit. Permagni enim referre puto, abusum hodie inualescentem, interposito hominis sapientissimi iudicio, quasi freno cohibere. Sic habet in secunda epistola ad Carthusiensem prædictum. *Deuotio illorum culpanda est, qui nituntur inuoluere sententias sermonibus imperitis, peregrinis, & inusitatis: vel eos qui sic volunt laudare atque defendere & defendendo seipsos magis inuoluere quàm euoluere. Adducam hoc loco ne mihi soli videar inniti, particulam cuiusdam sermonis factam in capitulo vno fratrum Carthusiensium, anno Dom. 1408. cuius thema est, Videamus si floruit vinea. Quartam deuotionem falsam, id est vanam & curiosam, illi exercent, qui sine mortificatione propria voluntatis, ac Zelo*

Domino seruiendi, vitam spiritualem consistere credunt in ruminacione, vel potius phantasiacione rerum spiritualium; aestimantes hanc ipsam phantasiacionem vel saltem delectationem inde consequentem, deuotionem esse: vnde hi ad hanc ipsam consequendam, non contenti modis loquendi Scripturae sacrae, adinueniunt sibi vel fingunt de rebus spiritualibus modos abstractiores, eo quod tales maiorem eis delectationem generent. Plerumque etiam ob hoc, materias satis faciles obscuris modis & abstractis in quibus delectantur, obuoluentes, aut vocantes humiliationem, vel fortassis etiam altam contemplationem, submersionem in abyssali profundo; diuinum amorem, annihilationem vel in nihilum reductionem; charitativum votum mentis in Deum, influxum in Deum; vocantes motus ad opus propter Deum, effluxum à Deo, & sic de aliis consimilibus, quamuis tamen Christus, Prophetae, & Apostoli, & omnes Doctores Scripturae sacrae tractatores, quantum poterant & expediebat, ea quae difficilia fuerunt, per modos loquendi fecerunt facilia. Hac reuera falsa deuotio, est religiosis periculosissima, quoniam multos, & quotidiana heu docet, & dolenda docuit experientia, qui spirituales ac religiosi apparebant, decepit, infatuauit, vel penitus excæcavit, ita ut fierent in obseruantis regularibus quas despexerant desides, superioribus quos rudes reputabant rebelles, etiam aliqui fugerent & apostatarent, aliqui etiam hereticarent, vel ante tempus prophetarent, dicentes. Hac dicit Dominus, cum Dominus non esset locutus: sed superba, vel saltem phantastica capita eorum, hac ipsa confinxerunt. Aliqui quoque mirabiles fatuitates extrinsecus in prætensis iubilacionibus, tripudijs, saltationibus, & huiusmodi ostēderunt. Sequitur. Quarta deuotio est, vinum valde fumo-

sum, id est superbia generatiuum, & est libidinosum, de quo mysticè & illa fortassis inhibitiō Apostolica accipi potest, nolite inebriari vino in quo est luxuria : Et reuera in hoc ipso est spiritalis luxuria, eo quòd sic falsè deuoti, non Dei cultum & honorem, sed propriam quærunt delectationem. Hac ibi.

V I. Subdit Gerſo continenter. O si vidisses quisquis autor fuiſti sermonis illius, si vidisses epistolam nouiter ostēsam mihi, (qualocutiones Ruſbrochij superiùs relatæ defendebantur,) quid dixisses ? quid stomachi habuiſſes ? Exclamē & ego potiori iure. O si vidisses & tu Gerſo, quæ & qualia hodie paſſim iactentur, etiam inter Bertas quæ ſpirituales audire volunt, anterioribus omnibus quantumuis Metaphyſiciffimis in eo genere, Ruſbrochio inquam, Taulero, Harphio, Suſoni inaudita ? O ſi audisses, tranſubſtantiationes mysticas, cordis concentrationes, potentiarum annihilationem, connubium eſſentiæ creatæ & Diuinitatis, ſpirituale Sacramentum inſeparabilitatis, charitatis coēptionem, ſomnum omnium affectiōnum, triplicem animæ hierarchiam, orationem in quiete paſſua, ebrietatem ſpiritualem, cordis ſilentium, meditationes negatiuas, vniones ſupereſſentiales, puteum & gurgitem annihilationis cardiacæ, amorem deificum tranſformantem, vnientem, abyſſalem, & cum Deo identificantem : confricationem deificam, eleuationem ex ſanitate cæleſti & infernali languore, introuerſionem ſupercæleſtem, caliginem & vmbraſ Dei, allocutiones internas, eleuationes incognitas, animæ ſuſpensionem, iuſtitium ratiociniij, aſſultus qui ferri nequeant, hypermysticas animæ & Dei perychoreſes, impudentiam ſpiritualem, aſpirationes miſanthropicas, ignem ſc-

*ne carbone, flammam sine corpore, ad holocaustum meridiana-
num in viscerali impenetrabilitate. ῥήματα, ἢ θαύματα.*

Hæc sesquipedalia verba, in noua pietatis schola adeò frequenter tenero supplantantur palato, vt nihil Magistri, nihil quilibet discipuli, sed discipule maximè ex vtroque ordine, seculari inquã ac regulari, habeant familiarius. Diceres vsitatas locutiones, quasi vltro-
neas merces putere, & vocibus, vt Salyorum carmini-
bus, quæ ne ipsi quidem Sacerdotes satis intelligerent ait Fabius l. i. cap. ii. de raritate duntaxat ac peregrini-
tate pretium accrescere. Longè alio sanè còsilio quàm quod in sacris libris Spiritu sancto dictante Scriptores sacri perpetuò tenuerunt, vt Theodoretus l. 9. contra Græcos pulchrè obseruauit, addens & exemplis pate-
faciens, pretiosorū omnium vidē esse testam; nec dece-
dere libris sacris quicquam pretij, si vocibus pleni sint vulgaribus, ac de triuio acceptis, quas quilibet possit percipere; cum par non sit, rerum maiestatem è verbis abditis ac imperuiis petere, sed verba potiùs è rebus quas exprimunt, & modo perspicuè ac significanter exprimendi, æstimare iustum sit.

Noniloquium mysticum, à sapientum usu abhorret.

VII. Non aliter locutum Christum Dominum de rebus sacris quantumuis abditis accepimus; non aliter Apostolos in epistolis, non aliter sacros Doctores in homiliis, aut scriptis libris, non aliter scholasticos in disputationibus sensa sua enunciaſſe, certum est. Quis enim Euangelistarū aut Apostorū, vel Patrū aut scho-
lasticorum, impeccabilitatem qua beati potentur in

cælo, expressit nomine regressus libertatis nostræ in
diuinâ? Quis transubstantiationem spiritualem ac my-
sticam appellauit quæ dici perspicuè poterat, charitas
incensissima? Sed *homines*, vt cum Gellio loquar l. 6. c.
15. *in doctrinis quasi in præstigijs mirifici, communiumque*
vocum respuentes nimis & fastidientes, qui non habent
vnde dignitatē ac pretium concilient rebus sacris quas
pertractant, vsurpant sesquipedalia hæc verba quæ di-
xi, & ampullosas loquendi formulas adhibent; consilio
non ab simili ei Chymicorum industriæ, qua *Mercurij*
Saturnique sexiones, Solis ac Lune per pistillum contusiones,
pro certa argenti, auri, plumbi, & huiusmodi metallo-
rum applicatione vsurpant, grandiore vocum sono, ea-
dem sententia, quæ simpliciter enunciata minus ma-
gnificentia habere videretur, & simplicem plebecu-
lam minùs percelleret. Nec dissimiliter Sepiasarii, con-
ditas melle aut sacharo cucurbitas, *gutturis Angelici ef-*
cas nominant, & *lachrymas Christi, manus Christi, san-*
guinem Draconis, aliâque huiusmodi grandia verba, vi-
libus materiis obducunt, vt eo ignotarum vocum ap-
paratu, vendibiliore videri ac esse possint. Cabalistæ
quoque, dum affectant admirationem concitare noui-
tate vocabulorum, quàm sint ridiculi, & quanta inep-
tiant, fusè prosequitur Baptista Crispus in opere cau-
tionum in Platonem, distribut. 1. l. 2. digressionem in eos
qui secretiores Theologi nuncupari affectant, nempe
nouarum præsertim vocum mysteriis. Nobis quia *an-*
tiquos sermones vim suam non perdere, vt antiqua pharma-
ca exhalato spiritu faciunt, persuasissimum est, cum Dio-
ne Prusæo orat. 13. eos retinendos, nec nouellis specio-
rioribus facile commutandos esse.

Non nego quibusdam vocibus meritò nouatis, suam esse energiam ad elidendum errorem aliquem, vt de vocibus *consubstantialis*, & *transubstantiationis*, ratum est apud Catholicos: vt propterea S. Augustinus tract. 97. in Ioan. & creditus Anselmus i. Tim. 6. obseruent Apostolum non simpliciter dixisse, *novitatem verborum* esse defugiendam Christiano, sed id restrinxisse ad profanam nouitatem, quòd aliquæ sint verborum nouationes religioni opportunæ, à quibus abhorrerè non conueniat. Latè in eam rem disserit Espencæus in Paralipom. commentar. i. ad Timoth. digress. 5. quæ est de nouis vocibus. Hoc igitur non inficior: sed dico inter *Κενοφωνίας*, & *Καινοφωνίας*, *nouiloquium* & *inani loquiū*, non exiguam esse affinitatem; quòdque Philo l. quòd Deus sit immutabilis, notauit de his vocibus, *βίαιος* & *βραχύς*, quarum altera *violentum*, altera *momentaneum ac non diuturnum* designat, vt ea vocum cognatione doceremur, nullum violentum esse diuturnum; Idem in duabus vocibus propositis locum habere, earumque cognationem posse argumento esse, quanta sit notionum subiectarum affinitas, nouitatis inquam, & inanitatis verborum.

Obscuritate sit inutile.

VIII. Sed in iis de quibus agimus ampullosis & exoticis locutionum formulis, illud insuper contingit perincommodum, quòd cum non sint in communi vsu, ingens est earum obscuritas, ita vt perpauci quid eo extraordinario modo eloquaris percipiant, tametsi vt iocatum secum Magistrum suum S. Gregorium Nazian-

Nazianzenum prodit S. Hieronymus, non desint qui videri velint intelligere, quod reuera non intelligunt, ne hebetes aut animales & mysteriorum rudes audiāt. Re ipsa autem abdita illæ voces, ferunt vt plurimum aures non contacto intellectu, quæ est manifesta peruersio sermonis & vsus in quem conceditur. Oratio, inquit Fabius lib. 1. instit. cap. 11. *cuius summa virtus est perspicuitas, quàm sit vitiosa segeat interprete?* Nec dissimiliter S. Hieronymus epist. 139. initio, huiusmodi vitium reprehendit in nonnullis interpretibus. Quare Nazianz. orat. 15 initio, egregiè dixit. *Prima sapientia est, sapientiam in sermone ac dictionum strophis, atque adulterinis & superuacaneis disputationibus sitam, aspernari. Mihi autem vtinam potius quinque verba cum prudentia eloqui contingat, quàm sexcenta in lingua, & voce tubæ obscura, militem meum ad spirituale bellum haudquaquam excitante. Hanc ego sapientiam laudo, hanc complector, per quam ignobiles gloriam consecuti sunt, & ob quam ij qui nullo in pretio erant, ceteris prelati sunt, & cum qua piscaiores, vniuersum orbem Euangelij vinculis tanquam retibus implicuerunt, ac per consummatum & abbreviatum verbum, sapientiam eam qua destruitur, superarunt. Verissimè ac optimè. Neque enim Apostoli, quod iam supra attingere memini, per gryphes & ænigmata locutionum, mysteria fidei obscurare, eoque veluti velo obducto augustiora reddere solliciti fuerunt: sed nudè ac cum maxima simplicitate res diuinas elocuti, mundanam sapientiam, Pythagoræorum præsertim ac Platoniorum, & Ægyptiorum, quæ affectata locutionum implexitate offundebatur, ex orbe depulerunt.*

Perspicuè verò in prioribus verbis Theologus allu-
 sit ad locum Apostoli. i. Cor. 14. quo reprehenduntur
 qui peregrino idiomate ex linguarum dono vtentes
 ad populum, frustra in aërem verba fundebant. Habet
 autem æquè hîc locum, Apostoli disputatio aduersus
 eam inanitatem linguis loquendi quas nemo intelli-
 geret: Et æquè his mysticarum vocum artificibus, in-
 gerat quis illud quod in eûm Apostoli locum scribit
 Hilarius Diaconus apud Ambrosium. *Vt quid loqua-
 tur, quem nemo intelligit? Aut quod apud Gellium Pha-
 uorinus l. i. c. 10. inauditarum vocum affectatori pru-
 denter obiecit. Nonne homo inepte, vt quod vis abun-
 de consequaris taceres? Sic enim nemo te intelligeret,
 æquè ac nunc talia verba vsurpantem. Hoc vbili-
 bet quidem, sed maximè tamen in sacro tractato-
 re est reprehendendum vt benè expendit Hilarius:
 qui mox item subdit, non decere Christi cœtum,
 velamina huiusmodi verborum, eo quòd religio
 nostra simplicitate gaudeat, & omnia sua aperta ac nu-
 da exhiberi velit, non sicut apud Pagânos, quibus velantur
 oculi ne quæ sacra vocant perspicientes, variis se vanitatibus
 cernant illudi. Omnis enim impostura tenebras petit (tene-
 bræ quoque & obductio per voces,) & falsa pro veris
 ostendit. Ideò apud nos nihil abditè, nihil sub velamine: sed
 simpliciter laudatur Deus.*

*Est nouum genus polices, & scenica spiritualitas,
 Nazianzeno.*

IX. Dubitare liceat, an huiusmodi implexarum lo-

cutionum quasi praeſtigias notauerit idem Nazianze-
 nus, verbis illis orationis 21. num. 11. Fuit quondam tem-
 pus cum res noſtra florerent ac praeclarè ſe haberent; cum ni-
 mirum ſuperflua hæc, & verborum lepore atque arte ſuca-
 ta tractandæ Theologiæ ratio, ad diuinas cauſas ne aditum
 quidem habebat: verum idem erat calculis ludere inuerſionis
 celeritate oculorum obtutum fallentibus, aut omnigenis &
 laſciuiſ corporis flexibus ſpectatores ludificari, quod noui
 quippiam ac curioſi de Deo vel dicere, vel audire: ſimplex
 contra ingenuâque oratio atque doctrina, pietas exiſtimaba-
 tur. Hæc video facilè poſſe aliò auerti, & dubitari poſſe
 an ad lenocinia tantum & picturas orationis referan-
 tur à Theologo, an hanc quoque de qua agimus, gran-
 dium vocum exoticarum & à paucis perceptibilium
 affectatam uſurpationem comprehendant. Cur hoc
 ſecundum veriſimilius ducam, facit egregius apud
 eundem locus orat. 27. num. 3. ubi de Catholicis qui-
 buſdam diuinarum rerum tractatoribus agens, qui
 captare ſimplicium animos nouorum ſuocorum,
 & ſpirituales audire ſtudebant, (qui fines ferè ſunt no-
 uiloquij quod exagitamur,) ita ſcribit: Non facetus
 quiſpiam ac iucundus ſum, atque ita comparatus vt homi-
 num beneuolentiam blanditijs & aſſentatione ſurripere
 queam; quales multos eorum video, qui hoc tempore ſacerdo-
 tii munus proſitentur; qui fidei noſtræ pietatem quæ priùs
 ſimplex & artis expers erat, artiſcioſam reddiderunt, ac no-
 uum quoddam politices genus à foro ad ſancta translata, &
 à theatris ad ſacrarium vulgi oraculis minimè inſpectan-
 dum: ita vt ſi audacter hoc dicere oporteat, duæ iam ſcena
 ſint, inter quas hoc duntaxat interſit, quòd illa omnibus pa-

teat, hac quibusdam; illa rideatur, hac in honore sit, illa thea-
 erica, hac spiritualis nominetur. Vix possit in rem no-
 stram aptius quicquam veriusve proferri.

Imò sementis hæreseon ex eodem.

X. Quod verò priore loco quem produximus ex
 Nazianzeno, affirmatur, excisa locutionum simplici-
 tate, & inducta peregrinitate orationis, aditum hære-
 sibus patefactum; hinc Arrium, hinc Macedonium,
 hinc errores quoscunque orfos impietatis telam texe-
 re, à Clemente Alexandrino dictum est multo ante
 Gregorium. Nam lib. 7. Stromat. Clemens collaudatis
*perfectis, ut vocat, gnomonibus veritatis, qui per commu-
 nes notiones exprimunt id quod est melius, contrarium hæ-
 reticorum vsum grauitè sugillat. Sed explicatissimè
 Gerſo, epistola priore ad Bartholomæum Carthusia-
 num de dictis Rulbrochij, hinc ferè fieri sementem er-
 rorum animaduertit. Ideo que grauissimè admonet, ca-
 uendum ne præsumamus Theologicas materias nouis ver-
 bis & pro sua æstimatione affectioneque repertis pertra-
 ctare. Nobis enim ad certam regulam loqui fas est, inquit
 Augustinus, alioqui secus agentes, facilem sibi ad præci-
 pitium viam sternunt.*

Non est quod longè petenda huius rei exempla exi-
 stimemus. In phrasibus sæpè superius ex autore prola-
 tis, licebit reperire quod querimus. v. g. ex eo quod to-
 ries autor ingeminat, *animam transire in Deum, & effici
 ipsummet Deum,* (quod clarè & simpliciter diceretur
 animam perfectè quantum per affectum fieri potest,

coniungi Deo,) scribit Gerſo epiftola 2. de dictis Ruſbrochij, *ferè in fine*, accidiffe ſuo tempore; vt mulier quam vidiffe ſe & allocutum eſſe ſcribit; mulier inquam quæ à nonnullis prophetiæ & miraculorum dono clara ferebatur, & maximè contemplationis gratia præfulgere credebatur, in eam deuenerit inſaniam, vt diceret ac ſcriptis commiſſum vellet, animam ſuam in ſuccenſiſſimæ contemplationis fornace, verè tranſiſſe in Deum, & annihilatione ſui eſſe creati abolitam, ipſummet Deum effectam eſſe. Hanc illi plusquàm inſaniam, ſiue libri cuiuſpiam quo tranſitus animæ in Deum per contemplationem & amorem abſque alia explicatione tradebatur, ſiue alicuius malè feriat ſpiritus Magiſtri è numero contemplantium mirabiliorum de quibus agimus, inſtillarat. Addit Gerſo ibidem, & tract. 3. *ſuper Magnificat*; Almaricum, ex eo quòd qui adhæret Deo vnus cum eo ſpiritus eſſe dicatur, intuliſſe mentē contemplatiui vel beati, perdere ſuū eſſe in proprio genere, & redire in illud eſſe ideale quod habuit in mente diuinā. Qua potiffimū ex cauſa Innoc. 3. cap. *damnamus*, de ſumma Trinit. & fide Cathol. doctrinam Almarici reprobendam eſſe dixit, *non tam vt hereticam quàm vt inſanam*. Quod verò ob hunc errorem, Almaricum ſyllabo hæreticorum ab Auguſtino inſertum ait Gerſo tract. de myſt. Theol. ſpecul. conſider. 41. pinguior anachroniſmus eſt, quàm vt de eo monere oporteat. Præterea in eadem ſecunda Epiftola Gerſo, damnatum fuiſſe Pariſiis memorat Auguſtinianum quendam, qui locis illis ſcripturæ nixus, quibus tranſitus in Deum, & in vnum cum eo ſpiritus

per charitatem factus, celebratur, verum ac realem transitum hominis in Deum commentus est. Tandem Beguardi & Beguinæ, vt est apud eundem Gersonem in proëmio, tractatus de distinctione verarum visionum à falsis, ex transitu animæ in esse quale habuit ab æterno in esse ideali diuino, quem aiebant esse *spiritum libertatis*, infanda prorsus & æternum premenda excogitarunt.

XI. Quid si verò similiter rudior quispiam, audita quam aduersarius toties iterat, supergressione proprii ordinis, & abiectiōe particularis sui ac limitati esse per beatos; transformatione item nostri in Deum, & transitu in ipsum, tanta identitate, vt iam non sint sed idem ipsum, talem aliquem transitum in Deum, aut metamorphosim talem libertatis nostræ in diuinam, imaginetur, aut persuadeatur, qualem extrema verborum toties ingeminatorum facies præfert? Iuuareque non parum ad cespitandum potest, quod autor post descriptum primum statum nostrum quem in Deo ante tempora secularia perhabuimus, addat, illum ipsum esse statum quem post huius vitæ scamma decursum, denuo adipiscemur in patria. Quis enim ea locutione audita, aliud cogitet, præter regressum non metaphoricum, sed realem ac physicum in essentiam diuinam? Nec refert, quòd postea autor dicat id esse ita accipiendum, vt sensus sit essentiam quæ nos eminenter ab æterno continuit, esse tandem futuram terminum nostrum. Hoc inquam non refert. Nam hæc glossa, ægerrimè verbis illis aptari potest. Imò falsitate laborat. Ex eo enim quòd

ideale & effectuum nostræ productionis principium, sit futurum quandoque præmium nostrum, non licet inferre, libertatem nostram consummatam, (vt auctor loquitur,) id est impeccabilitatem & vnionem cum Deo nobis in cœlo obuenturam, esse illud ipsum principium ex quo tanquam ex Idea & causa efficiente prodiimus. Quare ille alius sensus verborum aduersarij propositorum, vt magis obuius, & qui solus verbis aptari possit, facile occurret Lectoribus, poteritque simpliciores induere in absurdissimum errorem: quod coram cœlis offendiculum non apposuisset auctor, si simpliciter & nudè loqui, quod cœteri omnes in rebus præsertim scholasticis faciunt, maluisset.

XII. Perpendendum ergo auctori relinquo, an iuxta diuinam legem peccarit, quæ vetat defossum puteum sine operculo relinqui, aut domo construi absque peribolo, iuxta Clementis Alexandrini interpretationem lib. 5. Strom. probatam sancto Gregorio 17. Moral. cap. 13. & sancto Cyrillo lib. 7. de adorat. Ego sanè semper auscultandum existimabo, prudentissimè monenti Ferrando Diacono epistola ad Anatholium *in fine*, vbi auctor est, locutiones quæ sensum falsum & erroneum facile possunt suscipere, Christiano tractatori omnino esse fugiendas, nec esse parcendum verbis, vt res vocum implexitate & breuitate malè à Lectoribus, vel ab auditoribus percipienda, fiat perspicua, nec sit Lectori vel auditori in scandalum; eo quòd non sufficiat, tractatorem verbi Dei, vel res sacras exponentem aliis, testimonio

tantum conscientia suae esse contentum.

Dicto igitur vale superuacaneis, ut cum Anastasio Sinaita concludam lib. I. de rectis fidei dogmat. sub finem, vocibus Sanctorum utamur (id quod tutum pariter & ab omni est vacans periculo,) quae ab ipsis sunt nobis exhibita Addit ipsum Deum non uti inexplicabilibus vocibus, & inutiliter plane laboraturum Doctorem qui non communis, & receptis vocibus, sed peregrinis & insolitis res sacras exprimere consilium iniuerit. Quo fortassis etiam respexit Siracides Ecclesiastici 21. cum dixit, *scientia insensati, inenarrabilia verba*. Sed quod ipsum Deum insolitis istiusmodi & inexplicabilibus vocibus usum, negat Anastasius; in memoriam reuocat quod Apostatae obijcit Nazianzenus orat. 3. num. 86. finxisse scilicet illum quasdam Deorum voces, Moly, Xanthum, & Chalcidem, peruulgatis vocibus, quas & *pedestres* appellat, sublimiores & praestantiores: Deorum autem imitatione Iulianum*, genus quoddam locutionum sublimium, ad quas non nisi excellenti doctrina praediti aspirare possent, affectasse ac celebrasse. Ex verbis autem illis magnificis quae Theologus in exemplum profert, aperte habetur, alludi ab eo ad Luciani Lexiphanem. Nam quaedam e vocibus nouis & inauditis, quas insulsus ille hausto pharmaco euomuit, illae ipsae sunt, quae apud Nazianzenum producuntur in exemplum magnifici sed ridiculi nouiloquij. Digna plane est, scurræ non raro inter iocandum vera proloquentis, dissertatio aduersus hoc communiū vocum fastidiū, quæ legatur ab iis, quibus hanc insulsiatē, egregie castigatam videre libuerit.


Et ad

Et ad hanc quidem consuetæ atque receptæ sermonum moneta adulterationem, affirmat, idiotas quidem & indoctos omnes obstupuisse præ peregrinitate percussis atque attonitis illorum auribus: At qui docti sint, eorum amborum causa, & ipsius Lexiphanis, & eorum qui talia laudabant, effuseris. Apud Athenæum quoque lib. 3. Dionysius Siculus, & Alexarchus Cassandri Macedonum Regis frater, fictores nouarum & vulgo imperuiarum vocum, ad magnificentiam, vel cruditionis reconditæ ostentationem, meritissimò subsannantur. Prudentissimè ergo monuit Varro lib. 1. de analog. referente Gellio lib. 1. cap. 10. *Habe semper in memoria atque in pectore, ut tanquam scopulum, sic fugias inauditum atque insolens verbum.*





P A R S . I I .
 D E
 CONSECTARIIS,
 QVIBVS ILLVSTRANDIS,
 STABILIENDISVE, NOVA
 de libertate sententia excogitata est.

I.  *ON* in vacuum cucur-
 risse se tota disquisitione
 de libertatis natura in-
 de ostendit aduersarius,
 quod implexissimi qui-
 que rei Theologica nodi,
 beneficio noua sententia
 expediantur nullo negotio. Estque hac apud
 eum indirecta noua doctrina probatio, cui ma-
 ximè nititur. Quid enim libertatis nostra, &
 gratia efficacis ac victricis, conciliatione dif-
 ficilius, si gratia illa, quod ipsa vox sonare
 videtur, ineluctabilis est humana voluntati?
 Et tamen ea licet ineluctabilitate gratia posi-

*tā, nullo modo temeratur humana libertas iuxta nouam de libertate sententiam, quod re-
 tenta notione antiqua libertatis, visum non
 nemini est desperandum. Quid obscurius diui-
 na nobiscum cooperatione, saluis item liber-
 tatis nostrae iuribus, praesertim si de cooperatio-
 ne ad actus moraliter malos sit sermo? Hac
 tanta obscuritas, noua de libertate sententia
 quasi recens exorto iubare, potenter dispellitur.
 Diuina autem sanctitatis à quibusuis nostris
 sordibus plena nitela, quamuis Deus nobis ma-
 le operantibus in ratione prima causa non de-
 sit, dilucida est iuxta nouam sententiam; ob-
 scurissima iuxta antiquam, quod tam varij
 modi eam caliginem discutiendi à varijs au-
 toribus excogitati, aperte produnt. Iam in
 Christi libertate fœderanda cum eius impec-
 cantia, nemo nescit fixam fuisse omnibus re-
 tro Doctōribus crucem. Neque enim satis
 hactenus liquere cuiquam potuit, quomodo
 humana Christi voluntas qua firmitate plus-
 quam adamantina obdurabatur in bono, pos-
 set à Patris praescripto v. g. de obeunda mor-
 te deflectere, quod tamen ad liberam & meri-
 to fœtam mortis perpeffionem, iuxta priscam
 libertatis notionem, est necessarium: At non
 iuxta nouam, qua proinde aliter, & quidem*


facillimè, vniuersa illa difficultatum mole se liberat. De diuina verò libertatis inextricabili implexitate iuxta antiquam libertatis notionem, nihil attinet dicere; sufficienter enim tacta est proloqu. 1. Et eum quoque nodum aliis plusquam Herculatum, facillimè ac promptissimè expedire licet, adhibito noua sententia subsidio. Denique ut absolutissimam Dei erga electos prouidentiam retinere possent, & cum textura diuina predestinationis & eternis praeinitionibus firmissimis conciliare, adacti sunt libertatis antiqua propugnatores, ad asylum scientia media confugere. Eo autem intuito planè perfugio, (quòd illius scientiae usus ad prouidentiam plenam Deo indignus sit,) minimè indigent, qui libertatis notionem nouam vetere explosa agnoscunt legitimam. Quae cum sint inter capitales Theologia vniuersa difficultates, omnino praecipua, esset quod in are aduersarij omnes se nostra huius ac consecutura cuiusuis aetatis Theologi agnoscerent, si per nouam eius de libertate doctrinam plagis illis ingeniorum ad hanc diem insanabilibus, mederi liceret.

I I. Sed quòd nouam illam de libertate doctrinam, nulla fulciri veritate haëtenus sit demonstratū, videbimur supernuacaneo labore fa-

tigari, monstrantes sigillatim, nihilo expeditio-
 rem esse Theologicorum illorum capitum eno-
 dationem, post illatam orbi nouam sententiam.
 Nam obstrueto fonte, exarescere riuulos neces-
 se est, & conuulso fundamento concidere vni-
 uersa quae superstructa erant, eoque niteban-
 tur. Tamen ad pleniorum veritatis illustra-
 tionem, consultius visum est in hac quoque si-
 gillatim descendere: ea tamen adhibita tempe-
 ratione, ut non de singulis illis capitibus ius-
 tam tractationem instituam, quod foret im-
 mensa opera, & a scopo nunc nostro aliena;
 sed ea duntaxat attingam, quae necessaria vi-
 debuntur, ut appareat quacunque aduersarius
 retenta veteri libertatis notione censuit vix ex-
 pedibilia, esse reuera saluis antiquis notionibus,
 alio modo vel facilia soluta, vel non ita intri-
 cata, quin aequus Lector acquiescere debeat, &
 sibi satisfactum putare. Quanquam ut intri-
 catissima essent ac implexissima quae ad prae-
 dicta Theologica capita pertinent, nec possent sa-
 tis perspicue iuxta antiquam de libertate do-
 ctrinam expediri, perperam tamen noua cude-
 rentur notiones. Nam ut nos quoque Augusti-
 ni verba usurpemus, Non ideo negandum est
 quod apertum est, quia comprehendere non po-
 test quod occultum est.

CAPVT PRIMVM.

*Formam pradeterminantem, nullo modo per nouam de
libertate doctrinam, cum humana libertate fœderari:
Iuxta priscam verò libertatis notionem perbellè
voluntati libera cum quibusuis motioni-
bus naturalibus quas diffiteri
non liceat, conuenire.*

I.  IDERI voluit autor lib. i. cap. 18. nu. 1. de motionibus gratiæ & auxiliorum homini per Christum diuinitus sup-
peditatorum prorsus silere, reiiciens
eam tractationem ad opus de diuina gratia. Fortassis
ne Pontificiis mandatis quibus silentium de huiusmo-
di disputationibus indicitur, refragatus videretur. Ta-
men mox, vel sui immemor, vel propositi tenax, de
vocationis efficacis ineluctabilitate, eiusque concor-
dia cum libertate, iuxta nouam libertatis notionem
apertissimam inconciliabili verò earundem dissidio iux-
ta priscam libertatis notionem, tam plenè, tamque ex
instituto disputat, quàm qui maximè.

Nostra in hac parte sobrietas.

Eius ego transalpina libertate frui, nec possum, nec
volo, quod ad omnes maiorum nutus fingi, & nulla
ex parte ab eorum præscripto deflectere, fixum mihi

acratum sit. Si tamen præstare tantum vellem, quod iure naturali cuique conceditur, & idcirco à sanctissimis maiorum iussis abhorreere non posse certum est; imò quod omni iure ac lege permitti, traditur cap. *significasti* de homicid. & cap. *si verò*. i. de sententia excommunic. repellere scilicet vim ab autore illatam communi doctrinæ hætenus receptæ, eamque munire, & quantum iustæ defensionis fines ferunt tegere, & indemnem præstare; si inquam hoc duntaxat vellem; necessario labore perfunctus potiùs, quàm in maiorum scita quoquomodo iniurius videri deberem. Et ita planè faciendum foret, si causæ quam ago plenè consultum ac rectè prospectum vellem, ne prætextu illo quod aliter nequeat nodus de efficacia gratiæ & humanæ voluntatis libertate expediri, serpat noua de libertate sententia, vnâque explorati errores quos ad eam consequi demonstratum est, inualecant.

II. Ne tamen vel latum vnguem à signato tramite exerrem, ac ne in ea vllatenus excurram, quorum discussione molitus tractationem auxiliorum gratiæ, & scrutatus eorum efficacitatem videri possem; ut denique vel à specie commissæ tantillum eius obedientiæ quæ Christi vicario perfectissimæ debetur, purum me ac nitentem præstem, abstinerebo quacunque discussione consensionis gratiæ ineluctabilis cum voluntate libera, tamen si in eam discussionem aduersarius penitissimè descendit; sed malens de causæ æquitate quàm de exquisita obedientia periclitari, sistam in generali tractatione de forma prædeterminante ad quam in capitulis titulo me restrinxi: nec nisi ea proferam quæ perti-

tinent ad actus nostros, naturales & purè morales: Nā
 ad hos quoque, motio aliqua cum ex parte intellectus,
 tum ex parte voluntatis exigitur. Eam ergo motio-
 nem, ostendam non prædeterminare voluntatem li-
 beram ad actum cui præcurrit, vt aduersarius etiam
 quoad hos actus malè contendit. Idque monstrabo
 ea proferens quæ à gratiæ motionibus planè abstra-
 hant: & quæ æquè vrgere possem aduersus fatarium
 quempiam, aut Genethliacum, ex eorū numero quos
 Eusebius 6. de præpar. insectatur ob euersam per ge-
 neses prædeterminantes libertatem. Horum quippe
 exagitatione non interdici, certum est: Versabor ita-
 que in puncto quod istis æquè ac auctori commune
 est, & hoc ipsum ita ieiunè agitabo, recisis innumeris
 quæ proferri circa prædeterminationes possent, ijsque
 duntaxat tactis quæ ad næuum aliquem auctoris dete-
 gendum necessaria planè fuerint, vt non dubitem con-
 stitutum cuius, me in hanc arenam iusta potiùs neces-
 sitate ad actum descendisse, quàm sponte mea & desti-
 nato consilio.

III. Ad hanc saltem sobrietatem disputationis adi-
 gi me video, tum ne simplicibus imponatur deiectam
 esse ab aduersario potentiam vtrolibet flexilem, co-
 opere quod impune teritur omnium manibus: tum vt
 eadem opera, & de eadem fidelia, duos parietes deal-
 bem: hoc est, vt plerisque improuidis aures obstruam,
 aduersus coaxationes ranæ quæ nunc in Batauicis pa-
 ludibus strepit, aduersus Cardinalem Bellarminum, &
 vniuersos Societatis nostræ scriptores. Is est Gulielmus
 Amesius in eo opere quod inscripsit *Bellarminus ener-*
uatus,

NOVA SENT. PRÆDET. ET LIBERT. NON FœDER. 319
natus, cuius lectione vtinam tam facilè in his regionibus omnes abstinere, quàm est virulentus liber, & dignissimus autore Anglo, Puritano, Batauicæ Matheologiæ apud Franckeranos professore. Eo opere Societatis Patres Molina, Becanus, Suares, alij, sed maximè Cardin. Bellarminus, Pelagianismi apertissimi insimulantur, omnesque ad vnum Iesuitæ pro idolo habere liberum arbitrium, diuinæ verò gratiæ hostes infesti dicuntur; tantùm quia prædeterminationes humanæ voluntatis inficiantur. Est porrò Amesij disputatio, cum alibi tum nominatim tom. 4. lib. 4. cap. 2. thesi. 1. autoris disputationi tam germana, vt nescias quoad vniuersa prædeterminationis fundamenta, & tela quibus eorum inficiatores impetuntur, vter alterum exscripserit. Nec dubium quin Amesij editio post alias subinde auctas proximè proditura, autorem quoque, inter prædeterminationum suffragatores, Rispolim, Aluarem, & alios quos singulis paginis profert, exhibitura sit; Tam bellè in omnibus ac per omnia in hoc negotio, autori cū Amesio conuenit.

Subuereor fore, præsertim trans Alpes & Pyrenæos, vbi huiusmodi librorum copia non est, (& vtinam nuspiam esset!) qui vix persuadeantur, sententiam inquam autor arietauit, eodem planè modo & iisdem argumentis impetiri à Calvinianis, quo ab autore est impetita. Quare ne dicti mei fides vacillet, & vt iis quorū interest, occasionem præbeam considerandi quod plerique non aduertunt, adscribo vnicum, nec admodum prolixū Calvinistæ Amesij locum ex c. 2. citato, vbi de cōmuni combibonū sententia, post relatam cōpendio

sententiam Bellarmini ex lib. 4 de grat. & lib arbit. c. 5. eam impugnat. Titulus capitis est, de concordia prouidentiae vel cooperationis diuinæ cum libero arbitrio. Thesis. 1. ex verbis Bellarmini ita habet. *Vna ratio satis accommodata ad istam concordiam explicandam, est Scoti & Gabrielis, concursus Dei nihil imprimere aut operari in voluntatem nostram, sed immediate influere in effectum. Simile est cum duo ferunt ingentem lapidem, quem vnus ferre non posset. Simul operantur Deus & voluntas in eodem prorsus momento temporis. Deus tamen operatur quia voluntas operatur, non contrà quia ad hoc se liberè obligauit quando liberam voluntatem creauit. Haftenus ex Bellarmino, Theologaster Calvinista: qui suo, & totius pupilli gregis opilionum nomine, subdit hanc confutationem. Protest. Haec ratio falsò dicitur accommodata. Nam. 1. subtrahit dominio, prouidentia, & gubernationi Dei efficaci, operationes omnes voluntatis humanae, vel voluntatē quoad suam operationem. 2. Subordinationem primam, & secundarum causarum in suis operationibus, tollit. 3. Hominem non subditū sed sociū Dei facit. 4. Gubernationem aut directionem actionum humanarum, & quae ex iis consequuntur, primò & primariò ex hominis arbitrio suspendit. 5. Deum fingit ex hominis nutu pendentem, etiam in ijs quae precipuam rationem habent in totius mundi procuratore. 6. Inuertit ac subuertit pietatem illam quam Deus nos docuit, si Dominus voluerit, faciam hoc aut illud, Iacobi 4. & Deum docet quid ille quasi in ordinem redactus dicere debeat, si homo voluerit facere hoc aut illud. 7. Aduersatur vt Aluares disp. 18. ostendit non tantū Aristoteli, Augustino, Thomae, & Thomistis,*

NOVA SENT. PRÆDET. ET LIBERT. NON FÖDER. 321
*sed ipsi Catechismo Tridentino Romano in quo ad primum
artic symb. num. 22. hac verba habentur. Deus providentia
sua, quæ mouentur & agunt aliquid, intima virtute ad mo-
tum atque actionem impellit. Haetenus Calvinista, cuius
prima ratio centies ab autore vsurpatur. Vide nomi-
natim lib. 1. cap. 23. num. 1. & quod attinet ad volunta-
tem Deo subtractam quoad suam operationem, vide
lib. 1. ca. 19. num. 5. & cap. 18. num. 2. Secunda item Cal-
uinistæ ratio, est aduersarij murus aheneus. Vide lib. 1.
cap. 17. & seqq. Tertia ratio est illa ipsa qua hominem
statui à nobis collateralem Deo, queritur autor lib. 1.
cap. 14. num. 3. Ratio quarta & quinta, frequenter om-
nino, & magno cum sensu adhibentur ab autore, no-
minatim lib. 1. cap. 23. num. 9. & cap. 18. num. 7. & seqq.
vbi etiam vrgetur ratio sexta, nempe quòd Deus de-
beat agnoscere se ab hominis voluntate pendere. Tã-
dem postrema probatio ex autoritate D. Augustini &
D. Thomæ ac Thomistarum expressa habetur apud au-
torem lib. 1. cap. 17. & 18. ac seqq. Videt Lector, an iniu-
ria dixerim, perbellè autori cum Amesio in fundamen-
tis & probationibus prædeterminationum conuenire.
Vt ergo & Calviniano huic Sycophantæ, & autori, re-
moram aliquam iniiciam, intacta gratia efficaci, discu-
tiam quod proposui, in quo æquè ab autore & à Cal-
uinista Theologastro dissideo.*

*Summella doctrinæ autoris, de prædeter-
minationibus.*

I V. Prædeterminationem autor duplicem statuit
Sf ij

lib. 1. cap. 22. num. 1. & 13. & cap. 27. num. 2. vnā nimirum potentia, alteram actus. Priorem ait esse intrinsecam impeccabilitatem ex vi & natura status, quæ potentia eximitur ab omni indifferentia ad malum; cuiusmodi est prædeterminatio beatorum, & Christi Domini, atque Deiparæ; non item Adami, etiam cum adhuc in florentissimo innocentia statu, integer vitæ scelerisque purus perstaret. Posterior prædeterminatio quæ est quoad actus, supponit quidem manere vertibilitatem potentia ad vtramque contradictionis partem, quæ vertibilitas vi prioris determinationis auferatur; tamen infert actum prædeterminatum, quia facultas efficaciter ad eum trahitur, ita vt idem actus prout à Deo est, infallibiliter & immutabiliter ponatur; prout autem est à potentia creata, ponatur mutabiliter, & contingenter, & cum potentia aliter se habendi. Nam quod Deus facultati creatæ immittit, saltem per modum fluentis, vt eam quopiam trahat, non est eiusmodi vt ei obfisti non possit. Quod autor confirmat ex Tridentino sess. 6. can. 4. vbi motionem quæ ad communem fidelium sortem pertinet, definitur talem esse vt ei obfisti ab homine possit; quamuis id ad præcellentiores sanctos extendi non debere, affirmet autor, n. 4. eo quod *nemo pius cogitavit, Christum, Deiparam, & sanctos præcellentiores dissentire potuisse Deo mouenti; nec id definire de omnibus voluerit Concilium, quippe de quo non agebatur.* Communes tamen iusti possunt Deo excitanti dissentire. Quamuis non vna Deo pateat via, quæ efficiat vt indeclinabiliter, & insuperabiliter, ac inuictissime, (verba sunt D. August. l. de corrept. & grāt. c. 12.)

NOVA SENT. PRÆDET. ET LIBERT. NON FœDER. 323
agantur ad bonum, salua contingentia & mutabilitate
voluntatis. Sicut enim causæ naturales, salua contingē-
tia sua qua aliter & aliter se habere possunt, etiam dum
sic agūt, effectus suos per ordinē ad causam primā im-
mutabiliter expromūt, & ita vt aliter omnino euenire
nequeat, sic causæ morales ac libere, possūt iuuāte Deo
erumpere in opera, quæ respectu quidem ipsarum cau-
sarū contingentia sint, possintq; aliter accidere, respe-
ctu tamen Dei hoc habeant, vt impediri non possint.

Modum porrò quo Deus humanæ voluntatis muta-
bilitatem cum indeclinabili ad bonum adhensione con-
iūgit, autor omninò duplicem proponit. Prior est, per
validam persuasionem, qua hominem quantumuis in-
duratum inflectat in eam quam volet partem: non (vt
hominibus persuadentibus euenit,) explorādo quæ co-
gitationes & motiones homini pelliciendo sint accō-
modatæ; ne fortè si aliter faciat, & temerè se gerat, &
sua expectatione frustretur; sed promendo è thesauris
suis, cogitationem ac motionem flectendæ dispositio-
ni animæ quātumuis profligatæ accomodatā. Alter
modus quē autor ait esse Deo digniorē, & ei peculia-
rem, & quem solum agnoscit esse aptum ad causandā
perfectam hominis conuersionem, continetur via su-
premæ potestatis, secundū quam Deus qua Deus est,
& totus naturæ autor ac dominus, voluntatem huma-
nam intacta eius libertate ducit quò vult, vt tradit Diu.
Thom. 1. 2. q. 10. ar. 4. ad 1. & 3. post S. Aug. l. de correp.
& grat. c. 14. & lib. de grat. & lib. arbit. c. 20. & 21. In eo
apertè idem expressit Spiritus sanctus Prouerb. 21.
verbis illis, *sicut diuisiones aquarum, sic cor Regis*

in manu Dei est; quocunque voluerit, inclinabit illud. Hortulanus siquidem cuius exemplum ibi adhibetur, via potestatis, non autem persuasionis, deriuat aquam in riuulos quò expedire iudicauit. Similiter ergo Deus, quia Deus est, & omnipotens, humanam voluntatem potentia suæ veluti manu admotæ, inflectit ac circumagitur quò lubet.

V. His iactis fundamentis, autor rationem conciliandæ libertatis creatæ cum forma prædeterminante init in hunc modum. Si forma prædeterminans, potentiam prædeterminet, (quod communiter non contingit,) tollitur quidem potestas peccandi, tamen ea potestas, neque est libertas, neque pars libertatis. Germana verò libertas quæ in adhæsiōe ad Deum cernitur, tunc maximè efflorescit: tantùm abest vt periclitetur eius incolumitas. Si verò forma prædeterminans, duntaxat prædeterminet actum, tunc etiam libertas peccantium salua est, quia non obstante tali prædeterminatione, & siue Deus via persuasionis, siue via supremæ potestatis procedat, manet voluntati potentia ad abiiciendam motionem diuinam, deficiendūque à recto ordine. Atque ita autor iuxta suam nouam de libertate sententiam, nullo negotio conciliat libertatem creatam, cum prædeterminatione quacunque.

At iuxta vulgarem libertatis notionem, prior prædeterminatio quæ est potentia, non potest cum libertate coherere; quia libertatem vulgari illo modo acceptam prorsus excindit, tollendo indifferentiam actiuam ad vtrunque oppositorum. Nam eorum vnum

NOVA SENT. PRÆDET. ET LIBERT. NON FœDER. 325
poni non posset absque peccato. At peccatum non
potest locum habere posita potentia prædetermina-
tione, quæ peccabilitatis exclusionem continetur. Poste-
rior item prædeterminatio, quæ est actuum, non po-
test cum vulgata libertatis notione coherere: quia
quamvis ex parte potentia creatæ finat actum esse
impedibilem, tamen ex parte Dei, talem illum reddit,
ut pro voluntatis arbitrio poni aut excludi non possit,
sed indeclinabiliter, & insuperabiliter, inuictissimèque
ponatur: ac proinde concordia libertatis, & formæ
actum prædeterminantis, retenta vulgari libertatis ex-
plicatione, videtur desperanda.

Novi doctrinae proposita.

V I. In proposita auctoris doctrina, displicent per-
multa. Omittamus verò in præsentia, quod ait, impec-
cabilitatem etiam extra statum gloriæ, (cuiusmodi pu-
tat fuisse impeccabilitatem Deiparæ,) esse aliquid in-
trinsecum, & inhærens facultati eius qui exorbitare à
recto non potest. Apud me namque Deipara, quamvis
robustissimis motionibus per eximium privilegium
collatis, ab omni quantumlibet minuto peccato ni-
rens semper ac pura fuit, tamen peccabilitatem, quam-
diu mortale hoc corpus circumtulit, nunquam exuit.
Idque vniuersè de viatoribus confirmatis in gratia do-
cet S. Thom. quæst. 24. de verit. art. 9. & idem de Apo-
stolis iam in gratia confirmatis, hoc est post exceptum
in Pentecoste Spiritum sanctum, affirmat discretè san-
ctus Macarius hom. 27. quod moneo, ne quis ex Dei

paræ confirmatione in gratia, etiam cum mortali corpore contacta viueret, eius impeccabilitatem censeat perspicuam. Disertè autem Deiparæ in hac vita peccabilitatem, quamuis nitentissime & ipsos beatos Angelos animi puritate superantis, agnoscunt Durand. in 3. d. 3. quæst. 4. numer. 7. Palac. in 3. d. 3. disp. 4. Salazarius in cap. 31. Prouerb. à num. 132. & ex parte Ocham in 3. quæst. 2. *litera C. & D.* Quod si Deiparæ iam ex hac vita impeccabilitatem tueri placeat, cum Suare lib. 3. de prædest. cap. 10. num. 11. & Valentino Herice 1. p. disp. 24. à num. 28 non est tamen quod adigat affirmare, eam impeccabilitatem esse aliquid inhærens & intrinsecum, cum per meram subtractionem concursus ad peccandum requisiti, ac etiam per submotionem obiectorum & occasionum peccandi, seclusa quauis forma intrinseca, liceat exponere quomodo non posset Deipara prolabi in peccatum contra præcepta negatiua; ac etiam contra affirmatiua. Nam quoad hæc quoque præcepta, potest inhiberi peccatum ne à facultate antecedenter intrinsecè immutata progerminet, siue obducta intellectus luce & aduertētia, quæ ad peccandum planè exigitur; siue per solam abreptionem potentiæ ad cooperandum, excudendumque actum præceptum, nulla anteriori ad actum immissione facta in potentiam, nullaque eius sollicitatione aut vellicatione per internam formam præmissa. Qua ratione impeccabilitas, nullo intrinseco & facultati inhærente antecedenter ad actum, quale aduersarius inuehebat, continetur. Verùm hoc, ut dixi, nunc dimittamus, quia non multum refert ad præsens negotium.

VII. Illud

NOVA SENT. PRÆD. ET LIBERT. NON FœDER. 327
VII. Illud potius dispiciendum est, quàm rectè
autor duplicem diuinam prædeterminationem secer-
nat, & libertatis creat. & incolumitatem iisdem coniun-
gat. Et in primis non benè prædeterminatio actus à po-
tentia prædeterminatione seiungitur, & vna aliam fir-
mitate ac veluti tenacitate superare dicitur. Nam reue-
ra siue potètiā prædeterminari dicamus, siue actum,
idem est vinculum respectuum & potentia & actus.
Potentia enim dicitur prædeterminari per ordinem ad
actum, qui non potest ab ea non prodire, vel certè ab
ea non potest exeri. Actus autem dicitur prædetermi-
nari per ordinem ad potentiam, à qua ita eliciendus
est, vt omitti non possit. Ergo duæ illæ prædetermina-
tiones ita connexæ sunt, vt seiungi nequeant. Hoc vt
liquidius perspiciatur, quæramus quid sit prædetermi-
nari, siue actum seorsum, siue potentiam seorsum.
Quamcunque efformemus prædeterminationis no-
tionem, planè apparebit, duo illa per prædeterminatio-
nem ita illigari, vt neutrum dissociari ab altero queat,
sed necessariò in conceptu prædeterminationis cuius-
cunque, & actus & potentia inuicem nexa inuoluan-
tur. Quorsum ergo aduersarius, duas nobis prædeter-
minationes, & quidem firmitate ac eluctabilitate dis-
pares, obtrudit? Propriè quidem loquendo, prædeter-
minatio est solius potètiæ, sed per ordinē ad actū: quia
sicut sola potentia determinatur ad operationē, quip-
pe quæ sola transit ab indeterminatione ad determi-
nationē, ita sola dicenda est prædeterminari. Si tamen
actū quoque prædeterminari dicere placeat, impossi-
bile est id cōcipere, nisi spectando potentiam, quæ talē

actum profutura est vi determinationis non ab ipsa sibi voluntate iniectæ, sed illatæ aliunde.

Neque verò satis consequenter eam actus prædeterminationem exponit autor, concedens illa posita superesse potentia facultatem ad actum non ponendum. Hoc consequenter loquendo dici nequit. Impossibile enim est actum prædeterminatum non poni, quia eo ipso quòd actus dicitur prædeterminatus, potentia quoque respectu eius est prædeterminata. Atqui impossibile est potentiam prædeterminatam non erumpere in actum, quia determinatio, atque adeò etiam prædeterminatio, est constitutio potentia extra indifferentiam ad agendum; qua indifferentia sublata, perspicuè ponitur actio. Ergo impossibile est cum prædeterminatione cohærere facultatem potentia ad non ponendum actum. Deinde autor diuinam prædeterminationem statuit esse fundamentum primum certæ & infallibilis prænotionis qua Deus præuidet futura libera; quod stare non posset, si actus prædeterminatio non excluderet à potentia facultatem non ponendi talem actum. Tandem si humana voluntas cuius solus actus sit prædeterminatus, potest actum illum suum non elicere, ergo potest cassam reddere voluntatem Dei efficacem, per quam actus seorsim à potentia prædeterminatus est. At diuinam voluntatem prædeterminantem, atque adeò efficacem & absolutam, irritam cadere est impossibile. Vt igitur autor consequenter loquatur, necesse est vt cum omnibus aliis qui prædeterminationes actuum inuehunt, fateatur, prædeterminato actu potentiam non posse aliò flecti,

*Per eam, libertas non conciliatur cum
prædeterminatione potentia.*

VIII. Satis de nœvis quibus autor suam illam diuinæ prædeterminationis partitionem commaculauit. Nunc videndum sequitur, quàm malè libertatem humanæ voluntatis, cum sua illa duplici prædeterminatione retineri censeat, iuxta suam libertatis notionem.

Et potentiæ quidem prædeterminationem, fatetur tollere libertatem peccantium, qua tamen excusa arbitratur libertatem manere incolumem, eo quòd vera libertas sita sit in amplitudine ex adhæfione cum Deo, libertas autem peccantium non sit verè libertas, sed defectus libertatis. At nos quia eam libertatem peccantium agnoscimus esse physicè veram libertatem, planè arbitramur, sublata ea libertate peccantium tolli libertatem. Et verò liquet sublata ea libertate quæ est libertas peccantium, siue quæ peccatum potest parere, tolli quoque eam libertatem qua homo potest si lubeat diuinæ vocationi obtemperare, eamve abiicere. Nam abiicere diuinam vocationem cum posses ac deberes sequi, peccatum est. At certum est, homini libertatem posse diuinam vocationem abiicere, etiam cum eam de facto sequitur. Idque autor agnoscit definiri in Tridentino sess. 6. can. 4. Fatendum ergo est, libertatem peccantium non excludi ab iis qui incolumi libertate prædeterminantur. Quod si ea peccantium libertas, di-

catur excludi ab iis quorum potentia prædeterminatur; dicendum consequenter est, eam prædeterminationem excludere libertatem. Et ita planè res habet, cum libertas non amplitudine ex adhæensione cum Deo ut autor fingit, sed potestate vtrumlibet operandi contineatur, eaque potestas, posita facultatis prædeterminatione apertè ruat.

Circa hanc prædeterminationem, non videtur omittenda insignis temeritas qua autor circa citatum Tridentini canonem usus est, cum mentionem eius fecisset inter stabiliendam hanc primam prædeterminationem. Ait ergo autor, illum canonem non esse ad sanctos eximios extendendum, sed de sola communi ac veluti plebeia vocatione accipi oportere; præcellentes verò sanctos, Deo vocanti obsistere non potuisse. Possem hoc eius dictum non vna securi concidere, prolatis S. Pauli, & aliorum profectò præcellentissimorum sanctorum exemplis, quos gravissimi Patres tradunt diuinæ vocationi obsistere potuisse si voluissent. Sed de ipsa re non disputo. Tantùm dico, aduersarium non posse à temeritate excusari, qui generalem Concilij doctrinam sine fundamento limitat, & cum Cóncilium absolute dicat diuinæ vocationi obsisti à iusto posse, ipse id non de quouis iusto, sed de vulgo duntaxat iustorum, deque communi vocatione, non de eximia accipi tradit. Prodit eam quam dico temeritatem, quod in 2. p. Actorum Concilij Tridentini sub Paulo III. anno 1546. folio 134. refertur, quendam ex Theologis proposuisse, expedire videri, ut generalibus verbis prædicti Canonis quibus damnantur qui ne-

NOVA SENT. PRÆDET. ET LIBERT. NON FœDER. 331
gant hominem posse vocationi dissentire si velit, ad-
deretur limitatio quæ ea verba restringeret ad com-
munem vocationem. Additurque ibidem, renuisse Pa-
tres arctare generalem canonis doctrinam appositio-
ne illarum vocum *communi vocationi* Quod ergo Con-
cilium facere noluit, hoc aduersarius arrogata sibi su-
pra Concilium autoritate intrepidè præstitit, nec sine
sale aut aceto, in eos qui à tali canonis limitatione ab-
horruerunt; cum addat, neminem pium aliter cogita-
turum. De Christo sanè qui supra legem omnem est,
nihil eo loco pronunciauit Concilium, cui de puris
duntaxat creaturis, deque filiis Dei adoptiuis sermo
erat, vt liquet ex innumeris sextæ illius sessionis parti-
culis. At quoad alios quosuis sanctos, valet vniuersali-
ter doctrina Concilij, nec limitari ab vilo priuata auto-
ritate potest, absque temeritatis labe.

Nec cum prædeterminatione actus.

IX. Iam prædeterminatio posterior, quam autor
prædeterminationem actus vocabat, nullo modo co-
hæret cū libertate, quicquid aduersarius obtendat. In-
extricabiliter enim implexū est, quod autor ad tuendā
actus sic prædeterminati libertatem vulgarem, affir-
mat. Nempe actū illum sic prædeterminatum, & posse
non poni per comparationē ad potentiam creatam se-
cundū se sumptā, & non posse non poni propter fir-
mitatē & immutabilitatē diuinæ prædeterminationis.
Hoc, me quidē iudice, supra quosuis nodos implexum
est. Nam si cātum affirmaret autor, semouendo diuinā

prædeterminationem, aut (vt passim loquebantur alijs nonnulli, nunc enim friget ea distinctio) in sensu diuiso prædeterminationis, actum ita à potentia proditum vt posset non prodire, rectè id haberet. Et quamuis inde libertas actus non iuuaretur, quia semotio prædeterminationis non esset in hominis potestate, tamen simpliciter loquendo, verum esset quod diceretur: quia sensus esset, actum re ipsa quidem non esse impedibilem, & talem qui possit non poni; fore tamen re ipsa talem, si diuina manus ad eum ponendum prædeterminans semoueretur. At aduersarius in hoc sensu non loquitur, sed vt liquebit consideranti exemplum causarum naturalium quod adhibet num. 6. planè affirmat, supposita diuina prædeterminatione, vi cuius, actus non potest non poni, posse nihilominus actum simpliciter & absolute non poni, per ordinem ad potentiam creatam. Quæ est ipsissima Amesij Calvinistæ doctrina tom. 4. Bellarmini enervati lib. 4. cap. 1. thesi 2. seu potius communis euasio Calvinistarum, vt libertatem quoquomodo retinere videantur, quod supra alia occasione notare memini, & disertissime tradit Hæreticus Nicetæ Choniatis Scholiastes ad lib. 3. thesauri cap. 27. Iam olim quoque, Gerso in calce proëmij tractatus de distinctione verarum reuelationum à falsis, inter alias quorundam Theologorum propositiones, quas vocat *minùs sobrias*, numerat istam, quod actiones liberæ nobis, per ordinem ad primam causam, sint necessariae.

X. Esse autem hanc, manifestam implicationem in adiecto, constabit, si ea huc transferamus, quæ recen-

NOVA SENT. PRÆD. ET LIBERT. NON FœDER. 333
tiores passim disputant contra planè similem vel potius eandem implicationem qua se irretiuit Caietanus 1. p. q. 22. art. 4. cum dixit, diuinam prouidentiam de nostris actibus, nec inuitabilem nec euitabilem esse dicendam. Non enim inuitabilem; cum actio nostra diuinitus prouisa, possit per nos non poni. Sed neque euitabilem, cum nō possit actio aliter se habere, quàm fuerit diuinitus prouisum, ne diuina prouisio cassa euadat Quia verò ea actus prouisi inuitabilitas, cum eiusdem contingentia & libertate non cohæret, idque Caietanus satis perspiciebat, eò deuenit vt diceret, talem actum, respectu quidem humanæ voluntatis contingenter & vertibiliter operantis euitabilem esse, respectu verò diuinæ voluntatis efficacia, ei que subiuncta diuinæ potentia hominem ad operandum adigentis, inuitabilem esse: Ita vt vtrumque hoc prædicatum, *inuitabilis & euitabilis*, non secundum aliquas conditiones, sed absolutè ac re ipsa in eundem actum cadant. Hoc autem Caietanus qua erat perspicacia, animaduertens non plus intelligi posse, quàm si idem simul & semel dicatur esse & non esse, per ordinem ad diuersas causas; perfugium quæ fuit in humanæ ignorantia latebris, dicens rem esse humano ingenio inexplicabilem, suadensque vt intellectus in hoc quiescat, non euidencia veritatis inspecta, sed altitudine inaccessibili veritatis occulta; tantum non ingenuè profitens, in eos se laqueos incidisse, vnde se extricare non posset. Idque omnes qui Caietanum consecuti sunt, aduersus eum notarunt. At aduersarius eodem planè modo philosophatur de actu potentie liberę diuinitus prædeterminatę.

Eum enim actum, quia est à potentia contingentet operante, ait esse contingentem & posse non esse, quod Caietanus dicebat, *esse euitabilem*: Quia verò est etiam à Deo, & exercendus est vi diuinæ prædeterminationis, quam irritam cadere impossibile est, ait auctor, cum actum eiusmodi esse, vt non possit non poni, & esse immutabilem, quod Caietanus dicebat, *esse ineuitabilem*.

XI. Memorat ex alio quodam qui Caietanum antecessit, eam ipsam distinctionem Thomas Valdensis lib. 1. doctrin. cap. 28. num. 1. & 3 referens necessitatem inde sequentem, vocatam ab eo esse *respectiuam*, eo quòd respiciat causam primam, indèque enascatur. Refellit autem eum ibid. & numero 7. ex eo quòd actus, tametsi non nisi per respectum ad Deum necessarius, est tamen necessarius; & quidem necessitate que non sequitur, sed præcedit hominis voluntatem. Cum hoc argumento, ait Valdensis, luctatum esse autorem illum, sicut Iacobum cum Angelo, donec marceret nervus eius in femore, & sua ipsius responsione succumberet. Itaque cap. 23 num. 9. intrepidè affirmat Valdensis, huiusmodi necessitatem respectiuam, & per ordinem ad solam causam primam, periculosè asseri, nec in antiquis Patribus tale quicquam affirmari, vel in scripturis. Nam quod ad eam respectiuam necessitatem stabiliendam proferebatur ex ca. 21. Prouerb. vbi dicitur, *Cor Regis esse in manu Domini illud inclinaturi quocunque voluerit*, recte notat Valdensis accipiendum esse de sola inclinatione quæ impedibilis est, nec cum necessitate illa respectiva cohæret. Quod expendendum

NOVA SENT. PRÆD. ET LIBERT. NON FœDER. 335
dum fuerat aduersario, qui illi loco tanquam apertissi-
mo, inædificat viam illam inflectendæ voluntatis quã
vocat supremi domini, & talis est, vt inconсульта homi-
nis voluntate actionem ita inuehat, vt non possit non
poni. Disputat rursus egregiè aduersus eam nostrorum
actuum necessitatem respectu Dei determinantis
Vvald. ibid cap. 30. ridens hos, vt vocat, *necessarios sine
omni necessitate magistros.*

Quare indubitatum videtur, posteriorem illam præ-
determinationem ab autore traditam, euertere contin-
gentiam actus prædeterminati, & voluntatis vertibili-
tatem respectu eius exscindere. Vt enim egregiè argu-
mentantur Nemes lib. de hom. cap. 35. & Plotinus En-
nea 3. lib. 1. cap 7. *Si actio non potest non sequi ubi relinqui-
tur quod in nostra potestate est Debet enim esse liberum, &
posse sequi aut non sequi quod in nostra potestate est. Sa-
nè actus sic prædeterminatus induit necessitatem,*
aliunde profectam quàm à voluntate, quod est cum
non esse in voluntatis potestate vt sit vel non sit. At
quod non subest potestati voluntatis, non pendet ab
ea liberè, vt Valdensis ex S. Augustino argumentatur
capite illo 28. num. 7. Nec repugnat idem S. P loco qui
ab aduersario profertur, cum dicit, actum nostrum li-
berum, indeclinabiliter & insuperabiliter & inuietissi-
mè perfici à voluntate tacta diuinitùs. Hæc enim om-
nia nihil aliud sonant, quàm certam & infalibilem ta-
met si impedibilem positionem actionis ad quam
Deus voluntatem sollicitat. Probè siquidem cohæret
certitudo & infallibilitas, cum impedibilitate & con-
tingentia, de quo plenè alibi.

*Modi pertrahenda, iuxta autorem, voluntatis,
cuius actus prædeterminatur,
discussi.*

XII. In duplici verò illo modo quo aduersarius voluntatem salua actus contingentia pertrahi à Deo posse tradebat, quò eam secunda hæc prædeterminatio trahit, peccantur nonnulla. Imò quoad priorem modum autor manifesta contradictione se implicat intra idem caput, & D. Augustino manifestè repugnat. Ait enim autor lib. illo 1. cap. 22. num. 7. Deum, cum inclinat voluntatem via persuasionis, non se gerere eo modo quo homo homini & amicus amico persuadet; proponens scilicet quæ sunt eius dispositioni & affectibus accommodata; sed quocunque tempore, & in quibusvis occasionibus, absque vlla exploratione recessuum hominis interuentu scientiæ mediæ posse voluntatem pertrahere quò voluerit. At ibidem num. 11. hæc omnia euertit docens, Deum cum procedit via persuasionis, *non immutare cor hominis immediatè per seipsum, sed per hominem, quem ita ad finem affectum reperit, & super cuius dispositione edificat.* Vnde addit, in hoc procedendi modo Deum præsupponere aliquid creaturæ, nempe dispositionem eius sibi probè comperitam; ad idque attendere, & se velut amicum cum amico gerere nobiscum, ac tenere humanum modum, quem per explorationem affectuum & dispositionis personarum quibus suadendum est, dixerat esse numer. 7.

XIII. De hoc ipso priore modo voluntatem trahendi, adeò demissè statuit, ne dicam indignè, vt num. illo 1. *in fine*, neget eum esse aptum ad causandam perfectam conuersionem hominis in Deum. Mirum ergo est cur eum numeret inter modos quibus Deus actus nostros liberos supernaturales prædeterminat. Nam inter actus illos, eminet perfecta conuersio, deque ea præsertim agitur quoties de diuinis prædeterminationibus disputatur. Nec S. Augustinus, quibus locis modum exponit quo Deus voluntates nostras emollit, & ad se conuertit, alium profert quàm istum quem autor tanto operè deprecia. sic lib. 1. ad Simplic. qu. 2. *Cuius miseretur, inquit sic eum vocat, quomodo scit ei congruere, vt vocantem non respuat.* En vocationem persuadentem, cui mox opponit aliam quæ effectum non sortitur, nec persuadet. Cum Deus descriit non sic vocando, quo modo ad fidem moueri potest, quis etiam dicat modum quo ei persuaderetur vt crederet, etiam omnipotenti defuisse? Supponit ergo aperte, illam alteram vocationem maxime ad conuersionem, persuasione constare. Lib. de spir. & lit. ca. 34. *visorum suasionibus agit Deus, vt credamus, & vt velimus.* Et mox *credere non potest anima, quamlibet libero arbitrio, si nulla sit suasio vel vocatio cui credat.* Denique idem planè ferunt omnia loca (sunt autem propè infinita,) quibus Augustinus gratiam qua ad Deum perfectè conuertimur, & à qua est tota series executionis diuini de nobis boni propositi, appellat *doctrinam*, qua latens boni honestas educitur, & suauitas ab dita aperitur. Ea enim doctrina, idem est quod persuasio. Agit de ea doctrina, deque schola cor-

dis in qua traditur, illustrissimè lib. de prædest. SS. cap. 8.

XIV. Alter verò modus voluntatem pertrahendi ab autore assignatus, quem vocat *suprema potestatis & omnipotentia*, videtur perspicuè excludere actionis contingentiam & voluntatis vertibilitatem. Nam si Deus robustam manum suam exerat, nec cum magna reuerentia qua nos disponere solet, agere constituat, sed vim suam omnipotentem expromendo, quæ illi creatura possit obsistere? *Voluntati enim eius*, (antecedenti inquam imperio, tanquam Domini omnipotentis,) *quis resistet?* Et. *Dominus exercituum decreuit, quis poterit infirmare?* Fortitudo nostra, quæ non est nisi fauilla stupæ, longè impar est ad retundendam vel inhibendam vim diuinam, si Deus benignè eam nobis non attemperet, sed pro potestate ac supremo suo in nos dominio expromptam velit. Ex ipsa quoque ratione dominij, intelligi nullo negotio potest, eam viam non coherere cum voluntatis vertibilitate & actionis contingentia. Nam dominium est facultas disponendi de re prout libet, incòsulto quouis alio, idémque sonat nomen *suprema potestatis*. Atqui vt salua sit voluntati humanæ sua vertibilitas, necesse est eam consuli priusquam ad aliquid determinetur; alioqui determinatio erit antecedens, & pugnans cum libertate quæ poscit à seipsa determinari, non aliunde. Ergo si Deus gerat se erga voluntatem vt supremus Dominus determinabit illam antecedenter, & ducet non quò ipsa voluerit, sed quò impetus abducentis tulerit: Atque adeò nulla ei superstes manebit vertibilitas, nulla in operando con-

NOVA SENT. PRÆDET. ET LIBERT. NON FŒDER. 339
tingentia: quam tamen Deus semper vult saluam, vt
dicitur merito locus: & idcirco vt ait S. Augustinus lib.
2. contra lit. Petil. cap. 84. ita ducit quos ad Christum
suum adducit, vt tamen præmissa vocatione trahente,
dimittat eos vt quod voluerint eligant: quod longè abest à
via illa supremæ potestatis, assignata ab autore.

*Concluditur inutilitas nouæ sententiæ ad explicationem
præsentis difficultatis; quæ quomodo
enodanda sit, obiter
tangitur.*

XV. Ex dictis, liquidò constare puto, doctrinam
aduersarij de fœderatione liberæ voluntatis creatæ &
diuinarum motionum prædeterminantium, præter-
quam quòd in primario capite siue in noua libertatis
notione aperte est falsa; tam multis tamen aliis modis
malè habere, & tam multis nauis per omnes (vt vidi-
mus,) partes perspersam esse, vt vsui esse nō possit; nec
expediat reuera difficultatem quæ in eo negotio om-
nibus semper Theologis obuersata est, sed impediat
eam multo magis. Quod autem iuxta autorem, hic no-
dus retenta prisca libertatis notione, inexpedibilis &
inextricabilis habetur, qua facilitate dicitur, eadem
reiiicitur. Possumus enim facilem omnino & soli-
dam rationem inire, quæ & humanæ libertatis verti-
bilitati, & diuinarum motionum dignitati consu-
latur. Vbi idem mihi contingere fateor, quod po-
pulo qui 1. Regum 14. venit in saltum in quo erat
mel copiosum super faciem agri, nec tamen ob in-
terpositum principis interdictum; ausus est quis-

quam de melle illo decerpere. Possem multa Conciliorum, multa Patrum, præsertim Augustini, multa Scripturarum sacrarum, multa Doctorum cuiusvis ætatis testimonia, quæ mihi in hanc rem aliquali diligentia congeffi, in rem præsentem producere. Sed multiplex ille fœuus, in fœuiffa conditus hæreat necesse est, non nisi cum per maiores licuerit educendus.

Omnibus itaque suppressis & disputatione restricta ad motionem naturalem qua Deus de Senecæ alteriusve Philosophi sententia hominem sollicitet ad bonum opus morale ordinis merè naturalis; dico, nullam planè esse necessitatem amplexandi recens cusam ab autore notionem libertatis, vt motiones diuinæ quas admittere necesse est, cum voluntatis humanæ libertate cohæreant. Nullas enim admittere adigimur diuinas motiones irrepu diabiles & ineluctabiles; atque ita non possunt dici libertatis humanæ iuribus officere, & eam vertibilitatem ac flexibilitatem ad alterutrum quam prisca libertatis notio fert, labefactare, aut temerare quoquo modo: Et illæ ipsæ quæ faciunt vt voluntas humana faciat, non id faciunt voluntatem antecedenter determinando, sed voluntati abblandiendo, & ita eam proleſtando, vt ipsamet ultro ac sponte, imò volens ac lybens dedat sese, & suasionem prælucentem sequatur, ad id quæ ipsamet se determinet, quia *sola voluntas*, cum liberè agit, *determinat quid teneat*, vt S. Anselmus egregiè dixit p. i. concord. cap. 6. quauis si aliò flecti vellet, & noller ductum motionis ad bonum sollicitantis sequi, posset aliò habenas sui ipsius

NOVA SENT. PRÆDET. ET LIBERT. NON FØDER. 341
sibi permissas conuertere, & in partem oppositam
currum animæ agitare.

XVI. Subit hîc animum, quod legere memini apud
Philonem Iudæum lib. de Temulentia ad illud, *potauerunt patrem vino*, attigitque etiam Pyrrho apud
Diogenem Laërtium lib. 9. & inter nostros S. Gregorius p. 3. pastoralis in prologo; aliquas cogitationes &
affectiones voluntatis ita proportionari genio hominis, ut quamuis homo possit eas abicere, nunquam tamen
abiiciat. Quod neque in diuersis hominibus, neque in eadem persona, vniforme semper est. Interdum enim
idem homo ob talem corporis constitutionem, vel quia talibus affectibus præoccupatur, delectatur
vna re; postmodum verò contraria de causa, afficitur
potius aliquo alio obiecto. Nam quia anima nostra est
forma corporis, æstusque perpetuo passionum & variorum
affectuum fluctibus agitur, eundem statum
retinere diu nequit, ut optimè omnino prosequitur
Rich. Victor. de statu inter. hom. tract. 1. à ca. 8. & pulchre
S. Basilius ad titulum psalmi 44. qui est *pro ijs qui commutabuntur*, quod S. Basilius de homine quoad
corpus & animam dici monstrat, & illam quam dico
statuum in nobis iugem variationem confirmat. Pro
statuum ergo vicissitudine, idem homo varia obiecta
nunc probat, nunc improbat. Atque ita experimus
aliis nos rebus delectari lætos, aliis tristes, aliis iratos,
aliis denique pacatos & mentis quasi flustro potientes.
In variis personis idem perspicuè cernitur. *Homines*, ait Philo suprâ, *immane quantum in rebus omnibus inter se differant, qui non modò aliàs aliter de ijsdem iudicant,*

sed & alij aliter, dum isdem quidam delectantur, quidam offenduntur. Nam quæ his probantur, alijs displicent: quæ hi utrò accersunt ut domestica, alij procul in malam rem profligant, ut alienissima. Equidem fortè fortuna theatrum ingressus aliquoties, animaduerti ad vnum carmen tragædorum citharædorūve in scena certantium, alios sic demulceri, ut non temperarent sibi quin assurgentes acclamarent, & applauderent: alios non magis moueri hoc, quàm illos ipsos gradus saxeos quibus insisterent: alios in tantum offendi, ut è theatro se proriperent, utraque manu compressis auriculis, ne quid ex eo sono reliqui, molestiam crearet fastidiosi animis. Quid attinet ista dicere? Vnusquisque si ipsum per se consideres, quod vix est credibile, innumeras mutationes in corpus animamque recipit, quæ modò expetierat fugiens, haudquaquam mutata sed in eodem statu manentia. Eadem enim aliter à sanis accipiuntur, quàm ab ægrotis: aliter à vigilantibus, quàm dormientibus: aliter à pubescentibus, quàm senescentibus. Imò qui stat, alias quàm qui mouetur imaginationes concipit alias intrepidus, quàm timidus, item mærens, quàm gaudens, infensus quàm benivolus. Itaque industria & prudentia illius qui vult alteri persuadere, & facere ut alius aliquid faciat, in eo præsertim consistit, ut genium eius cui persuadere nititur, obseruet diligenter, ei que placentia loquatur, illius se inclinationibus & affectibus nunc vigentibus præsentique statui accommodans. Seruat hoc exquisitè Satan, cum hominis consensum quem extorquere non potest, suadere satagit. Sedulò enim explorat pronitates nostras, & affectus præsentis, ut Lactantius pulchrè notauit 6. instit. cap. 4. & 7.

Deus ergo qui multo penitiùs renes nostros & corda peruadit, cum vult facere vt homo aliquid faciat, ita appositè se insinuat in eius voluntatem, obseruando circumstantias in quibus homo cum certa cogitatione & affectu sympathiam habet, vt iis immixtis, inducat hominem infallibiliter ad assensum. Comprehendit enim perfectissimè voluntatem, & certò ac distinctè nouit, non tantùm quid factura aliquando sit, sed etiam quid factura esset, si hac vel illa cogitatione pulsaretur. Quare cum vult vt consensus noster sequatur, seminat in intellectu cogitationem, & in voluntate affectum simplicem, seu boni prægustationem, qualem videt consentene ad constitutionem & affectum ac statum præsentem hominis debere esse illam, ex qua consensus est secuturus, certò & infallibiliter, etiam si non necessariò, eo quòd homo ita sit consensurus, vt posset non consentire si luberet. Quod cum dico, non reuoco vim diuinæ motionis ad statum aut complexionem hominis, vt insulsissime, tametsi multo sale & aceto admixtis, obiicit autor lib. 1. cap. 20. n. 3. & Amesius Calvinista tom. 4. Bellarmini enervati lib. 3. cap. 3. thesi 7. & cap. 5 thesi 5. & lib. 4. cap. 2. thesi 1. ac non semel alibi. Status enim & complexio hominis, habet tantùm rationem termini, & causæ materialis; Deus autem ex sua mera liberalitate, homini sic affecto & constituto, confert motionem quam videt non fore cassam, cum posset conferre aliam qua homo inutiliter tangeretur.

XVII. Non igitur vt ostendamus quomodò homo diuinitus tactus, sit liber, cogimur, vt aduersario

visum est, euertere omnium hominum anticipatam de libertate notionem, & dicere, idcirco hominem esse liberum, quia quamuis ineluctabiliter adigatur operari, nec possit aliò flecti quàm quò ducit diuina motio, tamen per illam adactam & velit nolit elicitam operationem, adhæret Deo; vnde hominis amplitudo & eminentia, quod ad veram & perfectam libertatem abundè esse, censet aduersarius. Hoc inquam, nullo modo cogimur dicere, idque etiam, nemo ante autorem dixit, quamuis de diuinis motionibus, earumque repudiabilitate aut irrepudiabilitate, varij varia & pugnantia tradiderint. Omnes enim retenta antiqua libertatis notione, diuinarum motionum & humanæ libertatis concordiam inire conati sunt, quisque iuxta sua principia. Ego iuxta mea, non incommodè videor id præstitisse eo modo quem proposui, æquè ad diuinas quasunque motiones pertinente. Siue enim Deus ad actus morales purè naturales motione sua nos sollicitet, siue ad actus supernaturales, eodem modo locum habent quæ proposui, quamuis ego quidem de motionibus supernaturalibus consultò silui; hærens in iis quæ naturalibus motionibus ad opera philosophicè honesta homini à bona fortuna præuento (vt Aristoteles loquitur) diuinitus intra naturæ ordinem communicatis æquè conueniunt.

Pro hac verò iciunitate quoad motiones supernaturales, recipio plenam me ac confertam, ac coagitatam mensuram, aduersario repensurum, si quando liceat per nutum maiorum, quibus hanc nunc pacem,

NIHIL DETERM. AD SPECIEM CVM NOVA SENT. 345
plena eius contra præscriptum de hoc argumento tra-
ctatio debet.

CAPVT II.

*Ex diuina nobiscum cooperatione ad naturales ac super-
naturales actus, Spectata eorum specie, humanam
libertatem non ladi, absque ullo à noua
sententia subsidio.*

I.



ERICVLVM quod humanæ liber-
tatis ceruicibus à diuina motione præ-
ueniente & rationem actus primi ha-
bente intentabatur, nisi nouæ senten-
tiæ subsidium aduocaretur, depuli-
mus hætenus sufficienter. Nunc amoliendum est dis-
crimen, quod eidem vulgatæ libertati imminere cense-
tur ab exhibitione diuini concursus, cum ad naturalia
& purè moralia opera, tum ad supernaturalia. Hinc
enim maximè aduersarius nouam libertatis notionem
stabiliri existimat, quod nisi ea admissa, vix ac ne vix
quidem, quomodo diuinus nobiscum concursus ad
cudendas operationes nostras iungatur, absque liber-
tatis temeratione intelligere liceat. Nam si Dei coope-
ratio, infert antecedenter ad consensum vel exigen-
tiam nostram, præmotionem fluentem causæ secundæ
immissam, hæc autem non potest non inuhere actum
secundum; manifestè sequitur libertatem actiue indif-
ferentem exscindi, nec superesse quod libertatis nomi-

ne donandum sit, præter amplitudinem voluntatis ex adhæſione cum Deo. Ea quippe amplitudine homo educitur in latitudinem, eſtque liber, etiamſi & quoad ſpeciem & quoad exercitium actus ſui, aliunde quàm à ſeipſo determinetur, nempe à Deo cooperante. Itaque vt hoc aduerſarij munimentum deiiciamus, confiderandum eſt, verè ne libertas noſtra, in hac parte nouæ ſententiæ ſubſidium exigat: quod pendet ex benè perſpecta ratione determinationis cauſarum ſecundarum quoad ſpeciem & exercitium, nec non ex modo quo exhibetur nobis diuinus concurſus. Ideòque de his omnibus breuiter, partim hoc capite, partim ſequenti eſt differendum.

Deus omnem cauſa ſecunda indeterminationem tollit, iuxta aduerſarium, & quidem priùs prout agens.

II. Statuit ergo autor lib. i. cap. 15. & cap. 20. num. r. duplicem eſſe in creatura rationali indeterminationē: Vnam ad ſpeciem actus, alteram ad exercitiū: Vtramque porrò à Deo tolli. Nam indeterminationem quoad ſpeciem actus, cenſet & latè probat toto cap. 16. tolli à Deo prout eſt finis vltimus, ſub qua ratione, Dei eſt determinare, quid & quomodò creaturæ operentur: nec poteſt aliter explicari rerum varia & multiplex meſſura, niſi prout aliter atque aliter ad finem comparantur pro diuerſitate cuiuſque. Quatenus verò Deus eſt primum agens, cenſet autor tolli ab eo indeterminationem creaturæ quoad exercitium, quia

NIHIL DETERM. AD SPEC. CVM NOVA SENT. 347
dat creaturis vt agant , de quo plenè toto capite
17.

Ita porrò se habent in Deo hæ duæ rationes, agen-
tis primi & finis vltimi, iuxta autorem ibid. cap. 15. nu.
2. & 5. vt siue Deus solitariè agat , siue nobiscum excu-
dat actionem, nunquam causalitas primi agentis præ-
exigat causalitatem finis , sed quodammodò antece-
dat : quia quamuis omnia quæ Deus se solo operatus
est , sint propter finem vltimum ; tamen quòd Deus
quædam ex se prompserit quæ ad seipsum vt ad finem
referret, ex nullius finis intuitu ortum est: sed Deus tan-
quam primum agens , extra se eiacularur lucem suam,
eaque sui diffusionem & propagationem constituit crea-
turas, quas ad se vt ad finem vltimum conuertit. Non
enim vt in creaturis vsu venit , prior est finis causalitas,
eâmque subsequitur agentis officium : sed quia Deus
finis ac principij expers est, nec ad finem tendit ipse ,
sed alia in finem dirigit, idcirco in eo munus agentis
antecedit munus finalis causæ , quòdque in illo pri-
mum concipitur, est, diffundere se ad extra, hoc est age-
re: rem verò ea diffusionem procreatam, postmodum in
seipsum dirigit vt in finem. Hæc, quæ in Deo cum solus
ac seiunctim à nobis operatur manifesta censet autor,
in nobis quoque locum habere vult , cum Deum
habemus cooperatorem. Ita enim monet oportere
conciipi in cooperatione Deum, vt non moueatur ab
ea quam in se agnoscit prærogatiua finis vltimi, sed ef-
ficaciam suam in creaturas transmittat , quasi in recep-
tacula largitionibus suis præparata (*Paruas lacunas
celerrimè supereffluentes , & impares ad excipiendum*

diuinæ benignitatis effluxum, vocauit Philo lib. de temulentia:) suam verò efficaciam ita receptam, tum subiectum ipsum per illam & cum illa, magis magisque in finem referat. Hic igitur est ordo quo duæ illæ diuinæ rationes ad externas Dei actiones interueniunt, siue cu dantur à Deo solo, siue vnâ nobiscum.

III. Quod si duas illas diuinæ rationes comparemus, non inter se ipsas, sed cum ratione finis & agentis quæ nobis potest competere, nullum est auctori dubiū, quin Deus vt potè primum agens & finis vltimus, primas vtrobique partes occupet, semperque anteuertat rationes quascunque causandi creatas. Ac proinde Deus non modò est finis vlterior quouis bono creato nobis obuersante, sed etiam anterior. Prius enim finalizat, & in eius volitionem reducuntur omnia desideria nostra, quatenus Deus vult nobis bonum simpliciter quod est ipsemet Deus. Inde exurgit in nobis impressio à primo volente, hoc est desiderium Dei iuxta D. Thomam 1. p. qu. 103. art. 8. & lib. 3. contra gent. ca. 67. Ex illa autem nostra in Deum inclinatione, siue ex illo desiderio Dei in nobis, exoritur inclinatio ad ea quæ Dei ordine continentur, prout continentur eo ordine, hoc est inclinatio ad ea secundum Deum & in Deo. Itaque quicquid volumus, determinatur à Deo tanquam fine vltimo, quamdiu ordinate volumus, nec repedamus à meta nobis proposita. Item Deus quia est primum agens, non modò coëfficit nobiscum opera nostra, sed etiam dat nobis ea agere, ita coëfficiendo vt anteuertat præmotione sua nostram ad ea determinationem, & vim nostram actiuam diminutam

compleat adiunctione suæ virtutis fluentis, cuius apprehensione, vt sic dicam, abripiimur ad operandum, & prodeundum in actum secundum, vt autor latè differit lib. 1. cap. 18. 19. & 20. Quæ cum respectu naturalium & purè moralium actuum sint vera, (pendent enim ex ratione primi agentis, & idcirco vbiuis valent,) maximè tamen valere debent respectu supernaturalium actuum, ad quos non modò essentialis subordinatio creaturæ ad primam causam, sed etiam naturæ improportio & depressior ordo, suppetias supernaturales diuinæ cooperationis & præmotionis exposcit.

Cum autem posita ea anteoccupatione libertatis creatæ, & facta extrinsecus eius determinatione, excindatur vulgaris ratio libertatis, expositæ per indifferentiam actiuam, apparet quanto vsui ad hanc difficultatem extricandam esse possit noua libertatis notio, iuxta quam Deus libertatem nostram non temeratur, quia quantumcunque determinationes nostras determinatione sua anteuertat, non tamen tollit imò confert voluntati amplitudinem, ex adhæssione ad ipsum Deum, quæ omni diuinæ operationi & cooperationi præfixa semper est, deriuatam.

Reijcitur; & primum quoad prioritatem agentis in determinando.

I V. Mihi vt breuiter rem persaringam, cum aduersario in nullo propositorum punctorum satis conuenit. Ideoque vt appareat non esse quod libertati vulgaræ à quacunque diuina nobiscum concausatione &

cooperatione timeatur, aperiā in primis vnde petatur determinatio, & quoad speciem, & quoad exercitium, tam quoad opera naturalia, quā quoad supernaturalia, reiiciens aduersarij opinionem in vtroque puncto, cuiusque rationes conuellens. Ex quibus nihil hinc iuuari nouam de libertate sententiam, manifestum erit.

Sed ante omnia, breuiter recolendus est ordo ab aduersario constitutus, inter rationem agentis primi, & rationem finis vltimi in diuinis actionibus, siue à Deo solo profusus, siue à Deo cooperante nobiscum. Aduersarius enim ex eo quod Dei actio interna non sit propter finem, (est enim Deus ipse quem in aliquo genere causæ pendere, aperta repugnantia est,) infert causalitatem primi agentis non præexigere causalitatem finis, sed ea præconcepta ac præsupposita superuenire per actum quasi reflexum, ordinationem ad Deum vt finem vltimum.

V. Hoc nego posse intelligi. Neque enim Deus agit ad extra cæco modo, sed intellectuāli & ordinato, qui planè fert, vt primūm præfigatur finis in quem collimet actio quæ exercenda est, alioqui in vacuum curretur, & susciperetur motus sine meta, quod non modò est imperfectum & Deo indignum, sed etiam impossibile, non nobis tantūm, vt quisque in seipso experiri potest, sed etiam vniuersè; idque ipse autor sui immemor agnoscit lib. i. cap. 16. num. 4. Potest quoque ea impossibilitas manifestari ex parte actionis externæ à Deo manantis. Cum enim ea actio, in illo priori quo aduersarius vult eam nondū subiici rationi finis vltimi, sit ens

NIHIL DETERM. AD SPEC. CVM NOVA SENT. 351
sit ens creatum, necesse omnino est vt sit à Deo, etiam
vt à fine, omnia quæ à Deo efficienter prodeunt prin-
cipiante finaliter, vt monstratum est in Natur. Theol.
dist. 1. à num. 13. Quare indubitatum censeo Deum
non prius habere rationem primi agentis, quàm ha-
beat rationem primi finis, externam illam actionem fi-
nalizantis: sed ambas illas rationes cauſandi, sicut in
nobis, ita & in Deo impræcisibiliter connecti, etiam
quoad conceptum. Non quòd non sit geminus finis
& agentis conceptus obiectiuus, quorum quilibet
suum nostrum peculiarem conceptum formalem ter-
minare possit; (id enim est per se perspicuum, sed quòd
nunquam possimus ita diuellere vnum ab altero, quin
si Deus intelligatur cauſare vno modo, altero itidem
concomitanter cauſare intelligatur. Est que hæc recep-
tissima apud Philosophos doctrina, cum exponunt
connexionem cauſarum. Videſis Suarem disp. 27. Me-
taph. l. 1. num. 8. aut cum declarant munus cauſæ finalis,
& cur eius cauſalitas sit necessaria. Omnes enim vt ra-
tum supponunt, finem non cauſare nisi quia mouet
efficiens ad efficiendum, vt optimè attigit Scotus in 1.
d. 2. qu. 2. *litera L.* vnde non malè vocatur primus mo-
tor & primus procurator omnis cauſalitat. Quomo-
dò autem moueret si non præconciperetur ante actio-
nem? Vel quorsum moueret, postquam agens erupif-
set in actionem? Ordo igitur ille diuinæ nobiscum
concauſationis, cui inædificanda erat necessitas nouæ
notionis cauſarum liberarum, abit in fumum, vnàque
ea noua notio & eius necessitas euaneſcit.

*Itemque quoad determinationem speciei actus,
per Deum ut finem.*

VI. Pergo ad munera quæ aduersarius Deo ut fini ultimo, & ut primo agenti, tribuit respectu nostri. Nā à Deo ut à fine ultimo, ait determinari speciem actus creati, ab eodem autem ut agente primo, ait determinari eius exercitium. Neutrum placet. Sed quia de hoc secundo agendum est sequenti capite, nunc de primo differamus.

Determinatio quoad speciem actionis, nihil aliud est quàm arctatio creaturæ ad huius potius essentię effectum producendum quàm alterius, ita ut cum multiplex specie effectus progigni posset, ab hac tamen causa huius potius essentiæ ac speciei effectus prodeat, quàm alicuius diuersæ. Hanc quasi arctationem, dico ab ipsa causa creata prodire, non aliunde, siue sermo sit de causis naturalibus, siue de moralibus & liberis. Nam causæ quidem naturales v. g. ignis, suaptè natura determinatæ sunt ad certos effectus, ita ut non possint ad alios excurrere. Vnde quod ignis producat ignem, & non aquam, vel hominem, non oritur ab vlla determinatione Dei, sed ab ipsa ignis natura, quæ non est causatiua alterius effectus. Ago de actione ignis connaturali, quia hîc non est sermo de ea ignis actione qua per potentiam obediētiālem posset ab igne prodire aqua, iuxta sententiam illorum qui admittunt quamcunque creaturam posse diuinitus assumi ad quidlibet producendum. Si enim hæc sententia admittatur, determi-

natio quoad speciem actus, erit à Deo, quandoquidem causa secunda nullam ad talem effectum proportionem nisi obedientie, atque adeò nullum naturalem ordinem habet. Sed hoc supra naturæ exigentiam est, & idcirco hîc non attenditur. At spectando actionem quæ potest connaturaliter prodire à causa secunda, v. g. productionem ignis ab igne, videtur perspicuum, quòd ratio cur Deus cum igne producat ignem, & non aquam, petenda sit ab ignis natura, quæ idonea duntaxat est talem effectum producere, non alium. Causa verò secunda libera, quæ connaturaliter effectus specie diuersos potest producere, idcirco à Deo accipit concursum ad actum amoris, & non ad actum odij, quia pro libertate sua vult ferri in amorem, non in odium, ad quod Deus equè adesset cooperator, si creatura agnosceretur volitura erumpere in odium, si se sola posset agere. Deo enim perinde est, quantum est ex se, vtrouis modo operetur cum causa secunda.

VII. Et hoc est, speciem actus determinari à causa secunda. Ipseque Deus rectè dicitur huiusmodi determinationem actus sui cum causa secunda, accipere ab ea: non quòd actus diuinus internus afficiatur vllò modo à causa secunda, vel ad hoc potius quàm ad illud coëfficiendum trahatur aut necessitetur: id enim imaginari foret absurdissimum, vt rectè notauit Ferrar. 3. contra gent. cap. 66. sed quòd creatura obiiiciat Deo exigentiam suam, qua talis duntaxat speciei & non alterius concursum deposcat; eumque Deus potius quàm alium quem æquè posset tribuere, conferat in-

tuitu creature, cui liberaliter ac benignè vult se accommodare In quo nulla est imperfectio, vel dependentia Deum dedecens.

Tamen si in bono sensu absque incommodo admitti potest, Deum quoad hoc à causa secunda dependere: quia quamuis absolutè sit à creatura independens, quatenus nec ab illa adigi potest ad cooperandum, nec astringitur ad eam assumendam vt cōefficiat effectum quem absque ea posset efficere: Tamen si præcisè spectetur vt causa prima efficiens cum secundis, dici potest in eo efficientiæ modo pendere à causa secunda, quia tunc verbum *dependendi*, non aliud sonat quàm Deum dum suam potentiam ad agendum non applicat plus quàm applicet ad influendum cum causa secunda, non posse huiusmodi effectum vel actionem producere absque causa secunda, quod verissimè dicitur, & citra quodcunque Dei probrum. Itaque illum loquendi modum, malè aliqui in suspensionem vocarunt. Planè verò ita habent Gregor. in 1. d. 45. quæst. 1. ad 3. & 4. contra quintam. & in 2. d. 34. ad 9. contra tertiam. Maior in 2. d. 25. quæst. 1. ante argumenta contra quartam, & Capreol. in 1. d. 37. ad 3. ac Sirenus lib. 8. de fato cap. 21.

Mens Dni. Thomæ, in re proposita.

VIII. Sic expositam determinationem quoad speciem actus, conferri à creatura, tradit diserte D. Thomas in 3. d. 23. quæst. 3. artic. 1. in corp. verbis illis. *Actio primi agentis est vna, communiter omnes firmans.*

specificatur autem effectus eius in hoc & in illo secundum illius exigentiam. Et quæst. 3. de verit. artic. 9. ad 10. cum dixisset, effectum causæ primæ esse intimiorem & permanentiorem in causato, subdit. Tamen effectus magis assimilatur causæ secundæ, quia per eam determinatur quodammodo actus primæ causæ ad hunc effectum. Et 3. contra gent. cap. 66. ait, secunda agentia esse quasi particulantia & determinantia actionem primi agentis, habereque pro effectum proprio, non ipsum esse quod est effectus agentis primi, sed alias perfectiones quæ sunt determinationes tñ esse, seu gradus entis.

Quo loco alijsque notatis à Capreolo in 2. d. 1. qu. 2. ad 3. Aureoli contra sextam, S. Thomas non contendit, Deum duntaxat producere gradum entis, reliquos autem rei gradus specialiores effici à creatura, ut ridiculè sancto Thomæ affingit Aureolus ibi à Capreolo explosus, nec non Scotus in 4. d. 1. quæst. 1. *ferè initio*; sed tantum vult, Deum directè ac per se, causare in re qualibet gradum entis, ipsi Deo per se respondentem: agenti autem secundo, directè ac per se respondere gradus inferiores & específicos, iuxta doctrinam Philosophi 1. phys. tom. 76. affirmantis si animal fiat ex animali, ut canis ex equo putrescente, tunc animal in cane inclusum non fieri per se, eo quod natura non intendat per se illud esse quod præerat in materia, sed illud tantum quod ei nondum inerat. Nam illa ratio quæ dicitur per se fieri, non debet supponi ex parte effectus qui producitur, quamvis ex parte agentis possit supponi. Ignis enim per se:

generat ignem, licet in se rationem ignis præhabeat. Et Deus cum creat, producit per se ens, licet ipse sit ens. Itaque iuxta illum Aristotelicum loquendi modum, quo cum canis fit ex equo, gradus animalis & cæteri qui in equo præfuerant, dicuntur tantum fieri per accidens, causa secunda quæ effectum per educationem producit, dicitur tantum producere per accidens gradum entis, quia qui educit, præsupponit subiectum, quod utique est ens. Atque ita qui educit, semper reperit productum gradum entis, quem proinde non per se, sed tantum per accidens efficit. Qui verò creat, quia nihil planè rei creandæ ac ne subiectum quidem præsupponit, producit per se ac directè gradum entis. Et quia solius Dei est principaliter creare, idcirco proprius ac per se & directus effectus Dei, dicitur esse ipsummet esse; ut rectè vidit Ferrar. 2. contra gent. cap. 21. & lib. 3. cap. 66. Caiet. 1. p. quæst. 44. artic. 2. & ibid. Molina ac qu. 8. art. 1. disp. 1. & ibid. Syluester §. 2. Capreolus supra, & postea ad 3. *Dur. contra eandem sextam conclus.*

Saluo ergo, & Dei, & causæ secundæ influxu in quoscunque gradus effectus producendi, (sunt enim omnes vnica entitas, atque adeò nullus eorum attingi potest per causam physicè operantem, quæ præcisiua non est sicut intellectus, quin alij simul attingantur:) Deo respondet generalissima ratio quæ est in effectu, hoc est ratio entis: specialiores autem rationes, præsertimque specialissima & vltima quæ effectus speciem constituit, respondet agenti secundo; quod proinde rectè dicitur conferre determinationem quoad spe-

NIHIL DETERM. AD SPEC. CVM NOVA SENT. 357
ciem effectus, & *particulare ac determinare* actionem
agentis primi, vt S. Thomas loquebatur.

Eodem spectat, quod passim concursus diuinus ap-
pellatur generalis. Neque enim donatur eo nomine,
eo quòd actio vel effectus sit à creatura secundum so-
lam rationem specificam, secundum genericam verò
sit à Deo, in quo sibi somnia fingit Vestonus lib. 3. de
tripl. hom. offic. cap. 11. id tribuens Molinæ, & idem re-
fellens Aluares lib. 3. de aux. disp. 21. Sed idcirco concur-
sus Dei vocatur generalis, quia Deus per se fertur in
solum gradum entis, qui generalissimus est. Quod au-
tem hic specialis gradus efficiatur cum hac causa secun-
da cui Deus cooperatur, prouenit à causa secunda. Nec
diuersa est ratio, cur concursus Dei, passim dicatur in-
differens. Nimirum quia quantum est ex parte Dei, nō
est determinatus ad hanc vel illam speciem, sed id ha-
bet à causa secunda, cuius exigentia hunc specie con-
cursum deposcit, non alium. Et hoc ipsum est, quod
affirmauimus, causam secundam determinare speciem
actionis, quod aduersarius malè tribuebat Deo, specta-
to sub ratione finis vltimi.

Argumenta aduersarij elisa.

X. Audiamus verò quibus ille firmamentis singula-
re hoc placitum stabilire satagar, toto capite 16. libri
primi. Argumentatur primū autoritate S. Diony-
sij cap. 4. diuin. nom. affirmantis, cum alia pieraque ab
autore vberioris doctrinæ gratia quamuis extra rem
producta; tum illud nominatim quod autor accuratè

expendit; nempe creaturas rationales eleuare inferiora ad superiora, res inquam in inferiore gradu constitutas ad suum ipsarum finem attollere. Ibidemque S. Dionysius, tribuit summo bono status omnes atque motus, mentium, animarum, corporum. Cuius rei rationem reddens, ait, *Status enim est & motus omnibus, id quod super omnem statum, motumque: Firmat vnumquodque in sua propria ratione, & proprium ei motum confert.* Addit cap. 8. summum bonum omnibus propriæ cuique actionis ἰδιοτελείας autorem existere.

Respondeo, parum hæc, vel etiam nihil, ad rem præsentem referre. Nam ad probandum quòd Deus determinet causam secundam ad speciem actus, quid attinet quòd causa secunda libera, in Deum velut in finem suum collimet si rectè agat, eoque omnia pro facultate reducat? Agitur hîc de determinatione effectiua: At autor obtrudit pro ea finalem, quæ non potest esse nisi in ratione obiecti. Et qualiscunque est, prout ab autore assignatur, non habet locum nisi in bonis actibus; & in his ipsis vt plurimum non est nisi virtualis & interpretatiua, cum tamen oporteret esse formalissimam, si ad speciem actus determinaret. Itaque autor omnia alia profert, quàm quæ ad rem præsentem faciunt. Æquè extra rem adducit, quòd Deus dicatur omnia stabilire, & statum omnibus conferre. Id enim non aliò pertinet, quàm vt significetur Deum omnia fulcire & conseruare. Vnde & *tygillus* ab Ethnicis dictus est apud D. Augustinum 7. Ciuit. cap. 11. Quid ibi pro determinatione actionis à Deo quoad speciem? Denique quod Deus sit cuicunque causæ autor suæ actionis

NIHIL DETERM. AD SPECIEM CVM NOVA SENT. 359
actionis, non probat Deum determinare causas secundas ad speciem actus: sed tantum probat, & vim agendi cuius causæ confertam à Deo manasse, & eam ipsam vim cum in actum eruptura est, diuino subsidio, & conseruatione, ac etiam cooperatione egere.

XI. Argumentatur deinde aduersarius ratione multiplici. Et in primis quia finis est mensura omnium essentiarum, & facultatum, & operationum: nec explicari potest varia & multiplex rerum mensura, nisi prout diuersimodè comparatur ad finem. Valetque id nominatim in operationibus nostris, quæ & multiplices & mutabiles sunt, vnde in aliquod vniforme & immutabile sicut in principium sunt reducendæ. Nihil autem est magis vniforme, quàm diuina voluntas. Omnes ergo volitiones nostræ in eam sunt reducendæ, & in illud vnum in quo diuina voluntas omnia vult, hoc est in rationem summi boni, quæ est primum appetibile in quod Deus qui est primum volens semper intendit. Accedit, quòd Deus non effectus tantum, sed & actiones quibus producuntur principiat, dans causis secundis vt effectus suos actu producant. At agens nihil facit, quod finis non determinet. Ergo illud ipsum agere causarum secundarum, à fine est, quod est eas determinari à fine ad agendum, estque ea determinatio quoad speciem & modum actus, cum sit ad esse secundum finem, non ad esse simpliciter. Deus itaque sub ratione finis vltimi consideratus, determinat causas secundas quoad speciem actus, idque cum præstat, permanentiam ac stabilitationem confert creaturis

NIHIL DETERM. AD SPEC. CVM NOVA SENT. 361
XII. Respondeo, nihil hæc omnia ad rem de qua
quæritur facere. Est quidem finis mensura eorum
omnium quæ ad finem sunt, sed hoc de fine proximo
& immediato rei cuiuscunque, nec voluntario & exter-
no, id est per extrinsecam voluntatem præfixo, sed à
natura ipsa præstituto, & intrinseco, accipi debet. At
Deus sub ratione finis ultimi, non est immediatus &
proximus finis magnæ partis rerum creatarum, sed re-
motus ac mediatus. Quarum verò rerum est finis im-
mediatus ac proximus, ut hominis & Angelorum, ea-
rum finis est extrinsecus penes quem, essentiam & vi-
res naturales rebus attributas, non admetimur. Non
enim v. g. quia omnia materialia sunt propter homi-
nem, tãquam finem eorum ad quem extrinsecè à Deo
sunt destinata, liberum fuit auctori naturæ, tantum aut
talem, non minorem, nec auctiorem, aut diuersum
perfectionis essentialis modulum rebus illis elargiri,
sed hoc ex interno fine cuiuscunque rei, qui arbitrarius
non est, ab ipsa natura definitur. Essentiæ quippe re-
rum sunt independentes, & ex se necessariae, iuxta D.
Thomam 1. p. q. 10. art. 3. ad 3. & qu. 16. art. 7. ad 4. sunt
item sicut numeri, nec potuerunt aliæ esse; vel perfe-
ctiores aut deteriores essentialiter effici, quàm sint re-
ipsa. Ut risum sanè nobis moueant simplices quidam
Ascetici, qui inter diuina beneficia quibus implent pa-
radigmata gratitudinis Deo per hominem testandæ,
recensent quòd homo nò sit factus bestia. Id verò non
est numerandum inter diuina beneficia, cum fuerit im-
possibile hominem aliud effici quàm hominem, vel ef-
fici bestiam. Numerari tamen potest ac debet tanquam

NIHIL DETERM. AD SPEC. CVM NOVA SENT. 363
causam promouet, nostra determinatio quoad speciem: quam etiam si obiectiuè non diffitemur esse à motiuo & fine proximo quem homo sibi proponit, & quoad aliquas è bonis hominis actionibus Deus est; Tamen efficienter (vt sic dicam,) non est à fine, sed à causa libera. Id est, cur ille potiùs finis quàm alius qui æquè causam liberam mouere potuisset, eam de facto mouerit, assumptusque sit vt ei liberè operanti obiceretur, hoc non ad finem ipsum, qui merè passiuè se habet, referendum est, sed ad causam liberam, quæ cum collimare in alium finem posset, hunc tamen sibi nouum alium determinauit. Causa verò naturalis, v.g. ignis, nec finem habet à quo ipsa moueatur; & priusquàm intelligatur ad finem aliquem dirigi à causa intelligente, est ex se & ex sua natura, determinata ad talem duntaxat specie actum; nec ad id à Deo quomodolibet spectato determinatur. Imò ipsa sic ex se determinata, Deum obiectiuè determinat ad illam ipsam actionis speciem quam habet à natura determinatam.

CAPVT III.

*Ex eadem diuina conperatione nobiscum ad quosuis actus,
spectato eorum exercitio, non ladi libertatem
creatam, seclufis fuppetijs
noua fententia.*

I.



ENIO ad determinationem causarum secundarum quoad exercitium, ex qua, autor, potens pro noua libertate argumentum erueri sibi videtur. Tribuit enim Deo vt primo agenti, eam determinationem. Vnde causa secunda, iuxta eum, non potest esse libera, eo quòd ad operandum potiùs quàm ad feriandum se determinet; vel è contra: sed tantùm quia cum à Deo determinetur, nec nisi in ordine ad ipsummet Deum, qui semper & vbique se respicit; sortitur amplitudinem summam ex ea adhæsione cum Deo, quæ amplitudo est libertas germanissima, cum exoluatur seruitute creaturarum, & compedibus finitatis.

*Determinatio ad exercitium, est ab ipsa
voluntate.*

Ego nihil hîc quoque amplitudini defero. Determinationem autem ad exercitium, non Deo, sed causis secundis tribuendam contendo. Si enim sint causæ na-

EXERCIT. ACTVS, NOVA LIBERT. NON EGET. 365
turales, seipsis determinantur ad agendum, eo ipso
quod in his circumstantiis constituuntur: nec opus ha-
bent peculiari determinatione diuina vt erumpant in
actum secundum, quem in talibus circumstantiis cohi-
bere & remorari non possunt. Si autem sint causæ li-
beræ, non possunt aliunde ad agendum determinari
quàm à seipsis; alioqui eo ipso exciderent libertate &
dominio in actum suum. Sic sentio de causarum se-
cundarum determinatione quoad exercitium. Nec erit
difficile, resolutionem hanc nostram validè confirma-
re quoad causas liberas, de quibus solis videtur posse
esse lis nonnulla. Nam de causis naturalibus, perspi-
cuum esse videtur quod affirmauimus. Vt quid enim
his causis determinationem aliunde accersamus, si
suapte natura determinatæ sunt ad agendum, & exer-
cendum actum suum, ita vt positis omnibus ad agen-
dum prærequisitis, frænare seipsas non possint, sed ne-
cessariò erumpant in opus? Euincamus ergo, causas
liberas non determinari à Deo quoad exercitium, sed à
seipsis.

Probatio prima, ex indifferentia causæ liberæ.

II. Ac primùm argumentor, ex eo quo siue pote-
stas in voluntatem nostram hoc est indifferentia agen-
di & non agendi, sit formaliter libertas, vt omnes ante
autorem senserunt, siue non sit libertas, vt aduersa-
rius primus existinauit; certum tamen est, eam non
posse homini negari. Nam qui eam negarunt, damna-
ti sunt vt hæretici, eamque Scripturæ disertissimè ex-

primunt, cum dicunt, apposita esse homini aquam & ignem, & posse eum manum conuertere quocunque voluerit. Atqui ea indifferentia ad agendum vel non agendum, exscinditur, si determinatio ad exercitium homini aliunde adueniat quàm à seipso. Nam facultas determinata, non est indifferens, quia non potest defugere id ad quod determinatur. Determinatio enim est sublatio indifferentiæ, & positio illius partis ad quã quis determinatur. Tam ergo repugnat, potentiam ad actum aliquem determinatam non erumpere in illum, quàm repugnat aliquid quod ponitur non poni; quæ est manifesta contradictio. Itaque si potentia libera non determinetur à seipsa ad exercitium actus sui, sed ab alio ad id astringatur, euertitur indifferentia actiua voluntatis, seu potestas ad positionem actus sui, eiusve cessationem; quam potestatem & indifferentiam, certum est non posse negari viatoribus. Optimè omnino hoc argumentum proponit Guliel. Paris. lib. de vitiis & peccatis cap. 10.

Respondet aduersarius lib. 1. cap. 27. num. 1. & 2. voluntatem creatam esse indifferentem ad agendum & non agendum seruato ordine finis, quæ indifferentia non tollitur, posito quod voluntas creata determinetur à Deo quoad exercitium.

Indifferentia inquam, absoluta.

III. Sed contra, quia indifferentia quam certum est non posse viatoribus negari, est indifferentia ad agendum & non agendum absolute. Id est, non est duntaxat

duntaxat indifferentia ad benè agendum, vel benè cessandum ab actione, sed est plena potestas ad actum ponendum, vel non ponendum: siue in ea positione aut non positione peccetur, siue non peccetur, sed benè fiat. Certè plerunque indifferentia seruato ordine finis qua homo & benè agere potest, & benè ac sine noxa cessare, non habet locum, sed tantum potest homo honestatem exercere, vel agendo vel cessando. Neque tamen in eo euentu censendum est, hominem carere indifferentia: alioqui non esset laude dignus, eo quòd mala potuerit facere & non fecerit: nec dignus probro aut pœna, eo quòd manum ad ignem conuerterit, cum posset ad aquam, siue ex eo quòd malè fecerit cum benè agere posset. Agnoscenda ergo est in homine viatore indifferentia, non tantum seruato ordine finis, siue intra limites honesti, sed etiam absoluta. At qui talis indifferentia funditus perit, si Deus determinet hominem quoad exercitium, quia Deus non determinabit nisi ad bonum. Igitur non est admittendum, hominem à Deo determinari quoad exercitium.

Quinimo indifferentia quoque seruato ordine finis, tollitur si diuina illa determinatio concedatur. Nam v.g. si Deus determinet hominem vt seruato finis ordine agat, ergo homo non manet indifferens, vt seruato eodem ordine non agat: quia determinatio ad agendum, excludit indifferentiam ad non agendum, quantumuis non actio posset esse honesta, & intra ordinem finis. De ratione autem indifferentiæ est, vt qui dicitur indifferens, possit vtrolibet fer i. Ac proinde ne ea quidem indifferentia quam aduersarius propo-

nit, superstes est, si homo à Deo determinetur ad exercitium actus sui. Reuera autem vtraque indifferentia, cum materia eam fert, concedi homini debet, & vtraque excludit determinationem ad exercitium actus prouenientem ab extrinseco, qualem aduersarius comminiscitur. Quomodò enim homo dicetur indifferens ad benè agendum vel benè cessandum, si tantum cessare potest, aut si tantum potest agere, eo quòd ad alterutrum illorum determinetur diuinitus? Quomodò item dicetur indifferens ad agendum benè, aut cessandum malè, si à Deo determinetur ad benè agendum, ita vt ferri in alteram partem non possit, diuina determinatione urgente cum ad alteram tantum partem, utique bonam & labis expertem?

*Firmatur probatio, aduersus tricas de imperfecta
receptione diuina determinationis,
in quibusdam.*

I V. Addit aduersarius, idcirco aliquos agere contra ordinem finis, quia diuina motio imperfectè in eis recipitur, & ita vt non subiiciat sibi voluntatem, sed hominem in malum ferri non prohibeat.

Sed hoc non labefactat argumentationem nostram. Nam diuina determinatio, si verè est determinatio ad exercitium, qualem aduersarius Deo tribuit respectu voluntatis creatæ, non potest non inuocere actum ad quem determinat, estque apertissimè contra notionem veræ determinationis vt ea posita non ponatur actio ad quam est determinatio. De cognitione

ne quidem cum obiectiuè determinat, vt cum non est indifferens, fas est dicere ea posita non illico poni actum quia posset negari voluntati vis agendi. At de ipsiusmet voluntatis determinatione formali, impossibile est tale quid concipere quia ea determinatio est ipsissima actuatio facultatis actiuæ & ablatio indifferentiæ quæ prius facultati competebat. Ridiculum igitur est admittere voluntatem à Deo prædeterminari, & tamen addere, eam prædeterminationem, quia inefficaciter recipitur, non inuhere actum ad quem est prædeterminatio, nec subiicere sibi voluntatem vt actus ille excudatur. Imò verò prædeterminatio hoc habet, vt proinde non possit perfectiùs vel imperfectiùs recipi, sed nulla sit in voluntate facultas ad eam repudiandam vel imperfectiùs quàm ipsa ferat excipiendam. Nam quod determinatur ab alio, patitur tantum & recipit. At recipiens & patiens, vt sic, non est liberum vt Durandus rectè vidit in 2. d. 24. quæst. 2. num. 18. Sanè si determinatio exciperetur libere à facultate determinata, oporteret eam receptionem dici liberam ab actu aliquo talis facultatis. Præcisè enim vi receptionis in ea facultate, non posset determinatio dici libera, cum multa adueniant facultati voluntatis quæ ei non sunt libera nec liberè per eam recipiuntur. Actus autem ille per quem determinatio liberè reciperetur esset actio facultatis creatæ ac proinde daretur determinatio ante receptam determinationem, quod constat dici non posse.

V. Porro aduersarius, cum imaginatur determinationem diuinam fortiùs ac perfectiùs & veluti penitiùs

admitti in quibuldam, alios verò languidiùs ac imperfectiùs subire, videtur de determinatione philosophari vt de clauo, qui pro nisu impingentis intimiùs peruenit, aut minus intimè: (& eo sanè exemplo in hanc rem vtitur autor lib. I. cap. 29 num. 3.) aut vt de impetu, (quod ipsum exemplum adhibet lib. I. cap. 29. num. 2. & 3.) Impetus enim pro maiore conatu mouentis, ad vltiores partes permeat. Sed hæc eiusmodi sunt, vt vix refelli debeant. Nam clauus magis vel minus intimè adigitur, quia sunt plures partes quanti quod clauo pertundendum est, & ob resistantiam qua compressioni obsistunt, clauus peruationem, morosiores & imperfectiores possunt reddere. Impetus quoque difficile imprimitur pluribus partibus, quia resistantia impetu superanda, maior est quàm vt cedat nisu languido ac remisso. At cum diuina prædeterminatio, spiritali subiecto, puta voluntati imprimitur, cessant omnes causæ propter quas contingit impressionem corpoream esse maiorem aut minorem. Et si quæ maior vel minor perfectio in receptione diuinæ determinationis excogitari potest, non pertinet nisi ad intensionem & remissionem gradualem, quæ hîc est planè per accidens, nec plus vel minus infert actionem.

Quare nullo modo rectè dicitur, diuinam determinationem in aliquibus subiectis perfectiùs, in aliis imperfectiùs recipi, idèoque diuinam prædeterminationem abire irritam, nec consequi actionem ad quam determinat, quia imperfecta fuit eius receptio. Diuina tamen motio, in aliquo sensu longè alio à sensu au-

EXERCIT. ACTVS NOVA LIBERT. NON ECST. 371
toris, dici potest imperfectè recipi; quatenus scilicet voluntas, non obstante ea diuina excitatione, obfirmari potest in anteriore proposito, aut in sua ignauia contra quàm diuina sollicitatio ferret. Et tunc quia consensus vel non adhibetur, vel non prout adhibendus fuisset, dici aliquatenus potest, motionem & sollicitationem diuinam recipi imperfectè: qui est modus quo Diu. Thomas alicubi ait, motionem diuinam in quibusdam subiectis imperfectè recipi. Sed de diuina determinatione nihil tale dici potest, quia si ipsa ponatur, infert actum qualem ipsa edicit, nec superest voluntati vis obluetandi, & contra tam potentem stimulum calcitrandi. Neganda ergo est voluntatis determinatio quoad exercitium facta ab extrinseco, & ab alio quàm ab ipsa voluntate.

Indifferentia sublatio per diuinam determinationem ad exercitium, vrgetur, quia est suppositio antecedens.

VI. Confirmatur i. hoc argumentum, quia actus qui elicitur ex suppositione antecedente voluntatis determinationem, ita elicitur à voluntate, vt non possit non elici. Hæc enim est causa cur PP. conclament aduersus fatum, siue mathematicum, siue quomodolibet aliter ab Ethnicis statutum. Estque certa sancti Anselmi doctrina, pluribus explicata & confirmata in Morali dist. 2. à numer. 254. suppositionem quidem consequentem, non tollere liber-

tatem, quia ponitur dependenter à libera voluntate: (est enim ipsamet voluntatis determinatio libera, quæ certè seipsam non destruit:) At suppositionem antecedentem, exscindere libertatem, quia tollit voluntatis flexibilitatem ad vtramque partem. Ibidemque num. 256. monstratum est, malè aliquos S. Anselmum ad alium sensum obtorquere, cum plana mens eius, sit quam proposui, vt rectè quoque intellexit Baconus in 4. dist. 1. qu. 4. art. 2. Cum igitur diuina determinatio antecedit determinationem causæ secundæ, & idcirco dicatur prædeterminatio, falsum est, actum ad quem voluntas sic determinatur, ita elici vt sit in potestate voluntatis cum non elicere: quod planè est abrogare indifferentiam illam quam voluntati vendicabamus, & quam certum est non debere negari voluntati victoris.

Non me latet, quò confugiat aduersarius vt hoc telum declinet. Nam lib. 1. cap. 30. num. 8. ait Deum non esse formam antecedentem nec externam, sed hoc ipsum quod à Deo mouemur, esse moueri à nobis, quia Deus est nobis intimior intimo nostro. Hoc tamen plus quàm paradoxum, iam sæpè explosimus. Eodem autem capite num. 9. & cap. 24. num. 4. ait, eam suppositionem antecedentem libertati obesse, quæ importat puram subiectionem in creatura, nullumque illi motuum suorum dominium permittit. At diuinam prædeterminationem, non tollere, sed inferre huiusmodi dominium & potestatem in actus suos. Sed hoc est apertè falsum. Nam dominium consistit in potestate vtendi re pro arbitratu. Atqui actus ad quem di-

EXERCIT. ACTVS, NOVA LIBERT. NON EGET. 373
unitus prædeterminamur, non est positus in voluntatis arbitrio, nec voluntas si lubeat potest eum non ponere: cassam enim faceret diuinam prædeterminationem, quod est creaturæ impossibile. Igitur implicat in adiecto, dicere, diuinam prædeterminationem esse suppositionem antecedentem esseque verè quod vox prædeterminationis sonat, & tamen permittere nobis dominium in actum nostrum prædeterminatum.

*Et actum sic infert, vt detur, vel negetur,
sine nobis.*

VII. Confirmatur 2. quia sine diuina prædeterminatione, actus non potest elici à causa secunda, quippe quæ iuxta autorem, vi subordinationis essentialis qua Deo subiicitur, determinationem ad exercitium à Deo deponit; vt à Deo accipiat, non esse tantum & posse, sed etiam actu agere. Si ergo diuina prædeterminatio ponatur, (quod fit antecedenter ad quemcunque hominis consensum, eoque prorsus inconsulto,) consequens omnino est, vt actus prædeterminatus exerceatur, quicquid tandem homo statueret, si sibi permetteretur: quia causa secunda non potest obniti aduersus diuinam determinationem, & aliò ferri quàm quò ista propellit. Si autem diuina prædeterminatio non ponatur, (quod æquè fit inconsulto homine,) non poterit actus exerceri, quia iuxta autorem, diuina prædeterminatio exigitur essentialiter ad exercitium actus. Vbi ergo est voluntatis indifferentia ad actum exercendum vel non exercendum? Aut quid

voluntatis dispositioni, circa illum actum, eique oppositum non actum permittitur?

Nititur aduersarius lib. i. cap. 27. à num. 5. hac se difficultate extricare: sed reuera magis ac magis se irretit. Adigitur enim admittere, dari diuinam prædeterminationem antecedentem & absolutam, itémque subiunctam ei prædeterminationem quæ recidat in nihilum, nec sortiatur effectum. Hæc verò tanta est absurditas, vt nihil attineat eam amplificare; ipsaque voce *diuina determinationis* sufficienter refellitur. Hoc autem gratis admissio, manet difficultas de actu cui negata sit diuina prædeterminatio, cuiusmodi sunt omnes illi quos non exercemus. Hi namque iuxta aduersarium non possunt elici, quia caremus principio ad eorum productionem essentialiter requisito, nempe diuina determinatione. Igitur homo non est indifferens ad huiusmodi actus: nec laudandus est quis ex eo quòd potuerit facere malum & non fecit. Reuera enim non potuit facere malum quod omisit. Caruit enim diuina determinatione ad exercendum actum, quam si accepisset, operatus fuisset; nunc autem abstinuit operatione, quia operari non potuit, quod non est laudis argumentum.

Probatio 2. ex actu malo.

VIII. Secundò principaliter argumentor, & probò determinationem voluntatis nostræ quoad exercitium, non esse à Deo: quia si ita esset, Deus prædeterminaret hominem ad peccandum, proindeque esset
peccati

peccati autor, quod vel cogitatu horrendum est, nec nec nisi cum enormi blasphemiae atrocitate, à Caluino & quibusdam de Lutheri ganca est affirmatum. Ut hoc argumentum rem solidè conficiat, probandum duntaxat est, posito quòd Deus determinet voluntatem ad exercitium, sequi quod determinet ad peccandum: nam cœtera sunt perspicua, & extra controuersiam. Probatur igitur illa sequela; quia is dicendus est prædeterminare ad peccandum, qui prædeterminat ad ponendum fundamentum quo in talibus adiunctis posito, non potest non exurgere malitia, siue sit priuatio siue formalitas positiua, resultans ex libera positione actus in talibus circumstantiis. Vtrumlibet enim quis statuatur, perinde est ad rem præsentem: quia malitia quicquid tandem esse dicatur, non potest per se & directe fieri, sed resultat ex tali modo operandi, nempe ex operatione contra regulam, supposita aduertentia & potestate abstinendi eo opere. Vnde malitia catenus tantum potest prædeterminari, quatenus prædeterminatur fundamentum ex quo apta est exurgere; Id est actus positiuus cui aduenit in talibus adiunctis, & in tali hominis dispositione. Atqui non potest admitti, quòd Deus prædeterminet hominem ad ponendum actum positiuum malitiæ substratum; quia sic Deus ipse implanaret hominem, quod Spiritus sanctus Ecclesiastici 15. arguit mendacij. Quomodo enim non implanaret hominem, quandoquidem ex se, & ex mera sua voluntate, nullo habito respectu eius quod homo ex se velit, vrgeret illum, imò adigeret ad ponendum talem actum, cui in talibus circumstantiis

agnoscit non posse non conferi & implantari malitiā? Prædeterminatio enim mouens & exequens de qua agimus, cum ita inferat actum vt homo non possit eum non ponere, eam quam dixi ad actionem continet: Ac proinde si Deus, ad actum malitiæ substratum & virulentiaæ fœcundum prædeterminat, implanat hominem, ei que subministrat iustissimam causam expostulationis, si vituperetur aut plectatur ob admissum actum positivum, ex quo non potest non exurgere malitia. Quomodo verò dici poterit, Deum auersari peccatum, & odisse impium vt sic, ac impietatem eius, si ex se amat ac decernit id è quo malitia non potest non progerminare? itémque si vrget & adigit ad id ponendum, ob quod in talibus circumstantiis positum, homo consequentis inde moralitatis, siue peccati, causa censetur? Igitur Deus non prædeterminat hominem ad ponendum actum positivum substratum malitiæ.

Non persequor latiùs hanc argumentationem, quod in Morali dist. 4. à num. 343. validè, & obseptis ac præclusis effugijs omnibus sit proposita. Rectè igitur ac solidè ex ea inferimus quod hoc loco intendimus; nempe falsum esse, vi subordinationis essentialis quam causa secunda habet ad Deum, oportere causam secundam determinari à prima quoad exercitium. Id enim manifestè videtur non posse admitti quoad actum positivum malitiæ substratum, quamvis respectu eius æquè locum habeat essentialis subordinatio causæ secundæ ad Deum primam causam.

*Aduersarij implexitas, & inconstantia
notata.*

IX. Respondet aduersarius lib. 1. cap. 26. num. 4. & 8. Deum nec ad formale peccati nos mouere, siue prædeterminare, vt probauerat num. 1. neque ad materiale, vt probauerat num. 2. mouere tamen ac prædeterminare nos ad actus qui mali sunt, quatenus sūt actus, & quatenus sunt humani, & quatenus sunt media quibus Deus vtitur ad mandanda executioni consilia sua: quam ait esse sententiam Diu. Thomæ in 2. d. 34. qu. 1. art. 3. ad 3. & d. 37. qu. 1. art. 2. & qu. 3. de malo, artic. 2. quia his locis dixit, actum peccati quatenus actus est, causari à Deo. Idem tribuit S. Dionysio cap. 4. diu. nomin. quia dixit, Deum esse causam effectiuam eius quod quomodolibet est, atque adeò etiam actus positiui malitiæ substrati, qui vtique & actus est, & essentialiter bonus. Vnde Deus ob malitiam ei bonitati adiunctam, non est spoliandus iure quod habet in quoduis ens ac bonum: quod ius in eo situm est, vt Deus ad illud exemplariter; finaliter, & efficienter prædeterminet. Quid quod creatura, etiam in malis actibus tendit in finem vltimum, pendetque ab eo? Atqui secundum ordinem finium est ordo agentium. Ergo creatura, in malis quoque actibus, à Deo tanquam ab agente primo pendere & moueri debet, quod est ab eo ad exercitium præmoueri & prædeterminari. Sicque malum à bono procedit, cum finaliter ratione intentionis summi boni, quæ ad quemcunque actum

etiam si malum non mouet, tum efficienter. Hoc em-
plastro autor factam à se vulneri illato medelam
putat.

Sed certè non est resina in Galaad, & medicus non
est ibi. Nam quamuis certum sit, actum malitiæ sub-
stratum, prout actus est, pendere à Deo, idque vnus
tradiderint S. Thomas & S. Dionysius, qui proinde
otiosè allegantur ad stabiliendum autoris responsum,
quod longè aliud fert: Tamen aliud erat quod osten-
dere oportuerat. Nempe monstrandum fuerat, quo-
modo Deus non prædeterminet ad peccatum, sitque
eius causa, (eo modo quo peccatum potest habere cau-
sam,) si ex se & antecedenter ad hominis voluntatem
prædeterminat ad actum positium, cui in his circun-
stantiis, malitia necessariò adiungitur. At tantum abest
vt aduersarius id ostendat, vt potius id stabiliat, ex quo
diximus apertè sequi actionem Dei in peccatum. Qua-
re argumentum propositum perstat inconcussum.

X. Manifestè verò aduersarius, sibi ipsi hoc loco &
aliis contradicit. Nam lib. 1. cap. 25. num. 1. diserte ad-
mittit, quicquid est in actu malo præter priuationem,
prædeterminari à Deo. At materiale peccati, est aliquid
in actu peccati quod non est priuatio: quæ iuxta aduer-
sarium est ipsa malitia. Ergo malè hîc in speciem ne-
gat, Deum determinare ad materiale peccati. Quid
quod hoc ipso loco quo tam secure negat determina-
ri nos à Deo ad materiale peccati, idque suæ sententiæ
impingi grauiter fert num. 8. addit tamen, Deum præ-
determinare voluntatem ad actum positium forma-
li malitiæ substratum? At quid est materiale peccati, ni-

EXERCIT. ACTVS, NOVA LIBERT. NON EGET. 379
si actus ille quatenus ens positivum & Metaphysicè
bonum? Ridiculum sanè videtur, quod num. illo 8. di-
citur, *materiale mali moralis, non tantum coniunctum esse*
malo, & defectui, siue disconvenientiæ ad naturam ratio-
nalem, sed illud ipsum intrinsecè includere penitusque imbi-
bere. Hoc si verum esset, materiale transiret in formale,
essetque peccatum, quod est contra suppositionem.
Item iuxta hæc, fomes peccati baptismo superstes, quæ
adversarius num. 2. perabsurdè ait pertinere ad mate-
riale peccati, esset malus formaliter, atque adeò pecca-
tum, contra expressam Concilij Tridentini definitio-
nem. Nec refert, quod iuxta adversarium, fomes, &
actus malitiæ substrati, quatenus inconsiderati, non sint
contra regulam rectæ rationis, sed tantum disconue-
niant naturæ rationali. Hoc inquam non refert. Nam
si disconvenirent naturæ quæ est terminus dissonantiæ
mediatus & remotus, deberent prius disconvenire ter-
mino immediato & proximo, hoc est regulæ practicæ,
cui tamen ob inconsiderationem non dissonant. Ergo
neque naturæ dissonant, vel saltem non plus naturæ
dissonant quàm regulæ: nec nisi materialiter utrique
repugnant, quatenus scilicet hæc entitas actus, si ad-
esset advertentia & consensus, fieret moraliter & forma-
liter mala: Fomes verò, quatenus est seminarium
actuum qui possunt in malum efformari, est quæ *sartago*
libidinis, in qua depopulatricis flammæ vagus ardor. &
cuncta perlustrans incendium, ebullire facit concupiscibi-
biles motus, ut loquitur autor sermonis de ratione
circumcisionis apud S. Cyprianum.

Quàm hîc absit à Caluino.

XI. Non potest ergo aduersarius defugere, quin fateatur Deum prædeterminare hominem ad materiale peccati, cum prædeterminare dicat ad entitatem positiuam substratam malitiæ. Ac proinde ægrè poterit suam hanc sententiam ita defricare & extergere, vt nihil Calvinianæ fuliginis eidem concretum semper, & agglutinatum, ac conuisceratum remaneat. Nam Caluinus ad cuius vipereos in hac re sibilos orbis cohortuit, sola prædeterminatione ad materiale peccati in talibus circumstantiis contentus est. *Equidem, inquit lib. de æterna Dei prædestinat. quæ mala sunt, quatenus mala sunt quæ malo animo perpetrant homines, Deo minime placere fateor: sed quod otiosum ea permittere fingunt, quæ scriptura non tantum eo volente, sed autore fieri pronunciat, nimis friuolum est effugium.* Hoc secundum dicit, propter prædestinationem & prædeterminationem actus positiui malitiæ substrati. In prioribus autem verbis disertè ait, Deum non prædeterminare formale peccati, sue malitiæ. Clariùs etiam idem tradit hic sycophanta lib. 1. instit. cap. 18. §. 2. 3. & 4. & in antidoto ad canonem sextum sessionis sextæ Concilij Tridentini, quibus locis tradit, Deum odisse quidem perfidiam, id est, formale peccati, sed velle defectionem positiuam perfidiæ substratam, quæ est illius peccati materiale.

Et conclamat quidem meritissimò in Caluinum autor, tanquam in blasphemum, & quod de eius atavis

EXERCIT. ACTVS, NOVA LIBERT. NON EGET. 381
dixerat Iſid. Peluſ. lib. 1. epiſt. 413. tanquam ſuperan-
tem diabolum ipſum impietate ac ſcelere; quippe qui
planè faciat Deum peccati autorem. De hoc bono
opere non lapidamus autorem, ſed quærimus quomo-
dò ipſe hac in parte à Caluino diſſideat. Nam Calui-
nus cohorruiſit profiteri in actu ſignato, Deum eſſe au-
torem peccati. Conuincitur tamen id aſſeruiſſe, quia
peccatum quod commiſſionis appellatur, ſiue forma-
liter ſit priuatio, vt autor latè contendit in opere de li-
bertate, (ad quam ſcilicet id magni intererat,) lib. 2. ca-
16 & 17 ſiue ſit poſitiuum quid vt ego veriſſimum exi-
ſtimo, & latè probaui in Mor. diſt. 4. à num. 252. cum
inquam peccatum cõmiſſionis formaliter ſpectatum
vel ſit priuatio, vel formalitas connotatiua, quarũ neu-
tra ponitur aut producitur abſolutè & ſimpliciter, ſed
tantùm ſit factò fundamento, aut adhibito certo ope-
randi modo reſultat, vt quæcunque priuationes & alię
pleræque formalitates; in eum vt cauſam referri debet,
qui ponit fundamentum formalitatis aut priuationis
illius, qua fundamentum eſt: hoc eſt, quatenus ex eo in
talibus circumſtantiis progerminat neceſſariò forma-
litas vel priuatio. Calvinus autem conuincitur hoc ad-
mittere, quia cenſet Deum prædeſtinatione ſua adige-
re ex ſe hominem, non quidem ad formale peccati, ſed
ad poſitiuum actum ei ſubſtratum.

XII. Quæ ergo eſt inter Calvinum & autorem,
quoad hoc differentiã doctrinæ, cum autor æque ad-
mittat, Deum ex ſe determinare Catilinam ad volutio-
nem occidendi poteſtate priuata, prout ea volitio eſt in
genere naturæ, (quod autor habet lib. 2. cap. 25. n. 16.)

& vniuersaliter loquendo contendat Deum ex se non
 vrgerè modò, sed & adigere, (hoc enim est, prædeter-
 minare,) adigere inquam hominem vt ponat funda-
 mentum moralitatis vetitæ, hoc est actionem generis
 naturæ in his circumstantiis in quibus malitia non po-
 test non adiungi tali actioni; quippe quæ circa obie-
 ctum vetitum, & cum prohibitionis aduertentia eli-
 ciatur? Aut quomodò non æquè autor ac Calvinus,
 præcludit omnem planè iustam accusationem pecca-
 toris, qui videri debet laudabiliter operatus; quan-
 doquidem vt aduersarij contra Calvinum verba lib. 2.
 cap. 22. nu. 7. contra ipsum aduersarium retorqueam,
*sciuit Deum suo decreto, sua voluntate, sensu illum sua ope-
 ratione, hunc illi affectum imprimere, & securus est; Quid
 aliud facere debuit? Licetne enim Deo volenti & operanti
 resistere?* Eam cuiusuis peccati excusationem, & Dei in
 omnibus sceleribus accusationem, æquè impiis sugge-
 rit doctrina aduersarij. Et tamen cuiusmodi sit ea accu-
 satio, & excusatio, nemo non videt, & pulchrè tradit
 S. Ambros. lib. 2. de Cain cap. 9. verbis illis. *Qui pecca-
 tum suum ad quandam referunt, vt Gentiles asserunt, de-
 creti aut operis sui necessitatem, diuina arguere videntur,
 quasi ipsorum vis, causa peccati sit. Qui enim necessitate
 aliqua coactus occiderit, quasi inuitus occidit. Ea verò quæ à
 nobis sunt, excusationem non habent, quæ autem præter nos
 sunt, excusabilia sunt. Sed quanto grauius peccato ipso, ad
 Deum referre quod feceris, & reatus tui inuidiam, trans-
 fundere in autorem non criminis, sed innocentiae?*

XIII. Versat se in omnem partem autor lib. 2. cap.
 25. vt hoc telum declinet aut auertat. Sed irritò planè
 conatu.

EXERCIT. ACTVS, NOVA LIBERT. NON EGET. 38;
conatu. Nam quod ait num. 2. & 10. *Actus prauos non
prædefiniri & prædeterminari à Deo, absolute ac secundum
se totos, sed secundum ordinem quem illis indit ad finem pro-
uidentie suæ; id ipsum est quod Calvinus ait, Deum im-
planare homines optimo consilio; vt scilicet ad finem
omnibus suis operibus præfixum, gloriæ inquam suæ
amplificationem perueniat. Et tamen hic Æthiops, eo
responso teterrimam faciem horrendi dogmatis non
lauit, quia iuxta edictum sanctissimum quod prostat
apud Apostolum, non sunt facienda mala vt eueniant bo-
na. Nec quisquam excusatum putet adulterum, qui li-
bidinari se dicat eo animo, vt prolem suscipiat quam
sanctè educet, & ad gloriam Dei promouendam insti-
tuat. Aut fœneratorem, qui aliena sublegere se dicat,
vt habeat vnde in pauperes effundat ad Dei glo-
riam.*

Eundem Caluini afflatum & spiritum pestiferum,
redolent illa ab autore tradita ibid. n. 5. & seqq. nempe
peccatum subsequens quatenus iusta peccatoris pœna
est, à Deo esse; non ob iustam permissionem occasio-
num labendi, & subtractionem auxiliorum quæ pec-
catum inhibuissent, (quo sensu S. Augustinus 3. contra
Iulian. c. 3. & l. de grat. & lib. arbit. c. 21. & 23. dixit pecca-
tum subsequens esse pœnam præcedentis;) sed vt intel-
ligitur ex n. 6. & 7. quia hominem peccato subiicit, il-
ludque assumit & regnare facit supra peccatores; adeò
vt ob eam subiectionem, diuina iustitia statuente,
& diuina potentia operante factam, committant no-
ua illa peccata, operante Deo in cordibus ipsorum. Ab-
sit vero, absit, & rursus absit, hæc vt admittamus,

quippe à diuina munditie, & peccati odio quo flagrat Deus, alienissima. A Diuo autem Augustino tam disticta, quàm elongatur cœlum à terra. Nam Diu. Augustinus tantùm voluit quod dixi.

Et aliquando præterea significat, cum peccator ad duo mala inæqualia promptus agnoscitur, & in prociñctu ad ea, ita vt alterutrum exequi fixum habeat; tantùmque nutet & anceps sit, vtrum potius è duobus perpetret; cum inquam id accidit, tunc Deum interdum impellere peccatorem, vt in eam potius partem quæ minus terra est, arbitrij sui habenas flectat: vel eum peccata sunt æqualia, & ex vno secutura est iusta vexatio alicuius, eo similiter impellere quandoque peccatorem; non per physicam voluntatis ipsius inflexionem ad malum factam diuinitus, sed ostentata, ministerio ferè satanæ, aliqua boni illecebra, quæ peccatorem ad eam partem proleſcet atque pelliciat. Sic enim duram illam, nec facile vulgandam D. Augustini paucis quibusdam locis, & pro paucis quibusdam & infrequentissimis euentibus sententiam, molliuit Hugo Victorinus lib. 1. de sacram. fidei p. 3. cap. 29. quam autor ad omnia planè peccata, primum cuiuscunque hominis peccatum consequentia, consilio nequaquam probando, extensam voluit.

Neglecto corde saucio, reduniam curat.

XIV. Castiùs profectò & Deo digniùs loqueretur, si non modò amoueret à Deo hanc inflexionem ad malum, etiam si quandoque sit minus, sed etiam præ-

EXERCIT. ACTVS NOVA LIBERT. NON EGET. 385
determinationem ad materiale, ex quo non potest in
talibus circumstantiis non exurgere formale. Accidit-
que mihi hac in re vniuersa permirum, quod in aduer-
sario deprehendo. Non enim sensum meum dissimu-
labo. Is tam religiosè de Deo opinatur, vt etiam ma-
lum poenæ quàm homini malum est, ne per accidens qui-
dem in Deum refundi patiatur, vt videre est lib. 2. cap.
19. à num. 6. & cap. 22. num. 1. causatus quædam D. Au-
gustini & D. Thomæ loca, quæ reuera tantùm ferunt,
Deum ex se nolle hominis supplicium, prout eius ma-
lum est, quamuis supposita hominis condignitate, ve-
lit, & quidem directè, quod est iustissimum; nempe
hominem plecti. Item eadem religiositate & pietatis
tenerrimo sensu, autor ibidem num. 8. refugit admit-
tere, Deum esse posse causam non entis: vsque adeò vt
si fiat subtractio pura concursus conseruatiui, neget
Deum esse causam quòd res non sit, sed tantùm ad-
mittat, Deum non esse ampliùs causam quòd res sit:
addatque, Deum nò esse causam desitionis rerum sub-
ducta conseruatione pereuntium, quod meram influ-
xus negationem sonat, sed duntaxat non esse vlteriùs
causam conseruationis earum, quod ait importare in-
fluxum quendam positium ad non esse. Quæ adeò
subtilia & mystica sunt, vt ego qui Dauus sum nò Oc-
dipus, præstringi mihi visum fateri cogar. Tandem ea-
dem exquisitissima in Dei nitelam & summam sancti-
tatem obseruantia ductus autor l. 2. c. 24. num. 2. negat
Deum positiuè nolle & auersari peccatum: ne scilicet
eius qualicunque tandem contactu, etiam si auersati-
uo, sordescat; & quia si Deus positiuè malum nol-

let non fieret. Quasi verò idem sit nolle, siue auersari aliquid, & nolle impeditiōem eius, quod est illud permittere, si impediementi appositio ad manum erat. Atque ita Deus etiam si peccatum impedire nolit, optimè tamen ac verissimè dicitur nolle & odisse peccatum.

Aduersarius ergo, tam delicatè pius vbi nihil interest, imò vbi species pietatis & studij in Deum euidenti ratione confoditur, occlusis tanta accuratione foraminibus diuini influxus in quodcunque mali nomine donatum, etiam quod Deum non dedeceret, patentissimam portam aperit diuino influxui in malum morale, quod est verè à Deo alienissimum; siue in peccatum, admissa inflexione creatæ voluntatis per Deum ad secundum quod vis peccatum, & prædeterminatione ad actum positium in circumstantiis in quibus resultare ex eo malitiam est omnino necessarium. Hoc verò est, quod aiunt, neglecto corde lethaliter saucio, de reducta curanda esse sollicitum.

Probatio 3. ex reiectione modorum, quibus voluntatis à Deo determinatio, fieri dicitur.

XV. Tertiò principaliter argumentor, & probo Deum non determinare ex seipso voluntates creatas ad sui actus exercitium, excludendo modum quo eam determinationem à Deo fieri tradit autor. At igitur, omnes quidem causas secundas determinari à Deo ad exercitium actus, sed cum aliquo discrimine de quo

EXERCIT. ACTVS NOVA LIBERT. NON EGET. 387
plenè c. 28. n. 2. & 3. Nam causas secundas naturales ac
non liberas, existimat prædeterminari à Deo, immis-
sione actus cuiusdam primi fluentis, quem S. Thomas
quæst. 3. de potentia quæ est de creatione artic. 7. no-
minat virtutem intentionalem & fluentem. Qui actus
primus, licet non sit qualitas, quia non habet esse fir-
mum & ratum, est tamen motio, ferè sicut impetus la-
pidi à proiiciente impressus. At causas liberas, existimat
autor prædeterminari à Deo ad sui actus exercitium,
per finis intentionem, qua voluntas non ad media, res-
pectu quorum est indifferens, sed ad finem per media
determinetur.

Hæc tamen neque verè, neque satis cohærenter, di-
cuntur. Nam autor contendit, causas naturales eo diui-
nitùs dato virtutis actiue complemento egere, quia
causæ secundæ sunt, quas oporteat à prima causa acci-
pere, non posse tantùm, sed & agere. Itémque quia
alioqui influxus diuinus non esset in causam, sed in so-
lum effectum. Atqui hæ rationes, & si quæ sunt aliæ
mox inter diluenda aduersarij argumenta proferendæ,
æquè euincunt, causas liberas huiusmodi complemen-
to virtutis egere, ac causas naturales. Nec D. Thomas
iis locis quibus supplemento illi virtutis diuinitùs im-
pendendo patrocinator in speciem, aliter de causis na-
turalibus quàm de moralibus ac liberis philosopha-
tus est; cum omnes æquè sint causæ secundæ. Itaque
quantum ex discursu acoluthia, & iis quæ sparsim au-
tor tradit, colligere licet; & præsertim ex eo quòd diui-
nam actuum liberorum prænotationem diuino decre-
to niti vult, tanquam fundamento primo, quod sanè

necesse est esse firmissimum, nec per hominem mobile, ne scientia illo nixa vacillet: dicendum videtur, cum quamuis implexè & confusè locutum, noluisse causis secundis liberis hoc virtutis auctarium negare: sed duntaxat exponere voluisse, quid in super habeant causæ liberæ, quod causis naturalibus commune non sit; nempe intentionem finis, à qua proinde peculiariter determinentur, & applicentur ad actus circa media, quamuis prout causæ sunt, possuntque etiam eosdem actus indeliberatè promere, determinantur immisione actus primi fluentis. Et ita expressè agnoscit autor lib. 1. cap. 17. num. 2. & cap. 18. num. 1. & 2.

XVI. Ego & eam prædeterminationem per quodcunque virtutis auctarium quo posito actio non possit non sequi, repudiandam contendo, & specialem causarum liberarum prædeterminationem per intentionem finis vltimi, æquè reiicio. Atque ita excludo quemcunque modum, quo aduersarius censet tribuendam esse Deo determinationem causæ secundæ ad exercitium actus.

Prædeterminationem per immissum actum primum, excindunt quæcunque hætenus proposui, vt excluderem determinationem nostram à Deo quoad exercitium actus. Quæ æquè etiam militant contra prædeterminationem per intentionem, si ea intentio sit eiusmodi, vt ea antecedenter ad consensum nostrum nobis diuinitus inserta, actio circa media non possit non sequi. Quod semper addo, quia si quis tantum contenderet, formam aliquam, siue sit qualitas siue aliud quippiam, (quanquam quid aliud tandem

EXERCIT. ACTVS NOVA LIBERT. NON EGET. 389
esse queat?) immitti causæ secundæ, & tamen æquè
præstolari eius determinationem, ac eam præstolatur
concurfus simultaneous & concomitans; non erit mihi
cum illo magna contentio, quia salua erit indifferentia
actiua voluntatis creatæ, & immunitas Dei à labe cau-
sationis peccati. Atque hoc pacto philosophatum vi-
deo Pennotum lib. 8. cap. 21. num. 2. & cap. 22. num. 1.
quoad actus supernaturales, & quoad naturales specia-
liter à Deo intentos. Nec abhorret Ruardus artic. 7.
qui inter problemata numerat assertionem huius præ-
immissionis non determinantis causam secundam.
Tantum itaque dispiciendum erit ei qui huiusmodi
actum primum inuohere volet, quàm solidè illum sit
confirmaturus, qui planè superfluus videtur, & nullo
firmo fundamento subnixus.

XVII. Specialiter verò prædeterminationem vo-
luntatis nostræ quoad exercitium per intentionem fi-
nis vltimi, *quam Deus primo datam renouet, & adau-
geat, implicatam & inuolutam euoluat, & explicet, immi-
nutam & obscuratam per peccata instauret & illustret,*
(quo pacto de hac voluntatis liberæ prædeterminatio-
ne ad exercitium loquitur autor cap. 26. num. 3.) hanc
inquam prædeterminationem, non video quàm veri-
similiter inuehat autor. Nam intentio Dei finis vlti-
mi, non est nobis primò data à Deo, nec ab eo augetur
renouatur, explicatur, euoluitur: sed est actus noster
elicitus & liber, cui æquè necessaria est diuina præde-
terminatio, ac cæteris actibus nostris pro quibus au-
tor necessitatem diuinæ prædeterminationis agnoscit.
Alioqui causa secunda, respectu intentionis non acci-

peret à Deo suum agere: nec effectus ille daretur à Deo causæ secundæ, quæ est aduersarij argumentatio ad as-
truendam prædeterminationis necessitatem. Opor-
bit ergo fingere, ante finis intentionem dari aliam in-
tentionem anteriorem, quæ sit huius prædetermina-
tio: quod non modò est còtra experientiam, sed etiam
apertè inducit processum in infinitum in intentioni-
bus prædeterminantibus. Quod hîc suppono, pri-
mam finis vltimi intentionem esse actum nostrum li-
berum, probavi & discussi in Mor. dist. 2. à num. 173. &
latè etiam traditur à Bellarmino lib. 3. de grat. & lib. ar-
bit. cap. 14. ac Suare disp. 19. Metaph. s. 8. à num. 9. Hoc
autem supposito, rata est argumentatio proposita.

Accedit, quod si verum est voluntatem liberam præ-
determinari ad exercitium actus sui per intentionem
finis vltimi, fatendum erit cuius planè actui libero, ad-
iungi, imò præmitti intentionem finis vltimi. At hoc
nemo non videt esse commentitium, & contra expe-
rientiam. Cum verò finem vltimum intendimus, vt ali-
quando contingit, non idcirco dicendum est eam in-
tentionem nos prædeterminare: quia prædetermina-
tio spectat actionem prout exercetur, atque adeò dicit
ordinem ad specialem & singularem actionem. Atqui
plerunque intentio finis vltimi nullam specialiter in-
fert actionem circa media, eo quòd de nullo medio as-
sumendo distinctè cogitemus. Aliàs verò cognosci-
mus quidem nexum medij alicuius cum fine vltimo, &
vi intentionis finis volumus tunc amplecti medium:
Tamen neque tunc dicendi sumus ad eam electionem
prædeterminari per intentionem finis vltimi, quia
præde-

prædeterminatio est aliquid antecedens liberæ voluntatis consensum, poniturque voluntate inconsulta; nec cessat ad nutum eius. At amor mediij in eo euentu, non plus durat quàm intentio finis, quam possumus cum libuerit abrumperè.

XVIII. Fixum itaque & ratum esto, voluntatem nostram, non à Deo, sed tantum à seipsa determinari ad actus sui exercitium: quod planè illi fuit concedendum, vt esset locus laudi & merito in exercitio actus boni, & virtutis operatio ex parte aliqua esset hominis, quatenus potuisset si ita libuisset, actionem omittere, vt pulchrè dixit Nazianzenus orat. 1. E contra verò idem fuit voluntati permittendum respectu actus prauis, vt esset locus iustæ repensionis supplicij in tempore retributionis, cum vniuscuiusque actus appendentur in statera iusta. Hæc omnino videtur certa habuisse Gerſo, quando quidem in proëmio tractatus de distinctione verarum visionum à falsis, inter alias propositiones (vt vocat) *minùs sobrias*, quas aliquos Theologos asseruisse affirmat, istam numerat, *Quòd diuina voluntas prius vult res esse, quàm suus intellectus indicat eas fore.* Id enim perinde omnino est, ac si diceretur, *Quòd diuina voluntas antecedenter prædeterminans, sanciat actus libero fieri, priusquàm cognoscatur positus influxus voluntatis creatæ quo accipiunt esse, & diuino intellectui obijciuntur tanquam futuri.* De voluntate enim diuina conditionatè aut concomitanter concursum decernente, cum sit causa actus futuri, vt Gerſo sæpè agnoscit, non diceret Gerſo, eam non prius intelligi in Deo, quàm actus noster iudicaretur futurus. Itaque perspicuè

inhæret doctrinæ propositæ, censetque minus sobriū affirmare, voluntatem nostram non à seipsa, sed à Deo determinari antecedenter, vt exerceat actum liberum.

Sic stabilita veritate, adducenda sunt & expendenda, quæ aduersarius ad stabiliendam contrariam sententiam id Deo tribuentem profert, vt inde emendicet suffragium nouæ libertati & amplitudini: quod libertatis prisca notio per indifferentiam actiuam, nullo modo possit cum voluntatis prædeterminatione ad exercitium coherere.

*Argumenta aduersarij ab autoritate, præsertim
Diui Thomæ.*

XIX. Determinationem ergo voluntatis creatæ ad exercitium actus sui à Deo esse, autor lib. 1. cap. 17. & aliquot consequentibus, magno testimoniorum & rationum bombo prosequitur. Testimonia petuntur magnam partem ex D. Thoma, quem autor ait docere 3. contra gent. cap. 66. & 67. Deum habere esse pro effectū suo proprio, cætera autem omnia, tantum dare esse in virtute primi agentis, & vt instrumenta ab illo mota & applicata: atque adeo causas secundas non educere effectus suos ad esse, nisi prout ad id determinantur & mouentur à Deo; nec operari per facultates & vires actiuas quas in prima sua productione sortitæ sunt, nisi ad id applicentur & determinentur à prima causa, conferente causis secundis supra primum esse ac virtutem initio productionis communicatam, com-

EXERCIT. ACTVS, NOVA LIBERT. NON EGET. 393
municatam, complementum aliquod quod S. D. q. 3.
de potentia quæ est de creat. art. 7. ad 7. vocat vim in-
tentionalem fluentem & incompletam, quæ liberis
quoque causis ad agendum est necessaria, alioqui
actio nostra posset esse cessante influentia diuina, quod
constat dici non posse. Item actio nostra in finem vlti-
mum referretur ab alio quàm à Deo, quod æquè ne-
gandum est. Denique esse Deum, non modò virtu-
tum ac facultatum nostrarum naturalium, sed etiam
actionum inde prodeuntium causam, probat ibidem
S. Thomas cap. 89. allegato Isaia cap. 26. qui Deum fa-
tetur omnia opera nostra operari in nobis, idque præ-
determinando, vt à D. Thoma ibid. cap. 90. statui reie-
ctis Nysseno & Damasceno contrasentientibus, affir-
mat autor num. 5. addens num. 6. tantùm abesse vt in-
de timendum sit libertati actuum nostrorum, & de
violentia alicuius iniectione periclitemur, vt potius
motus nostri tum demum sint liberrimi, cum nituntur
solo Deo: cum autem à nobis prout nobis emanant,
violentiam subeant maiorem vel minorem, prout ma-
gis minúsve nobis nituntur. Alibi quoque (hoc est 1.
p. qu. 105. art. 4. in corp.) affirmat S. D. voluntatem à so-
lo Deo moueri posse, & in ratione obiecti siue finis,
quia solus est bonum vniuersale; & in ratione princi-
pii siue agentis, quia dedit homini volendi virtutem,
eâmque solus causat in homine.

XX. Ex his perspicuè haberi censet autor, iuxta S.
Thomam, determinationem voluntatis creatæ quoad
exercitium, esse à Deo. Quod clarè item vult haberi, ex
eo quòd Deum præmouere causas secundas, cæque

complere vt actualiter agant, constans est S. Thomæ doctrina quæst. 3. de potent. quæ est de creatione art. 7. & lib. 3. contra gent. cap. 66. & in 2. d. 37. quæst. 1. artic. 2. ad 5. & quæst. 2. artic. 2. ad 2. & in compend. Theol. cap. 130. & 135. & 1. p. qu. 103. art. 8. & quæst. 105. art. 5. & 1. 2. qu. 109. art. 1. At ea præmotio & completio, est determinatio quoad exercitium. Et sanè cum causa secunda non sit agens primum & à se, necesse est non modò vt vim agendi, sed etiam vt ipsum suum agere à Deo accipiat, non per concursum simultaneum & concomitantem qui non tangit causam secundam, sed per còcursum quo detur aliquid ipsi causæ secundæ. Quod autor c. 18. n. 2. non dubitat rationale prorsus visum iri, si vana cupiditas dissoluendi modos propositos semoueatur, & ad ipsam per se veritatem attendatur.

Diuo Thomæ astipulatum esse hac in parte Scotum in 2. d. 37. *ferè tota*, & in 4. d. 49. quæst. 6. dub. 1. affirmat autor, & probari ab illo ait, eo quòd aliqui eripienda esset Deo omniscientia & omnipotentia. Neque enim Deus actus nostros prænoscere posset, nisi ipsemet ad eos determinaret. Eos item producere non posset, quippe quos in seipso non haberet causaliter. Nam si eos in se haberet, determinationes voluntatum nostrarum in Deo essent, id est, determinaret Deus voluntates nostras ad exercitium.

Testimoniorum ex S. Thomæ propositorum coæruatio, iure videri & dici potest crambe recocta. Tam densa enim S. Thomæ loca in hanc rem vbiuis

EXERCIT. ACTVS NOVA LIBERT. NON EGET. 395
prostant, adducta & discussa à quibusvis huius mate-
riæ tractatoribus, ut potuerit autor labori parcere, ijs
cumulandis quorum alibi plena plaustra, subiectis ad
singula responsionibus exhibentur. Ne verò expen-
dendis & librandis singulis moras nec tam immensas,
illud præmonco.

*Primores Thomistæ, longè aliter accepere
Diu. Thomam.*

XXI. Legerat S. Thomam Dominicus Soto, insi-
gnis planè Thomista & S. Doctoris perstudiosus. Is
tamen 3. Phys. qu. 1. art. 2. proposit. 5. disertè affir-
mat, in agente secundo cum agit, præter virtutem
agendi, frustra fingi virtutem aliquam fluentem, re-
cens appictam causæ: refellitque Thomistas illos qui
in igne calefaciente v. g. aliud imaginabantur præter
ignem, & calorem quo calefacit. Subdit verò quàm in-
iuria D. Thomas in huiusmodi placitum pertrahatur,
corrogatione & emendicatione perstudiosa obscurio-
rum quorundam dictorum, qualem ab aduersario in-
stitutam vidimus. *Non ignoro, inquit Soto, Thomistas
plerosque perscrutari autoritates D. Thoma, quibus entita-
tes istas multiplicent, nihil aliud profectò facientes, quàm
gravissimum Philosophum obscurum atque adeò inuisum
reddere. Ego tamen certus sum, S. Thomam non mul-
tiplicasse huiusmodi relationes, aut entitates ad sensum
istorum. Et quando contrarium in illo reperirem, aut
exponerem, aut nihil crederem eius honori & autoritati
obuiari, si in rebus his minimis, communem potius modum*

concupiendi amplecterer. Relationes intelligit, non categoricas quas certum est agenti accedere cum agit, sed transcendentales, quales cernuntur in quibusvis qualitatibus essentialiter ordinatis ad aliud; cuiusmodi esset virtus illa fluens si daretur: & aduersarius ipse lib. 1. cap. 25. num. 15. impressionem quam hîc inuehit, illis relationibus annumerat. Talem ergo quamcunque relationem fluentem, appingi causæ secundæ cum agit, negat Soto iuxta S. Thomam, disertèque addit, nullam planè formam addititiā, se habentem ad modum actus primi, imaginandam esse in causa secunda dum operatur.

Legerat S. Thomam Caietanus. Is tamen omnibus locis quæ ex autore corrogata iam olim sunt, ad astruendam diuinam illam impressionem in causam, ita accipere vult S. Doctorem, ut omnibus illis locis tantum significauerit subordinationem causarum secundarum ad primam, & dependentiam qua causæ secundæ pendent à prima in operando. Ita ille 1. p. qu. 14. art. 13. §. *nec sustinendus*, & qu. 19. art. 8. §. *ad primum*, ubi dicit *contrarium sensum*, (illum ipsum quem aduersarius S. Thomæ affingit,) esse puerilem.

Legerat S. Thomam Conradus. Is tamen 1. 2. qu. 79. art. 1. §. *nota inquam*, disertissimè tradit motionem Dei ad naturalia opera cooperantis, ratione subordinationis essentialis quam causa secunda habet ad primam, non esse motionem præuiam, sed duntaxat cooperatiuam: Et primam causam non ita mouere secundam, ut hæc in seipsa attingatur, & aliquid actione antèrius recipiat à prima causa, sed tantum mouere eam

EXERCIT. ACTVS NOVA LIBERT. NON EGET. 397
cooperando, & eatenus causam secundam dici agere
in virtute primæ. Contrarium verò sensum, (cum
scilicet quem aduersarius tribuit Sancto Doctori,) &
falsum esse ait & omnibus Philosophis, nominatim-
que Aristoteli repugnantem. Tribuit eum sensum
Scoto, an rectè, infra dicam.

Legerat S. Thomam Capreolus, qui Diu. Thomæ
anima audit. Is in 2. d. 28. qu. 1. art. 3. *ad 12. contra pri-
mam*, disertè tradit, quamvis ad actum supernaturalem
Deus præmittat motiones gratiæ præuenientis, tamen
ad actus naturales tantum influere in effectum, & nihil
in causam immittere.

Legerat denique S. Thomam Thomas Vvalden-
sis. Is lib. 1. doct. cap. 28. num. 3. grauiter expostulat,
contra quendam quem Diuo Thomæ imposuisse ait,
quòd diceret, causam primam per suppositionem, an-
tecedentem voluntatis creatæ determinationem, face-
re vt causa secunda operetur. Hanc *esse imposturam*, &
Diu. Thomam *clarissimo ore* (verba sunt Vvaldensis,)
contrarium tradere, contestatur hic autor.

*Nihil pro aduersario, apud Diuum
Thomam.*

XXII. His præmissis, vno verbo expedio acer-
uum illum locorum quem ex S. Thoma congeffit ad-
uersarius; & ipsomet D. Thoma suimet ipsius inter-
prete adhibito, dico, *idem esse causam secundam agere per
virtutem primæ*, (atque adeò applicari ab ea ac præmo-
neci & completi ad agendum immisione virtutis

fluentis,) atque agere per virtutem ab ea participatam, & dependenter ab illa. Ita ipsemet S. Thomas 3. contra gent. cap. 70. Potest autem creatura, per suammet entitatem à Deo participatam, agere dependenter à Deo, etiam si Deus nihil ei præimittat. Nimirum sufficit ad id, quòd causa secunda nequeat prodire in actum secundum absque concursu Dei simultaneo & concomitante, qui non causam attingat, vel aliquo ei intrinsicè indito vegetet, quod superfluum esset, cum sit iam sufficienter instructa, sed effectum duntaxat attingat cooperando causæ secundæ, à qua effectus prodire non posset, nisi Deo cooperante & adiuuante. Hæc ad enodationem omnium in contrarium ex D. Thoma propositorum, abunde sufficiunt.

Pro illis verò locis quæ ex S. Doctore sunt corrogata ab autore, possum ex probatissimis & maximè excul-
tis S. Doctoris lucubrationibus, struices locorum con-
gerere, quibus affirmat, voluntatem creatam à seipsa
determinari ad exercitium actus sui. Sic enim in 1. d. 25.
qu. 1. art. 2. ad 3. ait, Deum ita se habere ad liberum arbi-
trium creatum, vt ei vim actiuam qua pollet
contulerit, & cum eo cooperetur, sed ita tamen vt de-
terminatio ad agendum sit liberi arbitrij. Et quæst. 3. de
potent. artic. 7. ad 13. disertè tradit, causam primam ita
agere cum voluntate creata, vt tamen determinatio actus
relinquatur in potestate voluntatis. Imò in 2. d. 28. qu. 1.
art. 1. ait, hominem non fore liberi arbitrij, nisi ad eum deter-
minatio sui operis pertineret. Et 1. 2. qu. 9. art. 6. ait, homi-
nem se determinare. & quæst. 1. art. 2. ait, hominem
mouere seipsum in finem, quia habet dominium suo-
rum

EXERCIT. ACTVS NOVA LIBERT. NON EGET. 399
rum actuum per liberum arbitrium. Hæc & alia huius-
modi, quæ apud D. Thomam passim sunt obuia, nullo
modo cohærent cum voluntatis determinatione ad
exercitium facta diuinitus. Quomodo autem cohæ-
reat cum tanta quantam autor hîc celebrat necessitate
diuinæ motionis intentionaliter transcuntis in cau-
sis liberis, quod lib. 1. cap. 20. num. 4. eam arctat
ad causas naturales, non sum sollicitior quàm de
symphonia multorum autoris locorum se colliden-
tium.

XXIII. Benè porrò habet, quod dum in eri-
piendum nobis S. Thomam, ardentius incumbit,
Nyssenum sibi, (seu potius Nemesium, nam is est
germanus operis de homine parens,) ac Damasce-
num aduersantes fateatur: quos astipulatores habe-
re, sed Damascenum præsertim, peritissimus quis-
que magno redemptum velit. Neque verò S. Tho-
mas ibi, vt aduersarius sibi fingit, *id quod illi reij-*
ciunt, retinendum censet tanquam verum; sed potius
admittit quod verè ab illis constitutum fuerat, nem-
pe nullam dari antecedentem prædeterminationem;
quippe quæ libertatis creatæ vertibilitatem pessunda-
ret: retenta tamen diuinæ prouidentie de actibus no-
stris determinatione libertati nostræ consentanea, cu-
iusmodi non esset ea qua prædeterminaremur quoad
exercitium, etiam si à Deo.

Locari verò videtur aduersarius, cum ad præcauen-
dam libertatis cladem ex ea determinatione extrinseca,
affirmat non eum qui à Deo mouetur, sed eum qui
mouetur à seipso, moueri violenter, eoque violentius

Ecc

quo magis seipso nititur. Ad hanc enim insulfitatem condiendam, satis superque esse potest, Aristotelica violenti definitio, omnibus ante aduersarium probata, quæ ad violentiam extrinsecum agens deposcit. Sed tanti est audire mysticum, vt vel si conuulsione & euerfione primarum quarumuis notionum, decus magnificentissimi tituli emergari oporteat, audendum sit. Corollarium esto mysteriorum, quod autor hoc loco, non modò hominem esse sibi extrinsecum, quippe violenter se mouentem, sed Deum esse eius *ipsummet ipsissimum*, grandiloqua sua mystici sermonis sublimitate pronunciat. SELAH.

Sed neque apud Scotum.

XXIV. Scotum eodem iure quo D. Thomam, id est nullo, pro voluntatis creatæ determinatione ad exercitium diuinitus facta, proferri, docet locus ex eo quem ipsis Solis radiis scriptum dixeris. Ita habet in 4. d. 1. quæst. 1. *ferè in fine*, cum dixisset causam secundam non dici agere in virtute primæ, quod agendo aliquid ab illa recipiat, sed tantum quia habet ordinem inferioris ad illam. Subditque. *Ex his patet, quod causa primæ in causam secundam non est influentia noua, quæ sit productio alicuius inherens in causa secunda: sed influentia ibi, est determinatus ordo istarum causarum in agendo effectum communem.* En Scoti germanam mentem, quoad præmissionem in causam secundam, vt prædeterminetur à Deo quoad exercitium. Clarissimè item in 4. d. 43. qu. 3. *litera D.* agens de

EXERCIT. ACTVS NOVA LIBERT. NON EGET. 401
influencia causæ primæ. *Influencia illa, inquit, non est aliquid absolutum receptum in causa secunda; quia tunc causa secunda per illud receptum posset agere sine causa prima, cuius influentiam recipit, quia iam habet in se totum illud propter quod indiget actione causæ primæ, quod inconueniens est Ergo influencia causæ superioris respectu inferioris, non est aliquid receptum in causa inferiori: vnde est tantummodò ordo eius in causando ad causam superiorem, continuè quantum est de se coagentem. Non erit ergo alia influencia, sicut nec alius ordo causæ superioris ad inferiorem. Eadem explicatissime iterat Scotus in 2. d. 1. qu. 2. litera E.*

Hæc Scotus, quem passim negare voluntatis prædeterminationem quoad exercitium à Deo factam, affirmat nuper ex eius schola scriptor Cauellus disp. 3. de anima sect. 14. n. 8. locis autem ab aduersario prolatis, illud vnum intendit, quod de D. Thoma diximus: nempe causam secundam essentialiter subordinari primæ, nec posse absque ea coëfficiente erumpere in actum secundum, quamuis non propterea vllam impressionem, actione vtrique causæ communi anteriorem, accipiat à prima causa. Ita Scotum exponit Tartaretus in 1. d. 8. q. 5. & in 4. d. 1. qu. 1. Bassolis ibid. ad primum pro prima via, & Lychetus dist. illa 8. quæst. 4. Imò ipse Scotus hoc planè modo se explicat, cum locis iam prolatis, tum egregiè in 2. dist. 3. qu. 8. litera E. verbis illis. *In causis ordinatis inferior non causat nisi in virtute superioris. Ista tamen virtus, siue assistentia, siue influencia, (quomodocunque nominetur,) non est impressio alicuius formæ, vel alicuius inherens in causa inferiori, sed tantum est ordo siue actualis coniunctio talium causarum*

actiuarum, ex quibus sic coniunctis, & suis proprijs actiuitatibus præsупpositis coniunctioni, sequitur effectus communis ambarum causarum.

XXV. Porro necessarium non esse ad Dei omniscientiam & omnipotentiam tuendam, admittere, cum aliquid causæ secundæ præimmittere, quo eam ad sui actus exercitium prædeterminet, quod autor profert tanquam à Scoto intortum in negantes eam prædeterminationem, nullo negotio dissoluitur. Deus enim tametsi volitione & operatione sua nostras voluntates non prædeterminet, est tamen omniscius, & nostros quoque liberos actus certissimè & infallibilissimè præscit: quia diuina de nostris actibus prænotio, alio primo fundamento nititur, quàm diuini cuiusuis decreti: nempe veritate ipsa actus futuri, quæ rata est, ac proinde diuinum intellectum infinitè perspicacem latere non potest. Quanquam non idcirco Deus notitiam suam mutuatur à creaturis, nec ab eis mouetur, sed ad eas purè terminatur. Neque item tollitur Deo omnipotentia in voluntatem nostram, si eam non prædeterminat. Satis enim est quòd posset eam prædeterminare si luberet, quamuis de facto id non præstet. Vnde planè in se habet, id est eminèter continet actus nostros, & ad eos procudendos potest voluntatem adigere, quamuis potestatem hanc summam, repagulis benignitatis in nos suæ coërcitam velit, ne nostram temeret libertatem. Atque ita concidit argumentum illud, quo ex negatione prædeterminationum, inferri censebatur negatio diuinæ omnipotentiae. Exarmat hunc (vt vocat,) aduersariorum Achillem, Soto l. 1. de natur. & grat. cap. 16.

*Rationum aduersarij inanitas, sigillatim
monstrata.*

XXVI. Sic contritis aduersarij argumentis ab auctoritate, librandæ sunt rationes quibus determinationem causarum secundarum quoad exercitium fieri à Deo, probare conatur toto c. 19. tum quoad causas naturales, tum quoad morales & liberas, siue purè moraliter ac philosophicè operentur, siue supernaturaliter & Christianè. Exsugam quicquid singulis inerit boni succi.

Prima est. Nullum indiuiduum potest constituere aliud in simili specie, vt equus equum, homo hominem, nisi præmoueatur ab illa causa superiore quæ respicit totam speciem naturæ inferioris, quia constituere in aliquo ordine, illius est qui supra ordinem potestatem habet. Ergo similiter nullum agens particulare potest constituere quippiam in ratione entis nisi præmotum à Deo qui cuiuslibet esse supereminet.

Respondeo. Maior validè probanda fuit, cum de ea sit tota quæstio. Autor verò planè eneruam ac clumbem eius probationem adhibuit. Quamuis enim certum sit Deum habere potestatem supra omnem planè ordinem creatum, inde tamen non sequitur, Deum præmouere voluntatem creatam prædeterminando eam quoad sui actus exercitium.

XXVII. *Secundaratio.* Ordini finium, agentium

Ecc iiij

quoque ordo respondet. Atqui Deus est finis summus & ultimus, qui solus potest debito modo nostram ad agendum indifferentiam determinare in ratione obiecti motiui. Ergo id quoque præstare debet in ratione agentis, physicè ac efficienter determinantis ad operandum.

Respondeo, cum quouis fine aliquod agens connecti, & eatenus ordinem agentium respondere ordini finium, ex physicis rudimentis supponitur. Sed idem esse agens & finem, gratis ab autore assumitur. Præterquam quòd Deum esse agens respectu actuum quorum est finis, imò & respectu quorumcunque actuum, præcisè qua actus sunt, nemo negat: inde tamen non sequitur, Deum esse agens quod prædeterminet. Tandem Deum esse finem in quouis actu libero, ad quamcunque efficientem causam comparato, fictitium est. Tam ruinoso argumento, parieti planè inclinato ac maceriæ depulsæ, non est fortius incumbendum, iis quatiendis quæ de indifferentia actiua ad libertatis exercitium requisita, autor æquè verè ac inconstanter admiscet huic argumento.

XXVIII. Tertia ratio. Omnis causæ liberæ actio, vel est intentio finis, vel electio mediorum. Ergo omnis actus causæ secundæ liberæ, prius à Deo est, quàm ab ipsa. Nam intentio quidem non est motus secundæ causæ, sed Dei in ea. Ad electionem autem non applicatur, nisi per intentionem tanquam per præmotionem. Ergo causa secunda libera, prædeterminatur ubiuis à primâ quoad exercitium actus sui.

Respondeo. Intentionem finis esse à Deo, nōsque ad eam non à nobis sed diuinitus determinari, falsum est. Vnde corrui vniuersa argumentatio quæ falso illi principio inædificatur. Falsum item est, intentionem prædeterminare ad electionem, quamuis illa hanc inferat, si sit efficax & medium supponatur vnicum, quod non semper contingit quoties intentio ponitur.

XXIX. *Quarta ratio.* Actus supernaturales, (præsertim quos nulla præuia supernaturali forma exercemus, vt prima contritio, vel attritio,) sunt actus longè superantes facultatem creatam. Ergo oportet nos tanquam instrumenta, applicari ad eos per superiorem causam.

Respondeo. Simūsne instrumenta, an principales causæ respectu actuum supernaturalium liberorum, quos Deo excitante & coadiuuante elicimus, problema est: de quo videndus latè Suares tom. 1. 3. p. d. 31. l. 6. ad 4. Mascari. disp. 1. parte 3. à num. 7. Fonseca lib. 6. Metaph. cap. 2. quæst. 5. sect. 13. *post solutionem secundi.* Ego rem physice spectando, existimo concedendum, nos esse causas instrumentales. Moraliter tamen rem spectando, certum est nos eatenus esse causas principales cuiusuis actus liberi, etiamsi supernaturalis, quatenus exercitium talis actus, subiicitur dominio liberæ facultatis, quā Deus supra vim suam naturalem extollere paratus est, quoties ipsa edixerit, & in opus erumpere constituerit: quod est, esse causam actus moraliter principalem. Concesso ergo antecedente argumenti ab

aduersario propositi, nego consequentiam : quia aliter sustolli possumus ad operandum supra naturæ vires, quàm per applicationem ad modum instrumentorum inanimatorum. Reuera enim sustollimur vt instrumenta libera, in quorum potestate est, sequi vel abiicere motionem, & facere vt concausa sustollens ad actum coëfficiendum se accingat, vel operatione abstineat. Et ita optimè Capreolus in 2. d. 28. quæst. 1. artic. 3. *ad 12. contra primam*. Quod verò aduersarius supponit, instrumentum debere à causa principali prædeterminari ad agendum, falsum est; cum ne præmoueri quidem oporteat, aliquo in ipsum instrumentum immisso, quod sit virtus causæ principalis, vt rectè tradit Bassolis in 4. d. 1. quæst. 1. *ad 1. pro prima via*.

XXX. *Quinta ratio*. Omnem causam secundam necesse est à prima moueri. Sed motio illa nihil potest esse aliud, quam præmotio causæ secundæ immissa, eamque ad agendum determinans, vt non modò esse ac posse creaturæ, sed etiam operari, atque adeò quicquid ad eius perfectionem pertinet, Deo tanquam causæ adscribatur, & ipse quoque causæ secundæ effectus tribuatur causæ primæ; quod sanè necesse est ab omnibus scripturas religiosè tractantibus admitti, ne ipsam causam secundam operantem diffiteantur à Deo attingi, vnâque negent eam Deo subiaci, & posse ab eo directè impediri, ac prohiberi ab agendo. Ergo omnis causa secunda prædeterminatur à Deo. Huius argumenti solam maiorem

EXERCIT. ACTVS, NOVA LIBERT. NON EGET. 407
iorem videri posse minus certam, censet autor. Itaque
eam multipliciter communit. In primis verò expostu-
lat, quòd ea (vt ait) receptissima maxima, à nobis miro
modo vexetur: & quòd cum illam negare non possi-
mus, quam scilicet vniuersa philosophia docet, sen-
súsque communis, ita eam contortis & violentis in-
terpretationibus debilemus & obscuremus, vt penè
negare velle videamur.

Respondeo. Maiorem illam negarunt Argentina
in 2. d. 25. quæst. vnica artic. 1. ad 1. Gotofredi. Ocham
in Centilo. propos. 1. Bellarm. lib. 3. de grat. & lib. ar-
bit. cap. 11. ad 1. Pennotus lib. 1. propugn. cap. 5. in fi-
ne, & alij. Rectè tamen intellecta, verissima est. Pro-
sequor legitimum eius sensum in Natur. Theolog. à
num. 49. Itaque in maiore non hæreo. Sed minor,
quam autor dimisit inermem & immunitam, periculi-
tatur confodi. Nego igitur, causam secundam si mo-
uetur à prima ad operandum, præmoueri immisione
cuiuscunque actus primi, distincti ab entitate causæ
secundæ, eamque attingentis non effectum. Sed cate-
nus tantùm causa secunda mouetur per primam, qua-
tenus interueniente cooperatione causæ primæ, exit
in actum in quem alioqui exire non posset. *Aliud
non est*, inquit Soto lib. 1. de natur. & grat. cap. 16.
*Deum me mouere, quàm mecum concurrere ad eliciendum
liberum actum.* Scotus item in 4. d. 13. quæst. 1. artic. 3.
litera CC. expendens quod aliquos affirmasse refert,
instrumentum substantiæ, moueri immediatè à sub-
stantia, præimisso aliquo vegetante ac sustollente;
Hæc, inquit, non valent secundum ea quæ mihi videntur.

vera de ordine causarum: quia non credo semper causam secundam, quæ vocatur quandoque instrumentum, recipere motionem specialem à causa prima, sed tantum habere subordinationem aliquam formæ suæ actiue, ad formam actiuam alterius: per quam subordinationem, causa priori exeunte in actum in suo ordine causandi, secunda nata est exire in actum in suo ordine causandi, & sic secunda dicitur mouens motum, non quia recipiat motionem à prima per quam moueat, sed quia in motione sua dependet ab alia prius naturaliter actu mouente. Quod ait Scotus, non semper causam primam mouere secundam, non eò pertinet, vt significetur quandoque causam secundam ex vi solius essentialis & generalis subordinationis ad primam causam, præmoueri ab ea. Nam si ex hoc capite præmotio aliquando exigeretur, semper & vbique interuenire deberet, cum ea essentialis subordinatio, nusquam & nunquam deficiat. Respexit ergo Scotus, ad præuentiones gratiæ, quæ ad actus supernaturales præimittuntur, vt naturalem potentiam fecundent, quamuis eam non prædeterminent. Sanctus item Bonauent. in 2. d. 37. quæst. 1. ad ultimum, cum obiectum fuisset, causam primam mouere secundam, sic respondet. Ad illud quod obijciatur, quod Deus est principale mouens in tali actione, dicendum, quod verum est: attamen non sequitur ex hoc, quod excuset liberum arbitrium ad faciendam illam operationem. Excitatio enim dicit aliquem effectum gratiæ præuenientem ipsam voluntatem. Hac autem requiritur in bonis meritoriis. In alijs verò operibus indifferentibus, vel etiam malis, non est nisi sola cooperatio diuinæ virtutis, quæ

*existens in creatura potentialiter, essentialiter, & presentia-
liter, sicut conseruat eam in essendo sic adiuuat in operando.
Propter quod conceditur ibi esse cooperatio, non praeuencio,
vel subsecutio. Denique Eustachius à S. Paulo 2. p.
Ethic. tract. 2. disp. 1. quæst. 2. & 3. apertissimè idem
tradit; quàm consentaneè ad elogium quod auctoris
doctrinæ panxit, non moror.*

XXXI. Videt ergo Lector, non nos modò, sed
& Sotum, & Scotum, & Bonauenturam, (alios quos
adducere licuisset, sciens prætereo,) patere illi auctoris
criminationi, qua querebatur vexari miro modo pro-
positionem illam, *Omne quod mouetur, ab alio mouetur,*
eamque contortionem & violentiam interpretandi
quam nobis affingit, grauissimis quoque Doctoribus
communem esse.

Quod verò ad rem ipsam attinet, admitto omnem
causam secundam, etiam vt causam, moueri à Deo,
quatenus absque Deo, non exiret à potentia causan-
di ad actum, quod est transire à non esse causæ, ad
esse causæ, atque adeò moueri. Et hoc item modo,
Deus dat causæ secundæ effectum quem producit;
non ipsam causam secundam quasi grauidando, vt
fœtum intra eam formaliter conclusum extrahat, sed
eam iam in suo ordine potentem ad agendum coad-
iuuando, vt ex commercio & consociatione vtriuf-
que causæ, actio fiat, & effectus è causæ visceribus qui-
bus virtualiter continebatur, erumpat. Nam si Deus
iuxta aduersarium, dat causæ secundæ effectum eius,
quia cum agendum est, causam complet vt possit age-
re; æquè dici poterit dare effectum causæ secundæ, si

eam quantum attinet ad actum primum plenè instruatam atque completam ab initio, adiungens sese cooperarium, reddat fecundam & potètem agere, quod alioqui ei deesset. Quod si aduersarius, scripturas illas quibus Deus dicitur operari in nobis opera nostra, eaque dare, & præparare, ac nos in illis creare, satis religiosè à se tractari arbitratur, dicendo dari & fieri à Deo opera, quia datur ad ea vis transiens, præmouens ad eorum exercitium, etiam si potentia vi diuina non reddatur quasi fœta opere formaliter in eam immisso: patiatur me quoque religiosum tractatorem audire, dicendo causas secundas accipere à Deo effectus suos, ratione diuinæ cooperationis, planè ad eos requisitæ; quippe absque qua, causæ secundæ, emortuæ omnino & obstipæ iacerent. Sunt enim entia potentialia, quæ & in essendo, & in agendo, essentialiter subordinantur primæ causæ. Vnde Deus cooperans, & dans quod exigebant præter entitatem & vim agendi in prima productione collatam, dicitur dare ea opera. Quod circa operationes supernaturales, quæ solent in scripturis appellari *dona Dei*, tactum est à S. Chrysostomo hom. 32. in 1. ad Cor. ad illud, *subsidia, gubernationes*, & optimè à Theodoro Philippi. *in ipso fine*. Monstrant enim hi Patres, eo loquendi modo nihil officii libertatis iuribus, neque determinationem actus nostri liberi ad Deum referri: sed significari tantum, necessitatem suppeditationis auxiliorum supernaturalium, & cooperationis indebitæ. Idem ergo, proportionè seruata statuendum est de actibus liberis naturalibus, qui eatenus dici possunt

EXERCIT. ACTVS NOVA LIBERT. NON EGET. 411
dari causæ à Deo, quia Deus ad eos cooperatur, vt exi-
git potentialitas causæ secundæ.

Ex quo soluitur argumentum quod aduersarius to-
ties iterat, de subducta è numero entium potentia-
lium & Deo subditorum, voluntate creata, si à Deo
non prædeterminatur ad exercitium. Quod argu-
mentum, ex Aluare disp. 91. de aux. num. 13. eo allega-
to & exscripto, profert contra Bellarminum Amelius
Caluinista tomo 4. Bellarmini eneruati lib. 4. cap. 1.
num. 5. addens, *vel ex hac una sententia satis patere,*
liberum arbitrium, esse IDOLVM IESUITA-
RVM; quippe quod, negata præmotione præde-
terminante, negent esse potètiæ, & subiectum Deo.
Verùm Iesuitis, tela Caluinistarum, sua non modò
fama ac sententiis, sed etiam corporibus excipere, nec
moueri, sed porrò pergere, iis à furore quo laborant
persanandis, quotidianum est. Quàm verò auctori sit
gloriosum, hominem de Caluini ganea, sententiæ de
diuinitus prædeterminata ad exercitium voluntate
creata, suffragatorem habere, viderit ipse.

XXXII. Habetur præterea ex dictis, quomodò
causæ secundæ possint à Deo actione prohiberi im-
mediatè & directè, verèque Deo subiiciantur, etiam
vt causæ sunt; quod auctor putat nobis esse inexplica-
bile. At quid facilius, quàm dicere Deum directè &
immediatè causas secundas actione prohibere posse,
quia potest illis cooperationem suam negare, salua
earum entitate & virtute actiua, quæ sine Dei coope-
ratione nequit in actum prorumpere? Vnde eo ipso
quod Deus negat causæ secundæ societatem suam ad

cooperandum, subducitur id sine quo causæ secundæ feriandum est; ac proinde vis eius veluti marcet, cohibeturque directè & immediatè ne agat.

Sexta ratio proferri potest, quæ ab autore lib. 1. cap. 26. num. 9. & 10. latè proponitur: Quia nimirum nisi admittamus voluntatem creatam determinari à Deo ad exercitium, adigemur fateri, inexplicabile esse quomodò actus causæ secundæ incipiat, & unde determinatio ad illum oriatur. Non enim potest oriri à causa secunda, quia hoc esset ponere illam primum principium actus sui. Præterquam quod causa secunda, in illo priori in quo se ante positam diuinam determinationem diceretur determinare; non habet id sine quo in actum prodire nequit: nempe diuinum concursum, qui tunc à diuina voluntate non exhibetur, nisi voluntatem cui cum impertit ad exercitium actus determinet. Nam à principio indeterminato, qua tali, nulla cooperatio oritur. Est porro obiectum aliquod assignandum diuini illius decreti absoluti & efficacis, quo Deus statuit cum causa secunda concurrere ad eius quemlibet indiuiduum actum. Non potest autem aliud decreti illius obiectum assignari, quàm actus ipse indiuiduus exercendus, quod ipsum est, voluntatem creatam ad talem actum diuinitus prædeterminari quoad exercitium. Ad hæc, negata voluntatis creatæ determinatione ad exercitium facta diuinitus, fatendum est, causam primam determinari à secunda: quod est dicere, inferiorem præesse, superiorem subesse. Nec enim nisi verba & voces sunt, quæ apud Suarem ha-

EXERCIT. ACTVS NOVA LIBERT. NON EGET. 473
bentur locis ab autore allegatis num 9. quibus dicitur, concursum causæ primæ ex se indifferentem, modificari & determinari quasi materialiter, ex cooperatione voluntatis liberæ, eo quòd Deus expectet influxum voluntatis creatæ liberè agentis, vt ei suam cooperationem adiungat. At enim cum causa secunda, sit causa verè efficiens, non potest dici determinare nisi efficienter, atque adeò per modum superioris, quod nefas est arrogare creaturæ, respectu Dei cum ipsa cooperantis. Tandem negata Deo creatæ voluntatis determinatione ad exercitium, potiùsque admissa ea materiali determinatione diuini concursus per creaturam, sequitur quod retulisse sufficit vt absurdum appareat, nempe Deum cum videt causam secundam sibi subiectam in malum labi, lapsum eius sequi, & influxu suo adiuuare, trahique ab ea ad societatem flagitij quod designat.

*Modus exhibitionis diuini concursus,
obiter tactus.*

XXXIIII. Hæc ratio nullo negotio dissoluetur si veram sententiam de modo quo Deus nobis concursum suum exhibet, proposueris quod plenius præstiti in physicis, cum de coniugatione causarum subordinatarum ad coëfficiendum eundem actum sermo esset: & in Natur. Theol. d. 8. à num. 348. & in Morali. dist. 4. à numer. 334. Hic obiter duntaxat id attingam.

Aio igitur, Deum per scientiam futurorum condi-

tionatorum præscium operationis à voluntate prodituræ in talibus circumstantiis, si ipsa per se solam absque Deo posset agere: vel quod eodem recidit, præscium operationis à voluntate in talibus circumstantiis prodituræ, si non stet per ipsum, velitque cum voluntate cooperari; cum primùm circumstantias illas positas videt, applicare se ad eliciendum cum ea actum, in quem ipsa sic ex se propendens agnoscitur. Priusquam enim voluntas agat, obuersatur Deo in his illisve conditionibus ac circumstantiis, quibus si posset, ferretur ex se ad operandum: obuersatur inquam vt exigens cooperationem diuinam; quam Deus quia prima causa est, nec vult deficere secundis causis in necessariis, illico exhibet. Exigentia porrò illa diuini concursus in creatura constituta in talibus circumstantiis, non est actus aliquis creaturæ re ipsa exercitus. Nam ad eum æquè exigeretur diuinus concursus, manerétque explicandum, quomodò ad liberum illum actum exigendi concursum, diuina se manus applicuisset; an scilicet ob interpositum alium vltiorem actum liberum exigendi; quo pacto daretur progressus in infinitum; vel ob illum duntaxat actum, obicientem se Deo, quod liquet dici non posse, quia par esset ratio de primo actu, ob quem actus exigendi fingeretur. Est igitur exigentia prædicta nihil aliud, quàm natura & genius voluntatis liberæ, è qua in talibus circumstantiis præuidetur proditura operatio, si voluntas posset agere se sola, siue si Deus velit concurrere. Tunc enim Deus non ex se, & suoptè nutu, sed vt satisfaciatur exigentiæ illi agentis creati, applicat se ad

EXERCIT. ACTVS NOVA LIBERT. NON EGET. 415
se ad cooperandum, sicque ex vtriusque causæ conso-
ciatione emergit actio.

XXXIV. Hæc est breuiter mea sententia, de mo-
do quo Deus concursus suum exhibet causis secun-
dis liberis, fusiùs illustrata & confirmata locis prædi-
ctis. Facile verò est, ex his euertere sextam aduersarij
rationem ultimò propositam. Dico enim determi-
nationem ad exercitium actus liberi, oriri à causa se-
cunda, quæ eatenus dici potest primum principium,
quatenus nulla potest assignari alia causa, cur hic actus
exerceatur, quod maxime patet ex actu peccati. Quæ
enim alia causa anterior voluntate, assignari queat,
cur quis volens blasphemet aut mentiatur? Omnia
verò quæ ad eundem actionem cum voluntate in-
terueniunt, non inuehunt actionem, nisi ad ipsius vo-
luntatis nutum. Non solemus tamen absque expli-
catione conueniente, nominare voluntatem, primum
actus sui principium, ne videamur eam statuere inde-
pendentem, & sibi sufficientem ad esse & ad agere.
Sed non erit ea denominatio refugienda, si tantum
ferat, voluntatem à seipsa determinari. Quam ob
causam Valdensis lib. 1. doctr. cap. 24. num. 1. ait esse an-
tiquæ Ecclesiæ doctrinam, quod voluntas sit *origo*
actus mali, sit verò *principium originale* & *iurigenium*
actus boni, præueniente cum gratia Dei in ratione motiui
repudiabilis.

Et diuinus quidem concursus, priusquàm volun-
tas se ad agendum determinet, non est actualis, sed
tantum in præparatione. Fit autem actualis, id est actu
exhibetur, cum creatura agnoscitur operabunda &

gestiens se determinare formaliter, ita vt si se sola posset agere, excuderet tunc actum suum; quod Deo innotescit per scientiam mediam. Illa quippe determinatio creata quæ sub conditione præuidetur, & concursu reipsa exhibito non eget quia non est actualis; excitat Deum, & suo modo determinat (vt disertè loquitur Corduba lib. 1. quæstionaris quæst. 55. dub. 8 & 10) ad exhibendum concursum, quem Deus ad voluntatis exigentiam impendere decreuerat. Dico hinc determinari Deum suo modo; id est obiectiuè & materialiter, vt Suares loquebatur: quia quamuis sit actio & effectio præuisa sub conditione quòd Deus velit ad eam actu exercendam cooperari, tamen nondum est actio exercita, nec habet esse absolutum in rerum natura: nec ad modum productionis & impressionis cuiuspiam, (quæ in Deum cadere non potest,) sed per modum obiecti mouet Deum, vt velit creatæ voluntati adesse cooperarius, iuxta decretum à se latum: quod è conditionato transit in absolutum & efficacem, cum primùm conditio illa ponitur ex parte voluntatis creatæ. Eius verò decreti iam absoluti & efficacis obiectum, est ipse actualis concursus Dei. Nam is est in quem decretum tendit, & qui eo decreto omnipotentiam applicante, tunc expromitur.

XXXV. Est verò ex his perspicuum, voluntatem creatam non ita determinare Deum ad cooperandum, vt idcirco dicere liceat, eam præesse Deo præstolanti nutum illius, nec prius cooperanti, quam ipsa modo prædicto significet placere sibi operari. Ea igitur Dei per creaturam determinatio, talis tantum est,

qualem eam esse voluit diuina benignitas omnia
 cum reuerentia disponens. Cum enim posset Deus
 nos vel renitentes ad operationem compellere, &
 abripere ad coëfficiendum, maluit, (quæ eius bonitas
 fuit,) nos nobis ipsis permittere, & præstolari determi-
 nationem nostram, nec prius se ad cooperandum ac-
 cingere, quàm nobis visum sit operari: ne præopera-
 tor, non cooperator audiret, & anteuertendo volun-
 tatis nostræ nutum, actionis sibi totum meritum ac
 demeritum, nobis exclusis vendicaret. Posito autem
 eo concurrenti modo quem præfixit, & hæcenus ex-
 positus est, voluntas diuinitus præuenta, & fœcunda-
 ta seminio cogitationis & affectus congruentis, cum
 venit ad excudendum actu consensum liberum bo-
 num, etumpit in opus coadiuuante Deo: quod ad lau-
 dem operis ac meritum, voluntati quantum ei debe-
 tur adscribendum, satis superque est. Cum autem agi-
 tur de excudendo consensu libero moraliter malo,
 Deus ne desit muneri primæ causæ, & irritum faciat
 pactum quod iniit cum causis secundis, exhibet vo-
 luntati concursum ad actum substratum malitiæ, se-
 quens hac in parte creaturam, & tractus ab ea diui-
 num sibi influxum rapiente, vt S. Anselmus scitè dixit
 lib. de casu Diabol. cap. vltimo. Quod non est Deum
 in societatem flagitij pertrahere, nec est peccare cum
 creatura: sed tantum est, facere vt creatura abutens
 dono Dei, & vitio suo præcepta, possit peccare: in
 quo nulla inhonestas cernitur, sed summa nitela, at-
 que potentia.

Preces aduersarij, pro Domino Deo.

XXXVI. Priusquam manum de tabula tollamus, exhibendum est, qua ratione aduersarius, nostram in sententia obfirmationem miseratus, quos exhausta planè pharetra argumentis emolliri non posse vidit, flectere alia ratione tentarit l. 1. c. 18. à n. 7. Precibus itaque armatus, supplex rogat, vt attendamus nos tribuendò homini determinationem suam ad exercitium, de Deo loqui, non vt infinitam maiestatem addect, sed perinde ac si de homine finitæ virtutis ac limitatæ sermo esset. Precatur, vt attendamus reddere nos Deum in sua scientia & potentia à creatura dependentem, & qui opus habeat consensu voluntatis humanæ, saltem sub conditione futuro: qui consensus à nobis statuitur independens à Deo; & tamen à Deo præsupponatur oportet, si aliquid per gratiam fœliciter & cum effectu sit acturus; quæ est manifesta deiectio diuinæ omnipotentia; præsertim quia vt autor quoque vrget lib. 1. cap. 30. num. 4. hoc pacto Deus non dat creaturæ suum velle vt autor & Dominus, sed tantùm suadet & hortatur vt amicus; nec dat nisi piam cogitationem & affectionem, cum qua homo est indifferens ad agendum & non agendum: quam indifferentiam tollit, si agat vt Dominus, & dando ipsum velle, determinet voluntatem.

Instat insuper autor, precando vt attendamus, hominem quidem vt ad finem aliquem quærendum se prudenter obfirmet, debere prius de medijs quibus

EXERCIT. ACTVS, NOVA LIBERT. NON EGET. 419
ad finem perueniat apud se cogitare. Deum tamen
qui est ipse finis creaturarum, non egere mediis qui-
bus suæ voluntati exequendæ propior fiat. Ne-
gâtque posse probabilem rationem excogitari, ob
quam Deus scrutari aliquid in creatura debeat, tan-
quam sibi necessarium ut eam ad se adducat.

Tandem precatur enixissimè, ut consideremus fie-
ri posse iuxta nostram hanc sententiam, ut aliqui sint
quos Deus nequeat conuertere, cum fieri possit ut
nullo vnquam tempore sint dispositi ad vllam gra-
tiam. Et tamen irreligiosum planè sit, arbitrari non
posse Deum quocunque momento creaturam suam
flectere quò voluerit, & quidem illæsa eius libertate,
quod ipsum erat tertium caput difficultatûm initio
propositum, contra hanc scientiam.

Repelluntur.

XXXVII. Has preces pro Domino Deo ab au-
tore fusas, exaudire non est animus. Sunt enim planè
irrationabiles, & Deo non necessaria. Nos de Deo
ut de homine, non cogitamus, aut loquimur. Homi-
nem quippe adigereimus ad explorandam alienam
voluntatem, & dispositionem congruam ad persua-
dendum, quia non habet alienæ voluntatis habenas,
nec posset etiam si vellet, aliter flectere alterum ho-
minem. At Deum id tantum seruire dicimus, quia
benignus & misericors est. Subest enim ei si volue-
rit posse. Nec vlla esset facultas nostra, quæ Dei ab-
solutè volentis vim infringeret, moliminave retarda-

ret. Absit verò vt scientiam Dei & potentiam statuamus à creatura dependentes ; sed scientiam quidem ad obiectum suum , homini sub conditione inextitutum terminari agnoscimus , quæ non est Dei dependentia, sed tendentia : potentiam autem dicimus à Deo non exeri , nisi ad nutum voluntatis humanæ , & præuiso conditionaliter eius assensu : non quia Deus non posset aliter eam expromere , sed quia infinitæ eius bonitati placet , sic eam attemperare : quod propriè loquendo non est dependere, sed benignè condescendere causis secundis, vt earum libertas perstet intemerata. Et ille quidem consensus hypotheticus, in tali statu est à Deo independens, non caret tamen ordine ad Deum , tanquam ad causam eius cum voluntate, si ponatur conditio, & contingat eum excudi : quam duntaxat dependentiam. ad Deum , habent quæ sunt possibilis, quamdiu in statu possibilitatis delitescunt. Status autem futurorum sub hypothesisi , quamdiu conditio defuit , non transcendit statum entium merè possibilium. Vtraque enim sunt merè non actualia.

XXXVIII. Iam non egere Deum prospectione & aptatione mediorum creatorum, vt ad finem rebus à se conditis præfixum attingat, parùm consultè ac consideratè dicitur ; imò contra diuinam prudentiam ac sapientiam. Sed eo maximè ex capite celebrandus est Deus, quòd præfixo operibus suis fine aliquo , tam idonea tamque accommodata media prouideat, quibus sua de rebus illis consilia exequatur : idque notare dulcissimum erit sanctis in altera

EXERCIT. ACTVS, NOVA LIBERT. NON EGET. 421
vita, cum intuebuntur cor Dei, & semitas per quas ip-
sos deduxerit scrutabuntur, vt S. Bernardus egregiè
considerauit lib. 5. de consider. c. 4. Nec hoc est Deum
per scandulas creaturarum propiorem fieri voluntati
suæ exequendæ; sed est, Deum creaturas suauiter pru-
dentérque disponere, ijs probè perspectis quæ ad cau-
sæ secundæ certam sed non extortam pellectionem
sunt accommodata: ad quod scrutandam esse creatu-
ræ dispositionem, posito quòd Deus saluam esse
velit libertatem illius, & dictum superius sæpè est, &
illustrissimè à D. Augustino traditum lib. 1. ad Simplic.
quæst. 2. atque adeo nimium quantum sibi permisit
autor, cum eam sententiam probabili quacunque ra-
tione destitutam pronunciauit: In eo item reprehen-
dendus, quod giganteæ audaciæ insimulauit hanc
sententiam, statuens illam aduersus Dei omnipoten-
tiam assurgere; cum tamen diuina potentia in suau-
cordium plerunque indomabilium subactione, maxi-
mè splendeat, suadendo eis, & eatenus dando velle, à
quo fine vitalis huius saporis immissione vt Euno-
dus pulchrè ait, abhorruissent supra modum: quod
est eis dominari ratione ineffabili, & ad inescandum
amorem exquisitè accommodata.

XXXIX. Ad extremum, non est rimendum, ne
Deus quacunque hora & momento possit peccato-
res conuertere, quantumlibet induratos: cum perfa-
cile sit Deo, in quantocunque rigore peccatoris, ac in
ipso etiam delicti flagrantis æstu, immittere deprom-
ptam è thesauris suis piam cogitationem quæ illi fa-
piat. Immeritò ergo timebat aduersarius, ne aliquis

inueniatur ita obtorto voluntatis genio, vt nulla ei aptari queat vocatio, idque latè negat Diu. Augustinus quæst. illa 2. tradens in diuinæ sapientiæ thesauris latere infinitos modos quibus voluntatis quantauis obfirmatio molliiri possit: & hanc ipsam plerunque esse peccati pœnam, quòd non immittatur illa vocatio quæ cordis duritiam molliret. Ecclesiasticus quoque cap. 1. vt ibi optimè expendit Palacius, hanc infinitatem modorum quibus Deus appositè cordibus illabatur, expressit verbis illis. *Astutias illius quis cognouit? Disciplina sapientiæ cui reuelata est? multiplicationem ingressus eius, quis intellexit?* Ostendunt hoc subitæ illæ hominum in peccati profundo locatorum extractiones, de quibus nos plenè in opere de bono latrone cap. 4. Quid quod tamen si nulla per impossibile fingeretur latere in thesauris Dei vocatio, apta ad peccatoris alicuius conuersionem, ob dissonantiam piæ cuiusuis cogitationis cum complexione & dispositionibus ex parte peccatoris se tenentibus, facile tamen foret Deo eas dispositiones & eam complexionem, per seipsum, aut per Angelos ita immutare, independenter ab hominis assensu, vt redderetur aptus qui cogitatione aliqua moueretur, & eam haberet sibi contemperatam & congruentem? A decreto namque antecedente, de ea temperiei vel dispositionis non liberæ immutatione, nullum immineret libertati creatæ periculum: sicut immineret à decreto antecedente de ipso actu libero, quod proinde repudiandum est, quamuis decretum antecedens de illa temperiei ac dispositionis immutatione ad congruitatem cum

EXERCIT. ACTVS NOVA LIBERT. NON EGRET. 423
cum aliqua cogitatione cauſandam, admittendum eſ-
ſet ſi res ferret.

*Preces viciſſim aduerſario oblata, pro libertate
humana & veritate.*

X L. Apparet iure me aures occluſiſſe ad preces ad-
uerſarij, quem viciſſim in hac meta enixè precor, per
quicquid ſacrum aut charum habet, conſideret etiam
atque etiam, ne dum ſuperuacuo erga diuinam po-
tentiam obſequio defungitur, in benignitatem eius
& condeſcenſionem erga nos, iniurius fiat. Attendat
obſecro, nec perfunctoriè, quanti apud Deum ſit hu-
mana libertas, quam tanta maietas neque honoris
ſui aut gloriæ indemnitate temerari patitur, retribu-
turus in tempore cum acceperit tempus: eamque
proinde miſellus homuncio ſpecie honorandi Deum,
& robuſtiſſimam eius manum prædicandi, ne conuel-
lat, quod Maneti, Lutheri, Caluino, aliſque Tartari
emiſſariis male ceſſit. Attendat denique per Chriſti
manſuetudinem atque modeltiam ab Apoſtolo in-
terpellatam, non in igne, neque in ſpiritu vehemen-
ti, aut commotione eſſe Dominum ſed in ſibilo auræ
tenuis. Itaque ſuaues vias quas inſit Deus qui amat
animas, depreciare abſtineat: præſertim cum quæcun-
que hoc loco ab autore aduerſus eas ſunt prolata præ-
ranciditate propè marceant; ſintque à plerique ante
annos complures propoſita, ab aliis verò ita efficaci-
ter reiecta, vt mirum ſit, crambem toties recoctam, &
vappam iam toties relatam, nouo iſti architriclino di-

H h h

gnam videri potuisse, quæ in mensam suam nouellam inferretur.

*Nova libertas, ad difficultatem propositam
planè inutilis.*

Monstratum igitur sufficienter est, nihil ab aduersario proferri, quo vel in speciem euincatur, voluntatem creatam à Deo cooperante determinari ad sui actus exercitium. Ex quo tandem sequitur quod intendimus, nempe vt diuina voluntatis creatæ ad exercitium determinatio rata sit, nihil esse necesse, nouam libertatis notionem confingere, cum qua determinatio illa cohæreat; quæ cum vulgari & antiqua libertatis descriptione per indifferentiam actiuam, inconciliabiliter dissidet.

CAPVT IV.

*Accessio ad caput præcedens; siue doctrina proximè tradita
de modo quo diuinus concursus exhibetur, defensio
aduersus recentes impugnaciones; insusque
diuini nobiscum concursus, contra
nouam Theologiam
stabilitas.*

I.



VM bona venia Autoris nouæ libertatis, interseram hoc loco defensionem doctrinæ ad calcem præcedentis capitis traditæ, aduersus impugnaciones Sequani cuiusdâ Theologi, non minùs religione ac pietate, quàm doctrina & eruditione clari, qui post hæc nostra ad prelum seposita, dum per quadrimestre ictum fluuij ægrè eluctantur, renunciatus est, doctrinam illam nostrâ omni studio quaterere; eoque non sine fauentia & plausu aliquorum deuenire, vt cum hoc placito nostro, receptissimam de diuini nobiscum concursus necessitate doctrinam quoad actus liberos excisam velit Operæpretium ergo est id excutere, ne quod Prosper ad Augustinum dixit, *saluberrimum ipsis videatur, quod nullus penè contradictione reprehenditur.* Discussionem autem noui huius placiti, vel potius confirmationem doctrinæ proximè datæ interposita, regrediar ad institutum, & cum autore nouæ libertatis pergam agere:

H h h ij

non dubius quin hæc illi parenthesis pro suo in diuinam nobiscum beneficentiam studio, sit probanda. Quanquam non tam parenthesis aut parergon, quàm continuata disputationis series videri debet, quod ad doctrinæ propositæ firmitatem, & retundenda tela in eam tametsi ab alio intorta, pertinet.

*Nova sententia libertati consulens excluso concursu
Dei, cur fabricata.*

Quæ igitur à me hætenus tradita sunt de modo, quo Deus nobis concursū suū exhibet; nec illa tantum, sed & omnes hætenus à variis propositas rationes diuinum concursum nobis exhibendi, æquè impugnat Sequanus Theologus, & quæcunque tandem ex illis ineatur, impossibile putat, exponere quid videat Deus, cur nunc, & non ante, vel post, adiungat se nobis cooperatorem, exhibeatque concursum suū. Omnes porro illi modi quibus hætenus expositum est, quando & quomodo Deus concursum suum nobis adiungat; vel sunt eorum quibus physica voluntatis prædeterminatio placet, vel eorum qui reiecta physica prædeterminatione dicunt Deum concurrere nobiscum concursu tantum simultaneo & identificato. Priorem modum, Theologus iste pro comperito habet exscindere libertatem. Itaque non ultra in eo immoratur. Posteriores, obseruat statui multiplicem. Primò enim aliqui dicunt, Deum ut concursum suum nobis exhibeat, spectare quid factura esset voluntas si se sola posset agere. Quod aliter dicitur,

Deum cooperari nobiscum, quando conditionaliter videt, actionem ex voluntate erupturam si ab ea sola posset erumpere. Secundò alij dicunt, Deum spectare determinationem voluntatis secuturam, si velit ipse concurrere, nec stet per ipsum. Alij tertio, aiunt Deum spectare virtualem voluntatis determinationem, eaque visa concursum suum adiungere. Addi posset quartus modus quo Deus diceretur spectare formalem determinationem voluntatis. Nullus horum dicendi modorum, Sequano Theologo satisfacit. Nam primus inuehit notitiam impossibilem, & Deo indignam ac libertatis humanæ, diuinæque sanctitatis euersionem, quod probat variis rationibus quas distinctè infra proponam. Secundus verò modus, apertè recidit in primum, quantumuis videatur ab eo differre quia aliis verbis concipitur. Tertius modus, supponit dari determinationem virtualem, huic Doctori visam intolerabilem. Quartus manifestè supponit, diuinum concursum esse priusquam sit. Supponit enim vt detur concursus, spectari à Deo actionem, quæ tamen esse nequit absque concursu diuino.

II. Re ergo ad hunc statum deducta, cò-deuenit idem Theologus, vt dicat, non posse suppetere viam vllam, qua explicemus quid spectet Deus, & à quo obiectiuè determinetur siue exciterur, vt tunc, non ante vel postea, concursum suum nobis adiungat. Cum tamen, si eum reuera adiungit, dubitare non liceat, aliquid ab eo spectari, ne temere & cæco modo cooperetur. Omni autem tali via exclusa, affirmat

ipse, Deum non concurrere nobiscum ad actus liberos. Quod in primis negat esse contra fidem. Ita enim sensit Durandus qui idcirco non audiuit hæreticus. Ita etiam sensit Aureolus, qui & Cardinalis fuit, & dedicauit suum opus Clementi Pontifici Maximo, quem (inquit) constat nequaquam fuisse passurum editionem operis, erronea vel temeraria doctrina facti. Equè poterat adducere pro eo placito Scotellum in 2. d. 37. qu. 1. conclus. 1. iuncta dist. 34. qu. vnica, in 4. modo dicendi, & Pelbartum Rolario 2. V. *Malum*. §. 7. Nam quamuis non prorsus expressè, tamen satis apertè suffragantur Aureolo. Post Aureolum, Pomponatius in opere de fato, sæpè tradit, negandum esse Dei concursum, tanquam libertati nostræ aduersantem, referente Sirenio 8. de fato cap. 21. Ante Aureolum verò Præpositius, quem S. Bonaventura ait fuisse *magnum Clericum*, disertè idem censuit quoad actum malum, vt referrent Ægidius Romanus latè in 2. d. 37. quæst. 1. art. 3. & Argentina eadem d. 37. qu. vnica artic. 3. Ea porro distinctione, Magister sententiam illam concursum Dei ad prauos actus inficiantem, damnare non audet: & ibidem S. Bonaventura testatur, eam fuisse multorum antiquorum: præter eos qui ita illam non sequuntur, vt tamen pronuncient esse probabilem, inter quos est Altissiodorensis lib. 2. Summæ tract. 27. c. 3. cui Gregorium Ariminensem adiungit Vasques 1. 2. d. 129 c. 2. Quid quod D. Augustinus lib. 12. Confess. c. 11. astipulatus eidem sententiæ videtur? Fauet etiam apertissimè Petrus Hurtado de Mendoza disp. 10. phys. à §. 35.

CONCURSVS DEI, VERÆ LIBERT. NON OBEST. 429
latè negans, eam sententiam Scripturæ aut Patribus
repugnare, vllôve ineluctabili argumento con-
uelli.

III. Addit idem Sequanus Theologus, non modò
non esse contra fidem negare Deo concursum ad
actus nostros liberos, sed etiam esse id necessariò affir-
mandum nisi velimus adigi ad agnoscendum Deum
peccati autorem. Impossibile enim censet Deum à
peccati labe eximere si immediatè concurrat nobis
cum ad actum intrinsecè malum; v.g. ad actum men-
daci: Quia cum tota ratio cur homo peccet, sit, quia
liberè ponit entitatem illam ex qua liberè posita ne-
cessariò resultat malitia; profectò si Deus æquè liberè
eam entitatem ponat, imò cum maiore aduertentia
quàm nos, æquè erit autor malitiæ. Nec potest ob-
tendi ius vllum diuinum, quo Deus vtatur operando
talem actum. Nullum enim reuera Deo est ius eius-
modi, ad sic agendum per seipsum; atque adeò neque
ad idem agendum cum creatura. Quod si dicas, Deum
eodem modo concurrere ad actum illum prout ma-
lus est, & prout vacat labe, faciliè occurreretur, dicendo:
hominis quoque actum interdum vacare malitia, &
tamen cum adsunt requisitæ ad malitiam conditio-
nes, malum ac turpem esse. Ac proinde cum Deo ope-
rante circa huiusmodi obiectum, conditiones ad ma-
litiam prærequisitæ semper interueniant, infert Se-
quanus, Deo affricari peccati fuliginem, si ad materia-
lem actionis entitatem cooperetur. At quo iure ne-
gatur Dei cooperatio ad vnum genus actuum libero-
rum, eodem naganda æquè est ad omnes.

Concludit itaque idem Theologus, reformandum esse principium illud quod hactenus visum est exploratum: Nempe necesse esse, Deum ad quosuis actus nostros naturales & supernaturales concurrere immediatè, ac concursu nostræ operationi identificato. Hoc enim principium vniuersa iter acceptum, falsum esse affirmat Theologus cum quo ago. Reformandum verò esse ait, per restrictionem ad actus libertate destitutos; gratiasque Deo esse agendas monet, ob patefactam tandem illius principij falsitatem, quam persuasit nonnullis ita vt nuper eo agente cusa & propugnata sit in Dolana apud Sequanos Academia, thesis Theologica numero vndecima, in hæc verba. *Inest Deo impossibilitas ab intrinseca & essentiali ipsius rectitudine & sanctitate, non modò præterminandi physicè voluntatem creatam ad actionem intrinsecè malam; sed etiam concurrendi ad eandem concursu identificato, immediato, & simultaneo.* Quod hæc thesis affirmat de actibus intrinsecè malis, Theologus quem dico, vniuersè asserit de liberis actibus. Nam ad actus quidem nostros non liberos, & ad quasuis agentium necessariorum operationes, concedit Deum cooperari; quia quoad huiusmodi actiones deest illa inenodabilis implexitas, ob quam putat certum esse, actus nostros liberos non posse consistere cum diuina nobiscum cooperatione immediata. Nempe quod impossibile sit, assignare quid Deus in in nobis videat, per quod exciteretur ad coniungendum nobis, tunc, & non ante, vel postea, concursum suum. Quæ grauissima difficultas euanescit,
negata

CONCURSVS DEI, VERÆ LIBERT. NON OBEST. 431
negata diuini concursus necessitate ad actus libe-
ros.

*Breuiulus eiusdem nouæ sententiæ Sequani Theologi,
ab ipsomet concinnatus.*

His iam ad prelum datis, quæ ex parte disputatio-
num, eius quem dixi Sequani Theologi ad me trans-
missa decerpteram; commodum delata indidem ad
me est, brevis summa totius sententiæ eiusdem Theo-
logi, quindenario propositionum comprehensa, Do-
læ typis cusa apud Antonium Binart, vniuersitatis Ty-
pographum iuratum, & in cœnobio suo, ab eodem
Theologo, magno externorum concursu ac plausu
defensa: quam de peritorum ac prudentum consilio,
visum est hîc adscribere; cum ne affinxisse aliquid
suspicionem ingeram; tum vt Lectores, de hac no-
ua pugnantium inter Scholasticos acierum concilia-
tione, certius iudicium ferant. Ita habet:

THESIS THEOLOGICA: VNDE
 profecta sit dissensio inter Prædeterminantes ex
 vna parte, & modernos Assertores Scientiæ Me-
 diæ leu Conditionatæ ex altera, & quòd ea fini-
 ri possit, ac debeat; reformatà vna propositio-
 ne philosophica, cuius falsitas causa fuit contro-
 uersia, & deceptionis vtrorumque.

I.



NON est controuersia inter eos quasi Præ-
 determinantes negent Deum per Scien-
 tiam Conditionatam intueri futura con-
 tingentia conditionata immediatè in seip-
 sis, acque in propria eorum entitate, &
 existentia, quam habitura sunt, si conditio impleatur;
 tametsi plerique immeritò hoc illis attribuunt, ut sen-
 tentiam ipsorum faciliùs impugnent; cùm potiùs ex-
 pressè doceant quamlibet actionem conditionatè futuram
 esse rem aliquam indiuiduam, & singularem, de qua
 Deus interrogatus respondere posset, & quam ipse discer-
 nit ab alijs infinitis possibilibus, vocans quæ non sunt
 tanquam ea quæ sunt; fateanturque Diuinum intui-
 tum distinctè ferri in huiusmodi actionem conditionatè
 futuram immediatè, prout, & eodem modo quo eam
 videbit quando in seipsa existet à parte rei, & secun-
 dùm omnes rationes, & circumstantias existentia, non
 quam habeat iam actu, sed quam habitura est, si con-
 ditio impleatur.

I I.

Hinc sequitur ; Prædeterminantes non impugnare simpliciter Scientiam Mediam , seu futurorum contingentium conditionatorum , quocumque modo explicatam. sed duntaxat modum quem in illa explicanda Assertores illius tenuerunt , maximè verò ubi docuerant Deum per eam Scientiam dirigi ad decernendum , providendumque nobis concursum suum identificatum , & simultaneum , quem utraque factio existimat indispensabiliter esse necessariam nobis ad operandum.

I I I.

Scaturigo & radix maxima istius controuersie hæc est , nimirum quia tam Prædeterminantes , quàm Assertores Scientie Mediæ , quos omnes quo ad hoc breuius possumus appellare Concurrentes , supponunt tanquam verissimam propositionem vnā Philosophicam minimèque ad fidem pertinentem ; quam nos saluâ illorum pace , ac reuerentia existimamus esse falsissimam , atque adeo reformatandam , & corrigendam : Aiunt enim influxum , & causalitatem , seu concursum Dei identificatum , & simultaneum tanta necessitate requiri , ad hoc vt creata voluntas vel minimum actum , bonum , aut malum possit elicere , vt ea sit conditio indispensabiliter necessaria , contradictionemque implicet creatam voluntatem operari , Deo non concurrente ad eandem indiuisibilem actionem , immediato , simultaneo , & identificato influxu Physico , sicut contradictionem implicat creaturam existere Deo non existente : Ex quo sanè principio omnis ferè profecta est contentio ; multiæque per euentem consequentiam ex eo deducuntur , quæ cum sint impossibilia , euidenter ostendunt

impossibile esse ipsum etiam antecedens.

I V.

Si enim Deus in tempore concurreret ad quascumque actiones nostras, non sufficeret illi ad hoc voluntas conditionata, indifferens, aut disiunctiva concurrendi vel ad hunc, vel ad illum actum; sed oporteret illum ab aeterno habuisse decretum positivum, absolutum, & efficax determinatè concurrendi ad omnes, & singulas actiones, quas elicimus, & volitionem positivam concurrendi ad eas quas de facto non elicimus, cum tamen possemus illas elicere; quia impossibile est ut Deus maneat suspensus, aut ut negativè, vel indifferenter se habeat circa aliquod obiectum; sed habere necessariò debet absolutum, positivumque decretum, quo positivè de qualibet re possibili statuat, ut ea producat aliquando, aut è contrario ut nunquam producat: Et sic quoties homo vel Daemon elicit actum, verbi gratia, odij Dei, necesse esset Deum habuisse ab aeterno actum volitionis qui sic exprimitur; volo in tali puncto temporis cum illo homine, vel Demone producere actum liberum odij Dei, & nolo pro tunc concurrere cum illo ad actum oppositum dilectionis, neque ad ullum alium ex ijs quos ipse potuisset elicere.

V.

Si Deus ab aeterno decrevisset ita concurrere nobiscum in tempore influxu identificato ad quamlibet actionem nostram, vel decrevisset concurrere expectatà determinatione, & consultà atque exploratà voluntate nostrà, vel eadem non expectatà, nec consultà, sed antecedenter ad determinationem illius, neque enim potest dari alius modus concurrendi identificato concursu; quia concurrere consultà, &

CONCURSVS DEI, VERÆ LIBERT. NON OBEST. 435
concurrere non consultâ voluntate contradictorie opponan-
tar, & sunt duo modi concurrendi ita se habentes ad inui-
cem, vt si Deus concurrat nobiscum, necesse sit eum concur-
rere alterutro ex his duobus concurrendi modis.

V I.

Hinc sequitur; quòd si vera esset propositio qua as-
seritur necessitas concursus identificati, in qua Prædetermi-
nantes & Assertores Scientiæ Mediæ conveniunt, oportet
ad explicandum decretum, quo Deus statuit concursum
illum suum causis liberis exhibere, alterutram factio-
nem amplecti, vel Prædeterminantium offerentium
Deum ab æterno præfinire omnes actus nostros liberos in-
consultis voluntatibus nostris; ac deinde in tempore præ-
movere, ac prædeterminare Physicè eas ad operandum, at-
que insuper cum illis immediata, atque identificata actione
concurrere; vel Assertorum Scientiæ Mediæ statuentium
Deum consuluisse ab æterno voluntates nostras & per Scien-
tiam Mediā prævidisse, quid creatum arbitrium in sin-
gulis occasionibus facturum esset, prius ratione quàm ipsa
aliquid in particulari statueret de concursu suo, & ex
illa prævisione, obiectivè, & veluti ex pacto excitatum, de-
crevisse dare concursum huius potius quàm illius speciei, vt
nostra electioni imputetur quòd Deus nobis cooperatus fue-
rit ad hanc potius quàm ad aliam actionis speciem.

V I I.

Veruntamen Assertores Scientiæ Mediæ demonstra-
runt efficaciter opinionem Prædeterminantium asseren-
tent Deum Physicè præmovere, ac prædeterminare vo-
luntatem nostram, ac deinde concurrere cum illa influxu
indistincto, & simultaneo, ad quascumque actiones no-

stras bonas, ac malas, plurimum laborare in saluanda libertate nostra, ac Diuina sanctitate.

V I I I.

Et vicissim Prædeterminantes benè ostenderunt, stante veritate istius principij de identificato concursu, quod est omnium Concurrentium commune, Impossibile esse ut Deus voluntati cooperaturus exploret, scrutetur, expectet, & consulat voluntatem creatam, ut præuidens quid ipsa sit operatura, decernat concurrere ad eam ipsam operationem, eo quòd ante decretum concurrendi voluntas creata non appareat in conspectu Dei, nisi qualis est ex se, secundum ipsos, nimirum impotens, ut aiunt, prorsusque insufficiens ad operandum: Sanè Assertores Scientiæ Mediæ reperire nequeunt, quid sit illud ad quod attendens Deus cognoscat, & decernat exhibendum sibi nunc esse, & non ante, vel post, concursum creatæ voluntati operaturæ, eumque determinatum in hac potius, quàm in illa specie, & indistinctum realiter ab operatione eiusdem voluntatis, tamen si confugerint alij ad ipsam determinationem creatæ voluntatis, formalem, aut virtualem: Alij ad ipsius propensionem, aut ad genericam rationem actionis: Alij ad relationem rationis, aut connotationem realem: Alij ad id quod voluntas esset operatura, si per possibile, aut impossibile operaretur sola: Alij denique ad alios dicendi modos, prout ipsis occurrere potuit; scilicet quia stante identitate concursuum, repugnat arbitrium prævideri concursurum ad hoc aut illud, prius ratione quàm Deus ad idem sit concursurus.

I X.

Cum igitur utraque factio benè oppugnarit, consu-

CONCURSVS DEI, VERÆ LIBERT. NON OBEST. 437
taritque sententiam partis aduersæ, sequitur utramque
illam opinionem esse falsam, & nos meritò cogitasse de
iterum examinando principio, ex cuius suppositione, si ve-
rum fuisset, sequebatur ut necessariò alterutra factio esset
amplectenda: neque enim vlla definitio extat Concilio-
rum, aut Pontificum qua cogamur ad captiuandum in-
tellectum in obsequium Concursus immediati, identificati,
& simultanei. X.

Sanè disputari potest in utramque partem citra peri-
culum fidei. Vtrum voluntas creata præter conseruatio-
nem existentie suæ, & virtutis agendi, quam habet à Deo,
indispensabiliter indigeat actuali eius concursu immediato,
simultaneo, & identificato ad quamcumque actionem bo-
nam, aut malam: sed pars negans, tametsi hac tempestate
minùs communis, longè est tamen verisimilior, & dictis
Patrum, Scriptura, ac pietati conformior, quàm affir-
mans. Neque vllatenus accedit ad errorem Pelagij.
Communis enim veraque sententia est, eum vel nunquam
disputasse cum Catholicis de huiusmodi concursu identi-
ficato, vel si de illo disputauit, ac negauit, non tamen fuis-
se eum de hac re à Patribus reprehensum, sed quòd actus su-
pernaturales necessarios, ad salutem negauerit, & auxilium
gratiæ Dei, per Christum, siue adiutorium speciale, in-
ternum, supernaturale, ac minimè debitum: passimque ad-
uertunt Theologi, quòd si sententia Patrum contra Pela-
gium prolata, quibus Diuini adiutorij necessitas commen-
datur, possent intelligi de influentia, & concursu generali
identificato, nos nihil ex illis haberemus pro Catholica veri-
tate, & necessitate adiutorij specialis, ac proprij gratiæ per
Christum, quia omnes eludi possent interpretando eas de

adiutorio Dei per concursum generalem, quod est haud dubie contra mentem Conciliorum, & Patrum.

X I.

Omnino admittimus Deum perfectissimè intueri per Scientiam Mediam, seu Condiuatam, quid creata voluntas in singulis occasionibus sit volitura, si ipse omnia praequisita ad operandum exhibeat, simulque omnia actionis impedimenta remoueat, intueri inquam, prius ratione quàm decernat aliquid de apponendis, aut remouendis impedimentis actionis, imò & de voluntate in tali occasione, & circumstantiis, ac rerum ordine constituendâ, aut non constituendâ, non tamen ante, aut post decretum concurrendi concursu identificato, & simultaneo, quemadmodum voluerunt Prædeterminantes, & Assertores Scientiæ Mediæ, respectiue: sed prorsus absque ullo tali decreto: quia nec concursus Dei simultaneus, & indistinctus requiritur ad hoc, ut creata voluntas operetur, nec consequenter decretum illius à Deo nobis conferendi.

X I I.

Possibile quidem est Deo concurrere immediato, & indistincto influxu Physico cum creaturis ad quasdam earum actiones, ad quasdam verò alias est impossibile: Nimirum inest Deo impossibilitas ab intrinseca illius rectitudine, & essentiali sanctitate, non modò prædeterminandi Physicè, voluntatem creatam ad actionem intrinsecè malam, sed etiam concurrendi ad eamdem concursu identificato, & simultaneo: Neque si secus faceret, excusari posset à malitia, & formalitate peccati prætextu iuris ac muneris causæ primæ, & vniuersalis: quia si actus intrinsecè malus est, repugnat rectæ rationi, & legi naturali, nulla autē na-

CONCURSVS DEI, VERÆ LIBERT. NON OBEST. 439
tura intellectualis (multoque minùs causa prima cui om-
nis iniquitas summè displicere debet) potest habere ius ad
operandum illum, siue operetur sola, atque ex affectu er-
ga actum, siue occasione sumptâ ex nequitia, & peccato
alterius, neque Deus potest ob ullum tamen si aliissimum
finem, creaturæ ratione utenti, aut sibi met ipsi legem de-
bitumque imponere coëfficiendi actum qui produci nequeat
absque iniquitate, & legis naturalis violatione.

XIII.

Sententia quæ negat Deum concurrere indistincto, &
immediato influxu physico ad omnes actus nostros, ta-
men si à scholis prima fronte videatur aliena, & immeri-
tò vrgeri acriter soleat censuris scholasticorum, nihilomi-
nus abundè saluat supremum Dei in creaturas domi-
nium, nec non subordinationem causa secunda ad pri-
mam: & benè expedit, aut anteuertit plurimas difficul-
tates, summè in Theologia controuersas: Neque est con-
temnenda auctoritas Cardinalis Aureoli, Durandi Epif-
copi, & aliorum qui iam olim eandem secuti, pietatis, &
doctrinæ laude floruerunt, ut nihil dicam de plurimis re-
rum Theologicarum peritissimis, cum Sacularibus, cum
etiam variorum Ordinum Regularibus, quibus hæc, non
quidem noua, sed ex veteribus instaurata, atque ab aliquot
annis renouata arridere capit sententia, propter quos uerè
dici potest, quòd Doctorum torrens in opinionem contra-
riam non conspirarit, & merito sperari debet eam plurimos
sectatores in posterum habituram, præsertim cum facile sol-
uat argumenta partis aduersæ, ipsa verò pro se rationes,
& argumenta producat, quorum idonea solutio hætenus
non apparuit.

Non potest vitari difficultas illa maxima, quæ peti so-
 let ex decreto Dei concurrendi nobiscum identificato con-
 cursu, nec finire discordia Prædeterminantium ab Asser-
 toribus Scientiæ Mediæ, nec saluari incolumis libertas
 creaturæ, aut Diuina sanctitas, beneficio Scientiæ Me-
 diæ stante principio illo Philosophico de quo supra: ac pro-
 pterea soluendam arbitramur, seu potius anteuertendam
 difficultatem, inficiatâ, ut par est, necessitate diuini con-
 cursus identificati, & simultanei ad omnem actionem no-
 stram, & consequenter inficiato decreto sic concurrendi, in-
 ficiato etiam vsu illo Scientiæ Mediæ quum plerique asser-
 tores illius eidem attribuunt, scilicet dirigendi Deum ad
 discernendum, prouidendumque nobis concursum suum
 identificatum, & simultaneum, ad quascumque actiones
 nostras bonas, ac malas, retentâ autem scientiâ perfectissi-
 mâ futurorum contingentium conditionatorum: Insuper
 inficiatis Prædeterminationibus Physicis, reformatoque illo
 principio Philosophico, cui veluti fundamento falso, ac non
 satis firmiter iactò, non nisi falsæ opiniones superadificari
 potuerunt. Denique dicendo Deum per Scientiam Condi-
 tionatam intuitum, quos actus voluntas operatura sit in
 singulis occasionibus, si in illis constituatur, & permittatur
 libertatem suam exercere (nimirum quia si conditio im-
 pleatur, voluntas operabitur liberè aliquem actum, vel li-
 berè suspendet omnem, & Deus euentus istos ab æterno
 præcognouit.) Tum demum, posterius ratione, statuere de
 euentu conditionis, decernendo permittere, vel efficere ut vo-
 luntas in illis occasionibus constituatur, & liberè operari
 permittatur, aut è contra ut non constituatur, nec permis-

CONCURSVS DEI, VERÆ LIBERT. NON OBEST. 441
tatur, quo ipso, statim videt per Scientiam Visionis, im-
plendam aut non implendam esse conditionem, atque adeo
intuetur actum voluntatis, absolutè futurum, vel negatio-
nem eius: absque eo quòd decernat concurrere influxu iden-
tificato, & sic nihil est quòd metuamus libertati nostræ, vel
Diuinæ sanctitati ex præscientiâ vel ex concursu Dei, aut
ex decreto illius nobis conferendi.

X V.

Plurimum sanè utilitatis attulit Theologis omnibus
Prædeterminantium labor, dum fortiter obstiterunt, ne
Scientia Media existimata fuerit vniuersum negotium
absoluisse conciliationis libertatis nostræ, & diuinæ innocen-
tiæ, ac sanctitatis, cum indispensabili necessitate diuini con-
cursus identificati, & simultanei ad quaslibet actiones
nostras tametsi illicitas, atque ex obiecto turpes: Assertores
quoque Scientiæ Mediæ plurimam omnino promerentur
laudem, quòd euidenter ostenderint Prædeterminationes
Physicas nequaquam esse tolerandas, & Scientiam Condi-
tionatam esse necessariam intellectui Diuino infinitè per-
ficaci, præsertimque esse utilissimam ad prudenter san-
cienda decreta Providentiæ, ac Sapientiæ Dei. Vtraque
igitur factio utramque superauit, & vicissim utrique ce-
dere aliquid debuit. & amba simul sumptæ dum mutuo se
se impugnantes vtriusque vim enervarunt, Sententiam no-
stram reddiderunt prorsus verissimillimâ, si non etiam (quod
nos quidem persuasimus) omnino certam: Saluo tamē
Ecclesiæ Sanctæ Romanæ iudicio quæ circa hoc hætenus
nihil definiuit, neque expressum dogma fidei condidit.

Anno Domini 1632. Mensis Aprilis.

Kkk ij

*Diuinus nobiscum concursus ad quosvis actus,
planè certus iudicio Scholasticorum.*

IV. Hæc Sequanus Theologus; circa quæ, duo mihi præstanda video. Primum est, vt excutiam quale sit perfugium quod captare cogitur, abiectio modo dicendi quem proposui. Neque enim exigua doctrinæ à me proximo capite positæ, confirmatio erit, si ea abiecta, ad aliquod doctrinæ abruptum deuenire sit necesse. Hoc vbi primùm confecero, depellam secundo loco, quæ idem Sequanus in meam, imò communem doctrinam intorsit, prolatis distinctè ac fideliter eius argumentis, atque dilutis. Discussionem verò cæterorum quæ cum alibi ab hoc Theologo fusè traduntur, tum in Breuiculo nunc nunc transmissis & hîc recuso continentur, nec per maiores addere licet nec per præsens institutum. Illud tamen dissimulare in præsentia non possum, mirabile omnino videri, quorsum hic auctor, cardinem difficultatis inter prædeterminantes (vt vocat,) & mediæ scientiæ assertores, in eo verti dicat, quòd necessitas diuini concursus ad actus nostros liberos, ab vtrisque agnoscatur; quasi abrogato diuino concursu, plena pax inter vtrosque illos litigantes sit incunda. Ideò enim titulus Thesium præfert, omnem dissensionem finiri posse ac debere, reformata, id est conuulsa & prorsus excisa, propositione concursus necessitatem affirmante, cuius falsas causa fuit controuersia & deceptionis vtrorumque. Hoc dico, videri mihi omnino mirabile. Patroni namque prædetermina-

CONCURSVS DEI, VERÆ LIBERT. NON OBEST. 443
tionum, & autores scientiæ mediæ, nunquam de diuini concursus necessitate conflixerunt, sed tantum de gratia præueniente efficaci, quam illi aiunt esse ineluctabilem; ita vt posita ea motione ad actiones nostras præuia, non possit non sequi à nobis actio: quod ad diuinorum decretorum summam firmitatem stabiliendam, proferunt accommodatissimè; quomodò verò cum humana libertate & actus nostri contingentia cohæreat, exponunt vt possunt. Qui verò stant in altera acie; aiunt, gratiam quidem efficaciter præuenientem, certò & infallibiliter effectum esse sortituram; ita tamen, vt si luberet, abiici per nos posset ea gratia, & cassa reddi: quo pacto actus nostri contingentia perspicuè retinetur; quomodò autem certitudo diuinæ prouidentiae non lædatur, aptè explicant hi autores per scientiam mediam. Hæc autem difficultas de gratiæ efficacia cum libertatis veritabilitate, ritè fœderanda, æquè vrget, siue DEVS concurrat nobiscum immediatè, siue non concurrat. Gratis enim admissio quòd Deus non concurrat, adhuc disputatio supererit de diuinæ motionis ad operandum sollicitantis eluctabilitate, deque vi decreti eam motionem decernentis. Vt quid ergo sequamus pacarius, dissidium de gratiæ efficaciter præuenientis ineluctabilitate vel eluctabilitate, componendum recipit per id de quo nulla est quæstio; quòdque cum eo de quo controuersia est, connexionem nullam habet, hoc est per diuini nobiscum concursus inficiationem? Hoc planè non secus est, quàm si quis contententes de vinea, conciliate tentet, excitata noua nec

vllatenus cum priore nexa, contentione de prato: quod non est lites sopire, sed serere. Vel certè non secus est, quàm si quis pedem faucium curaturus, oculis non caligantibus, collyrium adhibeat. Itaque liquere puto, hunc Theologum in conciliatione dissidentium quam molitur, ab ipso ostio aberrare, & omnia quæ profert de radice & remedius dissidij præterminatorum cum assertoribus scientiæ mediæ, non plus ad eam controuersiam facere, quàm Boreas ad Meridiem pertineat. Nunc de ea concursus diuini abrogatione, sin minùs per ordinem ad pacandam litem inter binas illas Scholasticas acies vigentem, quod inane est, & planè alienum; at absolutè, & in seipsa tantùm eam spectando, pronunciemus, quod fert, aut etiam postulat hic locus.

Est ergo quòd huic Theologo gratias agam, medullitùs & absque fuko, quòd non aliter sententiam à me propositam ruere posse censuerit, quàm consequenter admittendo quod admisit; nempe Deum non concurrere immediatè ad actus nostros liberos. Cum enim ipse constanter affirmet decretum prædeterminans euertere libertatem, atque adeò neget posse Deum in decreto illo videre quando concursum suum exhibere debeat; itémque cum meam ac communem aliorum id explicandi rationem refugiat; non habuit quò se reciperet, nisi ad inficiationem diuini nobiscum concursus immediati. Quem ego habeo pro scopulo, ad quem deuitandum, sententiæ meæ tenax esse planè vellem, vel

CONCURSVS DEI, VERÆ LIBERT. NON OBEST. 445
si leuorandæ essent longè grauiores difficultates,
quàm quas Theologus prædictus in meum dicen-
di modum proposuit. Nolo quicquam acerbius aut
durius in hoc eius placitum ipse statuere, sed om-
ni illius confixione temperans, quid alij antero-
ris æui ac nostri quoque Doctores de hoc eius pla-
cito pronunciarint, candidè referam. Et quamuis
non me latet, illud aliqua ex parte discrepare à
sententia Durandi, eo quòd Durandus omnem
planè Dei concursum inficietur, quem iste Theo-
logus non nisi ad actus liberos negat: Tamen
quia confixio Durandi per Theologos quos refe-
ram, ferè semper spectat sententiam eius quoad
actus liberos, præsertim inhonestos, vt liquebit
legenti loca annotanda; meritò placitum Durandi
idem hîc censebo cum placito quod excutiendum
suscepi; & quod iudicium de Durando hac in
parte ferre graues autores referam, ad Theolo-
gum Sequanum transferre absque iniuria licebit.
Alij verò quos referam eandem sententiam vni-
uersè damnantes, tacito Durando, siue illum sub-
secuti sint siue præcesserint, non est dubium quin
censuræ securim in aduersarium impeggerint. Pro-
feram paucos duntaxat, sed qui numeri damnum, au-
toritatis pondere pensent.

V. Magnus Albertus in 2. d. 35. artic. 7. agens de
sententia immediatum Dei concursum ad omnes
actus nostros negante, sic ait. *Alia opinio ferè
cessit ab aula, & à multis modernorum reputatur hæ-
retica.*

S. Bonau. in 2. d. 37. art. 1. num. 8. cum præmisisset quosdam antiquos fuisse ambiguos an Deus immediatè concurreret ad actionem nostram malitiæ substratam, subdit, *quia per multam discussionem dubia ducuntur ad manifestationem, ideò suo tempore contrariam opinionem communiter inualuisse; & esse absque omni ambiguitate tenendam.*

S. Thomas in 2. d. 37. quæst. 1. art. 2. in corp. relata sententia affirmante actus positivos deformitati morali substratos non esse à Deo, addit: *hanc opinionem, ad præsens, nulli vel pauci tenent, quia propinquissima est errori duplici. Primò, quia ex ea videtur sequi quòd sint plura prima principia. Hoc fusè & fortiter prosequitur, effugia omnia præcludens. Secundò, quia aliquod ens essentiam habens, à Deo non esset, & ita Deus non esset vniversalis causa omnium entium, quod est contra perfectionem primi entis. Et lect. 2. in cap. 5. Ioannis, ait eam sententiam esse contra Scripturas.*

Ægidius Romanus in 2. d. 37. quæst. 1. art. 3. sententiam qua negatur influxus diuinus immediatus in actionem malitiæ substratam, vocat, *falsam & erroneam*; additque *per eam reuocari errorem Manichæorum de pluribus primis principijs. Notatque id non esse sub ambiguo ponendum.*

Thomas de Argentina in 2. d. 37. quæst. vnica art. 3. ait, sententiam Præpositiui negantis Deum influere immediatè ad actum posituum substratum malitiæ, *esse errorem, non opinionem.*

Thomas Brandvvardinus lib. 2. de causa Dei cap. 20. assu-

CONCURSVS DEI, VERÆ LIBERT. NON OBEST. 447
20. assumit probandum, *Deum necessariò esse coëffecto-
rem cuiuslibet actus voluntatis humane, cuius oppositum
Nembrothica & Pelagiana hæresis oblatrabat.* Cur Pela-
gij hoc esse placitum dicat, infra aperiam. Idem autem
tribuit Nembrotho, quia vt ex Iosepho refert, Nem-
broth fortitudini suæ, & non Deo adiuuanti, tribue-
bat actus suos.

Gregorius Ariminensis in 2. d. 34. q. vnica art. 3. ait,
sententiam quæ negat Deum omnia coëfficere, esse
contra articulum fidei quo *Deus visibilibus & inuisibi-
lium omnium factor* agnoscitur. Viderint, qui Grego-
rio tribuunt, quòd huic sententiæ inesse probabilita-
tem dixerit, an sententia quæ est contra fidei articu-
lum, sit probabilis.

Robertus Holkot qu. 11. determinationum art. 4.
litera AA. ait, *ex principijs fidei patere, oportere subscri-
bere sententia quæ agnoscit immediatam Dei cooperatio-
nem ad quosvis actus.*

Ioannes de Bassolis in 2. d. 37. qu. vnica art. 2. ait, esse
*falsam & periculosam positionem, illam quæ dicit Deum
non coëfficere actus aliquos positiuos.*

Petrus de Alliaco Card. Cameracensis in 1. q. 13. art.
2. proposit. 2. & 10. litera H, hanc propositionem;
Deus cooperatur ad quamcunque nostram operationem,
numerat inter propositiones ex fide supponendas; & hanc
esse ait, *radicem ad defendendam causam Dei contra Pe-
lagium.*

Gabriel Biel in 2. d. 1. qu. 2. art. 2. concl. 4. litera D, de
eadem propositione loquens, ait, *eam clare tradi in
testimonijs Scriptura innumerabilibus.*

Ioannes Capreolus in 4. d. 12. quæst. 1. ad 1. Scoti contra secundam, ait; nullum Catholicum, sed solum hereticum Manchæum, posse negare, quod Deus cum causis secundis quibuscunque, immediate cooperetur.

Alphonsus Tostatus Matth. 19. quæst. 178. ad 6. ait, negare quod Deus coadiuuet ut causa vniuersalis, & cooperetur ad actus hominis, esse hæresim. Et mox subdit, esse hæresim Pelagij. Idem ad idem caput quæst. 179. ad 7. pro prima via, ait, anathematizandum esse qui negauerit adiutorium diuinæ cooperationis: Et loquitur de actibus naturalibus, & de adiutorio naturali, quod ait vocari posse gratiam, quia datur gratis.

Dionysius Carthusianus in 2. dis. 37. qu. 1. sententiam Durandi negantis immediatum Dei concursum nobiscum, vocat erroneam, & ait, nullum suo tempore fuisse Doctorem qui ei auderet subscribere.

Stephanus Brulefer in 2. d. 37. initio, sententiam quæ immediatum Dei nobiscum concursum agnoscit, ait, esse absque omni ambiguitate tenendam.

Franciscus à Christo in 1. d. 45. qu. 7. ait, sententiam Durandi tollentem Dei concursum, non modò esse falsam sed etiam erroneam.

Bartholomæus Medina 1. 2. qu. 79. art. 2. ait, eandem Durandi sententiam contineri intolerabilem errorem, & esse contra veritatem diuinam. Mox etiam addit, esse opinionem damnatam. An quia Stephanus Parisiensis Episcopus vibrato anathemate ea interdixit, teste Bradwardino lib. 2. cap. 20. & habetur etiam inter articulos à Stephano damnatos anno 1227. cap. de Deo

CONCURSVS DEI, VERA LIBERT. NON OBEST. 449
num. 44. An quia cum Abulensi censuit, eam ad erro-
rem Pelagij pertinere?

Gabriel Vasques 1. p. d. 99. cap. 2. *Opinio Durandi negantis concursum Dei ad singulos effectus, nemini probatur: Imò ei nota erroris ab omnibus inuritur.*

Gregorius de Valentia t. 1. disp. 3. quæst. 1. p. 1. planè censet, sententiam Durandi negantis Deum nobiscum concurrere immediatè, esse contra fidem.

Ioannes Azor tom. 1. lib. 4. cap. 22. de eadem opinionione sic loquitur. *Opinio Durandi, ut errorem, etiam in fide continens, communi Theologorum consensu refellitur.*

Ioannes de Salas 1. 2. tract. 13. disp. 10. sect. 2. num. 8. relata eadem sententia, subdit. *Hac sententia, erronea videtur, aut saltem temeraria & periculosa.*

Petrus Trigofius 1. p. Summæ S. Bonaventuræ qu. 13. art. 4. dub. 3. conclus. 3. cum latè circa hoc Durandum refellit, tum conceptis verbis ait, *eius sententiam esse expressè contra Patres, & contra Theologos, imò etiam contra omnes Philosophos.*

Franciscus Suares lib. de concursu Dei cap. 4. num. 1. sententiam negantem immediatum Dei concursum nobiscum, vocat errorem in fide. Et disp. 22. Metaph. sect. 1. num. 7. addit, *contrariam veritatem, passim communiterque tradi à Scholasticis ut Catholicum dogma.*

Leonardus Lessius lib. XI. de diu. perfect. c. 3. nu. 8. ait, placitum Durandi esse contra communem sententiam omnium Academicarum Catholicarum.

Robertus Bellarminus lib. 2. de statu peccati cap. 18.

fic scribit. *Sententia Durandi, meritò passim ab omnibus refutatur; ut quæ Scripturæ diuinæ & SS. Patribus sit contraria. Et lib 4. de grat. & lib arbit. cap. 4. vocat errorem, Scripturis, Patrum testimonijs, & manifestationi repugnantem.*

Franciscus Zumel tomo 2. var. disp. discursu 5. sect. 2. ait, *sententiam Durandi esse apertè erroneam & contra communem sensum Doctorum, ac contra Sanctos Patres, & nominatim D. Augustinum, & contra sententiam Christi, Ioan. 5.*

Alexander Pelantius 1. p. q. 13. artic. 13. disp. 3. ait, *sententiam Durandi, esse ut minimum periculosam, & contrariam apud omnes certam esse oportere.*

Gabriel Pennotus lib. 8. propugn. hum. libert. cap. 9. disertè ait, *nunc sententiam Durandi ab omnibus Theologu censeri manifestum errorem.*

Didacus Ruis de volunt. Dei disp. 39. num. 11. sic loquitur. *Sententia Durandi tanquam erronea meritò communiter à Doctoribus respuitur.*

Vnanimis Scholasticorum pro concursu Dei consensus concluditur. Durandi & Aureoli autoritas eleuatur.

VI. Video nisi mihi ipse modum ponam, nullum fore Scholasticorum in hanc rem allegandorum finem. Communiter enim scholastici in 2. dist. 1. vel 37. aut. 1. p. q. 103. vel 105. vel 1. 2. qu. 109. de sententia concursu Dei immediatum agnoscente loquuntur tanquam de dogmate indubitato. Contrariam autem

CONCURSVS DEI, VERÆ LIBERT, NON OBEST. 451
sententiam, vel apertè configunt, vel supponunt
auerſandam eſſe. Fuitque id iam pridem adeò recep-
tum inter Scholaſticos, vt ſcribat Dionyſius Cifterc.
in 2. d. 35. qu. 1. art. 1. §. *reſpondeo ergo*, de influxu im-
mediato Dei in actus quoscuque, *vix aliquem dubi-
tare*. Cum igitur tam vnanimis ſit in hoc puncto con-
ſenſus Scholaſticorum, & ex ijs permultos iam pro-
tulerim, conſulto abſtineo diffuſiore eorum addu-
ctione. Et quia cum agitur de rimanda ſoliditate ac
certitudine ſententiarum, non eſt dubium quin Scho-
laſtici, aliis quibuſuis ſacris tractatoribus facem præ-
ferant, iſque adhæreant ſiue ſacri interpretes, ſiue
Hæreſeologi, mitto quamplurima vtriuſque illius ge-
neris Theologorum ſuffragia, quæ huc congerere
nullo negotio licuiſſet, ſatis conſultum ratus muni-
mento veræ ſententiæ ab autoritate Theologica,
monſtrato in eam tam vnanimi conſenſu Scholaſti-
corum.

Vnus quidem & alter eorum, in contrarium pro-
ducebantur, ſed quorum ingenia ſemper & vbique
exſolutionem ſuam atque licentiam prodidere. Ne-
mo ſanè Durandum & Aureolū nouit, qui eam quid-
libet contra Doctorum communem ſenſum profe-
rendi libertatem in eis non improbet. Quid verò ſi-
bi voluit Sequanus Theologus, cum huic quod excu-
rimus, imò etiam eadem opera ac eodem iure, cuius
alteri placito Aureoli, patrocinium quæ fuit à Cardina-
laru, & à Dedicatione operis ſui facta Clementi Pon-
tifici maximo, huiusque conſeſſione, vt opus Aureo-
licuderetur? ô bone, Clemens Pontifex cui dicatum

Aureoli opus legisti, est Clemens VIII. inter quem & Aureolum qui anno 1317. florebat, anni interiacent propè trecenti. Sed qui opus Aureoli, tanto post Clementi Pontifici inscripfit, fuit Cardinalis Sarnanus, qui illud à situ & blattis nostra memoria vendicatum, cum vix antea Aureolus nisi apud Capreolum legeretur, edi Romę curauit vtinam accuratius & absque iugibus propè lacunis, & mendis crassissimis, quibus miserum in modum deformatur. Malè porrò cum Pontificibus ageretur, si omnia quę ipsis inscripta leguntur opera, eo ipso approbare, & eorum doctrinam ratam habere cēlerentur. Quam multi enim libros Pontificibus inscripserunt farinæ non bonæ & pessimæ notæ. Quinetiam cum quandoque Pontifices, libris sibi aut alteri inscriptis diploma priuilegij concedunt, quo editori aut Bibliopolæ gratificentur, vt accidit in hac Aureoli editione; nequaquam eo ipso approbant placita huiusmodi libris contenta, sed eorum discussionem & approbationem, constitutis Censoribus dimittentes, ipsi quod suum est præstant, & quā supremi Principes, vt alij quoque supremi Dynastæ solent, indemnitati ac lucro editorum consultum volunt, non approbationi librorum. Itaque miror, autorem cum quo agimus eò esse prolapsum, vt suffragium aliquod sententiæ diuinum concursum immediatum diffidenti, quærere voluerit à dedicatione & priuilegio concessio editioni operis Aureoli, quo hæc eius sententia continetur.

*Excusati pauci prisci : Et quàm tamen absint
à noua sententia.*

VII. De illis alijs priscis Scholasticis, qui vel influxum Dei in actus nostros diffiteri, vel non abhorre-
re à diffitentibus visi sunt ; dicendum est quod ex
S. Bonauentura superius attigi, quia per multam dis-
cussionem, dubitabilia ducuntur ad manifestationem, af-
fulgente posteris vberiore luce, deprehensam esse il-
lius placiti falsitatem. Scitè Aegidius in 2. dist. 37. qu.
1. art. 3. postquam retulisset quoldam antiquos Theo-
logos sustulisse influxum Dei in actum positium
malitiæ substratum, subdit. *Verùm posteriores, existentes
super humeros priorum, longius vident quàm priores.
Nam si Nanus esset super humerum Gigantis, longius
videret quàm Gigas.* Itaque posteriores Theologi,
vt facile est anteriorum inuentis addere, perspexerunt
quæ prioribus illis probabantur, esse verè improbabi-
lia. Nimirum sicut quod est apud Lyrinensem cap.
30. commonit. *Etiam celestis philosophiæ dogmata
processu temporis excurantur, limantur, poliuntur ; lu-
cèmq; euidentiā, & distinctionem accipiunt :* Sicut
inquam, *Ecclisia super senes intellexit, & quanto
mundus ad extremum ducitur, tanto nobis æterna scien-
tiæ aditus largius aperitur,* (verba sunt S. Gregorij ho-
mil. 16. in Ezech.) Ita Scholastici posteriores, super se-
nes intellexerunt, & pleraque omnino reiicienda esse
agnouerunt, quæ anteriores vel probarant, vel non
improbabilia existimarant. Primordia sanè semper

incultiora esse, tradit egregie Tertullianus lib. de uel-
land. virg. cap. i.

Obferuatione autem dignum est, latum discrimen
inter eos quos dixi priscos Scholasticos, & Sequanum
Theologum cum quo agimus. Illi enim agunt tan-
tùm de actu positiuo subtrato malitiæ, ad quem ne-
garunt Deum concurrere, vel non improbabile cen-
suerunt id affirmare, quia timebant diuinæ nitelæ &
sanctitati; quam dedecere in speciem videtur influxus
ille. Qua in parte loquuntur quidem inconsequen-
ter, vt postea dicam : Tamen non negant influxum
Dei nobiscum quoad alios actus, præsertim bonos. Et
disertè Hurtado, quo Sequanus maximè nititur
quamuis poterat fœlicius exercere ingenium quàm
in tentanda conuulsione apertissimæ veritatis, & fo-
uendis ouis quæ alij excluderent, idque in eo iure dis-
pliceat; nihilominus fatetur esse contra fidem, nega-
re influxum Dei quoad actus non malos, ob apertas
in contrarium Scripturas. At Sequanus cuius senten-
tiam excutimus, negat influxum Dei immediatum in
quosuis nostros actus liberos, etiam si bonos, & à qui-
bus nulla Deo labe affricanda timeatur. Nullo ergo
iure existimare potest, vllum planè Theologum præ-
ter duos illos Ismaëles, quorum manus contra omnes
& manus omnium contra eos, Durandum dico &
Aureolum, sententiæ huic suæ patrocinos esse, eani-
ve censuisse probabilem.

Suffragia Patrum, pro concursu Dei nobiscum.

VIII. Peperit vnanimem hunc consensum Theo-
logorum

CONCURSVS DEI, VERÆ LIBERT. NON OBEST. 455
logorum posteriorum, obseruatus diligenter ab
eis consensus Patrum in hac veritate tradenda. Pas-
sim namque Patres, siue insectando hæreticos
quosdam antiquos qui mediatam tantum effectio-
nem rerum creatarum Deo tribuebant, siue Scri-
pturæ pleraque loca diuinam rerum creatarum pro-
ductionem celebrantia interpretantes, huic veritati
sunt astipulati. In priore ordine sunt, Irenæus lib.
1. cap. 23. & Epiphanius hæresi 26. ac Tertullianus
lib. de præscript. cap. 46. à quibus Gnostici refel-
luntur, eo quòd negassent Deo immediatam produ-
ctionem rerum quarumcunque; & fabulati essent
pleraque facta esse per Angelos qui soli processis-
sent à Deo immediatè. Hoc refellunt Patres præ-
dicti; & è contra confirmant, Deum esse omnium
planè visibilium & inuisibilium effectorem, non me-
diatè tantum quod etiam hæretici illi admittebant,
sed etiam immediatè. Vnde quod in fidei regulis siue
symbolis, & in quatuor primis generalibus Con-
cilijs definitum est, Deum esse omnium visibilium
pariter & inuisibilium conditorem, cum intorquea-
tur in hæreses prædictas, accipiendum est in sensum
propositum, deque immediata rerum omnium effe-
ctione intelligendum.

In posteriore ordine proposito, sunt Patres,
cum tractant illud Actorum 17. *In ipso uiuimus,*
mouemur, & sumus; aut illud Isaïæ 26. *Omnia*
opera nostra operatus es nobis Domine; vel illud 1.
Corinth. 12. *Operatur omnia in omnibus;* nec non illud

Ioan 5. *pater meus vsque modò operatur*, ac denique cum versant alia pleraque loca, quibus dicitur Deum *producere in montibus senum, & manibus suis fecisse nos & plasmasse totos in circuitu, ac pelle & carnibus nos vestisse*, aut etiam *formasse nos in utero*. Quorum locorum tametsi aliqua aliò fortassis obtorqueri possent, tamen spectata saltem Patrum autoritate à quibus in prædictum sensum vrgentur, non possunt non esse in eo ipso sensu, maximi momenti apud quosunque Catholicos. Iuuat pauca quædam, sed illustria Patrum dicta, circa proposita scripturarum loca proponere.

IX. Chrysostomus hom 37. in Ioan. tractans illud, *Pater meus vsque modò operatur*, sic scribit. Quod si perconteris, & quomodò Pater operatur, cum septimo die ab omni opere cessauerit, accipe quomodò. Prouidet, continet, temperat omnia quæ fecit. Cum igitur Solem orientem, Lunam cursum, stagna, fontes, flauios, naturæ vim in seminibus, in nostris & brutorum corporibus progressum, cætera omnia quibus hoc totum constat, vides, intellige perpetuam Patris operationem. Idem hom. 38. in Acta, expendens illud, *in ipso viuimus, mouemur & sumus*, hæc habet, præter cætera ad hunc locum egregiè facientia. Vide quomodò omnia illius dicit esse; Prouidentiam illius esse dicit, ac conseruationem esse a brullo, operandæ vim actum habere, & non perire. Expendenda item quæ paulo ante dixerat ad illud, eiusdem capituli, *dans omnibus vitam, & inspirationem, & omnia*.

S. Cyrillus lib. 2. in Ioan. cap. 13. ad illud, *Pater meus vsque modò operatur*, ita Christum loquentem inducit.

Sic crediti nutu & voluntate opificis Dei, Sabathi quoque die, omnia gubernari, ac Solem quidem oriri, fontes fluere, plantas è terra prorumpere, ignem vsui hominum etiam die Sabathi seruire, cur temerè atque imperitè accusatis eum, per quem omnia pater operatur? Omnia enim Deus Pater non aliter quàm per virtutem & sapientiam suam qui filius eius est, peragit; propterea & ego operor. . Monstrat id ipsum pulcherrimè lib. 1. eiusdem operis cap. 5.

X. S Augustinus variis locis quæ ex eo addensat promore Greg. in 1. d. 45. q. vnica art. 1. conclus. 2. ex diuersis Scripturæ locis, hanc immediatam Dei ad quosvis actus causarum creatarum cooperationem colligit. Illustris est qui habetur epist. 146. qu. 2. *Quod quaris, inquit ad Consentium, verum sigillatim à creatore Deo, eorum lineamenta formantur, non te mouebit, si quantum potest humana mens, potentiam diuinæ operationis intelligas. Quomodò enim negare poterimus Deum etiam nunc operari cuncta quæ creantur, cum Dominus dicat, Pater meus vsque nunc operatur? Vnde illa cessatio septimi dici, ab ipsis naturis condendis intelligenda est facta, non ab earum administratione qua condita reguntur. Cum natura rerum à creatore administratur, & per ordines præfinitis locis & temporibus suis cuncta nascantur, Deus vsque nunc operatur. Nam si Deus nunc ista non format, quomodò legitur; Priusquam te formarem in utero noui te? Quomodo etiam accipi potest. Quod si fœnum agri, quod hodie est & cras in clibanum mittitur, Deus sic vestit? Nisi fortè credendum est, fœnum à Deo vestiri & à Deo corpora non formari? Cum enim dixit,*

vestit, non de praterita ordinatione, sed de presenti operatione satis indicat. Vnde est etiam illud Apostoli de seminibus quod supra commemoravi. Non, inquit, corpus quod futurum est seminas, sed nudum granum, vt putà tritici, aut alicuius cœterorum. Deus autem illi dat corpus quomodò voluerit. Non dixit dedit, aut disposuit; sed dat; vt creatorem intelligas, efficaciam sapientiæ suæ, rebus quæ quotidie suis temporibus oriuntur, condendis adhibere. De quâ sapientiâ dictum est; Pertendit à fine vsque in finem fortiter. Et non dixit, disposuit, sed disponit omnia suauiter. Vix queat explicatiùs & fortiùs conuelli sententia negans interuentum Dei immediatum in quacunque productione. Nec minus splendide in hanc ipsam rem philosophatur idem sanctus Augustinus libro 5. de Genesi ad liter. cap. 20. vbi cum retulisset quorundam sententiam, quòd Deus sit tantùm mediata causa rerum omnium, sic eam impugnat. Sunt qui arbitrantur, tantummodò mundum ipsum factum à Deo, cœtera iam fieri ab ipso mundo, sicut ille ordinauit & iussit, Deum autem ipsum nihil operari. Contra quos profertur illa sententia Domini, Pater meus vsque nunc operatur. Et ne quisquam putaret apud se illum aliquid operari, non in hoc mundo: Pater in me manens, inquit, facit opera sua, & sicut pater suscitât mortuos & viuificat, sic & filius quos vult viuificat. Deinde quia non solùm magna, atque præcipua, verùm etiam ista terrena & extrema ipse operatur, ita dicit Apostolus; Stulte tu quod seminas, non viuificatur nisi priùs moriatur. Et quid

CONCURSVS DEI, VERÆ LIBERT. NON OBEST. 459
seminas? Non corpus quod futurum est seminas,
sed nudum granum, fere tritici aut alicuius cœte-
rorum: Deus autem dat illi corpus quo modo vo-
luerit, & vnicuique seminum proprium corpus. Sic
ergo credamus, vel si possumus, etiam intelligamus, vs-
que nunc operari Deum, vt si conditis ab eo rebus ope-
ratio eius subtrahatur, intereant. Et mox. *Mouet*
itaque occulta potentia vniuersam creaturam suam, cō-
que motu illa versata dum Angeli iussa perficiunt, dum
circumcunt sydera, dum alternant venti, dum abyssus
aquarum lapsibus & diuersis etiam per aërem congloba-
tionibus agitatur, dum vireta pullulant suaque semina
euoluunt, dum animalia gignuntur varioque appetitu pro-
prias vitas agunt, dum iniqui iustos exercere permit-
tuntur, explicat secula, quæ illi cum primùm condita
sunt, tanquam implicita indiderat; quæ tamen in suos
cursus non explicarentur, si ea ille qui condidit, prouido
motu administrare cessaret.

Ex his, D. Augustini mens in re proposita, adeo
splendet, vt nulla sit illustratione opus. Nec est
quòd censeamus, tantam lucem obtenebrari posse
paucis illis verbis ex lib. 12. Confess. cap. 11. quibus
dixit, *Motum voluntatis in malum, quia peccatum*
est, à Deo non esse. Hoc enim nequaquam ita est
accipiendum, vt sensus sit, actum phylicum mali-
tiæ substratum non pendere à Deo efficienter, quo
pacto locus iste illis aliis quæ ex Diuo Augustino
proposuimus, repugnaret: Sed sensus esse debet,
actum malitiæ substratum, non esse à Deo, prout
fundat malitiā formalem, quod est verissimum. Nam

ut sic, actus pendet tantum à voluntate creata, ex cuius modo se habendi resultat malitia in actu positiuo, qua non sorderet, si fieret prout præcisè à Deo pendet. In hunc sensum, mentem Diui Augustini exposuit Gregorius in 2. dist. 34. quæst. vnica artic. 3. ad 4. securus Altissiodorensis: Estque doctrina quoque S. Thomæ cum alibi, tum quæst. 3. de malo, artic. 2. & Scoti in 1. d. 41. Imò plenissimè & explicatissimè S. Anselmi, cuius suffragatione iuuat obsignare hanc sententiæ nostræ communitiorem ex SS. Patrum autoritate.

XI. Sanctus ergo Anselmus doctrinæ D. Augustini studiosissimus, & ad eam passim alludens variis locis, & quod nunc ex mente Diui Augustini esse diximus, clarè confirmat, & simul immediatum Dei concursum in quosvis actus nostros, egregiè aperit. Libro de casu diaboli cap 20. ita scribit. *Cum diabolus conuerit voluntatem ad quod non debuit, & ipsum velle, & ipsa conuersio, fuit aliquid: & tamen non nisi à Deo, & de Dei voluntate aliquid habuit; quoniam nec velle aliquid, nec mouere potuit voluntatem, nisi illo permittente qui fecit omnes naturas substantiales, & accidentales, vniuersales, & indiuiduales. In quantum enim voluntas, & conuersio siue motus voluntatis, est aliquid, bonum est, & Dei est. In quantum verò iustitia caret, sine qua esse non debet, non simpliciter malum, sed aliquid malum est: & quod malum est, non Dei est, sed volentis siue mouentis voluntatem. Simplex quippe malum est iniustitia, quoniam non est aliud quàm malum, quod nihil est. Aliud verò malum est natura, in qua est iniustitia, quia est aliquid,*

Et aliud quàm iniustitia, quæ malum & nihil est. Quare quod aliquid est, à Deo fit, & Dei est: quod verò nihil est, id est malum, ab iniusto fit, & eius est. Subdit continenter ex persona discipuli, mirum non debere videri, quòd Deus faciat omnes planè naturas siue substantias. A nemine autem concedendum videri, quòd Deus faciat immediatè omnes actiones, & nominatim prauum motum voluntatis, siue actionem nostram malitiæ substratam. Hoc ita retundit S. Anselmus. *Quid mirum si dicimus Deum facere singulas actiones quæ sunt mala voluntate, cum fateamur eum facere singulas substantias quæ sunt iniusta voluntate, & inhonesta actione?* Concludit ex persona discipuli, fatentis verè negari non posse quin omnis actio sit à Deo; à quo immediatè prodeat necesse est, quicquid verè aliquam habet essentiam. Neque hinc vllò modo accusari Deum circa actionem peccati, sed apertè excusari, eo quòd non sit Deus autor actionis prout inhonestatem fundantis.

Adducit hunc ipsum locum suum, & eandem doctrinam multipliciter roborat idem S. Anselmus in concord. cap. 7. editionis nostræ, siue ad finem primæ partis illius opusculi, vbi de hac re plenissimè. Plagulam duntaxat vnā aut alteram decerpam. *Omnis qualitas, & omnis actio, & quicquid aliquam habet essentiam, à Deo est, à quo est omnis iustitia, & nulla iniustitia. Facit igitur Deus omnia quæ iusta vel iniusta voluntate sunt, id est bona opera & mala. In bonis quidem facit quòd sunt, & quòd bona sunt, in malis verò facit quòd sunt, sed non quòd mala sunt.* Et paulò post. *Sicut Deus*

non facit iniustitiam, ita non facit aliquid iniustum esse, qui tamen facit omnes actiones & omnes motus: quia ipse facit res, à quibus, & ex quibus, & per quas, & in quibus fiunt, & nulla res habet ullam potestatem volendi aut faciendi nisi illo dante. Ipsum quoque velle quod aliquando iustum est, aliquando iniustum, nec est aliud quam vel potestate volendi & voluntate, quas Deus dat, in quantum est, bonum est, & à Deo est. Denique post aliqua concludit. Sic itaque facit Deus in omnibus voluntatibus & operibus bonis, & quòd essentialiter sunt, & quòd bona sunt, in malis verò non quòd mala sunt, sed tantum quòd per essentiam sunt. Quemadmodum enim non est essentia rerum nisi à Deo, ita non est recta nisi ab ipso. In ipso fine eiusdem libri, siue cap. 24. idem explicatissime iterat, dicens. Deus habet in bonis quidem quòd bona sunt, per essentiam, & quòd bona sunt per iustitiam: in malis verò solummodò quòd bona sunt per essentiam, non quòd mala sunt per absentiam debitæ iustitiæ, quæ non est aliquid. Non potuit S. Anselmus expressius tradere sententiam de immediato Dei ad quasvis actiones influxu, quàm his locis fecit.

*Qui Patres abrogationem concursus Dei, in
Pelagio damnarint.*

XII. Nonnullos item Patres eandem sententiam tanquam certam tradidisse, & contrariam grauitè in Pelagio notasse, præstantes Theologi aduerterunt: ut Bradwardinus lib. 2. de causa Dei cap. 20. Bellarminus lib. 4. de grat. & lib. arbit. cap. 4. Lessius lib. de gratia

CONCURSVS DEI, VERÆ LIBERT. NON OBEST. 463
gratia cap. 13. num 8. quod item iam suprà ex Abulen-
si notauimus in cap. 19. Matth quæst. 178. ad 6. & qu.
179 ad 7. Quinetiam S. Thomas in 2. d. 28. qu. 1. art.
1. & 3. cum dixisset, sine diuino concursu generali qui
laxato vocis rigore gratia dicitur, non posse homi-
nem implere præcepta, etiam quoad operis substan-
tiam, & non nisi naturaliter operando, subdit: Pela-
gium ea in parte errasse, quia cum gratiam Christia-
nam, tum illam quoque naturalem gratiam nega-
uerat.

Testatur hæc de Pelagio S. Augustinus lib. de grat.
Christi cap. 4. relatis Pelagij verbis ex libro eius 3. de
libero arbitrio, ubi diserte discernit, potentiam, actio-
nem, & effectum: ac potentiam quidem, ait esse ho-
mini à Deo non autem duo alia. Et epist. 106 *sub fi-*
nem, ac lib. de gestis Pelagij, cap. 23. hic refertur Pela-
gii articulus in Concilio Diospolitano damnatus:
Non est liberum arbitrium, si Dei indiget auxilio. Et
clare epist. ad Demetriad. ait, *homines sine Deo operan-*
do ostendere quales à Deo sint facti. quæ verba genera-
lia sunt, & auxilium quoque naturale compren-
dunt, ex Pelagii mente, qui incolumitati libertatis
consultum volebat; censebat autem eam temerari
per diuinam cooperationem: quod ob verborum
generalitatem, & ob paritatem rationis, cadit etiam
etiam in naturalem. Nec est mirum ita visum esse Pe-
lagio, cum Sequanus quoque Theologus idem cen-
seat, tantundemque reuera difficultatis occurrat in
monstranda indemnitate libertatis creatæ à naturali
concursu, quàm à gratia.

XIII. Non obscure eandem generalis concursus inficiationem, Pelagio tribuit Paulus Orosius in Apologia pro libertate verbis illis. *Mea semper hac est, fidelis atque indubitata sententia, Deum adiutorium suum non solum in corpore suo quod est Ecclesia, cui specialia ob credentium fidem gratiae suae dona largitur, verum etiam vniuersis in hoc mundo gentibus propter longanimitatem sui aeternamque clementiam subministrare, non ut tu asseris cum discipulo tuo Caelestio, (cui iam apud Africanam Synodum occulta illa impiorum dogmatum natura contusa est,) in solo naturali bono, & in libero arbitrio, generaliter vniuersis vnā gratiam contributam: sed speciatim quotidie per tempora, per dies, per momenta, per atomos, & cunctis & singulis ministrare. Dicit enim Scriptura, qui Solem suum oriri facit super bonos & malos. At tu fortè respondes. Ordinem suum composita benè natura custodit; ac per hoc Deus elementarijs semel cursibus constitutis, facit inde quae facit. Quid ergo de illa sententiae parte quae sequitur, opinaris? Dae pluuiam super iustos & iniustos. Hæc exempla aperte ostendunt, adiutorium Dei à Pelagio negatum quod ibi Orosius stabilit, non pertinere duntaxat ad auxilia gratiae Christianae, sed generalem quoque concursum, causis secundis diuinitus subministratum complecti. Et ita sanè paulò post, cooperationem Dei ad opera prædicta naturalia, vocat in actu signato, adiutorium Dei; Et addit, velle Deum opus iudicare hominis, quod ipse operatur in eo, ac præter gratiam Christianam quam vocat illud præcipuè donum quod Ecclesiae & corpori suo peculiare largitur Deus, agnosci vult*

CONCURSUS DEI, VERÆ LIBERT. NON OBEST. 465
aliam cooperantem gratiam, quam permistim cum
priori, nomine adiutorij diuini exprimit, & nega-
tam à Pelagio profitetur; quem etiam vt vidisti satis
indicat sensisse ac dixisse, Deum mundo semel pro-
ducto, destitisse à cooperando causis secundis, sed
eas fuisse sibi, acturas quod collata semel virtute po-
terant.

XIV. Sed hanc fuisse Pelagij mentem, liquidissi-
mò tradit S. Hieronymus ijs contra Pelagium libris,
quos illum Orosius, cum eam ipse Apologiam pro li-
bertate contexeret, *collata in modum dialogi altercatio-
ne* scripsisse dicit; & in anteriùs scripta epistola ad
Ctesiphontem, quam item laudat Orosius, aiens
uniuersum Occidentem B. Hieronymi, illis & alijs li-
bris, *eloquium sicut ros in vellus expectasse*. Sic igitur
scribit S. Hieronymus epistola illa ad Ctesiphontem,
cum ex Pelagio dixisset, nos Dei auxilio non indige-
re, sed contentos ea gratia qua à Deo accepimus pro-
priam voluntatem liberi arbitrij compotem, nullius
præterea, ac ne Dei quidem, ope indigere, ne si indi-
guerimus, liberum frangatur arbitrium: cum inquã
hæc ex Pelagio dixisset ibi sanctus Hieronymus, sub-
dit idem planè tradidisse vnum discipulorum eius, &
omnino inficiatum esse, posse libertatem cum ea alie-
næ opis indigentia coherere. *Destruitur enim vo-
luntas quæ alterius ope indiget: sed liberum dedit arbi-
trium Deus, quod aliter liberum non erit, nisi fecero quod
voluero, ac per hoc, ait; aut vtor semel potestate quæ mihi
data est vt liberum seruetur arbitrium; aut si alterius ope
indigeo, libertas arbitrij in me destruetur.* Vides quàm

hoc Cœlestij & magistri eius Pelagij fundamentum, vnum & idem sit cum fundamento quo Sequanus Theologus concursum Dei ad actus liberos inficiatur? Subdit Hieronymus. *Qui hæc dicit, quam non excedit blasphemiam? Quæ hæreticorum venena non superat?* Et mox. *Quod sursum deorsum iactitant, liberum à nobis arbitrium destrui, audiant è contrario, eos arbitrij destruere libertatem, qui malè eo abutuntur aduersus beneficium largitoris. Quis destruit arbitrium? Ille qui semper Deo gratias agit, & quodcumque in suo riuulo fluit ad fontem refert, an qui dicit, Recede à me quia mundus sum, non habeo te necessarium? Dedisti enim mihi semel arbitrij libertatem, ut faciam quod voluero: Quid rursus te ingeris ut nihil possim facere, nisi tu in me tua dona compleueris? Fraudulenter pretendis, ut Dei gratiam ad conditionem hominis referas, & non in singulis operibus auxilium Dei requiras, ne scilicet liberum arbitrium videaris admittere, & cum Dei contempnas adminiculum, hominum quæras auxilia.*

XV. Hæc ne cui videantur ad solum gratiæ Christianæ adiutorium pertinere, & ut appareat, Hieronymum æquè ac supra Orosium, nomine diuini adiutorij, & gratiam Christianam, & naturalem cooperationem fuisse complexum, expendenda sunt hæc, quæ ibidem continenter subduntur. *Audite quæso, audite sacrilegum. Si (inquit) voluero currare digitum, mouere manum, sedere, stare, ambulare, discurrere, sputa iacere, duobus digitulis narium purgamenta decutere, releuare alium, & vinam digerere: semper*

CONCURSVS DEI, VERÆ LIBERT. NON OBEST. 467
per mihi auxilium Dei necessarium erit ? Hæc Pelagij & Cœlestij sunt verba. Respondet verò Hieronymus. *Audi ingratus, imò sacrilege, Apostolum prædicantem. Sine manducatis, siue bibitis, siue aliud quid agitis, omnia in nomine Domini agite.* Mox etiam ex cap. 4. Iacobi, acriter hæreticum increpat, quòd in his naturalibus actibus qui sunt memorati, & in profectioe ad aliquem locum, ad Deum semper auctorem recurrere, & ex illius pendere voluntate nollet, ne liberum destrueretur arbitrium. Est ergo ex his manifestissimum, Pelagium eiúsque asseclas quos ibi impugnat Hieronymus, non modò cœlestes suppetias naturæ indebitas, sed naturalem quoque concursum, qui solus ad omnia proximè recensita opera necessarius est, sustulisse.

Eiusdem ordinis sunt illa opera ad quæ adiutorium diuinum esse necessarium, agnoscit idem sanctus Hieronymus sub initium libri primi contra Pelagianos, damnans Pelagium secus sentientem cuius hæc verba refert ex persona Critobuli; *Si in singulis rebus quas gerimus, Dei utendum est adiutorio, ergo & calamus temperare ad scribendum, & temperatum pumice terere, manumque aptare literis, tacere, loqui, sedere, stare, ambulare, currere, comedere, ieiunare, flere, ridere, & cætera huiusmodi, nisi Deus iuuerit, non poterimus?* Respondet Atticus qui Catholici partes sustinet. *Iuxta meum sensum, non posse perspicuum est.* Obiicit è contra Critobulus, id est Pelagius. *In quo igitur liberum habemus arbitrium, & Dei gratia custoditur;* (ea inquam naturalis

gratia libertatis concessæ, de qua paulò superius,) *si ne hoc quidem absque Deo possumus facere ?* Respondet Atticus Catholicus. *Non sic donata est liberi arbitrij gratia, ut Dei per singula tollatur adminiculum.* Addit Critobulus. *Non tollitur Dei adiutorium, cum creatura ex semel dati liberi arbitrij gratia, conseruentur.* Si enim absque Deo, *¶* nisi per singula ille me iuuerit, nihil possum agere, nec pro bonis me iustè operibus coronabit, nec affliget pro malis, sed in utroque, suum vel recipiet vel damnabit auxilium. Instanti verò Attico, hac ratione, Deum ad actus nostros dormire dicendum, si in singulis operibus non adiuuat nos, sicque euerit gratiam Dei; illam inquam gratiam quæ exigitur ad opera prædicta; nempe naturalis cooperationis, & generalis concursus, respondet Critobulus. *Quomodo in cæteris creaturis conditionis ordo seruatur, sic concessa semel liberi arbitrij potestate, nostræ voluntati omnia derelicta sunt, &c.* Si in omnibus ille cooperatur, non est meum sed eius qui adiuuat, imò qui in me cooperatur, præsertim cum absque eo facere nihil possim. Videri possit, hæreticum relabi in id quod paulò ante negauerat, vel certè prodere, mentitum se priùs fuisse, cum dixerat, gratiam Dei non in beneficio tantùm creationis & collati arbitrij sitam esse, sed in eo quoque, quòd per singula opera, diuino adminiculo fulciamur. Id enim negare nunc videtur, verbis proximè relatis. Cæterum perstat impius in nequitia. Nam gratia, quam supra conditionis beneficium, aiebat agnoscendam, illudque Dei adminiculum quo falsus erat nos egerè præter gratiam creationis, est sola

CONCURSVS DEI, VERÆ LIBERT. NON OBEST. 469
gratia conseruationis, quæ est beneficiū eiusdem naturalis ordinis cuius est gratia primæ creationis. De hac autem continuata naturali gratia intellexisse Pelagium, cum supra creationem, admisit necessitatem diuinæ gratiæ, & adiutorij ad singulos actus, patet ex illis verbis quibus Critobulus depellit Atticum, affirmantem, liberi arbitrij gratiam, non sic esse donatam vt Dei per singula tollatur adminiculum. *Non tollitur Dei adiutorium, cum creatura ex semel dati liberi arbitrij gratia conseruentur.*

XVI. Liquet ex dictis, quàm non abs re S. Thomas, & Abulensis, alijque superiùs adducti, censuerint, Pelagium nomine diuinæ gratiæ quam negabat, non solum gratiam Christianam, sed etiam beneficium concursus naturalis, & vniuersalis cooperationis complexum esse. Nam illud quoque beneficium, vt suprà ex Abulensi aiebam, gratia dici potest quia gratis datur. Qua etiam ratione Patres Africani apud Augustinum epist. 93. dixerunt, *creationis beneficium non improbanda ratione posse gratiam appellari.* Nec dissimiliter S. Hieronymus epist. 139. ad illud, *Domine refugium factus es nobis;* ait, *gratiæ esse diuinæ, quòd homo creatus est;* mòxque etiam addit, intendens in cooperationem, & concursum vniuersalem; *Deus ita concessit liberum arbitrium, vt suam per singula opera gratiam non negaret, ne libertas arbitrij redundaret ad iniuriam conditoris, & ad eius contumaciam, qui ideo liber conditus est, vt absque Deo nihil esse se nouerit.* Hanc ergo gratiam, homini per singulos actus, à Deo non negatam, hanc cooperationem gratuitam, vnâ cum gratia

propriissimè & Christianè dicta negauit Pelagius, ne liberum arbitrium cui inde timebat, euerteretur, quod ipsum timet Sequanus ille Theologus cum quo pro eadem diuina gratia naturali, seu pro diuino generali concursu immediato, conflictamur.

Philosophi quoque, etiam Ethnici, pro Dei concursu steterunt.

Tantæ nubi testium sacrorum pro diuino nobiscum concursu immediato, tot inquam Christianis Doctoribus & SS. Patribus, quibus non nisi homines temeritate & quidlibet nouandi audacia illustres, Durandus, & Aurcolus, vel multiplicium hæreseon infamia sordentes, Manes & Pelagius obstrepuerunt: si Philosophorum suffragium adiunxero, suscepisse laborem superuacuum videri potero. Ad doctrinæ tamen complementum, obiter quoque attingam consensum Philosophorum in hoc puncto. Præterquam quod sapienter admonuit Clemēs Alexandr. i. Strom. cap. 9. Christianam quidem doctrinam, hoc est Theologicam è Christianis fontibus haustam, per se perfectam esse, ac nullius indigam: accessu tamen Philosophiæ, etiam si veritas potentior non efficiatur, vsum tamen aliquem parari ad arcendos veritatis prædones; vnde & Philosophiam, sapientiæ tanquam vineæ, sepc ac vallum nominat Clemens. Quid quod Christiana & Theologica doctrina, vt idem addit, est quasi panis, Philosophica autem est obsonio similis, & bellarijs? *Desinente autem*

CONCURSVS DEI, VERÆ LIBERT. NON OBEST. 471
autem cœna, vt ibidem ex Pindaro dicitur, *suavis est
placentula*. Id est Philosophiam parcè apponere post
expletam Theologicis epulis famem, non est iniū-
cundum.

XVII. Verùm in Philosophorum ad hoc nego-
tium allegatione, missos faciam non modò priscos
illos, quorum dicta ex parte collegit Sirenius l. 1. de
fato c. 10. sed & alios benè multos posteriores, quo-
rum in hanc rem loca latè protuli in Natur. Theolog.
dist. 1. q. 2. artic. 1. Rectè enim dixit S. Cyrillus 2.
contra Iulia. ad tit. 4. omnes Ethnicos sapientes in
hoc consensisse. Itaque vbi Aristotelem & paucos
alios ex Philosophis attexuero, receptui canam. Ta-
met si verò Aristotelem, concursum Dei immedia-
tum nobiscum, sustulisse existimauit Gulielmus Pa-
risiensis. 1. 1. de vniuerso cap. 26. & 27. & 1. 2. eius-
dem operis cap. 9. nec non Henricus quodl. 8. q. 9. &
Lessius l. de grat. cap. 18. num. 8. & 11. nihilominus
non videtur dubitandum, quin pro veritate proposi-
ta steterit, vt ferunt loca à Sirenio superiùs notata,
quibus affirmat, in agentibus subordinatis qualia sta-
tuit esse Deum & creaturam, inferius non posse age-
re sine influxu superioris. Ita habet 8. phys. t. 38. &
41. Cartusianus lib. 2. de lum. Christ. theor. cap. 27.
cum alia pleraque Aristotelis loca ad id profert, tum
vnum ex quadam eius epistola de primo principio,
qua asserit, primi principij siue Dei indeficientem
communicatiuam vim, esse à se diffundere in om-
nia quæ fiunt, ideòque semper in actu esse. Sed nihil
est necesse dubiæ fidei testimonia proferre, cum in

Philosophi indubitatis operibus prostant illustrissima, ac præsertim 2. Metaph. vbi radiis solis in hanc rem conscriptum dixeris textum quartum, quo traditur, *quod est maximè ens & maximè verum*, cuiusmodi citra omne ambiguum est Deus, *esse causam omnis entis*, atque adeò etiam actionis qua quodcunque ens producit. Item 2. cœli t. 100. affirmat Philosophus, *à Deo deriuari omnibus esse, & viuere*. Videsis insuper quæ ex eo notat Franciscus Picus lib. de prouid. parte. 1. cap. 9.

XVIII. Aristotelis nomine, Theologiam secundum Ægyptios, Petrus Faentinus ante annos circiter centum vulgavit, testaturque Franciscus Roseus epistola ad Leonem decimum, se eos libros Damasci vidisse Aristotelis nomine prænotatos. Imo longè antè S. Thomas opusc. 16. Aristotelici illius operis nondum latinè editi meminit. Et quanquam valida argumenta quæ protuli in Prologo Natur. Theol. §. 5. n. 83. opus illud Aristoteli abiudicare videantur, tamen si paucos errores vt in scriptore Ethnico dissimules, liber est omnino eximius. Leguntur in eo tanx luculenta tamque densa huius veritatis testimonia, vt nihil possit adduci expressius. Signo nonnulla. lib. 3. cap. 3. *Ab ente necessario actiones omnes manant, eiusque nutu omnis potestas in actum excitatur*. Lib. 1. cap. 6. *Primum agens, in agendo imperfectum non est, quoniam ipsum supra omnia quæ sunt, perfectum est, &c. Agentia verò omnia quæ primo inferiora sunt, illo indigent, horumque actiones, eiusdem actionem desiderant. Ideoque omnia inferiora imperfecta, eorundemque actiones im-*

CONCURSUS DEI, VERÆ LIBERT. NON OBEST. 473
perfecta: atque eadem ratione, omnia quæ perfectionem
aliquam possunt suscipere, hanc à primo agente recipiunt.
Lib. 10. cap. 4. Primum agens, Deus est, qui verè effi-
cit, siquidem essentiam procreat, cum ipse sit vera essen-
tia. Nec fieri vllò modo potest, vt sine hoc, ab alio quic-
quam procreetur.

Autor libri de causis, quem otiosè aliqui Aristote-
lem esse censuerunt, cum sit Arabs, nec nisi Procli
abbreviator, (Picus in conclusionibus ex eo libro, vo-
cat Abucatem Auenam,) permulta frequenter habet
in hanc sententiam. Illustre est illud ex proposit. 1.
Causa prima adiuuat secundam causam super operatio-
nem suam, quoniam omnem operationem quam efficit
causa secunda, prima etiam causa efficit. Et mox. Cau-
sa prima est maioris & vehementioris adhaerentia cum re,
quàm causa propinqua: Et non figitur causatum causæ
secunda, nisi per virtutem causæ primæ: quod est quia
causa secunda quando facit rem, influit causa prima quæ
est supra eam, super illam rem de virtute sua. Quare ad-
haeret illi rei adhaerentia vehementi. Eodem sensu pro-
posit. 6. ait, causas secundas illuminari à lumine causæ
primæ. Mysticè sed optimè proposit. 32. cum præmi-
sisset si inuenitur vnum faciens acquirere non acquisitum,
& aliud acquirere faciens acquisitum, differentiam de-
bere inter ea statui, & vnum esse primum, aliud se-
cundum; subdit: Illud ergo in quo est vnitatis fixa non
dependens ex aliquo, est vnum primum verum sicut osten-
dimus: & illud in quo est vnitatis inuenta ex alio inuenta
est, præter vnum primum verum. Si ergo est ex alio, est
ex vno primo vero acquisita vnitatis. Prouenit ergo inde,

ut uni primo vero sit unitas, & inde reliquis vnis: & non sit unitas, nisi per vnum primum verum quod est causa unitatis. Hæc pertinere ad dependentiam immediatam cuiuscunque entis à Deo, & ad coeffectiōnem Dei cum omnibus causis secundis, intelligitur ex textura vniuersæ huius propositionis 32.

Specimen iudiciorum, Christianorum Philosophorum, de contraria sententia.

XIX. Satis de Philosophorum Ethnicorum in hanc rem consensu. Christianos nihil mirum est omnes ad vnum, suffragatores veritati propositæ accessisse, quibus fidei Cynosura & Patrum doctrina præluxit. Pomponatium quem supra retuli aduersatum diuino nobiscum concursui Carpentarius digress. 10. in Alcino. negat vel Philosophis vel Christianis annumerandum. Certè quanta ambigüe fidei infamia flagarit, neminem latet, de quo plura in opere de iusta confixione librorum. Qui verò hætenus Philo-phi Christiani audiuerunt, pro vera sententia stant omnes. Itaque non modò immediatum Dei nobiscum, & cum causis quibusuis secundis concursum astruunt, sed etiam contrariam Durandi sententiam grauitè configunt. Paucos annoto.

Soto secundo physic. quæsti. 4. conclusioni. 1. sententiam Durandi vocat erroneam, & contra prouidentiam qua Deus omnibus prouidet, & contra scripturas. Et superius dixerat, eam derogare religioni Christianæ.

Toletus 2. phys. quæst. 8. conclusion. 4. ait, sententiam Durando contrariam, esse ex scripturis manifestam.

Bened. Pererius 8. phys. cap. 7. sententiam Durandi vocat, nec piam nec veram, sed valde periculosam. Capite autem 8. contrariam ait, non tantum esse opinabilem aut probabilem, sed etiam omnino veram, certam, & indubitaram, de qua fas non sit Christiano Philosopho dubitare.

Fonseca 5. Metaph. cap. 2. quæst. 9. sect. 2. Est inquit Durandi opinio aut erronea, aut errori proxima, & Philosophia principiis, si quis recte attendat, haud consentanea. Quod enim Deus immediate concurrat ad omnem creatura operationem, ex multis locis diuina scriptura colligi potest.

Conimbricenses 2. phys. cap. 7. quæst. 12. artic. 2. sententiam diuinum concursum immediatum cum causis secundis agnoscentem, aiunt, non solum Philosophia principiis, sed diuinarum etiam litterarum doctrinæ ita consentaneam esse, ut oppositum aut minime verum, aut erroneum sit. Eam communi assensu tradunt Scholasticæ Theologiæ professores.

Ruuius 2. phys. tract 4. q. 7. ait eam recipi à SS. Patribus tanquam contentam in scripturis, & idcirco sententiam Durandi reputari erroneam.

Murcia 2. phys. disp. 4. q. 2. dub. 4. placitum Durandi vocat apertissimum errorem, non solum in Philosophia, sed etiam in Theologia.

Que eius nota, colligenda ab aliquo ex dictis videatur.

XX. Superuacuum sit plura colligere Philosophorum Christianorum pro hac veritate testimonia, cum sufficiat vno verbo dicere, omnes, nemine refragante, consentire, & contrarium placitum graui-ter configere. Siue autem contra fidem sit, vt non paucos auditi affirmantes, siue non sit; de quo nihil volo statuere, (statuant quorum interest,) ex dictis tamen, vel me tacente, perspicuè habetur huiusmodi placitum repugnare torrenti Doctorum cum Theologorum cum Philosophorum. Atq; adeò sine iniuria dicturus quispiam videtur, placitum tantoperè ab omnibus desertum, imò explosum atque còfixum, esse in summo vertice temeritatis, quia indubitate veritatis manifestatio est, ait Cassianus. 1. de Incarn. c. 6. *autoritas vniuersorum, et perfectaratio est vbi nemo dissensit. Ita vt qui contra hoc sentire nitatur, huius prima statim fronte non tam sit audienda assertio, quàm damnanda peruersitas; quia præiudicium secum damnationis exhibuit, qui iudicium vniuersitatis impugnat; et audientis locum non habet, qui à cunctis statuta conuellit. Confirmata enim semel ab omnibus veritate quicquid contra id venit, hoc ipso statim falsitas esse noscendum est, quod à veritate dissentit. Ac per hoc sufficere ei etiam id solum conuenit ad sententiam damnationis, quod discrepat à iudicio veritatis.*

Rationes pro concursu Dei. Prima, ex potentialitate cause secunde.

Secundùm auctoritatem vrgenda est ratio. Quan-

CONCURSVS DEI, VERÆ LIBERT. NON OBEST. 477
quam enim Ocham quodl. 2. q. 1. conclus. 1. & in 2.
q. 4. & 5. itémque Gabriel in. 2. dist. 1. quæst. 2. art. 2.
concl. 1. *litera D*, nec obscure Pennotus lib. 8. pro-
pugn. huma. libert. cap. 15. num. 9. negant id posse
demonstrari ratione naturali, tantúmque concedunt
posse rationabiliter persuaderi: Tamen rectiùs alij, ad-
mittunt id posse efficaciter conuinci, & clarè demon-
strari; in quod præter cæteros latè & strenuè iucum-
bit Bradwardinus l. 1. de causa Dei c. 3. & 4. l. 2. à c. 20.
nec segniter Gregorius in. 2. d. 34. q. vnica art. 3. & Æ-
gidius distinct. 37. quæst. 1. artic. 3. & Bassolis eadem
distinct. q. vnica, artic. 2. Ego vnā aut alteram ra-
tionem attingisse contentus, reliquas apud prædictos
legendas dimittam.

XXI. Efficacissimam iudico eam quam breuiter
sed optimè tradidit S. Bonaventura in 1. d. 37. artic. 1.
q. 1. n. 8. semperque tametsi suboscuriùs adhibetur à
D. Thoma quoties hoc punctum attingit, vt q. 3. de
potent. artic. 7. & lib. 3. contra gent. cap. 67. & 70. & 1.
p. q. 44. art. 1. ac quæst. 105. artic. 5. Verba D. Bona-
uenturæ, quia pauca sunt, iuuat adscribere. *Quod om-
nis actio siue substrata peccato, siue non, secundum id quod
est actio, sit à Deo, oportet ponere, si pensetur eminentia di-
uine potentis & indigentia potentis creatæ. Quia enim
Deus est causa primordialissima, ideò est influentia maxi-
mè in causas secundas, & adeò magnè influentis, vt nec
modicum seu quantumcumque parum (dum tamen aliquo-
modo sit ens,) procedat ab aliqua causa creata, nisi coope-
rante diuina potentia. Omnis etiam potentia creata, quan-
tum est de se, defectiua est, nec est purè actiua: Ergo quan-*

tumcunque faciat modicam operationem, necesse habet adiuuari ab ea potentia quæ est actus purus propter omnimodam impermisionem cum materia, & quæ sola sibi sufficit, nullo modo indigens adiuuari à causa alia. Et ideo hæc posicio quæ dicit omnem actionem esse à Deo secundum quod actio est, alique omni ambiguitate tenenda est. Aliis verbis, sed reipsa eodem sensu, proposui & ex D. Anselmo confirmaui hanc rationem in Natur. Theol. d. 1 n. 7.

Recidit planè in hanc rationem, eadèmq; radice nititur, illa alia quæ ex conseruatione ducitur, & in hanc formam proponi potest. Effectus quilibet creatus, in suo fieri seu in primo instanti suæ productionis, est ens aliquod verum, non minùs quàm toto reliquo tempore quo durat. Sed toto illo tempore, cum sit essentialiter ens participatum, debet à Deo pendere effectiue, & per continuatam productionem, siue per conseruationem accipere esse: Ergo & in primo instanti debet à Deo effici, cum non minus indigum sit diuinæ opis minùsque mendicum initio; Deus autem non minùs potens & ens maximè verum, quàm postea cum res est iam producta. Et alioqui fatendum esset, entia quæ conseruari non possunt, hoc est successiua, non pendere à Deo efficienter, contra expressam Davidis professionem, qua psalmo 138. agnoscit, si ad orientem mouendus sit, illhuc esse eum deducturam diuinam manum.

XXII. Nihil in hac argumentatione video labare, aut periclitari ab aduersarij negatione præter Minorem. Nam vt rectè vidit Gregorius in 2. d. 34. q. vnica

CONCURSVS DEI, VERÆ LIBERT. NON OBEST. 479
vnica artic. 3. ad 9. qui negant influxum Dei nobiscum, æquè negare debent, conseruationem rei per nos primùm productæ, fieri à Deo; quod tamen Gregorius rectè statuit nullo modo negari posse, & mihi videtur de fide, propter expressissimas Scripturas, Coloss. 1. Hebr. 1. Sap. 1. & 11. quas optimè in hanc rem ponderant Valentia 1. p. d. 8. qu. 2. p. 1. & Less. lib. 10. de diuin. perfect. cap. 4. à quibus aliqui quoque Patres in eam rem proferuntur; sed eximie omnino id habent Nazianzenus orat. 34. tractans illud Psalmi 103. qui facis Angelos tuos spiritus. & orat. 36. librans illud, *qui fundasti terram super stabilitatem suam.* Chrysostomus homil. 3. in ad Coloss. circa illud *omnia in ipsum pendent*; Nyssenius egregie, & ad sensum pietatis accommodatissimè, lib. de perfecta Christ. hom. formâ ad Olympium, circa illud Hebr. 1. *portans omnia verbo virtutis suæ*; Photius in respons. ad qq. Amphilo hij Cyziceni de variis Scripturæ locis, circa illud, *Pater meus & sive modo operatur*; S. Augustinus lib. 3. in Iulia. cap. 9. & lib. 8. de Genesi ad litter. cap. 12. aliisque locis quæ congerit Gregorius in 1. d. 45. qu. vnica, artic. 1. concl. 3. Quod autem nunc id non agam, vt omnium rerum immediatam à Deo conseruationem ac continuatam productionem stabiliam, verba horum Patrum quæ sunt ad id expressissima, non appendo: missamque etiam facio rationem eius rei ineluctabilem, quæ ex diuini dominii plenitudine in res omnes ducenda est. Neque enim posset Deus si luberet, res omnes destruere, (quod dubitare non licet quin præstare posset si vellet, nisi

conseruaret eas, possetque mera cōcursus subductio-
ne ad nihilum redigere. Quam rationem alibi ad pe-
nitissimas vsque fibras discussi, & vndecunque firma-
ui. Clara ergo & indubitata est quarumcunque re-
rum conseruatio immediata à Deo.

Ea verò supposita, & quæ clara est prima productio:
quandoquidem initio productionis cuiuslibet rei,
Deus non minùs est ens maximè verum, & creatura
quælibet non minùs tunc est ens potentiale, ac di-
uina manu & subsidio indigens, quàm reliquo tem-
pore quo conseruatur, & à Deo pendet per conti-
nuatam productionem. Ergo debet quoque ab eo
primùm pendere, ne hîc habeat proportionē locum
expostulatio Diui Augustini aduersus Semipelagia-
nos; quos queritur dedisse Deo secundas tantùm; si-
bi verò solis primas arrogasse. Paucis hanc ipsam ra-
tionem expressit S. Paulinus epist. 38. quæ est ad Io-
uium, verbis illis. *Cum constet quod cernitur aut senti-
tur, aliena opis, ut consistat & maneat indigere, non
potest ambigi, aliunde etiam ut crearetur eguisse. Quod
cum ita sit, omnia ex Deo orta fateamur necesse est.
Et inferiùs. Ut ratio & veritas docet, omnia operum
Dei in quibus consistimus, & quorum pars sumus, om-
niâque munerum eius quibus inter vitâ istius fragilis &
caducæ incerta regimur atque seruiamur, ad ipsum refe-
ramus, nihilque ab illius potestate nostro remoueamus
errore, quia velimus nolimus, ipse nostri, ut omnium, &
creator, & Deus est, &c. Ipsi omne quod sumus, impen-
damus, & quæ illi placita sunt, studiamus discere, & fa-
cere curemus. Tunc defæcata mente puriùs inuenientes, vi-*

CONCURSVS DEI, VERÆ LIBERT. NON OBEST. 481
*debimus hanc esse veritatem, ut à Deo sint cuncta quæ
sunt. Hæc ille ut inferiùs loquitur, Dei Philosophus,
Peripateticus Deo, Pythagoræus mundo.*

*Secunda, ex impedibilitate actionis causa
secunda.*

XXIII. Accedit ratio quam suggerit Rubionius
in 2. d. 34. quæst. 2. artic. 1. ex eo petita, quòd nisi Deus
cum causis secundis concurreret, non posset earum
actiones impedire. Cum enim non sit nisi triplex
modus actionem aliquam impediendi; nempe pri-
mus per causæ destructionem; secundus per con-
trarij motus immissionem; & tertius per subdu-
ctionem concausæ alicuius necessariæ; Perspicuum
est, primum horum modorum non nisi cum Dei
iniuria posse hîc ingeri, quippe nullo pacto consen-
taneum ei plenissimo dominio quo Deus pollet in
res creatas quascunque, tametsi non destructas. Ab-
surdissimè enim quis diceret, non posse Deum, ho-
minem ab operando impedire nisi eum destruendo;
quasi vis humana adeò valida sit, ut si superstes ma-
neat, inhiberi diuinitùs ab operatione non pos-
sit. Secundus verò modus propositus, locum ple-
runque non habet: quia pleræque actiones con-
trario carent, unde impediri non possunt per for-
mæ sibi contrariæ immissionem. Restat ergo ut fa-
teamur, tertium modum esse admittendum; ac proin-
de idcirco potest Deus quascunque actiones creatas
impedire, quia necessariū est ut cooperetur quibusvis

agentibus secundis, quæ obstipa & inertia iacerent Deo illis non cooperante, & effectus eorum coëfficiente cum ipsis, vt essentialiter exigit indigentia qua laborant ex ratione entis potentialis. Eludunt verò non elidunt hanc rationem, qui dicunt, Deum ob summam creaturæ ad ipsum subiectionem, nihil licet faciat, aut tollat, posse per nudum imperium inhibere actionem causæ secundæ ab ea sola manaturam. Hoc videtur ludicrum; quia imperium si nihil ad actionem promendam requisitum adimat, vel nisi aliquid ponat quod sit cum actione impossibile, est aliquid mere extrinsecum, & relinquit res quo statu erant; vt plenius tradunt, qui probant, præfinitionem purè immanentem, nihil extra Deum immutare, quamuis sit imperium diuinum efficacissimum.

Tertia, ex determinatione ad indiuiduum.

XXIV. Est etiam apud me non parum valida ratio qua vtitur Gregorius in 2. d. 34. qu. vnica, artic. 3. in secundo principali, iunctis iis quæ habet in 1. d. 35. & Rubionius in 1. d. 38. qu. 1. concl. 3. ac in 2. d. 34. qu. 2. sub finem, multi que alii suo loco adducti, contendentes Dei esse determinare causas secundas ad indiuiduum. Hinc enim efficaciter inferri potest Deum singulas actiones cum causis secundis coëfficare. Nam facultas causæ ex se sumpta, indifferens est ad plures ex indiuiduis actionibus per ipsam elicibilibus, perindeque illi est, siue hanc siue illam actionem numero tantum ab ista distinctam prius profundat: nec vt ad

CONCURSVS DEI, VERÆ LIBERT. NON OBEST. 483
id conetur, possit se ad vnam potius quàm ad aliam
determinare, cum omnes æquè eam lateant, nec vl-
lam distinctè cognoscat. Necessarium ergo omnino
est, fateri, determinationem illam debere ab extrin-
seco fieri. Circumstantiæ autem temporis & locialitæ-
que similes, à quibus nonnulli hanc determinatio-
nem petierunt, sunt planè extrinsecæ, nec plus pos-
cunt hanc numero actionem quàm aliam similem.
Planè ergo efficitur, causam secundam ex se ad plures
individas actiones indifferentem, non aliter deter-
minari ad hanc potius quàm ad illam individuum
actionem, quàm ab agente extrinseco libero, & sin-
gularium illarum actionum distinctè præscio, coope-
rante causæ creatæ; hoc est à Deo, qui è pluribus illis
numericis actionibus, hanc potius primo loco quàm
aliam pro libertate deligit, & vt à se simul & à creatu-
ra operabunda profluat, determinat; non per aliquid
præmissum, sed immediatè coëfficiendo. Video
quædam ad plenam huius rationis firmitatem desi-
deranda, quæ quòd instituti huius fines excedant, à
me dimittuntur in præsentia. Sunt tamen alibi plenè
& accuratè stabilita, & apud me sunt admodum rata.
Ideòque non immeritò, ad veritatem in qua confir-
manda versamur, corroborandam, adhibere ea pos-
sum.

*Concursus necessitas, ad liberos actus
extenditur.*

XXV. Non puto esse operæ prætium rationes

Ppp iij

plures ad rem præsentem adducere. Cum autem quæ propositæ sunt, & præsertim prima, manifestè eincant radicem indigentia diuini concursus in creatura operante, esse rationem entis participati ac potentialis, deposcentis perpetuam entis à se manutentioniam, tum quoad esse, tum quoad operationem suam; ratio verò entis participati & potentialis æquè cadat in agentia libera atque in alia, manifestum videtur, non aliter hac in parte de causis liberis philosophandum esse, quàm de necessarijs, vel absque libertate operantibus. Nam si voluntas creata non exigit cooperationem causæ primæ ad actum suum liberum, nequaquam id habet quia libera est, sed quia respectu actus liberi habet virtutem proximam & immediatam, quæ sola ad talis actus profusionem sufficiat; alioqui enim actus non eliceretur. Vnde quamuis dicere quis posset, virtutem huiusmodi, plenam & extrinsecæ assistentia non indigam, debuisse concedi voluntati intuitu libertatis qua pollet, tamen formaliter ratio cur possit sola in actum liberum, dari debet, quia est plena & integra virtus respectu illius. Atqui voluntas non est efficacior aut potentior respectu sui actus liberi, quàm respectu sui actus necessarij, cū sit vna & eadem respectu vtriusque. Ergo si potest se sola elicere actum liberum, æquè poterit se sola elicere actum necessarium. Imò multo magis, quia quamuis actus liber possit esse substantialiter idem cum necessario, tamen modus proleundi liberè à causa, est longè sublimior ac nobilior, quàm modus manandi ab ea ex necessitate. Vn-

CONCURSVS DEI, VERÆ LIBERT. NON OBEST. 485
de si prior non postulat concursum extrinsecum, ne-
que posterior eum postulabit. Quòd si voluntas po-
test actum suum necessarium, eodem iure quo libe-
rum, elicere absque Dei cooperatione; dubitare non
licet, quin aliæ quoque causæ naturales & necessariae,
& quæ possint per seipsas & seclusa Dei assistentia co-
efficiente, suas operationes causare. Est enim omni-
moda paritas. Quare videtur mihi Sequanus Theo-
logus omnino inconsequenter loqui, cum concessa
necessitate diuinæ cooperationis ad actum libertatis
expertem, eam tamen necessitatem negat respectu
actus liberi, etiam boni, de quo maxima fuit ratio
censendi quòd sit à Deo.

Hinc verò euertitur prætenſa ab aduersario ne-
cessitas reformandi principium vulgatum quo diui-
nus concursus ad omnes actiones nostras necessarius
affirmatur; nec tam eius reformatio, quàm deforma-
tio & peruersio dicenda est, qua principiū illud ad so-
los actus necessarios restringitur. *Regula sanè fidei &*
quæ ijs iunguntur, irreformabiles & immobiles sunt, au-
tore Tertull. li. de veland. virg. c. 1. Erronum est, ac vt
ex Apostolo loquitur S. Cyprian. li. de vnit. Eccles. n.
54. *habentium deformationem religionis, virtutem autem*
eius abnegantium, moliri reformationem, eorum quæ
benè sunt constituta, & quia cum fidei placitis sunt
nexa, ne tentari quidem debuerant. *Gloriantur,* ait
Irenæus lib. 3. cap. 1. *emendatores se esse.* Grauiſſimè
item sanctus Hilarius libro ad Constantium Au-
gustum, expostulat per speciem reformationis antiquæ

doctrinæ, manentia demutari, & accepta perdi, &c. Quod enim emendatum est, semper proficit; ut dum omnis emendatio displicet, emendationem omnem emendatio consequuta condemnet: ac si iam quicquid illud est, non emendatio aliqua sit emendationis, sed cæperit esse damnatio.

Rationes contra concursum, cuiusmodi.

XXVI. Restarent dissoluendæ rationes quibus Durandus & Aureolus necessitatem diuini nobiscum concursus appetierunt, nisi verè dixisset Ocham in 1. d. 42. litera F, nullam huiusmodi rationum esse reuera multum apparentem. Si quæ tamen sunt in contrarium rationes, quæ speciem aliquam difficultatis possint ingerere, ea præsertim est quam Pelagius urgebat, ducta ex clade libertati inferenda per diuinum concursum: itémque ea quæ plerisque antiquos Scholasticos malè vexauit, metuentes temerationi sanctitatis diuinæ per influxum in malitiam, si Deus actum turpitudini morali subiacentē coëfficiat. Quæ item fuere motiua quibus autor quem excutimus ad hanc crambem recoquendam adductus est. Quòd ergo de his difficultatibus mox sim acturus, cæteræ verò à Gregorio in 2. d. 34. qu. 1. artic. 3. ad argumenta contra tertiam, sufficienter extricentur, moras hîc in eis non nectam.

*Palmaris quoad actus liberos; ex eo quòd nullus pro-
feratur modus idoneus, exponendi quomodò
Deus videat quandonam sit
concurrendum.*

Sic obstructo ac præcluso vnico perfugio quo recipiebat se Theologus Sequanus cum quo agimus, quandoquidem rectè supponit, prædeterminationem non coherere cum libero voluntatis motu quauersum, idèoque eam omnino repudiat; non supererit quò diuertat, nisi ad sententiam nostram reueniat: Idque facturum non dubito, si quæ intorsit in eam argumenta, infringam, & enervia esse demonstrarem, quod secundo loco faciendum receperam. Vt autem nodo cuneum admoueamus, recolendum est eam illi in hoc negotio palmarem ac inexpedibilem occurrisse difficultatem vt initio monui, quòd censeat perspicui non posse quomodò Deus non agat cæco modo si cooperatur nobiscum ad actus liberos. Quis enim explicet quomodò Deus prudenter & citra libertatis creatæ temerationem concursum suum illi impendat, cum nihil videat à quo obiectiuè determinari & excitari possit, cur nunc potius, quàm ante, vel post, cooperari cum voluntate debeat? Tentatum quidem hætenus est à variis vt id exponerent, vno fere trium modorum; nempe vel .i. dicendo Deum attendere quid factura esset voluntas si se sola posset agere; & tunc impendere concursum, cum videt eam ita se habere, vt actura esset si se sola posset

agere. Vel certè 2. dicendo, Deum attendere secuturam voluntatis determinationem si per ipsum non stet, vel itque còcurrere. Vel denique 3. dicendo, Deum spectare virtualem determinationem voluntatis, prænam determinationi eius formali, quæ sita est in primo eiusdem actu elicitio. Nam quod quartò dici poterat, attendere Deum hanc ipsam formalem voluntatis determinationem, nulla ratione admitti potest, quia vt formalis determinatio non iam ex hypothesi sed absolutè excudatur, exigitur concursus diuinus iuxta nostram sententiam. Non ergo potest spectari determinatio formalis vt agnoscatur quandonam præcisè sit exhibendus concursus: quia sic concursus esset, priusquàm exhiberetur. Hoc postremum rectè omnino statuitur ab aduersario. Quæ autem circa tres alios propositos modos obijcit, excutienda sunt, & quàm solidè verèque opponantur, dispiciendum.

XXVII. Illud tamen ante omnia iuuat monere, primum & secundum modum dicendi propositum, non esse reuera duplicem, sed in vnicum recidere. Quod enim Deus dicatur ad concursus sui exhibitionem, spectare quid voluntas creata faceret, si se sola & absque Dei concursu agere posset; & quod dicatur spectare actionem quam conditionaliter præscit exorituram à voluntate si per ipsum non stet; Hæc inquam duo eodem reci sunt. Nam si verum est, voluntatem creatam, si non stet per Deum sine quo non potest agere, acturam hoc aut illud, Ergo verum est, eandem si absque Deo posset agere, id ipsum præstituram in eo euentu: quia tota ratio cur voluntas

CONCURSVS DEI, VERÆ LIBERT. NON OBEST. 489
in eo euentu deposcat diuinam assistentiam, est im-
potentia qua præpeditur ne sola operetur. Si igitur
impotentia agendi absque Deo excluderetur, non
est dubium quin voluntas esset tunc operatura. Id-
que tametsi de facto & absolutè est impossibile, ta-
men sub ea hypothesi est planè verum. Neque
enim nouum est, vt quæ simpliciter & absolutè sunt
falsa, sint vera sub conditione, etiamsi impossibili.
Est quippe impossibile vt Spiritus sanctus non pro-
cedat à Patre & Filio, & ab vtroque non distingua-
tur; & tamen verè dicimus, quod si Spiritus sanctus
non procederet à Filio, non distingueretur ab eo. Et
eam veritatem quam communis Theologorum sen-
sus contra Græcos agnoscit, non potest Deus igno-
rare, cuius oculatissimus intellectus non potest non
peruadere ad quodcunque verum: cum eo ipso quod
verū est, sit cognoscibile; & certum sit nihil cognos-
cibile effugere obtutum intellectus infinitè perspicu-
cis, cuiusmodi est diuinus. Verum igitur est quod si
per impossibile causa secunda posset se sola agere, nō
præueniret nec subsequeretur quasdam circumstan-
tias, sed ijs positis operaretur. At omne verum videt
Deus. Igitur hoc videt. Et hoc ipsum est quod aliter
dicitur, in illis circumstantiis quandoquidem creatura
impotens est ad per se agendum, videri à Deo opera-
tionem ex voluntate secuturam, si per Deum nō stet,
quo opitulante potest agere, non opitulante non
potest; actura tamen si agere posset. Sunt itaque
duo illa adeò intimè nexa & inuicem implicita, vt
diuelli non debeant. *Creatura nunc si se sola posset*

operari, operaretur. Et, Creatura, si non stet per Deum, (quia sine eo non potest agere,) nunc operabitur. Quæ causa est cur plerunque iidem autores, nunc vno, nunc alio ex his modis rem istam explicent. Ut tamen distinctè & perspicuè singula difficultatum ab aduersario propositarum capita dissoluamus, recensimus tanquam duos hos dicendi modos, qui reuera non nisi vnum plenum atque completum efficiunt. Nunc aduersarium audiamus.

Deum dici primò non posse spectare, quid factura esset voluntas si sola posset agere; prima aduersarij ratio, ex talis notitiæ impossibilitate, & indignitate.

XXVII. Impugnat primò primum dicendi modum propositum, nempe quòd Deus ad exhibendum concursus, excitetur obiectu operationis quam elicitura tunc esset voluntas, si se sola posset agere. Hoc impugnat, quia cognitio qua Deus attingat quid voluntas creata esset operatura si se sola posset agere, est impossibilis, & indigna Deo; in quâ rem laudat Granadum 1. p. tract. 5. de scientia Dei disp. 3. sect. 4. & poterat æquè citare Didacum Ruiz de volunt. Dei disp. 29. sect. 2. ex eo enim aperitè profecit, cum ipsa quoque eius verba vsurpet. Probat autem eam cognitionem esse impossibilem, quia per eam voluntas creata exhiberetur vt independens, ac proinde vt impeccabilis, quod adeò falsum est, vt sit planè impossibile Deum id scire, & tam absurdam.

/ cognitionem in Deum cadere. Et quamvis gratis daretur posse notitiam illam in Deum cadere, tamen non posset esse vsui ad prælucendum diuinæ voluntati, eamque dirigendam vt assistat creaturæ volenti peccare, & vt motum Physicum malitiæ substratum coëfficiat, quando quidem voluntas Deo sic obiecta, proponeretur illi vt impeccabilis. Quod si gratis quoque concedere libeat, creatam voluntatem posse in eo statu obijci peccabilem, tamen adhuc impossibile erit, Deum decernere concursum ad actionem quam creatura faceret si sola posset agere: quia actio eruptura ab agente secundo si se solo posset agere, differret specie ab actione quæ ab eodem agente simulque à Deo elicitur. Ergo Deus decerneret rem impossibilem, si decerneret, vt à se & ab agente secundo prodeat illa ipsa actio, quæ ab agente secundo prodiret si posset solum agere.

Dissoluitur.

Respondeo, posse hoc argumentum facile declinari, exprimendo sententiam nostram illis aliis verbis quæ supra retulimus, & monstrauimus exhibere secundum dicendi modum, recidentem reuera in hunc primum. Nempe dicendo, Deum vt videat quando concurrere debeat, spectare actionem nostram conditionaliter secuturam, nempe si per Deum non stet. Intorta enim in sententiam nostram sic expressam aduersarij argumenta, cadunt imbellia sine ictu. Imò euanescent prorsus, quia subducitur totum.

fundamentum quo nituntur. Vnde liquet quàm non sit primi huius argumenti solutio desperanda, quantumuis in eo magna vis fiat. Admissa tamen aliquali secretione, primi & secundi modi dicendi supra propositi.

XXIX. Respondeo, scientiam qua Deus cognoscit quid voluntas creata esset actura si se sola posset agere, non esse impossibilem, vel Deo indignam, vt falsò assumitur. Monstratum enim superius est, verum esse quod si voluntas per impossibile posset se sola agere, non præueniret, nec subsequeretur quasdam circumstantias, sed ijs positis operaretur. Hoc autem verum non potest Deum latere, cum sit magna perfectio, & intellectum summè perspicacem & infinitè cognoscituum, nullum planè quod verum & cognoscibile sit, possit fugere. Et inde sequitur, eam notitiam non esse Deo indignam; cum nulla perfectio simpliciter simplex, siue illimis, & à fœculentiis nostris separabilis, Deum dedeceat. Quidni ergo ex ea veritate agnita, dicere liceat dirigi Deum & obiectiuè excitari, vt positis circumstantijs illis adiungat voluntati creatæ concursum suum, eique ad re ipsa operandum opitulator accedat?

Et agnoscit quidem Deus, voluntatem creatam si se sola posset agere, fore independentem quoad agere, non tamen agnoscit eam fore independentem quoad esse. Sicut cum dico, *si sententia Durandi, præcisè prout ab ipso proponitur, vera esset, agens creatum esset independens quoad agere*, non idcirco dico agens creatum esse independens quoad esse, vt ne-

CONCURSVS DEI, VERÆ LIBERT. NON OBEST. 493
que Durandus id affirmavit. Item quod caput est,
independentia illa in agendo, non obicitur Deo ut
actualis & absoluta, quo pacto adiungeretur ei im-
peccabilitas, sed obicitur tantum sub conditione
impossibili: ac proinde quia conditio nunquam
poni poterit, voluntas nunquam concipietur po-
tens impeccabilitate, quæ non affectatur inde-
pendentiam in agendo conditionatè tantum con-
ceptam, sed independentiam absolutè & simpliciter
competentem naturæ. Quare Deus voluntatem
creatam sub ea hypothefi concipiens ut indepen-
dentem in agendo, adhuc concipit eam ut absolutè
& de facto dependentem ac peccabilem. Vnde po-
test ei præparare ac decernere concursum ad mo-
tum positivum malitiæ substratum, si in eum ip-
sa feratur, cumque sola eliceret, si se sola agere
posset.

Eum dico, non quòd velim, actum voluntatis in
ea hypothefi constitutæ Deo obiectum, esse numeri-
cè vel specificè eundem qui postea absolutè excudi-
tur à Deo simul & creatura; quæ erat postrema ad-
versarij instantia: Sed quòd videns Deus voluntatem
erupturam in actum, (amoris v. g.) si se sola posset
agere, accingatur ad concurrendum cum ea, ut excu-
dat actionem proportionalem qualem cum Deo po-
test elicere: id est alterius quidè individualis ac specifi-
cè entitatis, sed tamen similis & eiusdè denominatio-
nis, puta amoris. Quanquã quòd specificam diuersi-
tatem cōcedo, inter actionē à voluntate sola eruptu-
ram, & eam actionē quam voluntas cū Deo elicit, ad

prætidendas tantum tricas id concedo: gnarus alio-
 qui, actionem nunc ab vno, mox ab alio principio
 manantem, posse esse eandem specie, præsertim cum
 diuersa illa principia sunt subordinata. An non enim
 eadem specificè actio est, quæ à voluntate sola, & quæ
 cum habitu elicitur? Facile ergo dici posset, actionem
 à voluntate sola erupturam si se sola posset agere, nõ
 esse concipiendam vt specie diuersam ab ea quam
 voluntas concurrente Deo elicit: Sed vt abstinere in
 disputatione non necessaria, & ab hoc instituto alie-
 na, malui specificam illarum actionum diuersitatem
 vtrò dare; & ea supposita, argumento satisfac-
 cere.

*Altera ratio, ex clade inde imminente
 libertati.*

XXXIX. Impetit secundò aduersarius eundem
 primum dicendi modum, quia per eum exscinditur
 libertas, cui maximè consultum volumus. Nam vo-
 luntas non est libera in actione quam eliceret si pos-
 set sola operari, quia nemo liber est in eo quod age-
 ret, præsertim ex hypothese impossibili. Sed neque
 libera est voluntas in actione quam cum Deo elicit.
 Nam hæc actio, neque potest habere libertatem ab
 actione hypothetica prorsus exparte libertatis: ne-
 que potest eam habere à voluntate, quæ priusquam
 agat, accipit à Deo antecedenter & ipsa inconsulta,
 concursus ad quem actio cum eo indentificata non
 potest non sequi. Sanè is qui liberè esset Deum ama-
 turus,

CONCURSVS DEI, VERÆ LIBERT. NON OBEST. 495
turus, nisi ineluctabili adactione abriperetur ad
amandum, (v. g. communicatione subita visionis
beatificæ,) non diceretur iam beatus liberè amare,
quia ad id determinaretur aliunde. Neque ergo is di-
ceretur liberè agere, qui si se solo posset agere, per-
mitteretur à Deo sibi ipsi, & operaretur cum exsolu-
tione & expeditione ad vtrumlibet: nunc autem
per concursum à Deo antecedenter & inconsulta
creata voluntate exhibitum, exsolutione illa & expe-
ditione spoliatur.

Infringitur.

Respondeo. Hoc argumentum depromptum est
ex Didaco Ruiz disp. 19. de volunt. Dei sect. 2. à quo
adhibetur ad probandum, malè aliquos conari astrue-
re prædeterminationem, eamque cum voluntatis li-
bertate conciliare, dicendo; idcirco voluntatem ta-
met si prædeterminatam manere liberam, quia non
prædeterminatur nisi ad actionem quam elicitura es-
set, si se sola posset agere. Contra eam doctrinam,
optimè omnino militat argumentum propositum,
quia libertatis exercitium nulla ratione potest fœde-
rari cum potenti illa astrictione ad vnam partem, in-
uecta per antecedentem prædeterminationem. Et vi-
detur sanè manifesta implicatio in adiecto, dicere
quòd voluntas sinatur agere actionem quam elicitu-
ra esset si se sola posset agere: tum addere, volun-
tatem ad eam actionem prædeterminari. Sic enim
voluntas non ferretur in actionem illam suo pte nutu,

& impetu proprio, sed vi extrinsecæ determinationis, inconsulta voluntate latæ: Cum tamen de ratione liberi exercitij voluntatis, sit, vt voluntas ad illud per seipsam non aliunde determinetur. Quare contra doctrinam illam quam impugnat Ruiz, optimè militat argumentum ex eo desumptum; contra nos verò qui prædeterminationem ablegamus, nullam vim habet. Distinctius id aperiam, attingens singulas argumenti propositi partes.

XXXI. Actionem igitur quamdiu tantum prænoscutur conditionatè futura, si voluntas se sola posset agere, sicut non est actu & reipsa actio, sed tantum esset si conditio poneretur, ita fateor non esse actu liberam. Addo tamen liberam fore, si conditio reipsa poneretur, & actio exerceretur de facto, à facultate libera sibi permissa. At quamdiu conditio non purificatur, actio neque est libera, neque fructum libertatis particeps: honestatis inquam & meriti, vel turpitudinis atque demeriti. Quod spectans S. Prosper epistola ad Augustinum, merita conditionatis actionibus implantata, à Semipelagianis inuecta, vocauit *merita commentitia*, nouoque absurditatis generis *fabricata*. Quod si actio, quamdiu est tantum conditionatè futura, non est actu libera, perspicuè inferitur, actionem cum reipsa exercetur, non habere libertatem formaliter ab actu illo hypothetico refusam. Quis hoc fingat? Aut quomodò aduersarium subiit cogitatio, vt in ea insulitate refellenda tempus prodigeret? Actio ergo cum reipsa exercetur, habet libertatem à voluntate; quam quod aduersarius, in

CONCURSVS DEI, VERÆ LIBERT. NON OBEST. 497
sententia diuini concursus necessitatem agnoscente,
præueniri à Deo ait, immissione concursus prædeter-
minantis, falsò id affirmat, & contra ipsam vocabuli
notionē: sic enim concursus non esset, sed præcursus;
nec cooperatio, sed præoperatio. Præimmittit quidē
Deus seminiū cogitationis, & affectus proportionati
bonæ actioni eliciendæ; hoc est motionē gratiæ. illu-
minatione intellectus, & voluntatis cœlitùs delibu-
tæ suauitate contentam, si agatur de opere supernatu-
rali: itémque motiones naturales proportionales,
bonæ fortunæ tributas, si agatur de bono opere purè
moralis: Vtraque tamen illa præmotio, est longè alia
à concursu de quo agimus, & ea posita, adhuc posset
non sequi actio. Est enim eluctabilis, vt de benedi-
ctionibus dulcedinis quibus supernaturaliter præue-
nimur, sancitum est in Tridentino sess. 6. can. &
cap. 4.

XXXII. Concursus verò diuinus de quo agimus,
tantùm abest, vt vel momento temporaneo vel na-
turâ præcurrat concursui nostro in eundem actum,
vt potiùs concursus noster sit prior diuino, ratione
quatenus Deus non se applicaret ad coëfficiendam
nobiscum actionem liberam, nisi voluntas obiicere-
tur operabunda, & priùs ratione agnosceretur à se
determinari. Expressit id planè optimè quoad simul-
tatem realem vtriusque concursus, & neutrius prio-
ritatem realem, Ochamus in. 1. d. 42. q. vnica litera F,
sub finem, verbis illis. *Non est imaginandum quòd cau-
sa prima in aliquo instanti cooperetur ad effectum, &
in secundo instanti cooperetur causa secunda ad eundem*

effectum. Et si dicatur, quòd causa prior priùs agit, ergo in illo priori non agit causa secunda: Dicendum est, quòd dicendo causa prior priùs agit, si intelligitur quòd in aliquo instanti agat causa prima in quo non agat causa secunda, simpliciter falsum est, quia in eodem omnino instanti agunt. Si autem intelligatur, quòd causa prior, est principalior, & illimitatior, & perfectior; sic potest concedi, quamuis fortè non de virtute sermonis. Sed hoc nihil est ad propositum. Exscripsit Ochamum propè verbatim Bassolis in 2. d. 37. q. vnica artic. 2. ad confirmationem secundi argumenti ex ratione; Immensus autem in hoc puncto est Bradwardinus lib. 2. de causa Dei cap. 28.

Prioritatem verò rationis concursus nostri præ diuino, egregiè expressit Gregorius in 2. d. 34. q. vnica artic. 3. refellens Aureoli argumentum, quo probat, Deum non concurrere ad actum positium substratum malitiæ. Quærebat enim Aureolus, an idcirco concurreret Deus, quia voluntas se determinat ad operandum, vel è conuerso; an certè simul conuenirent ad profundendum eundem actum, & vndecumque veritati incommodare satagebat. Respondet Gregorius in hæc verba. Dico quòd Deus sequitur determinationem voluntatis, non quòd determinatio voluntatis sit aliqua entitas distincta à voluntate & actu eius, quæ primò fiat à voluntate, sicut imaginari videtur argumentum: Nec etiam intelligendo, quòd priùs natura voluntas agat actum illum quam Deus, propriè loquendo de priori natura: quoniam tunc sequeretur, quòd posset illum agere Deo non coagente, sicut patet ex defini-

CONCURSVS DEI, VERÆ LIBERT. NON OBEST. 499
tionem prioris secundum naturam. Sed ad hunc sensum dico, Deum sequi determinationem voluntatis, quoniam ideo Deus agit illum actum, quia cum voluntas agit: Et ideo magis proprie dicitur Deus coagere voluntati talem actum causanti, quam voluntas dicatur coagere Deo. Non potuit Gregorius aptius exprimere prioritatem illam rationis quam causæ secundæ liberæ tribuo præ prima. Idem omnino benè tradit Olkot q. XI. determinationum artic. 4. litera CC, & sæpè idem insinuat Bassolis in 2. d. 37. q. vnic. art. 2. & 3.

Ratio tertia, ex secutura diuinæ sanctitatis violatione.

XXXIII. Impetit tertiò aduersarius eundem primum dicendi modum, quia iuxta eum Deus statuitur peccati autor. Quamuis enim Deus prænoscat, voluntatem si se sola posset ageretunc peccaturam, tamen concursu suo illam præueniens, & antecedenter ad id determinans, fit illi exitij causa: non minùs quam is qui præscius Petrum vim sibi illaturum, ac scuturum in seipsum hora tertia, anteoccuparet tempus illud, cumque confoderet hora prima. Similiter ergo ait aduersarius, iuxta nos, Deum præscium peccati à voluntate eliciendi si se sola posset agere, implanare illam & præcipitem agere in scelus, eam ad id antecedenter determinando, & potenter imo ineluctabiliter urgendo.

Depellitur.

Respondeo. Apage blasphemiam, quæ non de fonte nostro, sed de cœnosa Caluini scrobe hauritur. Non implanat Deus voluntatem ex se operandam, nec præuenit, aut præcipitem agit, sed ei se ad peccandum accingenti, concomitanter adiungitur, & cooperatur ad physicum actum, ex quo prout manante à creatura, prodit malitia. Vnde quia eademmet Dei & creaturæ actio, prout à Deo prodit, non est malitiæ eidem superstructæ fundamentum, illibata manet diuina sanctitas, non obstante concursu Dei ad physicum actum peccato substratum; ad quem Deus tantum abest vt voluntatem abripiat, vel antecedenter determinet, vt potius idcirco tantum ad illum cooperetur, quia voluntas id deposcit. Egre- giè id tradidit S. Anselmus in calce concordia, verbis illis. *Mala facit sola culpa hominum, quia ea Deus non faceret, si ea homo facere non vellet. Facit tamen hæc quod sunt, quoniam condidit in homine voluntatem, quæ cum sine iustitia vitur sola culpa hominis, mala sunt quæ operatur.* q. d. Deum quia creauit voluntatem liberam, teneri tanquam causam primam, non negare ei concursum quocunque ipsa flecti velit. Tamen si flectatur ad malum, Deum ad illam partem necessarium concursum suppeditare, non ex inclinatione aut præ- finitione sua, sed quia ita allubescit voluntati, cuius modum se habendi sequitur malitia; cum modus se habendi Dei indifferens sit, & futurus planè idem, si ex modo habendi hominis, nulla labes actui illi phy-

CONCURSVS DEI, VERÆ LIBERT. NON OBEST. 501
fico qui per vtrumque coëfficitur, affricaretur.

Ita planè accipio Origenem l. 3. periarth. cap. 1. *sub finem*, verbis illis quæ aliqui ad negatum ab eo diuinum influxum in actum malitiæ subiacentem obtorserunt. Propofuerat Origenes quæstionem, quomodo dicat Apostolus ex Deo esse, velle nostrum. Id enim videri & libertatem pessundare, & facere Deum malæ volitionis autorem. Respondet autem hoc modo. *Sicut ex Deo habemus hoc ipsum quòd homines sumus, quòd spiramus, quòd mouemur, ita & quòd volumus ex Deo habemus. Vt si dicamus, quòd mouemur ex Deo est, vel quòd singula quæque membra officio suo deseruiunt & mouentur, ex Deo est. Ex quo vtrique non illud intelligitur quia quòd mouetur manus, v. g. ad verberandum iniuste vel ad furandum, ex Deo est; sed hoc ipsum quòd mouetur ex Deo est: Nostrum verò est motus istos in quibus motum ex Deo habemus, vel ad bona vel ad mala conuertere. Ita ergo est quod dicit Apostolus, quia virtutem quidem voluntatis accipimus, nos autem abutimur voluntate, vel in bonis, vel in malis desideriis. Similiter quoque & de effectibus sentiendum est. Non potui satis mirari, tam planis tamque perspicuis Origenis verbis inædificari potuisse illum adeò auersum sensum, quod admittat quidem Origenes influxum Dei immediatum in motus potentiarū, non tanten in motus voluntatis, eo quod eo influxu libertatem censuerit auferri. Nec D. Thomas 3. contra gent. c. 89. in sulsum illum sensum Origeni affinxit, sed quò alij improvidè verba eius detorsissent, significauit. Ego sanè quamuis certum habeam Deum immediatè concurrere ad*

actum voluntatis, non dubitarem tamen, illis ipsis verbis quæ in Origene patent calumniæ, exprimere quod dixi de tali influxu Dei in actum positium malitiæ substratum, vt tamen malitia consequatur solum modum se habendi voluntatis in eo actu eliciendo, non item modum quo Deus ad eundem eliciendum pertractus se habet.

XXXIV. Eodem porrò modo indubiè accipiendus est Augustinus l. 2. de lib arbit. c. 20. cum dixit, *motum auersionis qui est peccatum, ad Deum autorem non pertinere*. Ita enim habent codices emaculati, & ita iam olim contra recentem hæreticæ editionis corruptelam, cum locum legerunt Aureolus in. 2. d. 37. q. 1. & Gregorius in 2. d. 34. q. vnica, artic. 3. *in calce argumentorum contra conclusionem*, & artic. 2. *in tertio argumento contra secundam*, qui vtrobique responderet, & benè euincit, S. Augustini mentem esse quam dixi. Nec dubito quin eodem modo accipiendus sit Hugo Victorinus q. 280. in c. 11. ad Roma. cum negat peccata esse ex Deo aliquo modo, idque ait esse de mente D. Augustini. Consultissimè profectò & Augustinus & Hugo, imo passim Patres, negant peccatum, etiam quod positium est, esse ex Deo, vt significet in quem autorem referenda sit peccati formalitas implantata actui, cuius materiale qua tale, est etiam à Deo, sed non prout illa entitas sumitur formaliter, ac quatenus pugnant cum lege, quod habet à solo modo se habendi voluntatis: quæ proinde sola dicenda est causa peccati, quamuis Deus materiale formalitati illi substratum coëfficiat cum voluntate.

Vnde

Vnde castigandus est modus loquendi in hac re, adhibitus ab Olkot q. XI. determinationum artic. 4. *litera CC.* cœtera egregiè philosophante. *Ad primum*, inquit, *concedendum est*, quòd *Deus est causa peccati*, sed non dicitur autor peccati, quia hoc est speciale in libero arbitrio constitutum, quod si homo vult aliquid, Deus coagit cum voluntate illam volitionem: Sic tamen quod prima causalitas huiusmodi volitionis, est voluntas. Vnde hac propositio est vera, Voluntas vult, igitur Deus vult hanc volitionem esse, quia voluntas sic vult, siue bona siue mala. De lege communi, quia aliquando causat specialiùs voluntatis volitiones, & continuat eas, sic quod non est in potestate voluntatis illas dimittere. Quia igitur Deus statuit, quandocunque homo voluit uti aliquo arbitrio suo, Deus vult sibi coagere, & non cogit liberum arbitrium hominis agere nisi homo sponte velit, idè peccatum dicitur esse ab homine, sicut ab autore, & non à Deo, & tamen ab utroque est, sicut à causa effectiua partiali. Omnes autem auctoritates quæ sonant quòd Deus nullo modo est autor mali, sic debent intelligi, quòd Deus non est causa totalis vel prima quare homo peccet, quæ necessitet hominem ad peccandum. Tamen si ex aliis plerisque ibidem ab Olkot traditis, perspicuum est, mentem ei fuisse non laxam; & cum admisit Deum quamvis non sit peccati autor, esse tamen peccati causam, nihil aliud intendisse, quàm Deum coëfficere actum positivum subiacentem malitiæ, tamen ea verborum illuies abstergenda est, qua Deus, peccati causa partialis & coëffector statuitur, ab hoc autore. Cœtera exosculor tan-

quam verissimè & in hanc rem aptissimè prolata.
Non hæreo vlteriùs in discussione huius pūcti, quod
versavi latissimè in Moral. dist. 4. à num. 337. ad 366.
& in Natur. Theol. distinct. 1. à num. 51.

In hac meta non omittam monere, hoc quoque
Sequani Theologi argumentum cui satisfacimus, de-
sumptum ab eo fuisse ex Didaco Ruiz disp. 29. de
volunt. Dei, sect. 2. impugnante nonnullos qui vt
Physicam prædeterminationem cum voluntate li-
bera foederarent, aiebant, idcirco voluntatem crea-
tam à Deo prædeterminatam manere liberam, quia
prædeterminatur ad actum quem faceret si se sola
posset agere. In huiusmodi doctrinam meritò Di-
dacus Ruiz argumentum propositum intorquet:
quia clarum est, voluntatem ineluctabili prædetermi-
natione ad actum, non manere expeditam vt verta-
tatur quaquaversum. Nec dici reuera potest, eam sic
operantem vel potiùs in opus actam, facere quod
suo pte nutu factura fuisset si se sola agere posset; qui
erat noster ille primus dicendi modus, cui aduersarius
hunc calceum, alteri pedi à Ruizio fabrefactum, pa-
rum commodè aptauit.

*Non posse secundo dici, Deum spectare actionem sub
conditione nunc secuturam, probatio
aduersarij.*

XXXV. Pergo ad ea quæ aduersarius opponit
contra secundum dicendi modum supra proposi-
tum: nempe quo affirmabatur, Deum vt nunc, non

CONCURSVS DEI, VERÆ LIBERT. NON OBEST. 505
prius, vel postea, concursum suum exhibeat, spectare
actionem quam conditionaliter prænoscit ex volun-
tate tunc secururam si per ipsum non stet, vel itque
concurrere. Contra hoc sic argumentatur. Si Deus
idcirco videt sibi esse nunc concurrendum, quia nunc
creatura ei obijcitur operari quantum in ipsa est, &
nisi per Deum stet, ergo operatio creaturæ antecedit
actualem diuini concursus exhibitionem, contra
quam fert sententia quæ agnoscit diuini concursus
necessitatem ad quosvis actus nostros.

Eueritur.

Respondeo. Operatio creaturæ non antecedit actu
& re ipsa concursum diuinum, sed tantum conditio-
natè; quatenus ante Dei concursum actu exhibitum,
obiicitur diuino intellectui operatio voluntatis crea-
turæ, tanquam exoritura ab ea, si ipsa voluntas se sola
posset agere: aut (quod eodem recidit,) si non stet per
Deum, vel itque ipse cum voluntate concurrere. Ea
autem antecessio conditionalis, quia non extrahit
rem è statu nihili, non exigat concursum diuinum de fa-
cto exhibitum sicut quamdiu res tantum possibilis est,
nullo eget diuino concursu re ipsa impenso. Sanè cō-
ditio apposita, non extrahit re ipsa actionem è statu
merè possibilitatis; sed quod spectat ad essendi actua-
litatē, actio conditionaliter futura, quæ est nihil, ac ea
quæ est merè possibilis, pro qua nullus Dei concursus
actualis exigitur. Fatendum ergo similiter est neq; pro
actione hypotheticè tantum futura, quādiu conditio

non ponitur, actuale vllum diuinum concursum desiderari. Atque ita assertio necessitatis diuini concursus, non pugnat cum obiectiua ad eum exhibendum determinatione, per actionem conditionatè tantum positam, & in eo statu cognitam à diuino intellectu infinitè perspicaci. De sola volitione creata actualiter posita, falsò diceretur, eam esse reipsa; & siue natura, siue tempore, aut temporis momento priorem diuino concursu, ideòque excitare obiectiue Deum ad concurrendum.

Dici tertio non posse, attendere Deum ad virtualem voluntatis determinationem, argumenta aduersarij.

XXXVI. Restant adducenda quæ aduersarius obijcit contra tertium dicendi modum supra propositum, quo scilicet asserabatur, Deum non concurrere cæco modo, & prudenter ac incolumi libertate creata concursum suum illi exhibere, quia vt eum nunc potius, quàm antea, vel postea exhibeat, attendit ad virtualem voluntatis determinationem, præuiam determinationi formali, quæ sita est in actu elicitò, & à me declarata ac stabilita est locis ab aduersario signatis, nempe in Natur. Theol. dist. 8. à num. 85. & à num. 368. & in Morali dist. 2. à num. 103. Hanc determinationem virtualem Sequanus Theologus, ait, *per seipsam apparere satis incredibilem, & continere doctrinam ferè intolerabilem, ac nimia sua subtilitate laborantem.* Otori sanè flores, quibus placitum illud

CONCURSVS DEI, VERÆ LIBERT. NON OBEST. 107
nōstrum aspergit, subiecta longa in illud conclama-
tione.

Summa impugnationum est, quòd iuxta eam do-
ctrinam, voluntas creata, immutata & omnino ea-
dem manens, incipit de nouo habere determinatio-
nem quam ante non habebat, mōxque etiam non
habebit; qua ratione inficiatio omnium modalita-
tum fundari posset. Item determinatio hæc virtua-
lis, tota refertur in causam secundam, quæ proinde
potest se sola aliquid præstare: quidni ergo etiam,
formalem determinationem? Quomodò verò hæc
formalis determinatio dici poterit libera, & ad meri-
tum imputari, cum tota libertas sit exorta in ea deter-
minatione virtuali, eaque posita, non sit vltra locus
resultui, sed necessario sequatur determinatio for-
malis? Quidni etiam æquè mereremur per solam vir-
tualem determinationem, quantumuis negato diui-
no concursu formalis determinatio impediretur? At
hoc esset, statuere totum meritum nostrum indepen-
dens à quouis principio creato supernaturali efficien-
ter concurrente, quod non nisi ad formalem deter-
minationem efficiendam adhibetur: nihilque aliud
etiam esset, quàm statuere libertatis exercitium, non
in agendo formaliter, sed in se determinando virtua-
liter; quod est contra receptissimam sententiam Do-
ctorum. Tandem potentia libera debet ita conci-
pi, vt possit agere & non agere quousque actio ipsa
ponatur: quia quamdiu ponuntur sola prærequisita
ad agendum, salua debet esse facultati liberæ flexilitas
sua in vtramuis partem. At determinatio virtualis, est

de prærequisitis ad agendum, cum sit ipsum vltimum causæ complementum.

His argumentis, existimat aduersarius, probari manifestè, non modò determinationem illam virtualem esse commentitiam, sed etiam quamuis admitti posset, non posse Deum ad illam attendere, vt agnoscat quandonam sibi sit cum voluntate creata concurrendum: quandoquidem vt volitio creata sic libera, necesse est, eam priusquam formaliter ponatur, adhuc concipi suspensam, & talem vt possit poni & non poni, quicquid antecedit; quod posita determinatione virtuali tametsi præuia, dici non potest.

Firmatur è contrâ, veritas prædictæ determinationis.

XXXVII. Respondeo, dimissis sentibus illis aut rhamnibus verborum aculeatorum, quæ muliebre est intorquere vel regerere, doctrinam qua virtualis determinatio asseritur, per seipsam apparere satis credibilem; nec tâtum esse tolerabilem, sed omnino admitti debere; non denique nimia subtilitate laborare, sed vel mediocribus ingenijs patere eius veritatem & soliditatem posse. Nam quæ tanta ingenij obfusio erit, vt nō percipiat, causam ad plura indifferentē nō prius posse causare vnum quid quàm indifferentia eius tollatur, & ipsa causa determinetur? Quamdiu enim indeterminata maneret, nihil determinatè faceret. Ergo causam liberam, cum sit ad plures effectus indifferens, necesse est determinari, priusquàm vllum eorū producat. Atqui primus actus elicitus, quem passim

CONCURSVS DEI, VERÆ LIBERT. NON OBEST. 509
cum Scoto vocamus determinationem formalem,
est verus quidam effectus voluntatis liberæ, vt per
se notum est. Igitur prius natura quàm producat,
neceſſe eſt voluntatem liberam determinari ad illum
cauſandum. Ea autem determinatio cauſæ ad produ-
cendam primam determinationem formalem, cum
ſit de complemento cauſæ, teneâtque ſe ex parte eius,
ita vt abſque illa non intelligatur plenè potens ad
cauſandum, non poteſt dici eſſe ipſamet determina-
tio formalis quæ per cauſam iam determinatam pro-
ducitur: Ergo eſt aliquid anterius; Nempe ipſamet
cauſa libera, quæ cum nunc poſſet vim ſuam actiuam
applicare ad alium actum oppoſitum quem equè eli-
cere poterat, aut æquè ab vtroque ceſſare; ipſamet de-
terminat ſe nunc, id eſt vtrò ſe applicat, ad potiùs
cauſandum illum ſuum omnium primum effectum,
ad quem mox iure & priuilegio cauſæ liberæ, eadem
licet manens & immutata, deſinet eſſe determinata
& applicata. Et hæc eſt illa determinatio quam virtua-
lem appellamus, vt à formali ſecernatur.

Vix porrò puto eſſe neceſſe, quæ contra veritatem
huius determinationis ab aduerſario ſunt obiecta,
multis depeilere. Sunt enim ijs locis quæ ſuperiùs
ſignaui, copioſè diſcuſſa, nec noui quicquam
proferri video quod alicuius ſit momenti, aut
quod ferè determinationem illam virtualem legiti-
mè conceptam impetat. Aduerſarius enim de ea
virtuali determinatione philoſophatur, vt de aliis
quibus ſuis formis nō liberis, & vt de actu quodā ſecū-
do meriti ac de meriti capace per ſe ac ſeorſim à deter-

minatione formali. Similitérque censet, eam determinationem virtualem terminare causationem aliquam seorsim à volitione. Censet præterea, formalem determinationem posse inhiberi diuinitus, posita iam determinatione virtuali; quam etiam negat, respectu actuum supernaturalium, debere vegetari per auxilium gratiæ indebitum, ac naturam superans. Ad hæc, totum libertatis exercitium putat contineri ea determinatione virtuali, eamque numerat inter prærequisita ad libertatis negotiationem; cum quibus, vt libertas perstet, debet posse componi non actio. Tandem causam liberam, ea virtuali determinatione per ipsammet posita, censet necessitate deuinciri, nec vltra gaudere libertate. At hæc omnia falsa sunt, nec nisi adulterinam determinationis virtualis notionem, efformatam ab aduersario prodūt, vt liquebit legenti quæ citatis locis tradidi. Itaque non est necesse, hanc ferè alterius tractationis parenthesis, longiore in his discutiendis excursionem producere vterius.

*Per eandem, præsentis difficultati satisfieri,
demonstratur.*

XXXVIII. Supposita autem veritate determinationis virtualis, classis vniuersa argumentorum aduersarij, quatenus in rem præsentem adhibetur, ad vnum scopulum naufragabit, si dicamus, Deum non videre determinationem virtualem voluntatis, formali eiusdem determinationi præuiam, nisi iuncta & connotata

CONCURSVS DEI, VERÆ LIBERT. NON OBEST. *si*
connotata determinatione formali, secutura in po-
steriori naturæ; quippe ad quam voluntas sic sum-
pta, idest prout actu agens, dicit ordinem essentia-
lem, & cum qua essentialiter & impræcisibiliter con-
nectitur, solo naturæ ordine interiacente. Nolim ta-
men interiectum illum imaginari, quasi morulam
aliquam intra temporale momentum congemina-
tam, in qua voluntas sit vltimo completa & deter-
minata antecedenter, nec dum tamen sit primus eius
effectus: arque adeò in qua, licet causa eò vsque de-
ducta, primus effectus inhiberi possit: ac denique in
qua libertas & meritum exerceantur, scorsim ab
actu secundo qui primùm profunditur in posteriori
naturæ. Hæc omnia ablego ad Deum fabulinum.
Supponunt enim ludicram instantium naturæ ima-
ginationem, quæ plerisque in multis imponit, vt
benè notarunt Ocham in 1. d. 42. *littera F*, Rada q.
de ordine naturæ in diuinis *ad finem*, Manzolis in
formalitatibus D. Thomæ c. 7. & Sirectus in forma-
lit. Scoti, artic. 2. principali & 4. partiali, ex Mayronio
in 1. Est ergo interiectus ille, non nisi dependentiæ
& causalitatis. Quod aliter dicitur, eam prioritatem
esse tantùm prioritatem à quo, non in quo; seu esse
presuppositionem huius ad hoc, quamuis nunquam sit
simpliciter loquendo, quod prius dicitur, quin si-
mul sit quod posterius appellatur.


Deus ergo prospiciens actionem à voluntate exo-
rituram, si se sola vt nutus eius ferret, posset agere;
aut quod eodem recidit; perspiciens operationem
ex voluntate secuturam, si per ipsum Deum & co-

operationem eius non stet, eo ipso perspicit virtua-
lem voluntatis determinationem. Introspicit enim
perfectissimè creatam voluntatem ac eius genium.
Vnde videt quid ipsa in his illisve circumstantijs esset
suapte nutu determinatè operatura, si posset se sola
agere, aut si ipse nolit ei deesse. Quare conditioni-
bus illis positis, quia videt voluntatis genium ac na-
tium impetum ferre, vt sic operetur, eo ipso videt
determinationem voluntatis virtualement ad talem
actum, & ad eum cum voluntate coefficiendum se
applicat. Ex quo perspicuè sequitur, hunc postre-
mum dicendi modum, planè recidere in primum &
secundum superius expensos; nec aliud esse dicere,
Deum vt agnoscat esse sibi nunc, non ante, vel po-
stea concurrendum, spectare virtualement voluntatis
determinationem; ac dicere, Deum vt agnoscat
quandonam impendere concursum suum debeat,
spectare quid nunc voluntas faceret, si se sola posset
agere, aut si per ipsum Deum non stet, vel itque ipse
cum ea concurrere.

Permitto nunc lectori iudicium, de gratiarum
actione quam Sequanus Theologus Numini habē-
dam indicebat, pro tandem detecta falsitate receptis-
simi principij quo necessitas diuini concursus ad
actus liberos affirmatur. Statuat æquus Lector, iu-
stiùsne indicenda sit cumulata & plena gratiarum
actio Numini, quòd liquere plane videatur, verè
Isaiam accidentem Deo, humillimè præter cœtera
professum esse, *Omnia opera nostra operatus es in nobis
Domine.*

CAPVT V.

Christi libertatem illata licet face noua de libertate sententia, aequè tenebrosam & inexpeditam perstare. Lux ei aliunde affusa, prisca notione libertatis retenta.

I.  ITVLVS capituli tricesimi tertij, libri primi, apud autorem, sic habet. *Eadem sententia*, (de libertate per amplitudinem & eminentiam formaliter explicanda, reiecta veteri notione libertatis per indifferentiam ad vtrumlibet,) inde confirmatur, quod iuxta illam, libertas Christi *IESV* euidentissimè exponitur, & difficultates in aliorum sententia penè insuperabiles, nullo negotio dissoluuntur. Eximium planè nouæ huius doctrinæ decus, si per eam euidentissimè discussa caligine quanta omnium hætenus Theologorum ingenia obtexit, fas est euidentissimè tam sublimem veritatem conspiciari, & difficultates iuxta priscam libertatis notionem propè insuperabiles, ita complantur vt non appareant. Sed vt constet quanto iure ista dicantur, operæpretium est quædam breuiter ad ipsius difficultatis nodum percipiendum annotare. Tum quomodò eum dissoluat autor, subiiciemus, & excutiemus: & quomodò reuera dissolvendus sit, attingemus. Vnde apparebit, quanta sit ad

hanc veritatem perspiciendam nouæ sententiæ opportunitas, vel etiam necessitas iuxta autorem.

Nodus de Christi libertate, ob eius impeccabilitatem.

II. Præmittendum itaque est, Christi Domini voluntatem humanam, fuisse physicè impeccabilem. Christus enim non modò peccatum non habuit, nec iuuentus est dolus in ore eius, sed ne peccare quidem potuit, cum ob exquisitam directionem cuiusuis peccati exclusiuam, humanitati suæ à Verbo sustentante debitam, tum ratione sanctificationis substantialis, qua eadem humanitas Deitatis vnguine delibuta fragrabat. Quod fusiùs persequi, alterius est instituti. Vt neque huius loci est expendere, verène autor l. 1. c. 33. n. 3. & 4. contendat, nomine physicæ impeccabilitatis Christo tribuendæ, comprehendendam esse exclusionem potestatis cadendi in quemcunque perfectionis defectum.

Sic constituta Christi impeccabilitate, statuenda pariter est vt certa, Christi libertas. Non enim hæc duo dissonare censenda sunt, vel esse insociabilia. Numquid ait D. Augustinus l. de prædest. SS. c. 15. metuendum fuit, ne accedente ætate homo ille libero peccaret arbitrio? An idèò in illo non libera voluntas erat; ac non tanto magis erat, quanto magis peccato seruire non poterat? Ex Christi merito, libertas eius redditur indubitata. Meritum enim, vt initio primæ partis huius opellæ præmisimus, est frutex libertatis. Cum ergo de Christi pro nobis merito liqueat, certa quo-

CHRISTI LIBERTAS ABSQVE NOVA SENTENT. 315
que debet esse eius libertas.

III. Hinc ergo grauissima, & nunquam satis enodata difficultas oritur, circa Christi libertatem ad non agendum quod de præcepto affirmatiuo mandabatur. Ad quam materiam me restringo, quia non potest esse controuersia de materia præcepto negatiuo substrata. Nam circa eam, Christus non habebat paratum concursum diuinum: vnde nec libere agere, nec mereri circa eam potuit, seclusis actibus talis impotentiae approbatiuis, quos nunc non attendimus, intenti in solos actus directè attingentes materiam negatiuis illis præceptis prohibitam. At circa actus præcepto affirmatiuo indictos, habuit Christus concursum paratum, & libertatem ac merendi facultatem. Vnde existit grauissima illa difficultas quam dicebam. Nam si Christus circa eam materiam liber erat, vt ex eo patet, quod circa eam merebatur; quomodò non poterat ea exercenda abstinere? Atqui abstinendo violasset præceptum affirmatiuum propriè dictum. Ergo vel abstinere non poterat, atque adeò liber non erat; vel si abstinere poterat, obnoxius peccato erat, poterátque eo sordere; contra quam fert physica eius impeccabilitas, quæ proinde iuxta vulgarem libertatis notionem, omnino videtur cum libertate collidi.

Christus veris præceptis affirmatiuis, etiam de subitione mortis, obstrictus.

Quod assumpsi & supposui, præceptum affirmatiuum
Tit iij

tiuum cui Christus subiacebat, quódque exequen-
 do liberè agebat & merebatur, fuisse præceptum
 propriè dictum, negatur ab aliquibus de præcepto
 mortem subeundi, in cuius tamen perpeſſione vo-
 luntaria, constitutum præsertim fuisse Christi meri-
 tum, est extra controuersiam. Nazianzenus certè
 orat. 42. *sub medium*, ait, Patrem accepisse quidem
 Christi sanguinem, non tamen postulasse vt illum
 funderet. Nec minus perspicuè tale præceptum in-
 ficiatur S. Chrysostomus homil. 59. & 68. & 84. in
 Ioan. & homil. 3. in ad Philipp. Basil. l. de Spir. sancto
 c. 8. Theophylactus & Euthymius Ioan. 15. & expref-
 sissimè S. Anselmus l. de meditat. redempt. gener. hu-
 man. c. 4. & l. 1. cur Deus homo c. 9. Ex recentioribus
 Ribera in c. 10. Ioan. ad illud, *hoc mandatum accepi*.
 Nec putant hi autores se vrgeri vocibus *præcepti*, aut
obedientie, quibus Scriptura plerumque vtitur, agens
 de crucis subitione & mortis perpeſſione per Chri-
 stum: quia sæpè in Scripturis, quæ Deus accidere
 permittit, habentur tanquam subeunda ex diuino
 præcepto. Quo pacto Dauid à Semei appetitus, di-
 xit, Deum Semei præcepisse, vt ipsum conuitijs pro-
 seinderet. Nimirum ingenijs docilibus, & Deo pla-
 cere satagentibus, diuina permissio tenet locum præ-
 cepti. Et ita præceptum de morte subeunda Chri-
 sto impositum, intellexit Clem. Alex. 4. Strom. Simi-
 litérque executio sic latè dicti præcepti, rectè nomi-
 nari potuit obedientia. Præterquàm quod secluso
 præcepto propriè dicto, potuit esse in Christo obe-
 dientia perfectissima, qualis interuenire censetur

CHRISTI LIBERTAS ABSQVE NOVA SENTENT. 317
absque præcepto, cum quis præuenit mandatum, &
solo nutu accedente, priusquam præceptum inter-
ponatur, obtemperat.

IV. Non licet tamen hac rãtione difficultatem
propositam elidere vel eludere, & declinare. Cer-
tum quippe est, Christum, (quod ad difficultatem
propositam satis est,) veris aliquibus præceptis &
legibus subiacuissse. Id enim saltem de naturalibus
præceptis est indubitatum: quia cum natura Christi
humana non possit sibi esse regula, necessariò dirigi
debit interuentu legis diuinæ naturalis, mandantis
v. g. Deum colere, matrem honorare, & huiusmo-
dialia. Idque non negat Bartholomæus Medina 3.
p. q. 7. artic. 1. vt malè ei tribuit Bened. Iustinian. in c.
2. ad Philipp. v. 8. n. 3. Tantùm enim inficiatus est
Medina Christum subiacuissse legi Mosaicæ, contra
quàm censuit Ioannes Medina q. 1. de satisfact. nixus
quibusdam scripturis, quæ facilè de subiectione vo-
luntaria accipi possunt. At subiacuissse Christum præ-
ceptis naturalibus, & legi æternæ, nec negauit Bar-
tholomæus Medina, nec negare potuit. Imo Chri-
stum non fuisse à materna potestate exemptum, præ-
terquàm in ijs quæ Patris erant, affirmat Salazar in
opere de concept. c. 30. & in c. 8. Prouerb. n. 142. pro-
se referens Maldonatum, & reiciens contra sentien-
tem Toletum in c. 2. Lucæ, annot. 84. Nec sanè sub-
iectio erga parentes, quicquam importat ingenui-
tati contrarium, sed potius pietatem cum filiatione
connexam.

Præceptum denique mortem subeundi, fuisse ve-

de prærequisitis ad agendum, cum sit ipsum vltimum causæ complementum.

His argumentis, existimat aduersarius, probari manifestè, non modò determinationem illam virtualem esse commentitiam, sed etiam quamuis admitti posset, non posse Deum ad illam attendere, vt agnoscat quandonam sibi sit cum voluntate creata concurrendum: quandoquidem vt volitio creata sit libera, necesse est, eam priusquam formaliter ponatur, adhuc concipi suspensam, & talem vt possit poni & non poni, quicquid antecedit; quod posita determinatione virtuali tamen si præuia, dici non potest.

Firmatur è contrà, veritas prædictæ determinationis.

XXXVII. Respondeo, dimissis sentibus illis aut rhamnibus verborum aculeatorum, quæ muliebri est intorquere vel regerere, doctrinam qua virtualis determinatio asseritur, per seipsam apparere satis credibilem; nec tantùm esse tolerabilem, sed omnino admitti debere; non denique nimia subtilitate laborare, sed vel mediocribus ingenijs patere eius veritatem & soliditatem posse. Nam quæ tanta ingenij obfusio erit, vt nõ percipiat, causam ad plura indifferentem nõ prius posse causare vnum quid quàm indifferentia eius tollatur, & ipsa causa determinetur? Quamdiu enim indeterminata maneret, nihil determinate faceret. Ergo causam liberam, cum sit ad plures effectus indifferens, necesse est determinari, priusquàm vllum eorũ producat. Atqui primus actus elicitus, quem passim

cum Scoto vocamus determinationem formalem, est verus quidam effectus voluntatis liberæ, ut per se notum est. Igitur prius natura quàm producat, necesse est voluntatem liberam determinari ad illum causandum. Ea autem determinatio causæ ad producendam primam determinationem formalem, cum sit de complemento causæ, teneatque se ex parte eius, ita ut absque illa non intelligatur plenè potens ad causandum, non potest dici esse ipsamet determinatio formalis quæ per causam iam determinatam producit: Ergo est aliquid anterius; Nempe ipsamet causa libera, quæ cum nunc posset vim suam activam applicare ad alium actum oppositum quem æquè elicere poterat, aut æquè ab utroque cessare ipsamet determinat se nunc, id est ultro se applicat, ad porius causandum illum suum omnium primum effectum, ad quem mox iure & privilegio causæ liberæ, eadem licet manens & immutata, desinet esse determinata & applicata. Et hæc est illa determinatio quam virtualem appellamus, ut à formali secernatur.

Vix porrò puto esse necesse, quæ contra veritatem huius determinationis ab adversario sunt obiecta, multis depeilere. Sunt enim ijs locis quæ superius signavi, copiosè discussa, nec novi quicquam proferri video quod alicuius sit momenti, aut quod ferè determinationem illam virtualem legitime conceptam impetat. Adversarius enim de ea virtuali determinatione philosophatur, ut de aliis quibusvis formis nō liberis, & ut de actu quodā secundo meriti ac de meriti capace per se ac seorsim à deter-

minatione formali. Similitérque censet, eam determinationem virtualem terminare causationem aliquam seorsim à volitione. Censet præterea, formalem determinationem posse inhiberi diuinitùs, posita iam determinatione virtuali; quam etiam negat, respectu actuum supernaturalium, debere vegetari per auxilium gratiæ indebitum, ac naturam superans. Ad hæc, totum libertatis exercitium putat contineri ea determinatione virtuali, eamque numerat inter prærequisita ad libertatis negotiationem; cum quibus, vt libertas perstet, debet posse componi non actio. Tandem causam liberam, ea virtuali determinatione per ipsammet posita, censet necessitate deuinciri, nec vltra gaudere libertate. At hæc omnia falsa sunt, nec nisi adulterinam determinationis virtualis notionem, efformatam ab aduersario prodūt, vt liquebit legenti quæ citatis locis tradidi. Itaque non est necesse, hanc ferè alterius tractationis parenthesis, longiore in his discutiendis excursionem producere vterius.

*Per eandem, præsentì difficultati satisfieri,
demonstratur.*

XXXVIII. Supposita autem veritate determinationis virtualis, classis vniuersa argumentorum aduersarij, quatenus in rem præsentem adhibetur, ad vnum scopulum naufragabit, si dicamus, Deum non videre determinationem virtualem voluntatis, formali eiusdem determinationi præuiam, nisi iuncta & connotata

CONCURSVS DEI, VERÆ LIBERT. NON OBEST. *si*
connotata determinatione formali, secutura in po-
steriori naturæ; quippe ad quam voluntas sic sum-
pta, idest prout actu agens, dicit ordinem essentia-
lem, & cum qua essentialiter & impræcisibiliter con-
nectitur, solo naturæ ordine interiacente. Nolim ta-
men interiectum illum imageris, quasi morulam
aliquam intra temporale momentum congemina-
tam, in qua voluntas sit vltimo completa & deter-
minata antecedenter, nec dum tamen sit primus eius
effectus: atque adeò in qua, licet causa eò vsque de-
ducta, primus effectus inhiberi possit: ac denique in
qua libertas & meritum exerceantur, seorsim ab
actu secundo qui primùm profunditur in posteriori
naturæ. Hæc omnia ablego ad Deum fabulinum.
Supponunt enim ludicram instantium naturæ ima-
ginationem, quæ plerisque in multis imponit, vt
benè notarunt Ocham in 1. d. 42. *litera F*, Rada q.
de ordine naturæ in diuinis *ad finem*, Manzolis in
formalitatibus D. Thomæ c. 7. & Sirectus in forma-
lit. Scoti, artic. 2. principali & 4. partiali, ex Mayronio
in 1. Est ergo interiectus ille, non nisi dependentiæ
& causalitatis. Quod aliter dicitur, eam prioritatem
esse tantùm prioritatem à quo, non in quo; seu esse
presuppositionem huius ad hoc, quamuis nunquam sit
simpliciter loquendo, quod prius dicitur, quin si-
mul sit quod posterius appellatur.

Deus ergo prospiciens actionem à voluntate exo-
rituram, si se sola vt nutus eius ferret, posset agere;
aut quod eodem recidit, perspicuens operationem
ex voluntate secuturam, si per ipsum Deum & co-

operationem eius non stet, eo ipso perspicit virtua-
lem voluntatis determinationem. Introspicit enim
perfectissimè creatam voluntatem ac eius genium.
Vnde videt quid ipsa in his illisve circumstantijs esset
suapte nutu determinatè operatura, si posset se sola
agere, aut si ipse nolit ei deesse. Quare conditioni-
bus illis positis, quia videt voluntatis genium ac na-
tium impetum ferre, vt sic operetur, eo ipso videt
determinationem voluntatis virtualement ad talem
actum, & ad eum cum voluntate coefficiendum se
applicat. Ex quo perspicuè sequitur, hunc postre-
mum dicendi modum, planè recidere in primum &
secundum superius expensos; nec aliud esse dicere,
Deum vt agnoscat esse sibi nunc, non ante, vel po-
stea concurrendum, spectare virtualement voluntatis
determinationem; ac dicere, Deum vt agnoscat
quandonam impendere concursum suum debeat,
spectare quid nunc voluntas faceret, si se sola posset
agere, aut si per ipsum Deum non stet, velitque ipse
cum ea concurrere.

Permitto nunc lectori iudicium, de gratiarum
actione quam Sequanus Theologus Numini habē-
dam indicebat, pro tandem detecta falsitate receptis-
simi principij quo necessitas diuini concursus ad
actus liberos affirmatur. Statuat æquus Lector, iu-
stiúsne indicenda sit cumulata & plena gratiarum
actio Numini, quòd liquere planè videatur, verè
Isaiam accidentem Deo, humillimè præter cœtera
professum esse, *Omnia opera nostra operatus es in nobis
Domine.*

CAPVT V.

Christi libertatem illata licet face noua de libertate sententia, aequè tenebricosam & inexpeditam perstare. Lux ei aliunde affusa, prisca notione libertatis retenta.

I.



ITVLVS capituli tricesimi tertij, libri primi, apud autorem, sic habet. *Eadem sententia*, (de libertate per amplitudinem & eminentiam formaliter explicanda, reiecta veteri notione libertatis per indifferentiam ad vtrumlibet,) *inde confirmatur*, quod iuxta illam, *libertas Christi* *7ESV* euidentissimè exponitur, & *difficultates in aliorum sententia* penè *insuperabiles*, nullo negotio *dissoluantur*. Eximium planè nouæ huius doctrinæ decus, si per eam euidentissimè discussa caligine quanta omnium hæctenus Theologorum ingenia obtexit, fas est euidentissimè tam sublimem veritatem conspiciari, & difficultates iuxta priscam libertatis notionem propè *insuperabiles*, ita complantur vt non appareant. Sed vt constet quanto iure ista dicantur, operæpretium est quædam breuiter ad ipsius difficultatis nodum percipiendum annotare. Tum quomodò eum dissoluat autor, subiiciemus, & excutiemus: & quomodò reuera dissolvendus sit, attingemus. Vnde apparebit, quanta sit ad

hanc veritatem perspiciendam nouæ sententiæ oportunitas, vel etiam necessitas iuxta autorem.

Nodus de Christi libertate, ob eius impeccabilitatem.

II. Præmittendum itaque est, Christi Domini voluntatem humanam, fuisse physicè impeccabilem. Christus enim non modò peccatum non habuit, nec iuuentus est dolus in ore eius, sed ne peccare quidem potuit, cum ob exquisitam directionem cuiusuis peccati exclusiuam, humanitati suæ à Verbo sustentante debitam, tum ratione sanctificationis substantialis, qua eadem humanitas Deitatis vnguine delibuta fragrabat. Quod fusiùs persequi, alterius est instituti. Vt neque huius loci est expendere, verène autor l. 1. c. 33. n. 3. & 4. contendat, nomine physicæ impeccabilitatis Christo tribuendæ, comprehendendam esse exclusionem potestatis cadendi in quemcunque perfectionis defectum.

Sic constituta Christi impeccabilitate, statuenda pariter est vt certa, Christi libertas. Non enim hæc duo dissonare censenda sunt, vel esse insociabilia. Numquid ait D. Augustinus l. de prædest. SS. c. 15. *metuendum fuit, ne accedente ætate homo ille libero peccaret arbitrio? An ideo in illo non libera voluntas erat; ac non tanto magis erat, quanto magis peccato seruire non poterat?* Ex Christi merito, libertas eius redditur indubitata. Meritum enim, vt initio primæ partis huius opellæ præmisimus, est frutex libertatis. Cum ergo de Christi pro nobis merito liqueat, certa quo-

CHRISTI LIBERTAS ABSQVE NOVA SENTENT. 515
que debet esse eius libertas.

III. Hinc ergo grauissima, & nunquam satis eno-
data difficultas oritur, circa Christi libertatem ad
non agendum quod de præcepto affirmatiuo man-
dabatur. Ad quam materiam me restringo, quia non
potest esse controuersia de materia præcepto nega-
tiuo substrata. Nam circa eam, Christus non habe-
bat paratum concursum diuinum: vnde nec libere
agere, nec mereri circa eam potuit, seclusis actibus
talis impotentiae approbatiuis, quos nunc non at-
tendimus, intenti in solos actus directe attingentes
materiam negatiuis illis præceptis prohibitam. At
circa actus præcepto affirmatiuo indictos, habuit
Christus concursum paratum, & libertatem ac me-
rendi facultatem. Vnde existit grauissima illa diffi-
cultas quam dicebam. Nam si Christus circa eam ma-
teriam liber erat, vt ex eo patet, quod circa eam me-
rebatur; quomodo non poterat ea exercenda absti-
nere? Atqui abstinendo violasset præceptum affir-
matium propriè dictum. Ergo vel abstinere non
poterat, atque adeò liber non erat; vel si abstinere
poterat, obnoxius peccato erat, poterátque eo sor-
dere; contra quam fert physica eius impeccabilitas,
quæ proinde iuxta vulgarem libertatis notionem,
omnino videtur cum libertate collidi.

*Christus veris præceptis affirmatiuis, etiam de subitione
mortis, obstrictus.*

Quod assumpsi & supposui, præceptum affirma-
Ter iij

CHRISTI LIBERTAS ABSQVE NOVA SENTENT. 317
absque præcepto, cum quis præuenit mandatum, &
solo nutu accedente, priusquam præceptum inter-
ponatur, obtemperat.

IV. Non licet tamen hac ratione difficultatem
propositam elidere vel eludere, & declinare. Cer-
tum quippe est, Christum, (quod ad difficultatem
propositam satis est,) veris aliquibus præceptis &
legibus subiacuiffe. Id enim saltem de naturalibus
præceptis est indubitatum: quia cum natura Christi
humana non possit sibi esse regula, necessariò dirigi
debit interuentu legis diuinæ naturalis, mandantis
v. g. Deum colere, matrem honorare, & huiusmo-
dialia. Idque non negat Bartholomæus Medina 3.
p. q. 7. artic. 1. vt malè ei tribuit Bened. Iustinian. in c.
2. ad Philipp. v. 8. n. 3. Tantùm enim inficiatus est
Medina Christum subiacuiffe legi Mosaicæ, contra
quàm censuit Ioannes Medina q. 1. de satisfact. nixus
quibusdam scripturis, quæ facilè de subiectione vo-
luntaria accipi possunt. At subiacuiffe Christum præ-
ceptis naturalibus, & legi eterne, nec negauit Bar-
tholomæus Medina, nec negare potuit. Imo Chri-
stum non fuisse à materna potestate exemptum, præ-
terquàm in ijs quæ Patris erant, affirmat Salazar in
opere de concept. c. 30. & in c. 8. Prouerb. n. 142. pro
se referens Maldonatum, & reiiciens contra sentien-
tem Toletum in c. 2. Lucæ, annot. 84. Nec sanè sub-
iectio erga parentes, quicquam importat ingenui-
tati contrarium, sed potius pietatem cum filiatione
connexam.

Præceptum denique mortem subeundi, fuisse ve-

rum præceptum positium Christo impositum; communior est Patrum sententia, quam Iustinia. v. illo 8. n. 5. fusiùs confirmat, & accuratè Toletus in c. 10. Ioan. annot. 14. Imo S. Anselmus qui præceptum hoc positium inficiari videtur, difficultatem relinquit planè integram; cum non obscurè tradat loco allegato, c. 8. & 9. Christum ex præcepti charitatis naturali obligatione, ad tantam nostram spirituales miseriam vitæ suæ temporalis, tametsi pretiosissimæ, dispendio reparandam, astrictum fuisse mortem pro nobis suscipere, quod id sciret esse vnicum medium ad subleuationem extremæ necessitatis qua omnes laborabamus. Et quanquam verisimile est vtrumq; præceptum hîc concurrissè, tamen ad rem præsentem satis est, interuenissè præceptum positium; & quidem verum & propriè dictum, quale insinuant plurimæ scripturæ, & quale importari videtur per obedientiam, quæ dicitur in eius executione interuenissè.

Quod si verum præceptum fuit, non potuit destitui vi ad culpam obligante, & se habere ad modum legis purè pœnalis, vt de quarundam religionum regulis affirmat Bellarm. l. de leg. c. 11. & Suarez 5. de leg. c. 4. & à quibusdam, de præcepto quod expendimus pronunciatum est. Sed non rectè. Nam hoc est dicere, non fuisse verum præceptum, sed tantum monitionem, aut directionem, vel certè cõ-ventionem de subeundâ pœna si hoc aut illud admissum fuerit: subeunda inquam, non per modum pœnæ propriè dictæ, quæ supponeret culpam & obligationem

CHRISTVS LIBER, ABSQVE NÔVA SENTENT. 519
obligationem ad eam, sed per medium incommo-
di: ita vt quamuis de lubeundo tali incommodo
possit dari verâ lex verûmque præceptum, non ta-
men de exequendo opere ob cuius prætermisso-
nem irrogatur tale incommodum. Cum ergo co-
ties scripturæ, moriendi præceptum Christo impo-
situm, & eius obedientiam celebrent, frustra fingi-
tur hoc præceptum simile fuisse legibus purè pœna-
libus, quæ verè non sunt leges. Præterquàm quòd
violationi huius legis, nulla alicuius incommodi ir-
rogatio respondisset, distincta à morte de qua lex
ferebatur. At in legibus purè pœnalibus, tale aliquod
incommodum distinctum à legis materia, est assi-
gnandum, vt fert ipsa vox legis pœnalis.

Duplex nodi proposui implexitas.

V. Itaque difficultas proposita non potest declinari
inficiatione verorû aliquorû præceptorum ad culpâ
obligantium quibus Christus subiacerit. Quo con-
stituto, difficultas illa potest ex duplici capite vrgeri,
sicut Christi impeccabilitas ex duplici capite oritur
nempe vel ex vnione hypostatica, vel ex visione bea-
tifica. Sed primum caput, non est ad eò explicatu
difficile. Quia non obstante vnione hypostatica, at-
tentóque præsentimodo quo Deus ad extra se ha-
buit erga humanam Christi voluntatem, facile in-
telligi potest, quomodò Christus libere impleuerit
præceptum impositum. Potuit namque Christus
eius adimpleritione abstinere, spectato eo proceden-

di modo quem Deus de facto cum eius voluntate humana tenuit; non adigens eam, sed tantum sollicitans per auxilia congrua, quia præsciebatur eis consensura, & paritura præcepto abque adactione. Tali quippe motioni diuinæ resisti potest, ideoque quantum est ex isto capite salua fuit Christi libertas, simulque illæsa mansit impeccabilitas, quatenus Deus si præuidisset voluntatem Christi fuisse notionibus congruis restitutam, interposuisset manum robustam, quæ adegisset parere præcepto, & declinare peccatum. Quod est dicere, Christum hoc solo capite spectato, fuisse liberum; non tamen futurum fuisse liberum, si Deus per scientiam mediam prænouisset, effectum non fuisse secuturum absque motione ineluctabili libertatem pessundante, eamque interposuisset: ut certissimè fecisset, ad auertendam à Christo culpam.

Alterum ergo difficultatis caput, acrius pungit. Nam beatus amat Deum super omnia, & quidem necessariò, ac ex suppositione antecedente voluntatem beati. Cum illa autem dilectione super omnia, vniuersum voluntatis affectum exsurgente, eamque prorsus abripiente impossibilis est violatio præcepti affirmatiui de quo agimus. Quomodo ergo dici potest, obseruationem eius esse liberam & meritoriam? Id enim circa primum caput inde expediebamus, quod non obstante vnione hypostatica, attentoque modo quem Deus reipsa cum Christo seruauit, Christus non adigebatur seruare præceptum tantumque proponebatur adigendus, nisi præui-

CHRISTVS LIBER, ABSQVE NOVA SENTENT. 327
sus fuisset consensurus motioni congruæ repudiabi-
li. Vnde eo tantùm capite spectato, quamuis Chri-
stus benè ageret indefectibiliter, tamen liberè im-
plebat præceptum, & solo illo modo spectato quem
de facto Deus cum eo tenuit, (non autem eo quem
tenuisset, si præuisus fuisset non obediturus,) po-
tuisse legi non obsequi. At spectato hoc secundo
capite, ea responsio præcluditur: quia observatio
præcepti, est necessariò coniuncta cum amore Dei
super omnia, consequente visionem: ita vt non mi-
nus necessariò sequatur ad amorem illum Dei obser-
uatio diuini cuiusvis præcepti, quàm ad efficacem fi-
nis intentionem, sequatur electio mediorum quæ
sunt ad manum. Quomodo ergo Christus, in adeò
necessaria præcepti affirmatiui observatione, liber
fuit? Vviclefus sanè apud Vvaldenses l. 1. doct. c.
25. n. 9. abiecit hastam, professus Christum esse pas-
sum necessitate, non libertate.

*Iudicium de anteriorum enodationum reiectione
per aduersarium.*

VI. Hic aduersarius contra priscam libertatis no-
tionem conclamat. Vix enim, ac ne vix quidem iux-
ta eam constare posse putat, quomodò Christus sit
liber circa materias propositas, cum tamen certum
sit fuisse circa eas liberum. Idque ex magno Dyoni-
sio pro more copiosè ac profundè confirmat l. 2. c. 9.
Propositis ergo capite illo 33. libri primi, varijs mo-
dis iam olim propositis enodandi hanc difficulta-

rem, supposita prisca notione libertatis, in nullo con-
quiescit; questus quòd dum in hac controuersia quisque
studet primas suas cogitationes & inuentiones defende-
re, potius quàm emendare; & sese tutari aduersus
contra sentientes, mirum quàm multa, & inutilia, &
à vero aliena, à multis proferantur. Cuiusmodi in
primis esse ait, quod aliqui dicunt, substantiam ope-
rum Christo præceptorum fuisse ei necessariam; cir-
cumstantias tamen, eo quòd præceptum in eas non
caderet, liberas remansisse. Nec aliter statuit, de eo
quod alij dicunt, liberum fuisse Christum, quia actu
reflexo approbavit actus quos non poterat non præ-
stare, sic apud se statuens: Etiam si possem Patris
præceptum prætergredi, vellem tamen illud seruare,
idque nunc fixum habeo. Eodem loco habet, quod
dicunt alij, Christum fuisse liberum, quia in primo
momento quo innouit illi voluntas Patris, non iu-
bens, sed merè proponens æterna de hominum re-
demptione consilia, vtrò & volens acceptauit quod
poterat refugere. Tãdem omnium maxime substan-
nat postremum modum quo aliquos vsos refert, as-
ferentes Christum fuisse liberum, quia varij nume-
ro actus interni quibus acceptari poterant Patris
mandata, potestati Christi mittebantur; ita ut
quamuis vno aliquo eorum non posset non acce-
ptare iussa Patris, potuerit tamen vel hac interna
actione, vel alia numero dumtaxat distincta, id præ-
stare. Quas autor num. 6. ait esse ineptias, & longa
declamatione eas exagitat.

Quidquid verò sit de refutatione anteriorum di-

CHRISTVS LIBER, ABSQVE NOVA SENTENT. 523
cendi modorum ab autore adhibita, quæ quanti sit,
poterit ex dicendis constare; postremus modus di-
cendi quem retulit, iure ab eo suffixus fuisset, si ali-
cuius reuera esset. Et quamuis inuenisse eum dicendi
modum videri possit Gamachæus; tamen vtrunque
sonent verba, sensus eius longè alius fuit; & ab au-
tore, qui Gamachæum agnoscit Magistrum, longè
alio sensu accipitur. Coniectura ergo est, autorem
vt haberet quomodò vim dicendi suam effunderet,
quod fecit hoc loco copiosè, grauissimis Doctori-
bus, intèrque eos Sancto Thomæ, cuius planè est is
modus dicendi, affinxisse ineptias. Qui enim Chri-
sti libertatem exponunt per potestatem ad varios
actus internos, non adeò ineptiunt, vt agant de po-
testate ad actus numero tantùm differentes, quæ
verè ab autore dicitur *euanida, & ingloria prælectio*,
nullius omnino ponderis, nullius laudis: sed agunt de
potestate ad varios actus internos, substantialiter di-
stinctos in genere moris, v. g. de volitione morien-
di ex motiui iustitiæ, vel ex motiui charitatis, aut
obedientiæ. Quæ est illa ipsa via expediendi hanc
difficultatem, quam inijt S. Thomas 3. p. q. 18. artic.
4. ad 3. cum dixit, Christum fuisse liberum, quia vo-
luntas eius licet esset determinata ad bonum, tamen
non erat determinata ad hoc vel illud bonum. Itaq;
non fuit quòd aduersarius in responsionem prædi-
ctam tantoperè excandesceret. De alijs plerisque ra-
tionibus inidoneis eandem difficultatem elidendi,
quas autor missas fecit, tametsi non minus essent
probabiles quàm quas adduxit, non est quòd pro-

nunciem: quia hîc non tam de hac difficultate, omnibusque modis eam euacuandi disputamus, quàm possitne duntaxat legitimè exhaustiri, eo modo quem iuxta nouâ de libertate sententiâ autor iniuit.

Enodatio aduersarij per nouam libertatis notionem.

VII. Ait igitur c. illo 33. n. 7. & seqq. Christi libertatem frustra quæri in indifferentia ad agendum & non agendum, siue in indifferentia ad multa: sed in eo potiùs, quòd voluntas adhæreat vni in multis, fini inquam vltimo in medijs: vnde oritur sublimitas & dominatio respectu huiusmodi mediorum, quibus voluntas non alligatur nisi prout finis ordo deponit. Ex quo fit, vt quo maior & firmiter est adhæsiō ad finem, siue ad Deum, eo perfectior sit libertas. Atqui Christus perfectissimè inhæsit Deo à quo nulla vi auelli potuit, fuitque ita à creaturis solutus, vt illis absolutè ac secundum se non inhæreret, sed Deo in illis, siue iuxta Dei ordinationem & beneplacitum, quæ est indifferentia erga eas seruatō ordine finis. Fuit igitur liberrimus, etiam si absoluta agendi & non agendi indifferentia destitueretur posita diuina ordinatione de sic vel sic agendo, v. g. de morte subcunda. Quamuis enim semota diuina ordinatione posset mortem defugere, tamen ea supposita, oportuit illum mori. Neque tamen temerata inde est eius libertas, quia quâuis necessitas quæ proficiscitur ex subiectione ad inferiora, libertatē excludat; at nō necessitas quæ oritur ex subiectione & ad-

CHRISTVS LIBER, ABSQVE NOVA SENTENT. 525
hensione ad Deū: cū creatura quāto est Deo subiectior,
tanto sit liberior, ex Aug. epist. 89. Existimat porrò
autor, hanc fuisse sententiam D. Tho. 3. p. q. 18. art.
4. ad 3. cum ait, Christum fuisse determinatum ad
bonum, sed non ad hoc vel illud bonum. q. d. fuisse
determinatum ad Deum, sed non ad creaturas abso-
lutè ac secundum se; (sic enim ad eas erat indifferēs,)
at determinatum ad eas fuisse quatenus Dei ordina-
tione continebantur. Eandem sententiam ait esse
omnium discipulorum D. Thomæ, itemque Philip-
pi Gamachæi, qui Christum dixit fore liberum,
quantumlibet omnia eius opera, & operum circum-
stantiæ omnes, essent à Patre determinatæ, dummo-
dò non esset intrinsecè determinatus ad vnum, hoc
est ad creaturas. Denique idem tribuit Ioanni Pu-
teano, eo quòd dicat, Christum potuisse non mori
quantum per obedientiam licebat.

Est planè inanis.

VIII. Non est quòd in huius doctrinæ inanitate
demonstranda multus sim. Nititur enim fundamen-
to apertè nullo; nempe notione noua libertatis,
quam in superioribus satis dissecimus, monstraui-
musque non cohærere cum ea libertatis vertibilitate
in vtramque partem, quam Scripturæ, & omnes re-
trò DD. ac PP. agnoscunt. Mirabile verò est autoris de-
lectorū ingeniis iudicium, quibus persuadere se pos-
se credidit, S. Thomam in ea fuisse sententia, vt per
determinationem Christi ad bonum, quam admit-

tit cum indeterminatione ad hoc vel illud bonum, intellexerit determinationem ad finem cum indeterminatione ad media: siue determinationem ad Deum, cum indeterminatione ad creaturas, quas S. D. expreſſerit per *hoc & illud*. Cum tamen tam perſpicuè D. Thomas, per determinationem Chriſti ad bonum, designarit eius impeccabilitatem, qua non niſi benè ac honeſtè agere poterat, quamuis in poteſtate eius eſſet agere vel non agere, vnde hoc aut illud particulare bonum reſultat, & ideo iuxta D. Thomam liber eſſet. Adhæſerunt de more ſancto Doctori omnes Thomiſtæ, quos aduerſarius per auxilium ſupra Olympum exaggeratam, nouitatis ſuæ patronos laudat.

Tam porro libera eſt aduerſario vocum uſurpation, vt qui apud D. Thomam, per determinationem ad vnum, intelligi vult determinationem ad Deum cum libertate coherentem, mox apud Gamachæum nomine determinationis ad vnum, intelligi velit determinationem ad creaturas, excluſiuam libertatis. Ita enim commodum erat, vt Gamachæo præceptor illuderetur, & ſimplici lectori fucus fieret, dum non ſuſpicatur eſſe recens cuſam opinionem, quæ grauis illius Theologi nomine venditetur. At is tantum abſuit ab hac nouitate, vt ne per ſomnium quidem de ea cogitarit vnquam. Nam libertatem Chriſti diſerte 3. p. q. 18. conſuſ. 2. exponit eo modo quem Sancto Thomæ attribuiſimus. Libertatis verò antiquam notionem, approbat diſtinctiſſimè & explicatiſſimè 1. 2. loco ſuperiùs prolato: eoque nomine

CHRISTVS LIBER, ABSQVE NOVA SENTENT. 527
ne ibidem q. lxi. c. 6. explodit physicam voluntatis
prædeterminationem per gratiam efficacem, quod
posita ea prædeterminatione, ruere dicat flexilita-
tem voluntatis in vtramque partem, atque adeo
etiam libertatem quæ tali flexilitate constituitur.
Quare miranda est aduersarij libertas in allegando
pro se Gamachæo. Nec aliter de Puteano dixerim.
Quod enim ait, Christum potuisse non mori quate-
nus per Patris obedientiam licebat, ego quoque
profiteor; quamuis mihi in mentem non veniat in-
sinuare aduersarij sententiam. Nulla igitur lux, ab
aduersario, Christi libertati illata est.

Vt autem liquidò constet, libertatem Christi pos-
se commodè intelligi retenta prisca notione liberta-
tis, nec nouam de ea sententiam esse necessariam vt
Christi libertas intelligatur, exquirenda breuiter
est germana dissolutio nodi initio propositi circa
Christi libertatem.

Legitima enodatio.

I X. Aio igitur, Christum in quibusuis præceptis
affirmatiuis, & nominatim in præcepto de morte
subeunda, liberum fuisse; quia quamuis generatim
astringeretur ad obediendum, tamen & substantia
actus, & circumstantiæ obseruationis præcepti, &
nominatim tempus executionis, itémque intensio
& motuum volendi, permittebantur potestati
Christi: Et quod permagni refert, Christus specta-
ta iustissima Patris voluntate & necessitate nostra,

ita affectus erat, vt cognoscens se ad id præcepto astringi, valdè gauderet; vt ijs contingit quos barbarè dicimus *facere de necessitate virtutem*. Atque ita ex tribus capitibus peto integram responsionem, quam plerique ex vno duntaxat petunt.

Nam S. Thomas 3. p. q. 18. ait. 4. ad 3. & q. 29. de vetit. artic. 6. ad 10. Vasq. 3. p. d. 74 c. 5. Moncaus disp. 9. selecta c. 10. Val. t. 3. d. 1. q. 19. p. 2. Becanus c. 13. q. 2. Albertinus 5. princ. compl. coroll. 3. n. 24. & 25. & Herice 1. p. d. 24. n. 40. idcirco censent Christum fuisse liberum in obseruandis præceptis affirmatiuis, quia quamuis in genere determinatus esset ad bonum, tamen non erat determinatus ad hunc vel illum modum operationis: quatenus substantiam actus quem necessariò exercebat, (necessariò enim volebat mortem præceptam,) poterat elicere ex motiuo charitatis in nos, aut in Deum, vel ex motiuo iustitiæ, aliòve aliquo non cadente sub præceptum. Neque enim motiua virtutum præcipiuntur, sed tantum actus earum materiales. Nam v. g. seruus cui aliquid mandatur, non tenetur illud exequi ex motiuo obedientiæ: sed dummodò rem præceptam exequatur, satisfacit præcepto & iuri mandantis, quodcunque tandem motiuum adhibeat. Quia ergo motiuum fuit Christo liberum, actus quoque interior qui ex motiuo desumitur, fuit liber Christo, qui potuit vel ex hoc vel ex alio motiuo agere, ac proinde vel vnum vel alium internum actum elicere. Non dico vnum vel alium individualiter, (quod ad libertatem impertinens est, & verisimilius est

CHRISTVS LIBER, ABSQVE NOVA SENTENT. 529
pendere à solo Deo :) sed vnum vel alium specificè,
quatenus liberum erat Christo, velle mortem pati
ex hoc aut illo motiuo, ac proinde producere actum
internum in hac aut illa specie. Vnde quia actus in-
terior facit vnum moraliter actum cum externo, in
quem refundit suam libertatem & moralitatem, cer-
tè intelligitur, actum externum Christi prout sub-
stantem volitioni internæ liberæ quoad motiuum,
fuisse quoque libertate aliquo modo perfusum. Et
hæc quidem non malè DD. prædicti.

X. Verùm nisi addamus libertatem circa intensio-
nem actus interni & externi, itémque circa circum-
stantias temporis, & loci, & personarum mortem in-
ferentium, modi quoque quo irroganda erat, &
aliorum huiusmodi : nisi item addamus libertatem
circa ipsum exercitium atque substantiam externæ
observationis præcepti affirmatiui, habebimus liber-
tatem valdè diminutam; nec maiorem quàm sit li-
bertas in ægro, qui cum grauissimo morbo conflic-
tatur, respectu perpeffionis morbi illius. Neq; enim
mortis perpeffio componit vnum moraliter actum
cum interna voluntate mortem subeundi, sed ad
eam se habet tantùm obiectiuè : perinde ac morbus
ad internam volitionem ægri patienter cum exci-
pientis. Sicut ergo æger non dicitur liberè pati mor-
bum, eaque perpeffio non est illi libera quoad sub-
stantiam, quamuis motiuum internum quo morbū
patienter tolerat, sit ei liberum, ac proinde etiam
actus interior : Ita Christus non diceretur liberè pas-
sus mortem, si ipsa mortis subitio quoad substan-

tiam suam, non fuisset Christo libera: sed ad summum habuisset diminutam aliquam libertatem pertinentem ad solum actum interiorem, non autem ad externam perpeffionem: quam tamen fuisse liberam Christo, docent Scripturæ quibus docemur Christum fuisse oblatum, quia ipse voluit; & in ipsa morte obediuisse, & posuisse pro potestate animam, nemine eam tollente ab ipso. Annuunt P P. nominatim S. Chrysostomus hom. 28. ad Hebr. ad illud, *proposito sibi gaudio*, & hom. 59. & 84. in Ioan. S. August. 9. Trinit. c. 13. & Hieron. in c. 53. Isaia ad illud *oblatus est quia ipse voluit*.

XI. Quare admittendum est, non modò volitionem internam fuisse Christo liberam quoad speciem actus, (quod vnum importatur responsione nunc proposita) sed etiam fatendum est, liberam fuisse quoad exercitium. Item admittendum est, substantiam perpeffionis suppliciorum, & quarumvis obseruationum quibus præceptum affirmatiuum implebatur, fuisse Christo liberam: quatenus Christus actum, quem ex aliquo motiuo operari tenebatur, operabatur ex motiuo à se delecto, & in ea intentione operabatur qua volebat, & eo tempore quo non obligabatur operari. Quod non tantum valet pro præceptis positiuis, sed etiam pro naturalibus: habent enim ferè omnia tempus aliquod indeterminatum, ita vt non nisi aliquando, & vagè, ad eorum obseruationem astringamur. Vnde Christus præueniendo tempus illud, & operando priusquam vrgeretur vi præcepti mox violadi, habebat plenam

CHRISTVS LIBER, ABSQVE NOVA SENTENT. 531
libertatem in obseruatione eius anticipata. Valent
verò hæc multo magis pro præceptis positiuis, &
nominatim pro præcepto de subeunda morte Deus
enim non præfixerat Christo diem & horam mor-
tis, & personas illam illaturas: sed tantum præcepe-
rat, vt cum id iudicaret conuenire, subiret mortem
ab impijs inferendam; ita vt non cum primùm im-
pij vellent, sed cum ipsi Christo placeret, inferenda
esset, quod habetur ex plerisque locis, quibus doce-
mur ludæos frustra conatos esse Christum opprime-
re, *quia nondum venerat hora eius*. Verè *eius*, idest, ab
ipso delecta, vt acutè vidit Caietanus Ioan. 19. Et
hoc quoque pacto valet, quod Christus dixit potuis-
se se petere & impetrare legiones Angelorum qui-
bus à morte tunc inferenda eriperetur, si eius per-
pessionem voluisset tunc differre. Hoc itaque mo-
do, ipsa perpessionis admissio, libera est in seipsa, li-
cet in communi esset necessaria, vt dixit D. Thomas:
hoc est, licet moriendum aliquando esset Christo vi
præcepti de subeunda morte. Nec tantum habemus
libertatem actus interni, (quæ aliqua sanè libertas
est & meritoria,) sed libertati illi actus interni, iun-
gimus libertatem externæ perpessionis, quatenus li-
bera esse potest; nimirum quatenus pro tunc admit-
titur, cum tali tempore & tali modo illata, posset re-
pelli.

XII. Ad pleniorē verò libertatem, & plenius
meriti in Christo fundamentum, addi præterea po-
test cum Almaino in 3. d. 16. *sub finem*, Christum
præter voluntatis actum suprà expositum, per sepe

insuper elicuisse actus aliquos reflexos, quibus etiã si prior ille actus esset omnino necessarius, potuisset non parum mereri. Eiusmodi actus sunt, approbatio & gaudium quòd diuina gloria esset promouenda eliciedo talem actum præceptum. Hi enim actus reflexi sunt liberrimi, & honestissimi, & ad illam ipsam virtutis speciem spectant ad quam subiecta materia eos trahit, v. g. si agatur de præcepti executione, eaque statuatur indeclinabilis, gaudere quod præceptum sit indeclinabiliter & necessariò exequendum, est actus obedientiæ: sit enim ex affectu honestatis obedientiæ; quamuis illa executio, de qua est gaudium, non sit formaliter honesta, siue honestate obedientiæ, siue alterius virtutis, cum supponatur non esse libera. Sic ergo Christus Dominus quamuis ob interpositum præceptum, mortem necessariò subiisset, adhuc tamen potuisset mereri per actum internum, pertinentem ad obedientiam, quo liberè gauderet de imposita lege subeundæ mortis ad curandam redemptionem nostram, iuxta illud, *Propter hoc latatum est cor meum.* & *Proposito sibi gaudio sustinuit crucem.*


Nullus vsus nouæ libertatis ad hanc difficultatem.

Iudicet Lector, an expositio libertatis Christi per veram indifferentiam actiuam, fuerit aduersario desperanda: & an modus nouus, Christi libertatem explicandi, quem solus ipse, omnibus retro Doctoribus abiectis, iniuit, eo nomine fuerit confirman-

CHRISTVS LIBER, ABSQVE NOVA SENTENT. 533
dus, quòd absque eius subsidio, inexplicabilis, &
insuperabilibus difficultatibus obsepta sit Christi li-
bertas. Præterea verò expèndi velim, an non ad-
uersarius omnino cogatur idipsum affirmare quod
affirmaui: Certum enim est, Christum circa rem
præceptam v. g. circa mortis perpeffionem, ali-
quid præstitisse quod poterat non præstare, vel ali-
ter præstare. Quod ferunt loca quibus Christus
prodit se volentem offerri, & pònere animam suam
auferentemine. Et idem habetur ex laudabilita-
te & merito operum Christo præceptorum. Me-
ritum autem & laudabilitas actus, consistit in eo
quod aliquid nostrum ad actum contulerimus,
quod potueramus non conferre; saltémque non
eo modo. At præstitisse Christum, quod non
præstare vel aliter præstare poterat, hoc ipsum
est, habuisse indifferentiam actiuam, & vulgarem
libertatem.

CAPVT VI.

*Libertatem diuinam nihilo expeditiorem esse per nouam
sententiam de natura libertatis. Aliter tamen
expediri non incommode.*

I.  C aduersarius antiquam de libertatis notione doctrinam miseratur, in qua necesse plane sit circa Dei libertatem cœcutire; cum tamen ipse per nouam libertatis notionem, non modò libertatem Dei quoad externa opera aperte explicet, ac citra laborem, (quod omnibus hætenus frustra conmissis præstat l. 2. c. 4. 5. 6. 7. 8. rursusque capite 10. & 11.) sed etiam quod nemo hætenus vel cogitatione conceperat, diuinam libertatem respectu processionum immanentium perspicuè exponat lib. 2. c. 2. & 3. Verùm nos, de libertate Dei ad processionem internas, nihil hoc loco addemus ad ea quæ superius adducta sunt, excutiendo novos nouæ doctrinæ: quia cum hæc sententia sit auctori planè singularis; (Scotus enim, & si qui alij solam processionem Spiritus Sancti dixere liberam, vsurparunt liberum pro voluntario,) non potest noua de libertate sententia inde confirmari quòd alioqui certa & recepta sententia de libertate Dei ad intra, difficultatibus insuperabilibus sit premenda; nisi subsidio

subsidio nouæ sententiæ liberetur: quod iactari & obtendi potest, circa libertatem Dei respectu actionum externarum, indubitatam & ratam apud omnes. Hoc igitur loco, quo huiusmodi indirectas nouæ de libertate sententiæ probationes excutimus, opportunè in id inquiremus.

Quomodo liber Deus, iuxta aduersarium.

II. Deum itaque autor l. 2. c. 4. n. 2. idcirco statuit esse in externis suis actionibus liberrimum, quia à sua nequaquam amplitudine discedit, nec ab alio quocumque cietur seu principio seu fine, sed sola sua bonitate inuitatur & impellitur. Probat hoc ex iactis de libertatis natura principijs; quia cum liberum illud sit quod amplissimè patet, & nullis omnino limitibus circumscribitur, operari autem sequatur esse, illud dicetur in operando liberum, quod vel ad summam amplitudinem tendit, vel in ea commoratur & conquiescit. Deus autem huiusmodi est in operando. Procedit enim ad actus suos externos, non aliunde impulsus quàm à sola sua bonitate. Quare nullas ibi angustias patitur, nullis arctatur finibus, estque proinde liberrimus. Confirmat hoc autor c. 3. 6. 7. 8. auctoritate D. Dionysij, qui vbique celebrat amorem Dei, tanquam terminatum ad Deum propter ipsum; ad alia verò, non nisi propter Deum. Eo enim tandem reuoluuntur quæcunque tot capitibus apud autorem ex S. Dionysio expressa prostant. Eiusdem sententiæ libro 2. c. 10. & 11. contendit esse S. Thomam;

quia ait, radicem diuinæ libertatis esse immaterialitatem. Item quia iuxta eum, Deus est sibi beatitudo sua, proindeque vult necessariò seipsum: creaturas quia ad eius beatitudinem non pertinent, non vult necessariò, sed liberè & cum indifferentia. Tandem quia S. D. agnoscit in Deo iudicium indifferens de mutila & potenciali bonitate creaturarum, ratione cuius non determinatur ad illarum amorem, sed est ad illas amandas & non amandas, creandas, & non creandas planè indifferens, atque adeò liber.

Non est ad rem ea resolutio.

III. Hæc quo propiùs considero, eo mihi in ea aptiùs videntur cadere quæ lego apud Hieronymum epist. 61. Vetus narrat historia. *Quidam cum disertè diceret, ferreturque impetu ac volubilitate verborum, causamque omnino non tangeret, prudens auditor & iudex; Benè inquit benè, sed quò istud tam benè? Planè benè habent quæ autor profert de Deo immenso, seque in omnibus creaturis amante. Quid tamen hæc tam benè dicta, ad rem de qua agitur?*

Esse fanè Deum suorum quorumuis externorum actuum finem vltimum, nec aliunde quàm à bonitate sua propelli ad operandum, extra controuersiam est: quia quamuis Deus ipse sine careat, habet tamen operationis suæ externæ finem aliquem. Quinetiam tametsi vt probui in Natur. Theolo. dist. 1. num. 18. internæ volitionis qua exterior actio indicitur, finem assignare non liceat ob interni illius

actus independentiam; fas tamen est, assignare rationem eius aliquam, quantumcunque in id magna austeritate concitetur aduersarius l. 2. c. 22. n. 14. Ea verò ratio volendi, est secundum rationem causa diuinæ volitionis, ita vt vna diuina actio maneat ad aliam, sitque ratio eius. Quod rectè statuit Durandus in 1. d. 41. q. 2. n. 5. & ibid. Maior. q. 1. Suarez t. 1. 3. p. d. 41. f. 4. & l. 2. de prædest. c. 22. & cum plerisque alijs Didacus Ruis disp. 15. de volunt. Dei, sect. 3. Et potest quidem creatum aliquod bonum, fungi proximè munere rationis volendi, & causæ secundum rationem respectu diuini actus interni: tamen vltima ratio semper est diuina bonitas, quæ Deum impellit, quoties ad aliquid extra se volendum aut causandum fertur. Hoc igitur est extra controuersiam.

Sed quid inde ad probandum, quòd libertas Dei circa processiones temporales & externas, sita sit in illa adhæsiōe Dei cum seipso, quoties operatur aut amat aliquid? Quid item inde ad probandum, quòd libertas diuina erga creaturas, non possit ac debeat, proportionaliter ad vulgarem notionem libertatis creatæ, intelligi de indifferentia ad terminationem diuini actus, vel non determinationem ad creaturas liberè à Deo volitas? Item quàm nihil conferunt hæc omnia, ad monstrandum quod monstrandum fuerat: nempe quomodò potuerit Deus velle propter se condere bona creata, aut ea in tranihili abyssum mersa dimittere? Quomodò inquam idem diuinus actus volendi, necessarius quoad esse suum, potuerit ferre Deum & ad dandum esse rebus,

quo verè eum propulit, & ad negandum si libuisset? Hoc sanè erat quod monstrandum aduersario fuerat; non autem exspatiandum in multa & proluxa S. Dionysij & S. Thomæ testimonia, quibus affirmatur id de quo non quæritur, quod autem quæritur dimittitur intactū: quasi idem sit difficultates enodare, & noua placita solidè stabilire, quod paginas implere.

Difficultas præsens in quo sit, & quanta.

IV. Ego, vt liqueat celeberrimam difficultatem de diuina libertate circa processiones externas, non agere subsidio nouæ sententiæ de natura libertatis, illud primū aperiā quod ad hanc rem vniuersam pernecessarium est; nempe in quo situs sit præcipuus difficultatis nodus. Tum dimissis placitis variorum quæ alibi plenè discussi, & breuius tametsi quantum satis est, in Natur. Theol. dist. 8 à n. 76. ad 85. subijciam modum enodandi quem arbitror legitimum. Eo autem benè perspecto, constabit, nihil fuisse necesse ad exponendam vel tuendam diuinam libertatem circa externa opera, nouam libertatis notionem confingere, sed habere quoque in Deo locum, indifferentiam illam penes quam communis sensus semper tulit, exponendam esse libertatem. Tametsi aliter spectanda sit in Deo ea indifferentia, quàm in nobis.

Nodus ergo circa Dei libertatem quoad externas eius actiones, in eo situs est, quod cum sit indubitatum esse in Deo volitionem propriè liberam, idque

multæ Scripturæ & Patres infinites prodant, ac etiam naturalis ratio euincat, vt præter cæteros videre est apud Bellarminum lib. 3. de grat. & lib. arbit. c. 16. tamen non videatur posse satis percipi, in quo sita sit ea volitionis diuinæ libertas. Nam volitio Dei, cum sit essentialiter actus infinitus, & ens à se, non potest esse, & non esse. Præterquàm quod diuina immutabilitas, quæ non minùs ex Scripturis & ex rationibus naturalibus rata est quàm diuina libertas, eam vicissitudinis capacitatem excludit. Arquisquis liberè vult, idcirco videtur liberè velle, quia potest non velle; sin minus abiiciendo actum volendi semel formatum, at saltem eum non eliciendo priusquàm sibi eum imprimat. Ergo cum Deus ea circa suum internum actum potestate destituatur, propter essentialem omnium quæ in Deo sunt necessitatem essendi, non videtur agnosci posse libertas vlla in diuino actu interno: cum tamen planè sit in eo agnoscenda, posito quod reuera competat Deo. Nam inde oportet eam refundi ad externos actus, si eam re ipsa participant.

Tanta huius nodi implexitas est, vt quod proloquio 1. tetigi, aliqui ad eum dissoluendum, ad acti fuerint proferre multa parum Deo digno, vt Caietanus 1. p. q. 19. artic. 2. alij blasphemæ & horribilia vomuerint, vt nuperus apud Barauos Atheisimi Magister, Conradus Vorstius disp. 6. de Deo, propos. 36. & 37. & in notis ad illas propositiones. & c. 9. ac 10. exegeleos, quibus & alijs locis, vt hanc difficultatem extricet, Deum statuit potentialem, & obno-

xium nouis accidentibus ei ex tempore aduenientibus, & decedentibus. Alij inexplicabilem esse hanc difficultatem ingenuè professi sint, vt Vasquez l. p. d. 80. n. 9. & 13. ac Pennotus l. 4. propugnac. libert. c. 2. n. 9. Plerique omnes ea dixerint, in quibus intellectus ægrè acquiescat: adigantque ad submissè ac humiliter profitendum Deo cum S. Hilario l. 12. de Trinit. sub finem, *non præiudicat de te sensui meo, natura nostræ infirmus imperfectusque sermo, ut fidem intra silentium strangulet eloquendi inopia.* Omnino verè. Nam fidem diuinæ libertatis, certam & inconcusam tenemus Catholici. Eam tamen vel apud nos ipsos interno sermone eloqui, vel profani apud alios, tenuitate nostra prohibemur.

Affinis difficultas in humana libertate, quomodo enodetur.

V. Sensum meum hac in parte, & quid minus incommodè dici posse censeam, aperui iam pridem in Natur. Theol. dist. 8. à n. 85. quibus affinia sunt quæ postea legi apud Salazarium in opere de conceptione cap. 24. §. 3. tota sect. 3. Constare autem ex illis puto, non aliter exponendam esse diuinam libertatem, quàm nostram quoad primum actum elicitiui; & easdem ferè difficultates utrobique enodendas occurrere. Vnde sicut libertatem nostram non reuocamus in dubium, ita multo magis ambigendum non esse de diuina libertate, quam supra captum nostrum longè altiùs efferri quàm libertatem creatam,

nemo non videt esse congruentissimum.

Duos igitur secerno in humana voluntate effectus liberos. Prior est, interna determinatio seu volitio, quæ me formaliter reddit volentem aut nolentem, determinatque formaliter ad vteriores actus. Posterior est, actio externa quæ vi determinationis illius internæ indicitur, habetque refusam ab interno illo actu libertatem. Cum autem posterior hæc actio se habeat merè vt effectus libertatis, latè sumpta voce *effectus*, prout scilicet complectitur quicquid efficienter pendet, etiamsi sit modus ipse dependentiæ: Tamen prior actio, non est effectus tantum, sed hoc præterea habet quòd sit determinatio ad vteriores actus, vel ad attingenda obiecta, quæ voluntas vi huius actus attingit formaliter. Est porro hæc interna actio verè libera sub vtraque illa ratione; nempe & quæ effectus, & quæ determinatio voluntatis. Ita enim efficitur à voluntate, vt in priori naturæ antecius profusionem & impressionem sibi metipsi factam, potuerit voluntas eam non efficere. Atque adeò ita per eam determinatur formaliter, vt potuerit in priori naturæ non determinari per eam. Ad hanc porro formalem sui ipsius determinationem procudendam, cum planè oportuerit voluntatem alicunde determinari; (causa enim indeterminata nisi determinaretur nihil faceret,) non est tamen determinata ab istamet determinatione formali; quæ quamuis sit determinatio ad vteriores actus, vel ad obiecta externa, non potest tamen esse formalis determinatio ad seipsam: cum ne idem sit volitio sui

ipsius, & actus directus & reflexus sint vnica entitas, quod in actibus essentialiter finitis puto repugnare: Tum maximè, quia hæc determinatio formalis, est effectus quidam, ac proinde debet oriri à causa quæ sit ad eius profusionem determinata, prius natura quàm effectus profunditur: quia determinatio est de complemento causæ, quæ prius natura plenè & completè constituta supponi debet. Multo minùs potest voluntas ad primum illum effectum suum, siue ad primam determinationem formalem, determinari ab aliquo siue actu siue effectu posteriore, vt est per se euident. Ergo fatendum est, voluntatem creatam ad illum suum primum effectum liberum determinari à seipsa. Ita vt voluntas, in puncto quidem temporis quo hanc potius quàm aliam determinationem formalem profundit, cum esset prius natura indifferens & indeterminata, transeat in posteriori naturæ ad statum determinationis, antecedentè primi illius effectus profusionem. Hunc verò transitum, constat fieri absque vlla mutatione ex parte actus primi. Nihil enim proferri potest ante primum voluntatis effectum, seu ante primam formalem voluntatis determinationem, quo voluntas quæ prius natura quàm ageret, indeterminata, & indifferens erat vt sic vel sic ageret, & vt formaliter seipsam sic vel sic determinaret, transierit in posteriori naturæ instanti, quod in vnico temporis instanti quo fit actio, secernendum est à priori instanti naturæ quo vigeat indifferencia; transierit inquam, ad statum determinatæ, qualis ex eo secundo puncto

puncto denominatur. Ipsa ergo voluntas, absque vlla mutatione ex parte actus primi, iure & privilegio causæ liberæ, in his & his circumstantiis determinat se ad profundendam talem determinationem formalem, quæ est primus eius effectus liber. Et idcirco libera est, quia prodit à causa talis naturæ & perfectionis, ut ab eadem quamvis immutata & se habente intrinsecè eodem modo quoad actum primum, potuerit prodire formalis hæc determinatio quia ita placuit, & non prodire si aliud libuisset. Ita ut in essendo quidem, entitas voluntatis perinde se habeat ante actionem illam primò elicitam, ac cum eam elicit: quoad habitudinem tamen siue terminationem ad illum primum effectum suum, hoc est ad primam formalem determinationem, aliter se habeat; non ob susceptam de nouo formam aliquam tali formali determinatione anteriorem, quod esset plusquam terminari: sed absque vlla mutatione, profundendo formalem determinationem quæ ante non profundebatur; & ita eam profundendo, ut vi perfectionis propriæ potuerit eam non profundere. Nihil hic à me circa voluntatem creatam afferri video, quod non usquequaque firmum sit. Nec puto aliter exponi posse indifferentiam illam, quam in nostro actu primo agnoscere debemus, respectu primi nostri actus secundi liberi, seu respectu primæ nostræ determinationis formalis.

Accommodatio enodationis illius ad rem presentem.

VI. Ad eundem modū explico indifferentiā diuinæ voluntatis respectu effectuum creatorum quorumcunque; ita vt quod in nobis ob finitatem naturæ non valet nisi quoad effectum primum liberum, in Deo qui essentialiter infinitus est, nec pro varijs obiectis varios formales actus postulat, valeat quoad omnes eius effectus liberos. Quemadmodum ergo noster primus effectus liber, siue nostra prima determinatio formalis quæ est actus elicitus à nobis liberè profusus, processit à nostra quadam perfectione anteriore actiue indifferente, quæ immutata planè & nullo in se antecederet recepto, profudit liberè effectum illum suum; id est, ita profudit, vt eadem manens posset non profundere: ita respectu effectuum quorumcunque creatorum, est in Deo indifferentia actiua, qua ab eo quantumuis immutato, & summam essendi necessitatem habente, effectus creati possunt prodire aut non prodire, prout Deo libuerit. Et hoc ipsum est quod passim dicunt Theologi in 1. d. 45. vel 46. & S. Thomas 1. p. q. 19 art 3 ad 4. nempe diuinum actum internum esse necessarium quoad entitatem, & liberum quoad determinationem: Ac in his & his circumstantijs, esse pro libito volitionem obiecti, cuius eadem manens potuisset esse nolito, si Deo libuisset. Sicut illa ipsa entitas actus primi, quæ in nobis est determinatio ad profundendam volitionem formalem; si voluntati li-

buisset, manens eadem potuisset esse determinatio ad contrarium actum, & ad oppositam formalem determinationem profundendam.

Nihil igitur necesse est, vt libertatem Dei circa creaturas a potentia sua profundendas agnoscamus, intelligere actum diuinum immanentem potuisse non esse in Deo. Sufficit enim quod vnus & idem persistans, potuerit ad hoc producendum terminari vel non terminari. Sicut si fingeremus nostrum actum primum esse ens essentialiter necessarium, quodque non posset non esse, tamen æquè posset libere profundere primam suam determinationem formalem: quatenus absque vlla sui mutatione entitatiua, posset pro libito terminari ad hunc actum secundum primò elicitum, potius quàm ad oppositum, ad quem profundendum æquè terminari potuisset, si libuisset, quia hoc est priuilegium causæ liberæ, vt Molina 1. p. q. 19. artic. 3. circa ad 4. & 5. rectè attigit.


Inutilitas nouæ libertatis ad hoc negotium.

VII. Ex his, difficultas proposita dissoluitur non incommode: manifestumque efficitur ad intelligendam in Dei volitione libertatem, ratione cuius agnoscat in Deo vera indifferentia, nihil esse necesse ad asylum nouæ sententiæ confugere, sed absque ea veram indifferentiam quoad terminationem; (quæ ad libertatem sufficit, vt ex nostræ libertatis primo exercitio ostensum est,) perspicue

agnosci in diuina voluntate respectu creaturarum. Esse verò nouam sententiam ad hoc negotium planè inutilem, ex eo deprehendi poterit, quod ea licet admissa, non explicatur quod maximè in hac re explicandum est: nempe quomodò Deus potuerit creaturas velle aut non velle condere, easque amare vel non amare. Siue enim hoc sit liberè eas spectare, vt omnes hætenus senserunt, siue non sit spectare eas liberè, vt aduersarius opinatur: tamen eam indifferentiam esse Deo tribuendam, est extra dubium. At quomodò ea indifferentia cohaereat cum diuina omnimoda necessitate essendi, & immutabilitate, nunquam constabit hærendo in noua sententia.

CAPVT VII.

Diuinam circa electos prouidentiam aequè interuentu diuinae scientiae futurorum liberorum conditionatorum explicari oportere, ac ante fabricatam nouam de libertate sententiam.

I.  ON alius locus stomacho aduersarij patuit magis. Nec hoc specto, quòd scientiam diuinam futurorum liberorum conditionatorum non nisi verbo tenus admittit, eam tamen reipsa negat: & cum Caluino Matth. II. quem ideo ibidem castigat Stapletonius, ad extremum

DEI PROVID. NOVAM LIBERT. NON EXIGIT. 517
veluti corticem, hoc est ad tantum futurorum nu-
dam probabilitatem, & causæ ad ea propensionem,
diuinum obtutum restringit, negata eidem perua-
sione ad obiecti futuritionem, quam esse *apertissi-*
mam verbi Dei corruptelam pronunciat Stapletonius.
Sed hoc quod in vno & altero, præstantibus qui-
dem, sed liberioris ingenij Catholicis scriptoribus;
Iansenio inquam, in concord. c. 47. & Catharino
opule. de prædest. p. 2. *circa finem*, ab Ecclesia tole-
ratur, autori sane innoxium esto. Stomachum eius,
vt dixi, spectro. Tanto enim impetu in huius scientiæ
vsum ad negotium gratiæ & prædestinationis, diu-
inæque circa electos providentiæ, efferbuit autor,
tôtq; vsum illum & eius assertores probris oneravit
ac maledictis confixit, cum alibi, tum plenissimè lib.
1. c. 23. vt si cum non iam disputantem, sed decla-
mantem præsertimque perorantem audimus, vix
pestilentior aura faciem Ecclesiæ afflauerit ab omni
æuo Christiano. Specialiter verò nec parcè vapulat
ei Ludouicus Molina, vsum prædicti primus inuen-
tor, ausus inde infandis vocibus cælum Ecclesiæ in-
cessare. Iugillato Augustino, quem sus Mineruam,
legitimum modum gratiæ & prædestinationis tra-
ctandæ & rectè aduersus Pelagianos vrgendæ doce-
re non puduit.

II. At igitur autor capite illo 23. n. 1. *De coferè con-*
stat, quod iam studiosè obtrudant huius scientiæ opportu-
nitatem & necessitatem: facere id quidem specie tenus, vt
libertatem hominis factam teclam tucantur: reuera au-
tem NON cæLIA CAUSA, quam quia sentiant,

Deum libero hominis arbitrio non perf. Etè dominari; sed vt arbitrium nostrum liberum sit à diuina etiam potestate iugo aliquantisper liberum & solutum esse debere. Subdit, hoc verò esse, manifestè sentire de Deo indignè, quippe qui hac ratione alligetur explorationi creaturæ, & statuatur à voluntate creata dependens, in præcipuo suo, & (vt vocat,) primario prædestinationis & iustificationis opere. Planè hoc esse latibulum Pelagianæ impietatis, ab amore propriæ excellentiæ, & insano aliquid sibi tribuendi ardore constructum, quo post damnatum ab Ecclesia Pelagium, eiusque reliquias, homines in Catholica Ecclesia viuentes, initium sibi salutis suæ arrogare, & primam quoque vocationem sibi tribuere, energiam denique ac efficaciam gratiæ; ipsam inquam gratiæ animam, & gratiæ quasi gratiam, quòdque in ea est florulentissimū, & pretiosissimū, Deo abiudicare, homini adiudicare nō erubescūt De hoc conuersa demū oratione ad Deū, magno animi sensu, magnaque inflāmatæ iusto zelo pietatis cōtentione, expostulat; vibratis multis Scripturis, quæ Deum omnipotentem, & ab homine infinitis parasangis elongatum perlubent, non alligatum explorandis humanæ voluntatis nutibus, aut hominis dispositioni obnoxium, vel impotem flectere quò libuerit, quocunque momento ac tempore creaturam suam: qualem indignè omnino Deum statuit nouitium inuentum huius scientiæ, ad vsum prouidentie Dei circa electos adhibita.

III. Hos verborum rhamnos, possem non vna

DEI PROVID NOVAM LIBERT. NON EXIGIT. 549
securi concidere. Possem temeritatē iudicij, momentis
suis æstimare. Quantū enim est, quod obtēdi ab ad-
uersarijs tutelam & indemnitate[m] humanæ liberta-
tis, affirmat autor; reuera autem machinationem ab
eis strui aduersus Dei dominium, & peruersa aduer-
sus supremam Dei potestatem agitari cōsilia; proin-
dēque perduellionis, & capitalis fraudis qua nulla
possit videri immanior, reos esse secure pronunciat?
Hoc illum inconsultissimè effutuisse, non tam ob im-
pactam noxæ atrocitatem; (quæ certè est summa, &
in qua Dei maiestas, & ius in omnia, atque adeò
existentia vertitur:) quàm ob iudicium de aliena
conscientia soli Deo peruia latum, me tacente res-
loquitur. Possem grandia illa auctoris verba, vesicas
esse quæ in crepitum inanem soluantur, demonstra-
re nullo negotio. Nec facilius quicquam esset, quàm
quæcunque tam horridæ criminationis firmamenta,
diligere; & euidentissimè ostendere, vniuersam au-
toris de hoc argumento disputationem, meras esse
repetitiones, verèque cramben recoctam, noua tan-
tūm piperis & aceti affusione conditam. Et quan-
quam anteriores huius scientiæ impugnatores, con-
uictorum parci non fuerant, vsque eo vt Franciscus
Suarez prolego. 2. de grat. c. 7. n. 5. aduerterit, vnum
ex potissimis fundamentis reiiciendi hanc scientiam
& vsum eius ad gratiæ ac prædestinationis nego-
tium, esse exaggerationes & probra ac conuicia, qui-
bus non liberaliter modò sed & prodigè vti sunt,
quibus aliter sentire visum fuit: Neminem tamen
legere meminim conuiciando circa hoc argumen-

rum valentiorē, & in concidendo probis vsu huius scientiæ magis strenuum, quàm auctor fuerit. Nec Gulielmum Ainesium Caluinistam excipio, tametsi magnis ipse quoque, huius scientiæ vsū, conuictis appetit Tomo 4. Bellarmini eneruat l. 3. c. 3. thesi 5. ubi ait, *hanc esse opinionem Iesuiticam, quæ falsò Augusti notribuitur.*

Iuuat pauca quedam ex eo adscribere vt Hollandi huius Theologastri & auctoris hac in parte consensio deprehendatur, con'letque vtrunque tela in huius scientiæ vsū de promptu: ex eadem pharetra. Sic igitur ibi mox scribit. *Nos credimus gratiam Dei, ex se & intrinseca sua natura, esse congruam & efficacem ad efficiendam conuersionem: sed Bellarminus congruitatem istam pendere facit ex rebus extrinsecis, hominis videlicet complexione, dispositione, & circumstantiis loci, temporis ac modique suasio illa adhibetur. Nos intelligimus, Deum conuersionis futuræ certam sententiam habere, quia decreuit eam: sed Iesuitæ scientiam sinxerunt quam mediam appellant, qua Deum dicunt, ante decretum suæ voluntatis, certò agnouisse quid Petrus ex innata sua libertate facturus esset, si tali modo, loco & tempore, conuersio illi suaderetur. Rursumque thesi 7. post adductas ex Bellarmino tres sententias circa gratiæ efficaciam: nihil, inquit, ponit tertia sententia quod in prima non contineatur præter congruitatem suasionis singulariter congruentis ingenio eorum: à quibus gratia recipitur: hæc autem congruitas in circumstantiis loci, temporis, & similibus, una cum complexione & naturali dispositione hominis vocandi collocatur. Vel igitur ex istis circumstantiis*

DEI PROVID. NOVAM LIBERT. NON EXIGIT. 551
 circumstantiis immediate & proximè pendet efficacia
 gratia, secundum istam sententiam, vel ex voluntate hu-
 mana. Ad illas autem circumstantias efficaciam istam
 referre, indignius est quàm ad arbitrium voluntatis hu-
 mana. Sequitur enim ut rectè observat Aluares disp.
 83. n. 9. quod vltima ratio differentialis propter quam au-
 xilium gratia est efficax, sit reducenda ad aliquid natu-
 rale, scilicet in particularem complexionem huius indi-
 vidui, aut in aliquam constellationem cælestem, aut verò
 in aliquam sumptionem cibi aut potus, (adde etiam in pla-
 cidum somnum;) ex quibus dispositio provenit lenior &
 laetior, & ab admittenda suasionem bona, minùs aliena.
 Et mox adducta Becani responsione eidem congrui-
 tati innixa, qua ex duobus eadem gratia excitante
 vocatis, vnus dicitur secutus vocationem quia ei
 congruebat, alter eam repudiasse ob incongruita-
 tem; subdit Calvinista. Effugium hoc est planè præsti-
 giosum, si interna & externa motio, siue excitatio gratia,
 est eadem, locus etiam & tempus idem, cum similibus
 circumstantiis, sed congruunt vnus & non alterius inge-
 nio aut indoli voluntatis, cum vnica causa differentia,
 est in eorum differenti ingenio & voluntate. Quod enim
 eadem specilla vnus oculis conveniant, & non alterius,
 causa non est in specillis, sed in oculis quibus adhibentur.
 Quod vna & eadem tentatio Diaboli congrua sit ad
 vnum seducendum & non alium, causa non est in tenta-
 tione sed in tentatis. Rectè igitur Aluares disp. 108. n.
 4. secundum hanc solutionem differentia tandem refun-
 ditur ad innatam libertatem huius hominis, & non ad
 aliud acceptum à gratia.

I V. Hos igitur ut dicebam, & Calvinistæ Theologastri, & anteriorum quorundam, sed maximè autoris, in huius scientiæ usum propositum, paliuros verborum, possem nullo negotio concidere, & excaudicare. Sed Pontificia iussa quibus nova huius scientiæ tractatione typis edita interdici, fama vulgavit, (rescriptum verò Pontificium hætenus videre non licuit;) impunitatem aduersario præstant; non licentiæ in violandis Pontificijs mandatis, si verè lata sunt, quam coercere non est meum; sed æstus quo in huius scientiæ usum propositum, impotenter efferbuit; & insultum quibus impar planè congressus Achilli, Ludouicum Molinam, hominem de sacra doctrina optimè meritum, laceßiuit. Nec illud obtendere ad vicem aduersario rependendam placet, quòd Innoc. 3. cap. *significasti* 2. de homic. & Alex. 3. cap. *si verò*, de sent. excommun. subministrant, *vim vi repellere, omnes leges & omnia iura permittunt?*

Multo minus velim aduersus maiorum iussa mutire, vel hiscere; aut etiam agitare animo, unde de hoc interdicto interponendo suggestum sit; & an non ab iis qui causæ suæ diffidentes, eiusdem indemnitati prospectum voluerit hac suppressione; ut ut congruat vsui in Ecclesia Dei per tot secula emergentibus subinde difficultatibus usurpato; non premendi, sed accuratè (modò citra centuram ac suffixionem,) excutiendi quæ possent ambigua videri; præsertim si ad hæresim quampiam reuincendam commodare possint, ut hic sanè contingit. Quid enim &


Caluinista, de fœderanda libertate creata cum prædestinationis certitudine litem intentet, ut est quotidianum, & quod omni studio in libertatis cladem anniti id genus hominum solet, urgeat ad concedendas diuinas præfinitiones antecederet mouentes, nullumque huius scientiæ vsum ad illud negotium esse posse, multis argumentis contendat disputatione scriptis consignata & typis edita? Obstruamne hanc quam solem capio, tuende Catholicæ veritatis viam, de maiorum mente censere obstringar; & blateranti aduersus libertatem Caluinistæ, ludibrium debebo; aut non secus ac Iudæi sabbatho impetiti, confodi deligam potius quàm imminentem ceruicibus meis Ecclesiæ hostem depellere; tantum ne maiorum voluntati obluetatus videar? Tale quid mussare, & vel in summo vertice, huiusmodi cogitationum flabris perstringi, nefas esto. Nam iuxta Bernardum l. de præcepto & dispensat. c. 13. *imperfecti cordis, & infirma prorsus voluntatis indicium est, statuta maiorum studiosius discutere, herere ad singula quæ iniunguntur, exigere de quibus querationem, & malè suspicari de omni præcepto cuius causa latuerit, &c. Delicata satis, imo nimis molesta est huiusmodi obedientia.* Alibi secundum obedientiæ gradum exponens disceptatricem hanc obedientiam exagitat, cuius esse ait *facere post præipientis imperium, quæstiones, cur, quare, quam obrem, sæpius interrogare; crebras ingeminare querelas; querere, quare hoc præcipit? unde hoc venit? qui hoc adinuenit consilium?*

V. Itaque omnem aduersus maiorum iussa cogita-

tionem abijciens, indicti (vt fama tamen incerta, fert,) silentij tenax; Lectorem, si huius scientiæ vsum ad prædestinationis & gratiæ negotium ab autore exagitatum deprehendere cupiat, amando ad eos qui illum ante interpositum ista typis vulgandi interdicitum, luculenter ac plenè tradiderunt, quos inter eminet Stapletonius aduersus Caluinum de insigni huius scientiæ vfu ad propositum finem disputans in antidotis in cap. 9. ad Rom. circa vers. 11. §. *Deum altitudine.* & cap. 11. v. 2. §. *præscientia in Deo*, & Suarez l. 1. de prædest. c. 6. & 7. Quod verò fecisse Antisthenem petulanter à quodam in facie contusum scribit Nazianzenus orat. 3. (Socrati idem tribuit Basilus, orat. de legendis libris Gentil.) neglecta scilicet alia vltione quacunque, percussoris nomen in fronte velut in statua, charta apposita, inscripsisse; id vnum mihi pro tot probris atque conuitijs reponere aduersario licet: *AVTOR LIBRORVM DE LIBERTATE DEI ET CREATURÆ, PRO SVÆ MODESTIA ET MITITATE, IN DIVINAM SCIENTIAM FUTV-
RORVM LIBERORVM SVB CON-
DITIO-
NE, EIVSQVE ASSERTORES CATHOLICOS DOCTORES BENE MVLTOS;
PLAVSTRVM HOC CONVITIORVM ET
MALEDICTORVM EFFVDIT.*

CAPVT VIII.

*Scientiam Dei, & immutabilitatem decretorum eius,
nullum à noua libertatis notione præsidium
emendicare, vel admittere.*

I.  Diuina scientia futurorum conditionatorum, ad prænotationem futurorum absolutorum veniendum est. Usque adeò enim feracem bonorum Theologicorum germinum suam nouam libertatis notionem censuit aduersarius, ut ex ea præsidium quoque diuinæ præscientiæ, & decretorum immutabilitati peti velit. Supponit ergo ut exploratum, & apud Theologos quoscunque sapienter ac dignè Deo Philosophatos, planè ratum, diuinam futurorum prænotationem in diuinis decretis ac prædefinitionibus tanquam in ratione formali, fundari oportere. Illud item ex Patrum, & Scholasticorum, ac etiam Philosophorum consensione, assumit; diuinam præscientiam res futuras causare. Tandem fixam & vndecunque firmam diuinorum de rebus nostris decretorum semel latorum constantiam & immutabilitatem, & sacris oraculis, & Patrum dictis, euidentique ratione, certam supponit. Hæc porro omnia per nouam de libertate doctrinam stabiliri, inde monstrat autor l. i. c. 25. quod ex

doctrina non admissa, labascant vniuersa: nec appareat, quomodò cohærere possint cum libertate, ritu antiquo per indifferentiam actiuam exposita. Nobis ergo demonstrandum incumbit, quaecunque siue de diuinæ scientiæ quasi motiuo & causalitate in res creatas; siue de diuinorum decretorum semel latorum immutabilitate, rata sunt apud Theologos, nihil præsidij à noua libertatis notione, eiùsve principis, expectare; vt vel admittantur, vel commodissime explicentur: sed iuxta priscam libertatis notionem quæcunque de diuinis illis perfectionibus admittenda sunt, probe constare.

*Quid ad doctrinam de præscientia inuare dicatur
noua libertas.*

II. De scientia futurorum, illud in primis affirmat autor capite illo 25. n. 1. iuxta nouam de libertate doctrinam, constare quod à grauissimis Theologis traditum, omnibus æquè approbandum censet; nimirum hanc diuinam scientiam niti eminentissima ratione formali, nempe diuina prædefinitione, siue decreto æterno, quo Deus ex se & antecedenter ad nos, nutùsque nostros sancit aliquid futurum. In hoc quippe omnium sublimissimo & eminentissimo motiuo, iuxta nouam doctrinam, dici potest Deus percipere futura, quæ in sua ipsorum præsentia-
tialitate quandoque extitura, attingit vt in obiecto materiali. Quòd dici non potest salua prisca libertatis notione; quia indifferentia actiua non coheret

NIL PRÆSC ET IMMUT CVM NOVA LIBERT. 317
cum antecedente illo decreto, siue prædefinitione
diuina. Quinetiam absque hoc quasi motiuo quod
prisca libertatis explicatio excludit, euerit diuinam
omniscientiam, contestatur autor l. i. c. 18. n. 5. Ad-
ditque eodem capite 25. n. 7. perbellè hinc constare
quod passim Patres agnoscunt atque Philosophi,
nempe scientiam hanc Dei quæ visionis appellatur,
esse causam existentiae rerum, sicut causa essentiae ea-
rum est scientia simplicis intelligentiae. Hæc enim
futurorum absolutorum præscientia, iuxta nouam
de libertate doctrinam, est nixa diuino decreto quod
existentiam præcedit & eam causat: id quod etiam
scientiae decreto nixæ, & existentiam æquè præce-
denti, iure tribuitur iuxta nouam de libertate do-
ctrinam, cum qua antecessioni illi causali decreto-
rum, & scientiae visionis perbellè conuenit: non
item cum antiqua de libertate doctrina, quæ diuina
de liberis nostris actibus decreta antecedenria, & ex
ipso Deo ante consultam humanam voluntatem
concepta, non admittit.

Præfinitio de qua autor statuit quod dictum est,
seu cui tribuit rationem motiui respectu diuinæ præ-
scientiæ, non est prædefinitio purè immanens, sed
mouens: hoc est, non est decretum diuinum, quo
Deus nihil extra se faciat quo voluntatem potenti
præimmissione quasi degrauet ad operationem, vel
forti abreptione ad cooperandum trahat: sed est
præfinitio, vi cuius suo tempore voluntas ad operan-
dum adigetur. Nam præfinitio purè immanens, quā-
diu talis est, nihil immutat in rebus, vnde spectata

immediatè & in seipsa, & non attentis ijs quæ vicius fierent, si aliquid deesset per quod irrita reddi deberet, non læderet libertatem creatam, vt fusè probaui in Mor. dist. 2. à n. 278. & in Natur. Theol. dist. 8. n. 191. Itaque non lædit libertatem, sed læderet, nisi ipsamet libertas dederet se vltro, faceretque quod fuerat purè immanenti præfinitione constitutum. Præfinitionem verò mouentem, autor rectè statuit non cohærere cum indifferentia actiua, seu cum antiqua libertatis notione: Et tamen hæc est præfinitio illa, quam de communi Theologorum sententia, contendit esse motiui diuinæ præscientiæ futurorum illorum, quæ à Deo simul & à voluntate creata prodibunt. Ad hæc enim futura restringi debet hæc disputatio, dimissis in præsentia ijs futuris quæ à solo Deo sunt proditura, & faciliùs defendi possunt præiudici à Deo in sua prædefinitione de iis causandis suo tempore, tanquam in primo talis prænotionis fundamento. Hoc quippe est fundamentum prænotionis de quo agimus in hoc negotio. Nam quin decretum Dei, etiamsi posterius sit determinatione voluntatis humane, possit esse ratio aliqua, saltem secundaria, prænoscenti futura absoluta à Deo simul & nobis causanda, dubitari non potest. Sed quæritur de primo fundamento, & quasi motiuo, seu vt castiùs loquamur, de prima ratione formali qua Deus nostros effectus liberos præscit. Hanc autor, vt dicebam, ait esse prædefinitionem diuinam mouentem, seu decretum Dei efficax, & latum antecedenter ad quamcunque præuisionem nostræ determinationis,

NIL PRÆSC. ET IMMVT. CVM NOVA LIBERT. 559
determinationis, quam ait esse communem senten-
tiam Doctorum. Indéque conciliat nouæ suæ de li-
bertate doctrine autoritatem, quòd cùm iuxta anti-
quam libertatis notionem ea, communis doctrina
de motiuo diuinæ præscientiæ stare nequeat, iuxta
nouam notionem optimè consultat.

Decretum efficax, non est ratio prima prænotionis.

III. Ego in sententia quæ decretum Dei efficax
seu præfinitionem mouentem statuit esse primum
diuinæ nostrorū actuum præscientiæ fundamentum,
video esse communiter & vnanimiter, Sectarios no-
strates, post Caluinum qui l. 3. institut. c. 23. §. 6. lau-
dato in eam rem Laurentio Valla, ita docuit expli-
catè omnino ac disertè, verbis illis, *non alia ratione
Deus quæ futura sunt præuidet, nisi quia ita ut fierent de-
creuit.* Eadem habet Calvinista Amesius de commu-
ni & recepta apud suos sententia t. 4. Bellarmini
eneruati l. 2. c. 2. & læpè alibi: E Catholicis Scripto-
ribus aliquos in speciem in ea sententia fuisse præter
autorem, nolim diffiteri. Esse tamen communem
sententiam, cui retinendæ noua doctrina de liberta-
te sit amplexanda, hoc verò est quod pernego.

Non enim fuit in ea sententia S. Thomas, quem
Aquarius in 1. d. 38. conclus. 6. benè ostendit non
assignasse pro ratione formali diuinæ præscientiæ
decretum diuinum, sed præsentiam rerum in æter-
nitate, quod ibidem latè tradit Capreolus q. 1. præ-
sertim ad argumenta Durandi contra primam, & an-

Bbbb

nuit Caietanus 1. p. q. 14. art. 13. *circa ad 1.* ingenuè professus suas angustias per annos 13. priusquam genuinus hic sensus mentis Sancti Thomæ, illuceret. Ridiculè verò autor, dictum S. Thomæ de hoc fundamento, trahit ad obiectum terminatiuum & materiale: quasi cum D. Thomas dixit, futura libera cognosci in præsentia quam habent in æternitate; hoc est in existètia suo tempore ponenda extra causas; sensus sit illam futurorum præsentiam cognosci per modum obiecti materialis, rationem autem formalem cognoscendi, esse decretum. Hoc dico ridiculè asseri: quia D. Thomas disertè & perspicuè querit de ratione formali cognoscendi. Nam futura à Deo cognosci iam præmiserat atque probauerat, artic. 9.

Non esse quoque diuinum decretum efficax, rationem primam formalem cognoscendi futura libera à nobis proditura, docent Gregorius, Ocham, Gabriel, & passim Nominales in 1. d. 38. & quamuis aliqui Scholastici visi sint velle, decretum illud esse rationem formalem cognoscendi futuras nostras actiones liberas, plerique tamen egerunt tantum de ratione formali secundaria, alij autem de ratione formali inadæquata, cui adiungenda sit existentia rei futuræ tanquam ratio formalis partialis: quod reuera recidit in sententiam, quæ pro primo fundamento agnouit solam rei existètiam, vt suo loco plenè probaui. Videtis de varijs hisce sententijs cum interpretes 1. p. q. 14. ad artic. 13. tum Suarem lib. 1. de scientia futurorum, & Pennotum l. 3. propugn. c. 21.

Nullum nouæ libertati præsidium à præscientia.

IV. Hæc cum ita sint, quid in mentem venit aduersario, ut nouæ notioni libertatis, patrocinium quæreret, à motiuo siue obiecto formali diuinæ præscientiæ? quod vere quidem non cohæret cum antiqua libertatis notione: in sensu tamen qui ab ipso proponitur, seu ita ut sit primum & adæquatum quasi motiuum prænotionis nostrorum futurorum actuum liberorum, vix ab ullo Catholico doctore assignatum est, sed ferè tantum à Caluino atque sectarijs, qui hanc doctrinam auidè accipiunt, ut libertati vulgatæ seu indifferentiæ actiuæ, quæ ut autor rectè ait cum illo diuinæ præscientiæ fundamento primo non cohæret, negotium facessant, eamque si possint exterminent. Aut quorsum antiquam de libertate sententiam insinulat euersæ diuinæ omni-scientiæ, eo quòd ad retinendam antiquam illam libertatis notionem, necesse videatur admittere, rationem primam formalem cognoscendi futura libera non aliam Deo esse quàm existentiam eorum, quæ vera est, atque adeò cognoscibilis per intellectum infinitè perspicacem? Constitui verò idcirco à nobis Deum à rebus dependentem, aut emendicantem scientiam à rebus, quod autor obijcit; hoc negamus. Neque enim ratio illa formalis, mouet Deum aut quoquomodo perficit, sed cū vis eius cognoscitiua sit infinitè perfectæ, & ad omne cognoscibile porrigi debeat, non potest ad hoc quoque obiectum, eo

modo quo primum verè perceptibile est, non pertinere. Et ita Vvicleffistis eam diuini actus dependentiam obijcientibus, responderet Vvaldensis l. 1. doctrin. c. 29. n. 4.

Succisa hac radice, exarescat necesse est quod autor affirmabat, sententiam suam de libertate per commodam esse ad retinendam communem Theologorum sententiam, de præscientia Dei res causante. Quod enim præscientia, iuxta ipsum nitatur diuino decreto, antecedente determinationem voluntatis creatæ, & tam præscientia quàm decretum antecedant existentiam nostri actus liberi, præscientiam quoque inter eius causas recenset, quòd non potest facere de libertate sententia, quæ non admittit præscientiam fundari in decreto antecedente, sed eam fundat in ipsa existentia actus liberi: quam proinde statuit ratione priorem prænotione diuina, tantùm abest vt ab ea causari possit. Vides (vt dixi,) ex dictis de ratione prima formali cognoscendi futura, hunc eius surculum succidi.

Præscientia non est causa existentia rerum.

V. Neque verò est quòd minori apud nos in pretio sit antiqua libertatis notio, idcirco quòd iuxta eius principia, non liceat dicere diuinam præscientiam esse causam rerum. Hoc enim non modo falsum est, sed etiam planè improbabile, vt rectè affirmat Pennotus l. 3. propugn. c. 12. n. 4. Nec est verum eam fuisse sententiam omnium antiquorum, vt per

NIL PRÆSC. ET IMMVT. CVM NOVA LIBERT. 363
prodigam veritatis dilapidationem dixit Ripa 1. p. q.
14. artic. 13. sed vix vllus antiquorum ita opinatus est,
vt rectè ex eorum principijs colligit Suares prolego.
2. de grat. c. 10 à n. 24. Et certè cùm diuina scientia, vt
D. Thomas rectè statuit 1. p. q. 19. art. 4. ad 4. non pos-
sit esse causa rerum, nisi vt dirigens, quod non nisi ad
modum prudentiæ vel artis præstare potest; manife-
stūque sit diuinam prænotionem neutro modo
dirigere diuinam potentiam ad causandam nobiscū
operationem liberam, quam prænotio supponit edu-
ctam è causis suis, nec vltra egentem influxu aut di-
rectione ad eam causandam, manifestum omnino
videtur, diuinam præscientiam non posse dici cau-
sam rerum. Idque apertissimè ferunt loca illa Patrū,
quibus dicitur non idcirco rem esse futuram quia
præscitur; sed è contra potius, idcirco rem à Deo
præsciri, quia est futura. Origenem, Iustinum, Atha-
nasium, Chrysostomum, Epiphanium, Hierony-
mum, Isidorum Pelusiotam, Cyrillum Alex. Da-
mascenum, Procopium, Anselmum, Hugonem
Victorinum, & alios præterea quàm plurimos attuli
in Morali dist. 2. à num. 337. Imo Franciscus Romeus
lib. de operum libert. veritate 8 omnes ferè antiquos
Ecclesiæ Doctores id tradidisse confirmat. Atqui si
præscientia esset causa futurorum liberorum, liceret
omnino dicere, rem esse futuram quia prænoscitur,
& falsò adderetur, rem idcirco prænosci, quia est
futura, quæ locutio apertè fert, prænotioni suppo-
ni futuritionem.

Respondet autor supra num. 11. nisi fallatur, solidè

B b b b iij

expediri hæc Patrum loca, dicendo, in eis diuinam scientiam non considerati vt diuina est, qua solùm ratione est causa rerum; sed precisè considerari prout dicit adæquationem scientis & sciti, sub qua ratione non est causa futurorum, sed ea subsequitur, tanquam illis posterior ratione.

VI. Admitto aduersarium falli. Neque enim hæc est solida expeditio locorum prædictorum Manifestissimè namque Patres, agunt de præscientia, vt est præscientia, potèstque præire diuinationi futurorum à qua nomen diuini & diuinitatis haustum esse, vt ab homine humanitatem, ait Lactantius l. i. inst. c. ii. Volebant siquidem Patres ostendere contingèciam futurorum liberorum non lædi per præscientiam: probant autem non lædi, quia quod alicui præsupponitur, eique obijcitur, non potest impediri per illud ad quod præsupponitur, & cui præit tanquam obiectum: Et tale esse dicunt futurum liberum, respectu præscientiæ Dei. Ergo aperte sumunt præscientiam adæquatè, siue prout est præscientia, quo pacto est actio proprijsimè diuina: ac proinde vt sic, non est causa existentiæ rerum, iuxta Patres.

Vnam & alteram sententiæ huius suæ rationem profert aduersarius, sed planè inanem. Prior est, res futuras determinari ac definiri per intellectum. At per illud res causatur, per quod determinatur & definitur. Ergo per scientiam res causantur. Huius argumenti maior, si (vt necesse hoc loco est,) intelligatur de intellectu speculatiuo, cuius partus est præ-

NIL PRÆSC. ET IMMVT. CVM NOVA LIBERT. 565
scientia, perspicuè falsa est. Solius enim intellectus
practici est, definire aut determinare, vel per mo-
dum prudentiæ, vel per modum artis, quorum neu-
trum cadit in præscientiam, quæ est notitia specula-
tiua. Eiusdem furfuris est posterior ratio, quam hoc
modo format autor Omnia quæ habent conueniē-
tiam adinuicem, ita comparantur, vt vel vnum sit
causa alterius, vel ambo ex eadem causa progermi-
nent. Atqui omnis scientia infert assimilationem
scientis & sciti. Ergo cum scitum futurum non sit
causa diuinæ prænotionis, nec detur communis cau-
sa à qua ambo prodeant, fatendum est, diuinam præ-
notionem esse causam existentia rei futuræ ad quam
terminatur. Maior huius argumenti falsa est. Non
enim si duo homines sunt similes, consequens est,
vt vel eorum vnus alterum genuerit, vel ambo ab
eodem sint progeniti. Quare perperam planè aduer-
sarius, statuit scientiam diuinæ visionis, esse causam
existentia futurorum.

Nec simplex intelligentia Dei. est causa essentia rerum.

VII. Æquè absurdè num. 10. ait, scientiam illam
diuinam quam vocant simplicis intelligentia, esse
causam essentia rerum creatarum, eo ductus argu-
mento, quòd essentia creaturæ sit verbum quoddam
finitum, iuxta illud Lucæ 1. *non erit impossibile apud*
Deum omne verbum: Necessè autem sit, verbum
quodcunque finitum dependere à verbo consub-
stantiali & infinito, vt sit verbum verbi, & exigua

expressio diuini illius verbi per quod sunt omnia. Verum autor nunquam probabit necessitatem illam dependentiæ à Verbo diuino, quam verbo creato nondum existentiae luce potienti affingit. Nam essentiae rerum, (vt superius ex D. Thoma dixi, consentiuntque omnes ad vnum Theologiae Philosophi,) sunt independentes: ita vt quamuis quandiu essentiae duntaxat sunt, & mero possibilitatis statu continentur, respiciant transcendentaliter diuinam omnipotentiam, per quam effici possunt, & educi in existentiae lucem: tamen quandiu in eo statu delitescunt, à nullo prorsus depēdeant de facto, ac ne à Deo quidem; quia tantum habent non repugnantiam essendi, quæ ratione prior est omnipotentia Dei prout causante, & aliquid à se dependens statuente. Nec verum est, rerum essentias definiri aut determinari per diuinam scientiam. Neque enim bos, aliam potuit essentiam habere, quam habeat reipsa: neque aliter intelligi aut concipi, etiam à Deo potuit, quam sub eo essentiae suæ obiectiuo conceptu quem nunc habet: alioqui non esset bos, sed aliud quippiam contra suppositionem.

VIII. Perspicuum ergo videtur, nihil ex iis quæ Theologo rata esse debent quoad fundamentum diuinæ prænotionis, eiusve comparisonem ad obiecta futura in quæ fertur, postulare præsidium nouæ doctrinæ de natura libertatis: sed retenta antiqua libertatis notione per indifferentiam actiuam, æquæ defendi ac explicari posse: si quid verò auctori de diuina scientia asserere placet; quod cum vulgata & ab omnibus

NIL PRÆSC. ET IMMVT. CVM NOVA LIBERT. 567
omnibus ante eum recepta libertatis notione non
cohæreat, viderit ipse quàm solidè id stabiliat, aliter
quàm abiectiōe communium notionum. Nobis
enim communes nominum notiones retinere fi-
xum est, quia non ignoramus de quibus scriptum
sit à S. Hilario sub initium libri secundi de Trinit. *Au-*
diētes fallunt, dum naturas nominibus adimunt, quia
nomina non possunt auferre naturis: quæ & alia ad eam
mentem, iam suprà annotaui. Sed bonum est itera-
re, ne leue existimetur, quod non frequenter repe-
titur, iuxta S. Augustini monitum.

Nihil nouæ libertati, cum constantia decretorum Dei.

Tandem quod in sua noua de libertate doctrina,
eiusve principijs, aliquod esse præsidium tuendæ im-
mutabilitati diuinorum decretorum affirmat autor,
non video quo iure dicatur. Esse sanè diuina decreta
planè immutabilia ex quo semel lata sunt, extra con-
trouerſiam est. *Neque enim, ut ait S. Ambrosius l. de*
Noë & arca c. 4. cogitat Deus sicut homines, ut aliqua ei
noua succedat sententia. Et in eundem sensum S. Gre-
gor. 16. mor. c. 18. accipit illud Iobi, Ipse solus est, & ne-
mo potest auertere cogitationes eius. Nimirum quia se-
mel fixa iudicia mutari nequaquam possunt.

Nihil tamen prorsus occurrit, ratione cuius dici
possit, non modò nouam sententiam (quod est pers-
picuum,) sed etiam quæcunque ei connexa apud au-
torem, ut prædefinitionem mouentem, & ex ea de-
ruiatam temporalem voluntatis creatæ prædetermi-
nationem, quæ cum noua libertatis notione cohæ-
rere dicuntur, non cum antiqua; opportuna aut ne-

cessaria esse, ad tuendam, vel commodè exponendam diuinorum decretorum semel latorum immutabilitatem. Nam seclusa noua notione libertatis per amplitudinem & eminentiam, & seclusa quoque omni prædefinitione & prædeterminatione diuina, facile dicam, idcirco decretum diuinum, semel latum, esse immutabile, quod res absolute futura, ex suppositione quòd sic præuideatur, non possit non esse qualis præuidetur. At si Deus inter decretum suum æternum semel latum, & tempus quo res futura est, mutaret decretum, res illa pro eodem temporis puncto futura esset, vi decreti anterioris, & vt futura præuideretur ante subrogationem secundi decreti: quo in locum prioris substituto, res pro eodem puncto præuideretur non futura: quæ est aperta cōtradictio. Igitur transitus ille Dei ab vno decreto ad alterum oppositum, est impossibilis. Quæ hîc necessitas, vel opportunitas, nouæ de libertate sententiæ, ad tuendam vel explicandam diuinorum decretorum semel latorum constantiam, & immutabilitatem omnimodam?

DISPUTATIONIS CLAVSVLA.

Spectatos à se aliquādo certātes Pancratio, prodit Philo lib. quòd omnis probus liber, alterum obtundentem pugnis & calcibus, totisque viribus contendentem ad victoriam, tandem lassum & incoronatum è stadio discedere: alterum carnosum, nervosum, musculosum, refectumque spiritu verè athletico, tanquam saxum ferreumve, nihil plagis cedere, solâque patientia superare aduersarium, & ad extremum adipisci victo-

NIL PRÆSC. ET IMMVT CVM NOVA LIBERT. 569
riam. Hoc ille in quibusuis proborum pro vero aut
honesto certaminibus, æquè vsu venire, animaduertit.
Quorsum hæc? Nempe ventum est ad initi cer-
taminis metam. Quòd si iudice Philone, pugnat fœ-
liciter, qui exultante aduersario fortiter durat, & pa-
tientia constantiam tenet inconcussam, non erit
æquo Lectori difficile, facta nostræ huius & aduer-
sarij scriptionis contentione, statuere vter fœlicius
pugnarit, vtrave ex parte stet victoria.

Et fuit tamen pro ea re certamen, quam, vt idem
Philo affirmat, gentes omnes bellis continuis tueri,
honestum iustumque duxerunt: Cuius obiectu Cen-
turiones, Tribuni, & Imperatores ipsi, nullam habent
efficaciorē cohortationem in prælijs: illud plus satis ad
incendendos milites valere rati, *ESTE VIRI, LI-
BERTAS AGITVR*. Vt in tanti profectò boni
suscepta defensione, vel aliqua patientia finium
transgressio, exoratura æqui arbitrij dissimulantiam
iustè videretur; quod & S. Gregorius excussum cum
ferro manubrium, vt est in Regum historia mysticè
interpretatus, scitè tradidit.

Non igitur in ea quam dedi compressione, vehe-
mentis & quantum nuda verba fortiter impacta va-
luerunt, potentis ac validæ impressionis in antiquā
doctrinam de libertate, illam Petri Blesensis clausu-
lam qua aduersarium durius habitum compellans,
epistolam 131. obsignat, huic metæ necessariam vel
opportunam habeo: *Coxi pulmentum tibi. Si verò co-
lochyntidas sapiat exhortatio minùs blanda, farinam pa-
tientia & deuotionis Eliseus apponat*. Illud potius in

hoc digressu, quod tota dimicatione connisus sum, contestari aduersarium volo, & in charitate non ficta commonere, per anticipatum sapientum omnium sensum; per scholę vniuersę pręiudicia; per doctrinę sanę incolumitatem inde pendentem; per bonum Ecclesię quod in eo vertitur; vt abiecta posthac consecratione vocum exoticarum, rotunde ac simpliciter res exponens, ab ijs auertatur, de quibus I. de carne Christi cap. 24. Tertullianus expostulat, quod *nec nomina in luce proprietatum suarum conseruent*: vt mysticus audire rebus protrititis insolito verborum inuolucro obuoluendis non affectet: vt nouitatibus quas placendi cupido, & stuporatz glorię amor, suadet quærere, parcitum posthac & temperatum velit.

Galli per antiqui, sancti æquę ac doctrina præstantis, prudens in commonitorio monitum, paucis hæc omnia complexum, quia huc perbellę cadit, & appositissimum est, meum esto. *Nolo pro auro aut impudenter plumbum, aut fraudulenter aramenta supponas; nolo auri speciem, sed naturam planę: o Timothee, o Sacerdos, o Doctor, si te diuinum munus idoneum fecerit, ingenio, exercitatione, doctrina, esto spiritalis tabernaculi Beselëel, pretiosas diuini dogmatis gemmas excupe, fideliter coapta, adorna sapienter, adijce splendorem, gratiam, venustatem.* Intelligatur te exponere illustrius quod antea obscurius credebatur. Per te posteritas intellectum gratuletur, quod ante vetustas non intellectum venerabatur. Eadem tamen quę didicisti ita doce, vt *CVM DICAS NOVE, NON DICAS NOVA.*



ΑΛΛΗΛΟΥΧΙΑ.

NOSTRÆ ET ADVERSA-
rij Scriptiois.



T constet bona fide actum à nobis cum aduersario, nihilque ab eo aduersus veterem de libertate doctrinam propositum esse opere vniuerso, cui à nobis satisfactum sufficienter non fuerit; quia alio ordine quàm ipse iniuerit, versati in hac tractatione sumus; proferendum hoc loco duximus syllabum capitum tractationis aduersarij, signatis ad singula locis tractationis nostræ, quibus confutatio vel expensio noua doctrina continetur. Esse enim hoc candidi animi argumentum S. Eustathius pulcherrimè tradit, initio disputationis de engastrimytho. De parergis tamen auctoris, solliciti non fuimus. Cuiusmodi sunt quæ auctor l. i. toto c. 13. disputat contra sententiam quæ admittit actus indifferentes in indiuiduo. Et quæ de relationibus extrinsecus aduenientibus agitantur l. i. c. 25. & quæ multis capitibus libri secundi excutiuntur, quid, unde, ubi,

quare, & ex qua idea sit malum. In hac & alia pleraque ad rem propositam nullo modo spectantia, excurrere, tantum ut liber cresceret, consilium non fuit.

Præfatio, qua autor & veterem sententiam pro-
scindit, & damnat nouitatis ac peregrinitatis.

Nos prolog. 2. & parte 1. c. 4. ad finem.

Liber I. Caput I. Notio libertatis noua per am-
plitudinem.

Nos parte 1. c. 2. & s.

Caput II. Diuisio libertatis.

Nos p. 1. c. 6.

Caput III. Noua libertatis quidditas & radix
probat ex Scripturis.

Caput IV. Idem probatur ex Patribus.

Caput V. Idem probatur ex Philosophis.

Caput VI. Idem ex Scholasticis.

Ad hæc quatuor capita, respondemus p. 1. capite 8.

Caput VII. & VIII. Idem probatur rationibus.

Nos p. 1. c. 9.

Caput IX. X. & XI. Dari libertatem circa finem.

Nos p. 1. c. 6.

Caput XII. Cuiusmodi sit indifferentia libertatis.

Nos p. 2. c. 3.

Caput XIII. Parergon de actibus indifferenti-
bus in indiuiduo.

*Autor seuerè damnat qui eos admittunt. Quanto inre,
dixi in Morali dist. 4.*

Caput XIV. An liberum sit quod mouet seipsū.

Nos p. 1. c. 10. & p. 2. c. 2. & 3.

Caput XV. Præludia ad resolutiones de diuina prædeterminatione.

Nos p. 2. c. 1.

Caput XVI. Deum nos determinare ad speciem actus.

Nos p. 2. c. 2.

Caput XVII. Deum nos determinare ad exercitium.

Nos p. 2. c. 3.

Caput XVIII. XIX. XX. XXI. XXII. De prædeterminationibus.

Nos p. 2. cap. 1. & 3.

Caput XXIII. Impugnatio scientiæ mediæ.

Nos parte 2. c. 7.

Caput XXIV. Corollaria.

Nos p. 1. c. 5. & p. 2. c. 1.

Caput XXV. Alia corollaria.

Nos p. 2. c. 8.

Caput XXVI. Obiectiones quòd Deus sit autor mali.

Nos p. 2. c. 3.

Caput XXVII. Ad obiectiones quòd ruat libertas.

Nos p. 2. c. 3.

Caput XXVIII. XXIX. XXX. Ad alias obiectiones.

Nos p. 2. c. 3.

Caput XXXI. Peccandi potentiam non esse partem libertatis.

Nos p. 1. c. 4.

Caput XXXII. Applicatio variarum libertatis descriptionum.

Nos p. 1. c. 10.

Caput XXXIII. De libertate Christi.

Nos p. 2. c. 5.

Caput XXXIV. & XXXV. Synopsis libertatis.

Nos p. 1. c. 1. 2. 3. 4.

Caput XXXVI. Cur noua libertas iaceat, prisca vigeat.

Nos p. 1. c. 11.

LIBER II.

Caput I. II. III. De libertate Dei ad intra.

Nos p. 1. c. 2. & 5.

Caput IV. V. VI. VII. VIII. De libertate Dei ad extra.

Nos p. 2. c. 6.

Caput IX. De libertate Christi.

Nos p. 2. c. 5.

Caput X. & XI. De libertate Dei iuxta D. Thomā.

Nos p. 2. c. 6.

Caput XII. & XIII. Myſteria de deſcenſu libertatis à Deo ad creaturas.

Nos p. 1. c. 12.

Caput XIV. De ſubiectione libertatis radice.

Nos p. 1. c. 4.

Caput XV. De varijs libertatis creatæ gradibus, myſteria.

Nos p. 1. c. 5. 6. & 12.

Caput XVI.

Caput XVI. XVII. XVIII. XIX. XX. XXI.
Quid, ubi, unde, quare sit malum & quod eius ex-
emplar.

*Nos de his parergis latè in Mor. D. 4. quatenus utiliter
inquiri in ea potest.*

Caput XXII. XXIII. XXIV. XXV. Quomodo
Deus malum permittat, non causet.

Nos p. 2. c. 3.

Caput XXVI. De progressu libertatis depravate,
mysteria.

Nos p. 1. c. 12.

Caput XXVII. De libertate consummata, myste-
ria.

Nos p. 1. c. 12.

Caput XXVIII. & XXIX. De servitute dam-
natorum.

Nos p. 1. c. 4.

Caput XXX. & ultimum, continet tantum ora-
tionem ad Deum.



SPECIMEN SYMPHONIÆ
variorum aduersarij locorum.



*N*ULLVM certius solida doctrinæ ac veritatis argumentum, quàm constantia, et principiorum ac conclusionum quibus uniuersa disciplina continetur, perpetua consensio. Vna quippè est, et ideo semper sibi concors ac dissidia præcludens, veritas: cum è cōtrà falsitas, ut à vero, sic ab uno scindatur. Quare cum in tractatione aduersarij, qua noua de libertate doctrina proponitur, frequentes admodum contradictiones, et autoris cum seipso conflictus occurrant; eúmque negantem uno loco quod in alio asserit; aut hic approbantem quod alibi reprehendit, notare frequenter liceat; visum est pauca de multis doctrina inconstantis apud autorem exempla decerpere, et hic tanquam specimen soliditatis noua doctrina exhibere, ut æquus Lector faciliùs qua ex parte stet veritas, iudicium ferat.

I. Sistendo in vno è finibus inferioribus, v. g. in scientia, aduenit voluntati in eum finem tendenti, independentia quædam à mediis, & magnitudo su-

pra ea, quæ est vera libertas. Autor l. i. cap. i. num. 2.

Negat toto libro i. semper docens, libertatem esse amplitudinem ex adhesionem cum Deo solo, non autem cum aliquo fine inferiore.

II. Libertas à necessitate, est eadem cum libertate à peccato, l. i. c. 3. n. 1.

Libertas à Christo proposita, (quæ sanè est à peccato,) non opponitur necessitati, ibid.

III. Libertas est dominium actuum nostrorum, l. i. c. 1. n. 3. & l. 2. c. 29. n. 4.

Libertas non est dominium, l. i. c. 7. n. 1. & non datur dominium actuum, l. i. c. 9. n. 6.

IV. Libertatis tres species, l. i. c. 7. n. 2.

Sunt una & eadem species, l. i. c. 2. n. 3. & l. 2. c. 3. n. 4.

V. De præscientia conditionata, nullus apud D. Augustinum sermo. l. i. c. 8. n. 2.

D. Augustinus, præscientie conditionatæ aperte meminit, l. i. c. 23. n. 2.

VI. Causæ secundæ liberæ non determinantur à Deo ad exercitium, immiissione actus primi fluentis, sicut determinantur causæ naturales, l. i. c. 28. n. 2. & 3. c. 20. n. 4.

Causæ secundæ liberæ æquè ac naturales, determinantur præimmiissione illa, l. i. c. 17. n. 2.

VII. Deus primùm efficit, tum refert ad finem, l. i. c. 15. n. 2. & 5.

Omne agens primò finem respicit, l. i. c. 16. n. 4.

VIII. Deus cùm inclinat voluntatem via persuasionis non se gerit eo modo quo homo homini per-

suadens, sed absque vlla exploratione dispositionis subiecti, persuadet, l. 1. c. 22. n. 7.

Deus persuadendo homini super hominis dispositione edificat, & per ipsum hominem quem ita affectum reperit, persuadet, ibid n. 11.

IX. Causa libera non determinatur à seipsa sed à Deo, l. 1. c. 17. & seqq.

Causa libera seipsam determinat, l. 1. c. 24. n. 1. & l. 2. c. 5. n. 1.

X. Quicquid est in actu malo præter privationem, prædefinitur & prædeterminatur à Deo, l. 1. c. 25. n. 1. & c. 26. n. 4.

Actus positivus qui est materiale peccati substratum malitia, non prædeterminatur à Deo, l. 1. c. 26. n. 2. & 8.

XI. Efficacia motionis diuinæ, est ex Dei intentione & voluntate, vel quia Deus mouet accommodatè ad statum in quo sumus, vel quia ipsum statum mutat in alium, l. 1. c. 29. n. 4.

Efficacia gratiæ ita est ex Dei voluntate, ut dicere Deum ad statum creaturæ respicere, sit de Deo indignè sentire, debeantque erubescere qui hoc dicunt, l. 1. c. 20. n. 3.

XII. Liberum à coactione sola, non sufficit ad libertatem, l. 1. c. 34. n. 3.

Liberum à coactione satis est ad libertatem, l. 2. c. 2. n. 2. & 5.

XIII. Liberum causaliter est, quod subijcitur Deo ut principio & fini, l. 1. c. 34. n. 1.

Subiectio ad Deum ut ad principium, est extranea libertati, l. 2. c. 12. n. 2.

XIV. Dei liberrima intra semetipsum communi-

catio est, l. 2. c. 2. n. 1.

Non est liberum Deo sese intra semetipsum communicare. Mox ibid. & c. 4. n. 1.

XV. In Deo ad intra, non datur libertatis exercitium, l. 2. c. 3. n. 3.

In Deo ad intra, datur exercitium libertatis, l. 2. c. 2. n. 6.

XVI. Liber est in agendo qui citra præuiam ullam determinationem ad communicationem & effusionem sui progreditur, l. 2. c. 4. n. 4. & in specie de agente secundo idem docet, c. 5. num. 5. & 6.

Agens, creatum quantumvis liberum, exigit præuiam determinationem ut agat, idque est illi essentiale, l. 1. à c. 15,


XVII. Deus non determinatur à seipso ad agendum ad extra, l. 2. c. 5. n. 7. & c. 7. n. 3.

Deus à se determinatur ad agendum, cum nihil agat nisi determinetur ex l. 1. c. 19. n. 2. & Deum ab alio determinari, impossibile statuit autor.

XVIII. Libertas est indifferentia actiua coincidens cum dominio & sui potestate, l. 2. c. 29. n. 4.

Libertatem esse indifferentiam, aut dominium, aut potestatem, negat toto l. 1.

Eccc




INDEX RERVM PRÆCIPVARVM

QVÆ HOC TRACTATV

continentur.

A.



CAVSARE si suffi-
cit, nemo innocens.
263

Actio omnis quomodo fit à
Deo. 477.n.21

Actio quando dicenda libera, si
voluntas se sola agere posset.
496

Actiones creaturarum non pos-
set impedire Deus, nisi cum
ipsis concurreret. 481.n.23

Actus omnis liber non attingit
Deum. 88

Actus omnis humanus ex deli-
beratione praua elicitur.
223.n.9

si ad Actus liberos non est neces-
sarius Dei concursus, neque est
ad necessarios. 484.n.25

Actus prædeterminatus induit
necessitatem. 335

Actus perfectio crescit pro di-

gnitate obiecti. 43

Actus meritum & laudabilitas
in quo consistat. 533

Actus suspensio est aliquid libe-
tum. 56.57

an | Actus prædeterminatio se-
cernatur à potentia præde-
terminatione. 327.n.7. non
coheret cum libertate. 331.
n.9

an Actus aliquos reflexos præ-
ter actum voluntatis elicie-
rit Christus! & quinam illi
dicantur. 531.532

Actui malo an Deus coöperetur:
374.375.& seqq.

Actum rectum elici propter fi-
nem vltimum & ex amore
Dei puro ac prorsus honesto,
ac nequaquam ex amore con-
cupiscentia, erroneum est.
143 n.18

Pfff

Index rerum.

- A**ctuum domini quomodo esse possumus. 227. 228
- A**ctuum supernaturalium librorum simulne instrumenta an causæ principales. 405. n. 29
- A**dhæssio viatoris cum Deo est actus liber, contra nouum doctorem. 87. 88
- A**diutori diuini nomine quid intelligat Orosius. 464. n. 13, quid item Hieronymus. 466. n. 15
- A**dversarius mysticus totus, atque Platonius. 292. n. 2.
- an **Æ**ger liberè pati morbum dicatur. egregia inde comparatio de libertate Christi. 529. n. 10
- Æ**gyptiorum proprium quarto modo est fabulari. 11
- A**gentis primi ratio quomodo se habeat in Deo. 347. 348. 349. & seqq.
- an omnis **A**gens liberè adhæreat Deo. 88
- an **A**gentium ordo finium ordini respondere debeat. 403. 404. n. 27
- A**mesius Calvinista quid sentiat de scientia media. 550. 551
- A**mor insanus parandæ retinendæque gloriæ via est ad hæreses. 298
- A**mor nostri & amor carnis producit ab adversario tanquam prima causa novæ re-
glectæ libertatis. 255. n. ei-
dem quoad hoc respondetur
260. n. 5. idem amor novandi
causa, 279. n. 17
- A**mor matrum erga prolem
etiam deformem. 289
- A**mor in bonum & pulchrum
fertur. *ibid.*
- A**moris nostri erga Deum, do-
minium eripit novus author.
228. 229
- A**mplitudo : & an in ea sit posita
ratio libertatis. 40. 41
- an **A**mplitudo absque libertate
sit in Deo & beatis. 47
- A**nima quomodo dicenda tran-
sire in Deum. 306. 307
- A**nima libera etiam iuxta Græ-
cos Philosophos. 62. 63
- A**nimam esse Dei imaginem ra-
tione libertatis, ex D. Basilio.
ne. 191. 192
- A**nimæ cur dantur alæ à Plato-
200, n. 15
- A**nimæ lectæ paucæ quibus au-
rea materia contigerit. 290.
n. 26
- A**nselmi locus de liberate expli-
catus. 187. 188. & seqq.
- A**postata Iulianus quibus vltus
sit vocibus. 310
- A**postolorum voces perspicuæ,
& implexitate carentes. 303
- A**rbitrium liberum *lege* caput 3.
fol. 61. 62. & seqq. *vide item*
Liberum,
- A**rbitrium & libertas qua dicitur
liberum

Index rerum.

liberum an idem. 190
 Arbitrium voluntatis quando
 verè liberum. 181. 182
 Arbitrij potestas, aliud est: aliud
 arbitrij libertas. 167. n. 7
 Arbitrij libertas duplici ministe-
 rio prædita est. 173. 174
 Aristoteles an rectè senserit de
 concursu diuino. 471. 472.
 quid de eius Theologia cir-
 cumferatur. 472. n. 18
 an Aversio à creaturis debeat
 subsequi conuersionem ad
 ad Deum. 141. 142. n. 17
 Augustini locus, dicentis mo-
 tum auersionis qui est pecca-
 tum, ad Deum autorem non
 pertinere, emaculatus. 502
 Augustinum crepat vbique ad-
 uersarius, sed est ab illius
 mente maximè alienus. 192.
 193. 194. & seqq.
 Augustinianus quidam Parisiis
 cur damnatus. 307. eius deli-
 cium de transitu hominis in
 Deum. 139. n. 15
 Aureoli sententia de Dei con-
 cursu eleuatur: & de illius
 operis dedicatione. 451. 452.
 470
 Autem coniunctio aduersatiua
 pro enim. 183. 184. n. 4
 Αὐτῆς ὅτι, & αὐτῆς ὅτι
 quid sint. 252. 253. n. 16
 Autor nouæ sententiæ de liberta-
 te vnde in fraudem actus, &
 quàm malè libertatem abusus

expertem cum libertate ad-
 æquatè sumpta confuderit.
 157. 158. 159. & seqq. Origo
 fraudis eius concluditur. 172.
 n. 10
 Authoris' noui temeritas circa
 canonem 4. sess. 6. Tridentini
 330
 Autores nonnulli malè intelle-
 cti ab aduersario libertatis ad
 vtrumlibet. 523. 525
 Autorum turba, tertia causa ne-
 glectæ nouæ, priscæ retæ li-
 bertatis. 256. repellitur. 265.
 n. 8
 Autoritas nulla pro noua de li-
 bertate sententia. 178. 179. &
 seqq.
 de Auxilio Dei, nonnulla. 465.
 466. n. 14
 Axiomatis, *Omne quod mouetur,*
ab alio mouetur, intellectus.
 137

B

B Aius cur damnatus. 128. n. 8
 Basilij locus de libertate ab
 aduersario productus, soluitur.
 191. 192
 Beatus quomodo amet Deum
 super omnia, & an possit cum
 illa dilectione violare præce-
 ptum affirmatiuum. 520. 521
 Beati quomodo liberi. 214. 215
 in Beatis libertas omnimoda,
 seruitus nulla. 107

Gggg

Index rerum.

an in Beatis possit esse amplitudo absque libertate. 49. an liberi sint circa Dei amorem.

54.55

Beatorum libertas sitne maior, quàm viatorum. 196. 197. n. 12. quomodo sit in illis indifferentia actiua. 199

Beguardi & Beguinæ quàm male de transitu animæ in deum senserint. 308

S. Bernardi locus egregius de libertate triplici. 167. 168. 169. n. 8. frustra eluditur. 169. n. 9

à Bestiis quomodo discernantur homines. 167. 168. n. 8

Biaçor & *Bayor*, quid designent. 302

an Bruta libertate aliquali potiantur, & in quo consistat. 60

C

Cabalistæ ridiculi. 301
Caictani doctrina quoad Dei liberam volitionem impugnatur. 6

Calvinus, ob quam libertatis negationem damnetur à Catholicis. 74

Calvinus hostis libertatis audiuit. 117. alius eiusdem error. 127. n. 6

Calvinus vult rejici vocem, *αὐτονομία*. 252. 253. n. 16

Calvinus de materiali peccati

quid sentiat. 380. quid in hoc differat ab authore nouo. 381. n. 12

de Catholicis quibusdam autoribus qui verborum novorum fuso spirituales audire volunt, & simplicibus grati, locus egregius. 305

Causa prima prius agit: quomodo id intelligendum. 497 498

Causa contingens quæ dicenda. 125

Causæ naturalis determinatio ut se habeat, quoad speciem. 363. 365

de Causa prima & causa secunda, loca illustria. 473

Causam primam determinari à secunda quid sit: & de illius concursus indifferentia. 412. 413

Causa secunda quo sensu dicenda sit moveri à prima: & quid sit illa motio. 406. 407. n. 30. & 31

ut Causa secunda determinet primam quoad speciem. 352. 353. 354. & seqq.

Causæ secundæ actus quomodo incipiat, & unde determinatio ad illum oriatur. 412. 413. n. 32. 33 34. & 35

quomodo Causæ secundæ possint à Deo actione prohiberi immediate & directe, verèque Deo subiiciantur, etiam ut causæ sunt. 411. n. 3

Index rerum.

- Causæ libetæ** determinantur à seipsis. 365.366
- Cessatio libera** ab actu, habetur pro actu. 239
- an Charitatis actus** semper obliget 228
- Christus** Physicè impeccabilis. 514.n.2
- Christus** veris præceptis affirmatiuis, etiam de subitione mortis, obstrictus. 515. 516. 517. & seq 527.n.9
- Christi voluntas** quomodo libera. 206
- Christi libertas**, illata licet face nouæ de libertate sententiæ, æquè tenebricola & inexpedita. 513 514. & seqq.
- Christianos omnes** in rigore esse sacerdotes pronuciari posset ex principiis noui Doctoris 175
- Chymicorum industria** in grandiore vocum sono. 301
- Coactio** pro necessitatione. 131
- an Coactio sola**, non necessitas aduersetur libertati. 127.128. 132
- Columna lucida**, firmitatis ac diuinitatis simulacrum. 3
- Comparatio Synesi** perbella de superbia & matribus. 289
- an Concupiscentia** amor sit malus. 143.n.18
- Concursus Dei & voluntatis** nostræ vt se habeat. 230
- Concursus diuinus** vnde appetatur generalis. 357. & indifferens. *ibid.*
- Concursus diuinus** an sit prior nostro. 497.n.32
- Concursus diuini** modus, quo exhibetur, defensio, ac stabilitio, contra nouam Theologiam. 425.426. & seqq.
- Concursus necessitas**, ad liberos actus extenditur. 483.n.25
- Concursum suum** quo modo nobis Deus exhibeat. 413.n.33
- pro Concursu Dei**, rationes. 476.477. & seqq.
- de Concursu Dei** quoad actus liberos difficultas enodatur. 487.488
- Cōsensu voluntario** discernimur à brutis. 167.168
- Conseruationem** negare debent negantes influxum Dei nobiscum. 479.480
- an Consultatio** aliqua de Dei amore institui queat. 221.n.7. 223.n.9
- Consultatio** quarum rerum sit. 126
- Contingens** quid dicatur 125. plura de eo. 126
- Conuersio perfecta** eminet inter actus nostros liberos supernaturales. 337.n.12
- an Conuersio libera** tollatur hac propositione: *Nulla est legitima conuersio ad Deum, nisi quæ consilia nostra & cogitationes antecederit.* 225.226

Index rerum.

an Conuersio ad Deum sit in-
tentio finis vltimi in ordine
gratiæ. 241.245.246
an Conuersioni ad Deum adiu-
genda sit auersio à creaturis.
141.142.n.17
de Conuersione peccatorum
quantumlibet induratorum.
419.n.36.421.n.39
Cor Regis in manu Dei esse, &c.
quomodo intelligendum. 334.
n.11
an Creatura quo in pauciores
actus erumpere potest, eo sit
liberior. 239.n.7
an Creatura possit agere depen-
denter à Deo, etiamsi Deus
nihil ei præimmitrat. 398
Creaturę scala sunt, qua ad Deū
subuehi licet. 14
an Credere possit anima, sint-
suasione vel vocatione. 337.
n.13

D

Dæmones ac damnati sint
ne absque peccato ex-
tra viam. 132.n.11. de eorum
libertate, D. Bernardi locus.
133
Dæmonum & damnatorum sce-
lera omnia, Dei non ipsorum
opera iuxta nouum doctorem
134.135.n.12
an Damnati & libertatis & pec-
cati sint capaces. 106. 107.

108. & seqq.
Damnati Deum blasphemant,
contra sententiam noui Do-
ctoris. 132
Decretum efficax non est ratio
prima prænotationis. 559.n.3
Decretorum diuinorum immu-
tabilitas in quo consistat, lege
cap.8. pag.555.556. & seqq.
Defectus libertatis quid sit. 96.
n.10
Definitio quælibet ex genere ca-
tegorico & differentia illud
arctante compingitur. 42
an Deificatio libertati conueniat.
30 31.32.33
Deipara nunquam peccauit quā-
uis peccabilitatem hinc habue-
rit. 325.n.6
an Deliberatio debeat præcede-
re actus electionem. 221.n.7.
223.n.9. an de Deo amando
iniri possit. 226.n.11
Determinatio & prædetermina-
tio quid sit. 328
Determinatio quoad speciem
actus, quid sit. 352.353.n.6.
& 7.
Determinatio ad exercitium est
ab ipsa voluntate. 364.365
Determinatio tollit indifferen-
tiam & ponit partem deter-
minatam. 366
rationes quibus Determinatio-
nem causarum secundarum
quoad exercitium fieri à Deo
probat nouus autor, produ-

- cuntur, & soluuntur. 403. 404.
& seqq.
- Determinatio Dei per creaturam quo modo intelligenda. 416. 417. n. 35
- de Determinatione causarum secundarum ad indiuiduum. 482. n. 24
- Deus immobilis propriè, iuxta Parmenidem. 3. cur centum-peda ab aliquibus appellatus. *ibid.*
- Deus est primum ac principale & fontale liberum. 37
- Deus ubiuis $\pi\acute{\alpha}\gamma\chi\rho\upsilon\phi\theta\varsigma$, & $\psi\omega\sigma\tau\eta$ $\pi\acute{\alpha}\gamma\chi\rho\upsilon\phi\theta\varsigma$. 5. quanta caligine abdat. *ibid.*
- Deus non minùs est forma quam peccatum remouet, quàm sol est forma tenebris immediatè aduersans. 183
- Deus cum indifferentia potest amari. 229
- Deus quomodo dicatur omnia stabilire, & statum omnibus conferre. 358
- Deus quomodo se gerat in inclinatione voluntatis. 336. 337. 338. 343
- Deus omnem causæ secundæ indeterminationem tollit, iuxta aduersarium. 346. 347. 348. & seqq.
- Deus quomodo liber, iuxta aduersarium. 335. n. 2. non est ad rem eius resolutio. 336. n. 3 & seqq.
- Deus ad intra & extra quomodo liber. 48. 49. 50. 51
- Dei libertas captus nostros quàm maximè superet. 3. unde eruatur. 37
- Deus ad extra quomodo agat 350. n. 5
- Deus quomodo dici possit pendere à causa secunda. 354. n. 7
- an Deus in ordine gratiæ habeat rationem vltimi finis. 241. n. 9. 245. n. 11
- an Deus spectet actionem sub conditione nunc secuturâ. 504. 505. an attendat ad virtualem voluntatis determinationem. 506. 507
- an Deus erga creaturas intelligatur liber esse ob amplitudinem vllam suam. 47
- Deus non vtitur inexplicabilibus vocibus. 310
- an Deus videat quandonam concurrendum sit. 487. 488. 489. 490. & seqq.
- quæ Deus liberaliter indulsit, ea seruari integra par est. 352
- Deus quo sensu dicatur fore omnia in omnibus. 83. 84. 85. 86
- Deus non est autor peccati. 499. 500. & seqq.
- Deus esset peccati autor, si determinatio voluntatis nostræ esset ab eo. 374. 375. n. 8
- Deum non esse peccati autorem, esse tamen causam, quo sensu dixerit Olkot. 503

Index rerum.

- Deum esse liberum in sui communicatione, & liberum esse Deo ut secundum illam communicationem se communicet, penitus idem. 53. 54
- Deum gradu & ordine finis ultimi deicere quid sit. 216
- Deo amicus qui putandus. 119. 121
- de Deo ut de homine nec cogitandum nec loquendum. 418. 419. n. 36. & 37
- Diabolus non caret libero arbitrio. 133. 134. n. 11
- Dictum de deserto quidem, sed causam non attingenti. 536. n. 3
- Disciplinarum pestis, liberorum ingeniorum mancipatio in servitutem. 146. 147. n. 1
- Disciplinis exitiale consilium. 266
- Disertè non sonat quod ineptè dicitur. 271
- Disputatori vitanda maledicta, conuitiaque. 22
- Doctores omnes tam novos quàm antiquos petit nova de libertate sententia, quinque obiectis. 225. n. 2. 258. n. 4
- Doctrina de libertate ad utrumlibet, non nova & peregrina, contra novum Theologum. 77
- Doctrina Christiana siue Theologica per se perfecta, ac nullius indiga. 470. eiusdem ac Philosophicæ cõparatio. *ibid.*
- quæ Doctrina & persuasio, idem sit. 337. n. 13
- in Doctrinis quasi in præstigiis mirifici sunt homines. 301
- in Doctis paucioribus plus est momenti quàm in pluribus imperitis. 266
- Dominium quid sit. 338. n. 14
- Dominium in actum, & indifferentia activa, an idem sint. 227. n. 12
- an Dominium spectet obiecta vel actus. 238. n. 6. 239. n. 7
- Dominium actuum nostrorum à novo Doct. impugnatur. 250. n. 14. 251. n. eod.
- Durandus cur malè audierit in scholis Theologicis. 288
- Durandi autoritas aduersus vnanimem scholasticorum pro concursu Dei consensum, eleuatur. 450. 451. n. 6. 470

E

- E**cclēsia fidei magistra. 277
- E**cclēsia perſentit olim ac etiamnum perſentit quàm pernicioſæ nouitates. 284. n. 21
- Effatum apud Ethnicos vulgatiſſimũ: *Omnis ac ſolus probus liber.* 202. 203. n. 17
- Effectus liberi in humana voluntate, duo ſecernendi. 541
- Electio eſt partus liberi arbitrij, & quid eã deſignetur. 75

Electio non est adæquatus actus
libertatis. 234
an Electio mediorum à Dei de-
terminatione pendeat. 242.
246
in Eminentia non consistere li-
bertatem. 40. 41
Eneph Degrum maximus apud
Ægyptios, & quomodo de-
pictus. 5
Errones & hæretici, vulgatam
libertatis notionem supposue-
runt. 73. 74
Erronibus solemne est veritatis
se propolas venditare, aduer-
sarios autem proditæ verita-
tis, &c. insimulare. 276
Errores in fide novi Doct. quàm
plurimi passim, sed præsertim.
114. & seqq. 584. & seqq.
Essentiæ rerum & quidditates
Metaphysicæ non sunt mysti-
cè exponendæ. 217
Essentiæ rerum sunt indepen-
dentes & ex se necessariæ:
sunt item sicut numeri. 361.
n. 12
Ethnicorum de libertate opinio-
nes. 62. 63
Exercitium actus, nova liberta-
te non eger., 64. 365. & seqq.
Exultatio præpropera, ruboris
sæpe sementis est 168

F

Facilitas maior obsistendi
hæreticis quæ in vulgari de
libertate sententia ostentatur,
quinta causa novæ neglectæ
libertatis recensetur à nouo
authore. 256. admittitur hæc
causa. 271. 272. n. 12
Falsa simpliciter & absolutè, pos-
sunt esse vera sub conditio-
ne etiam si impossibili. 2489
Fatum: quæ causa mouit Patres
vt aduersus illud conclama-
rint. 371. n. 6
Fatarij, venefici dicti, & quam
libertatis notionem impete-
bant. 74
Fidei regulæ irreformabiles, &
immobiles sunt. 485
Finis quomodo sit mensura om-
nium quæ ad finem sunt. 359.
n. 11. 361. n. 12
Finis vltimi ratio in Deo quo-
modo se habeat. 347. n. 2. & 3.
349. n. 4. & 5
an Finis vltimus siue Deus nun-
quam moueat nisi conuer-
tendo ad se. 274. n. 12
an Finis vltimus sufficientissimè
se solo determinet volunta-
tem. 241. n. 9. 243. n. 10
Fonscæ sententia de libera
Dei volitione expugnatur.
6. & 7
Forma prædeterminans nullo

Index rerum.

modo per nouam de libertate
doctrinam cum humana li-
bertate foederatur. 316. 317. &
seqq.

Fortitudo nostra, fauilla stupæ,
338.n. 14

Futurorum diuina prænotio in
quo fundetur. 555.n. 1

G

G Amachæus malè intelle-
ctus ab authore nouo. 523
525

Gerſo aduerſus Ioannem Rus-
brochium. 295. 296. 297. &
& ſeqq.

Gratia nullo modo minuit liber-
tatem 236

Gratiæ diuinæ nomine quid in-
tellectum à Pelagio. 465.n. 14
466. 467. & ſeqq.

Gloria, cauſa hæreſum. 267. 268
269

H

Hæreſes, puræ putæ ſunt
nouitates. 284.n. 21

Hæreſibus aditus pateſcit etiam
nouitate orationis. 306

Hæreſum inter primarios fontes
numeratur placendi amor.
263. 264.n. 7

Hæretici nouandi cupiditate fla-
grant. 283.n. 20

Hæretici inter improbos emi-

nent. 162. eorum libertas præ-
ſumptiua ac noxia. *ibid.*

Hæreticorum de libertate ſen-
tentia, contra nouum Docto-
rem. 73. 74

Hæreticorum magnæ partis exi-
tij origo. 267.n. 9

Homo quomodo vnum cum
Deo, & vnus cum eo ſpiritus.
82. 83

an Homo ſit ſibi finis, quia eſt
Deus per metamorphoſim.
144.n. 19

Homo quo ſenſu eſt ſui gratia.
215. 216.n. 4. & 5.

Homo diuinitus tactus, quomo-
do liber. 343. 344.n. 7

quòd Homo non ſit factus be-
ſtia, an inter beneficia diuina
numerandum ſit. 361.n. 12

cur Homo fuerit neceſſitate ex-
ſolutus. 118. 119. ſolus eſt ſui
arbitrij, ſuæque voluntatis
dominus à Deo conſtitutus.
121

Homo quomodo liber. 250. 251

Hominem bonum eſſe Deum,
quo ſenſu intelligendū eſt. 139

Hominem eſſe liberum, & quid
ſit *hoc eſſe liberum*, exprimit
Theodoretus ex Platone. 63

Homines quàm in rebus omni-
bus inter ſe differant. 341. 342
de Hypocritis locus egregius.
289

Index rerum.

I

IDeæ Platonica. 293.294
 Iesuitæ probris intortis non
 mouentur. 276
 Iesuitis, tela Calvinistarum ex-
 cipere, nec moueri, quotidia-
 num est. 411. ter hæretici fue-
 re pronuntiati à Paulo Ferrio
 Metensi Ministro ob negatas
 Physicas prædeterminatione-
 nes. 274
 Ignauia ab authore nouo, vulga-
 ris libertatis assertoribus obie-
 cta. 255. n. 11. 261. 262. 263. no-
 uâdi causa esse solet. 279. n. 18
 Imaginem Dei in homine inter-
 pretatur libertatem D. Ber-
 nardus, atque eam perstare
 in peccatore, etiam in gehen-
 na. 133
 Imbecillitatem iudicij consequi-
 tur existimatio de infirmitate
 alienarum sententiarum. 290.
 n. 26
 Immutabilitas diuina adstruitur
 3.4. rectè coheret cum anti-
 qua notione libertatis. 568
 Impeccabilitatis discussio. 325.
 326. n. 6
 Impeccabilitas Christi ex dupli-
 ci capite oritur. 519 n. 5
 Imperitorum multitudo quando
 despicienda. 266
 Impostura tenebras petit. 304
 Independentia an conueniat li-

bertati. 217
 Indeterminatio creaturæ quoad
 speciem, & quoad exercitium
 quomodo se habeat. 346. 347.
 & seqq.
 Indifferentia passiuæ non sufficit
 ad veram libertatem. 132.
 n. 10
 Indifferentia actiua verè est in
 beatis. 199. quomodo in Chri-
 sto. 206. 207
 Indifferentia quomodo locum
 habeat circa Dei amorem.
 220. 221. 222. 223. 226. 227.
 229
 Indifferentia obiectiua quid sit.
 238. n. 6. 239. 240. n. 8
 Indifferentia actiua salua est,
 etiam eum homo agit. 237.
 238
 Indifferentia causæ liberæ ad-
 struitur. 365. n. 2. & 367. n. 3
 Indifferentiæ sublatio per diui-
 nam prædeterminationem ad
 exercitium, vrgetur, quia est
 suppositio antecedens. 371. n.
 6.
 de Indifferentia diuinæ volunta-
 tis respectu effectuum creato-
 rum quorumcumque. 544.
 n. 6
 Infinitas non est de essentia li-
 bertatis. 40. 41
 Influxum Dei nobiscum negan-
 tes, æquè negare debent con-
 seruationem rei per nos pri-
 mum productæ. 479.

H h h h

Index rerum.

Ingeniorum liberorum mancipatio in seruitutem non ferenda. 145. 147. egregius Senecæ locus. *ibid.*
 Innocentia sola, lata; malitia omnis, arcta. 107
 Intellectus circa obiectum amplius & protensius occupatur quàm voluntas. 43
 Intellectus, potentia cognoscitivæ & appetitivæ immunes sunt à coactione. 127
 Intelligentia Dei simplex non est causa essentia rerum. 565. n. 7
 Intelligentia flamma, peruersitate morum extinguitur. 203
 Intelligere, quod non intelligunt, cur videri velint nonnulli. 303
 de Intentione finis ultimi, ratione prædeterminationis voluntatis nostræ. 389. n. 17. 404. 405 n. 28
 Inuenta nostra amamus, aliena despiciamus: & vnde id procedat. 289
Iude proditio tam opus Dei est quàm Pauli vocatio, horrenda vox. 135. n. 12
 Iudicii imbecillitas & exilitas, circa sententias nouandi causa non vltima. 290. n. 26
 Iudicium de mysteriis nouæ libertatis. 291. 292. & seqq.
 Iurisperiti nouitatum sectatores. 285. n. 22

Iustos Christi sanctitate formaliter sanctos esse, asserens noua sententia refellitur. 145
 Iustorum libertas non tam est libertas quàm libertinitas. 162. 163

K

X *Αἴπε ρυμψίε, χαῖπε νέον φῶς,* salutatio apud Ethnicos vsitata. 1. applicatio eiusdem: 3
Keroφaria & Kairoφaria voces non parum affines, & quid significent. 302

L

L Audis illecebra & plausum quasi titillatio non mediocriter mouent ad nouandum. 282. 283. n. 20
 Lessius à nouo Doctore impugnatus. 91. defenditur. 94. 95
 Liber est qui est sui causa; quid illud, & quomodo intelligendum. 215. 216. n. 4
 Libertas vertigine in vtramlibet partem continetur. 4
 Libertas propriè & pressè accepta quæ sit. 25
 Libertas formaliter deificans vt explicetur à nouo autore. 30. 31
 Libertas non est habitus, sed po-

Index rerum.

- tentia. 95
 Libertas ciuilis quæ dicatur. 24.
 & 58
 Libertas gratiæ, gloriæ, 24. com-
 placentiæ, vel naturæ, *ibid.* &
 52
 Libertas & necessitas coherere
 nequeunt. 118 n. 4. & seqq.
 Libertas peccandi quomodo sit à
 Deo. 101. 102. 103. 104. 105.
 n. 14. & 15
 quæ Libertas per peccatum perit.
 195
 Libertas à libero arbitrio an di-
 stinguatur, ex mente S. Augu-
 stini. 196
*Libertas vera propter rectè facti
 letitiam: simul & pia seruatus,
 propter præcepti obedientiam:
 quomodo id intelligendum.*
 198. 199
 Libertas à necessitate; peccato,
 & miseria, quomodo intelli-
 genda. 212. 213. n. 2
 Libertas non tollitur per ali-
 quam necessitatem & immu-
 tabilitatem. 218. 219
 Libertas creata non eodem mo-
 do debet exponi quo diuina.
 238. n. 7. 246. 247. n. 12
 Libertas gratiæ à libertate natu-
 ræ vt lecernenda. 173
 Libertas quid sit iuxta Tertullia-
 num. 252. n. 15
 Libertas non potest ab extrinse-
 co domari, nisi à Deo. 99. n.
 12
 sola apud Deum Libertas, quæ
 sit. 173
 Libertas quomodo in scripturis
 vsurpetur. 160. 161. & seqq.
 Libertas à peccato, iuxta Apo-
 stolum quæ. 164. 168
 Libertas à miseria, 168. à necessi-
 tate. *ibid.* & 169
 Libertas quomodo accipitur in
 scholis. 165
 Libertas Christiana ciuili liberta-
 ti purè humanæ proportiona-
 tur, ex scripturis, & quid de
 ea sentiant Calvinus & nouus
 Doctor. 129. 130. n. 9
*Libertas est independentia à fine
 extrinseco: falsa & exploden-
 da definitio.* 217
 an Libertas seruitute non neces-
 sitate excludatur. 129. 130
 Libertas per Christum restituta
 responder non libertati phi-
 losophicæ sed ciuili: & quid
 vtraque sit. 173
 Libertas aliqua auius & feris
 conuenit ex Iurisperitis. 60
 Libertas diuina nihilo expedi-
 tior per nouam de natura li-
 bertatis sententiam. 534. &
 seqq. de eadem circa proces-
 siones externas. 5, 8. n. 4
 Libertatis diuinæ ad extra & ad
 intra noua explicatio reiecta.
 49. 50
 Libertas Dei est attributum ab
 illocaitate & immensitate di-
 stinctissimum. 45

Index rerum.

- Libertas Dei** non est explicanda per positionem & definitionem actus. 56 57
- de Libertate Dei, & libertatis obiecto.** 37. 38
- Libertas moralis à civili & naturali** longè diuersa, quæ sit apud Ethnicos sapientes. 163
- Libertas per prædeterminationem actus** non conciliatur cum prædeterminatione potentia. 329. n. 8. nec cum prædeterminatione actus. 331. n. 9
- Libertas contingentia.** 126
- noua Libertatis quidditas,** temerè conficta 148. 149. n. 3. Itemque noua eius origo. 149. n. 4. nec non noua eiusdem partitio, explosa veteri. 151. n. 5
- Libertatis variæ definitiones, & comparationes.** 148. 149. n. 3
- Libertatis distributio** ab omnibus recepta, ab authore nouo reiiicitur. 151. n. 5
- Libertatis definitio multiplex** apud Ethnicos philosophos. 62. 63. supponitur ab erroneis. 73 74
- Libertatis nomen** variè usurpatum. 24. 25
- Libertatis definitio ex D. Anselmo** quomodo intelligenda. 187. 188. 189
- Libertatis quidditas vna est,** exprimitur tamen multipliciter. 230. n. 1
- vulgata Libertatis notio,** probata philosophis. 62. 63. Item patribus sub nomine potestatis ad vtrumlibet. 64. 65
- Libertatis per Christum** coliatq, & libertatis naturalis indistinctio, multos egit in errorem. 166. n. 7
- Libertati** non necessitatem sed coactionem solam aduersari, an verum. 127. 128
- noua Libertatis radix** ab aduersario intrusa, euellitur. 78. 79. & seqq.
- de Libertatis creatæ ortu** à diuina, & regressu ad eam iuxta nouum Doct. iudicium. 291. 292. & seqq.
- Libertatis creatæ & increatæ caligo,** quanta hætenus. *lege* proloquium. 1. 2. & c.
- Libertatis, & potestatis discrimin.** 167. n. 7
- Libertatis diuinæ indifferentiam cum immutabilitate conciliare,** quàm operosum. 281. n. 18
- Libertatis & amplitudinis quantà distantia.** 44
- Libertatis definitio causalis** vnde sumatur à nouo Doctore. 26. 27
- noua Libertatis partitio** quoad statum & actum. 33. 34. 35. & 153
- Libertatis obiectum** temerè nouatum contra indubitatam Aristotelis, omniumque sen-

Index rerum.

- rentiam. 153 154. 155
- Libertas est potentia indifferens ad bonum & malum morale, sicut intellectus est potentia indifferens ad verum & falsum. 235
- Libertatis positium constituens quid sit. 212
- Libertatis descriptio prima per agendi & non agendi libertatem, quomodo ab authore nouo impetratur. 231. n. 2. defenditur. 233. n. 3
- Libertatis descriptio secunda per indifferentiam actiuam impugnatur ab authore nouo. 237. 238. defenditur. 239
- Libertatis descriptio tertia per sui motionem ac determinationem, impugnata. 240. 241. 242. pro pugnatur. 243. n. 10. 247. n. 12
- Libertatis descriptioni quartæ, per dominium in actum, obiecta ab aduersario. 248. 249. n. 13. dissoluuntur. 250. 251
- Libertatis priscæ retentæ, nouæ neglectæ, causæ quinque ex aduersario. 255. 256. n. 2. æquæ cadunt in omnes plenè Doctores. 258. n. 4
- noua *Libertas*, nec pars libertatis est peccandi potestas, quo sensu dixerit, Ansel. 94
- Libertatem sitam esse in eminentia & amplitudine ex adhesionem cum Deo, noui Do-
- Libertatem humanam non lædi, etoris opinio. 14. impugnatur. 63
- ex diuina nobiscum cooperatione ad actus naturales ac supernaturales, spectata eorum specie. 345. 346. & seqq. nec spectato eorum exercitio. 364. 365. & seqq.
- de Libertate & libero arbitrio varia philosophorum dicta, quæ malè nouus author in suâ sententiam interpretatur. 200 201. & seqq.
- an Libertate nos carere circa felicitatem in communi, verum sit. 155. n. 7
- veræ Libertati non obest Dei concursus. 425. 426. & seqq.
- Libertinitas quibus conueniat, ex S. Ambrosio. 162. 163
- Liberum, ex Augustino, quid sit. 26. 27. 28
- Liberum ex Aristotele quid sit & an conueniat homini. 144. n. 19
- Liberum nihil nisi per respectum ad Deum, ex mente aduersarij. 37
- Liberum esse sui, quid sit. 46
- Liberum pro voluntario. 52
- Liberum arbitrium, idolum est Iesuitarum, iuxta Amesium Calvinistam. 319
- Liberum arbitrium quomodo liberatore indigebat. 169
- Liberum arbitrium ex Clemen-

Index rerum.

te Alexandrino, quid sit. 40.41
 Liberi arbitrij & intellectus comparatio. 206
 Liberum principium, *vide* principium.
 Lutheri error, castigatus à Roffensi. 132.n.18

M

Magistrorum aut nullus, aut rarus, qui Doctori suo velit adhærere. 283
 Maiorum statutis adhærendum. 552. egregius ad id locus D. Bernardi. 553
 Malitia omnis arcta est, sola innocentia lata. 107.n.16
 Malitia actus unde resultet. 375.n.8
 Malum poenæ an refundendum in Deum. 385.n.14
 Malorum ob oculos obuersatio quàm aspera. 2
 Martinus Kemnitius, Patres Societatis Iesu tanquam Pelagianos proscidit. 273.n.13
 Martini Iurisconsulti ceruicositas seu potius asinitas, qua Frederico Imper. assentatus est. 285.286.n.22
 Medicus animorum, medicus bonus, medicus imperitus, qui dicantur. 113.114
 Mediis an egeat Deus. 419.n.36. & 420.n.38

Mendaciloquorum mos ex S. Hilario. 285.n.21
 de Merito pleraque intuta, in doctrina aduersarij. 141.142
 Modi trahendæ voluntatis, *vide* voluntas.
 Moralitas in libertate fundata quomodo non sit à Deo, 101. 102.n.14. & 15
 Motio causæ secundæ quæ fiat. 406.407.& seqq.
 Motiones diuinæ non efficiunt humanæ libertatis iuribus. 340
 Mouere se esse agi ab alio, & libertatem excludere, docet aduersarius. 136.137.n.13
 Moueri à Deo quid sit, iuxta aduersarium 81
 Multitudinis iudicium sit ne tuta cynosura. 267.n.8
 de Mundi senio locus egregius, 12. expenditur. 13

N

Naturâ quidam serui, quidam liberi ex philosopho. 200.n.15
 Naturas nominibus adimit, qui nomina non potest auferre naturis. 76
 Necessario opponitur contingens, non autem liberum, iuxta philosophos, ait aduers. 125
 Necessitas pro immutabilitate. 131

Index rerum.

- Necessitatem naturalem non repugnare libertati, docet aduersarius. 38
- Necessitas naturalis non repugnat voluntati. 267 n. 20
- Necessitas naturalis ex D. Thoma, quid sit. 154
- Necessitas coactionis, & necessitas immutabilitatis, ex D. Bonauentura, quid sint. 124
- an Necessitas aliqua, & aliqua libertas se inuicem patiantur. 156
- Necessitas respectiua ad primam causam an rectè asseratur. 334. n. 11
- Necessitatem excludit libertas. 118. n. 1. & seqq.
- an Necessitatio adhesionis ad Deum sit possibilis. 79
- Nobilitas apud Deum summa, quæ sit. 173
- Nominum fides, salus est proprietas. 76
- Nouandi causæ quinque. 278. 279. & seqq.
- Nouiloquium & inaniloquium valdè affinia. 302
- Nouiloquium, est nouum genus politices & scenica spiritualitas. Nazianzeno 304. 305. imò sementis hæreseon. 306. 307
- Nouiloquium mysticū à sapientia vti abhorret 300. 301. 302. obliuione fit inutile. 302. & 303
- Nouiloquium siue insolite loquendi formulæ vitari debent. 297. n. 5
- Nouitas quàm grata. 283. quàm exitialis. 284. 285. 287. 288
- Nouitas verborum quomodo fugienda Christiano. 302
- Nouitates quàm multæ concinnari possunt, ex vno aut altero scripturæ metaphorico loco. 174. 175. 176. 177
- O
- Oblata intellectus & voluntatis an equè ampla. 43
- Oikos locus castigandus. 503
- Omnipotentis & supremæ potestatis modus an excludat actionis contingentiam & voluntatis veritatem. 338. n. 14
- Operatio hominis & gratiæ quomodo fiat. 226
- Operatio hominis quomodo pendeat à Deo. 247. n. 12
- Operatio creaturæ an antecedit concursum diuinum. 505. 506
- Opinio anticipata ne ipsi quidem veritati acquiescit. 256
- Oratio sit vitiosa si egeat interprete. 303. simplex arguit pietatem. 30. n. 9
- Orbis vniuersus contra amplitu-

Index rerum.

dinem à nouo Doctore ad-
structam. 61. 62. & seqq.
Origenis locus quoad influxum
diuinum in actum malitiæ sub-
stratum, à quibusdam malè in-
tellectus. 501

P

P Aganorum obduratorum
origo. 268
Paroemia, *Amis equum, quia di-
xi equum, quod non fuit equum,*
vnde manarit. 285. 286. n.
22
Patres nulli nouæ de libertate
sententiæ suffragantur. 186.
187
Patrum opinio de vulgata liber-
tatis ad vtrumlibet notione.
64. 65
Patrum suffragia pro concursu
Dei nobiscum. 454. 455. &
seqq.
Peccandi potentia siue à Deo.
101. 102. n. 14. & 15
an Peccandi potentia sit libera.
91. 92. vel pars libertatis. 94.
95
an Peccandi potentia dicatur li-
bertatis defectus. 96
Peccans quatenus ignorans.
225
Peccatores absque libertate, iux-
ta nouum Doctorem. 131.
n. 10
Peccatum adè liberum est, ut

si liberum non esset, non esset
peccatum. 90. 91
Peccatum inuehit seruitutem.
100. 101. n. 13
Peccatum per pœnitentiam non
dilutum trahit ad aliud. 203.
de eius seruitute, germana no-
tio. *ibid.*
Peccatum siue priuatio Dei. 182
183
Peccati formale & materiale à
quo sint. 377. 378. 379.
380
ad Peccati actum quomodo con-
currat Deus. 500. 501. 502. &
seqq.
de Peccati seruitute, nonnulla.
161. 162
Peccato primi hominis non
perit liberum arbitrium. 195
196
Pelagius à Patribus damnatus
propter abrogationem con-
cursus Dei. 462. n. 12. 13. negat
nos indigere auxilio diuino.
463. 464
Persuasionis viâ (an procedat
Deus in emollitione volunta-
tis nostræ & ad se conuersio-
ne. 336. 337
Persuasori quid necessarium.
342
Pertinaciâ superbâ perit maior
pars hæreticorum. 267.
n. 9
Philosophi, quos pro se aduer-
sarius protulit, nequaquam ei
fauent

Index rerum.

- fauent. 200. 201. & seqq.
 Philosophorum Christianorum
 de sententia aduersante con-
 cursui diuino, iudicium. 474.
 475. & seqq.
 Philosophorum etiam Ethnico-
 rum de concursu Dei opinio-
 nes. 470. 471. & seqq.
 Placendi cupiditas, nouitatis cau-
 sa. 288
 Placitum falsum non tenendum,
 sed mutandum. Egregius ad
 id Arnobij locus. 269. n. 10.
 270. & 271. n. 11
 Placita noui Doctoris fuliginosa.
 137. 138. 139. 140
 Placita noua quandoque ad-
 mittenda. 146. 147.
 148
 de Planetarum liquidis orbibus
 noua sententia peruulgatam
 superbæ pertinaciæ non dam-
 nat. 270
 Platonis opinio de libertate.
 63
 de Platonis ideis, & quomodo ad
 eas accedat doctrina noui Do-
 ctoris. 293. 294
 Plausuum captatio & placen-
 di amor, quorsum cum ignauia
 in vnam causam retentæ vere-
 ris de libertate sententiæ con-
 flatæ sunt ab authore. 263.
 264. n. 7. refunduntur in noui-
 tatis amantes. 282. 283. n. 20.
 & 284. n. 21
 Posse & operari sequuntur
 esse. 35
 Potentia creata non purè actiua.
 477. n. 21
 Potentia & actus quomodo di-
 cantur prædeterminari. 327.
 n. 7
 Potentia & ad bene & ad malè
 agendum nobis à Deo data
 est. 103. n. 15. bona est. 104
 Potentiæ, actionis & effectus di-
 scrimen. 463
 libera Potestas faciendi vnum,
 iungitur facultati circa opposi-
 tum. 103. 104
 an Præceptis quibusdam & legi-
 bus subiacerit Christus. 515.
 516. 517. & seqq.
 Prædeterminatio per immissio-
 nem cuiusdam actus primi
 quid sit. 387. n. 15. 388. n. 16. &
 17
 Prædeterminatione posita an per-
 stet libertas. 272. 273. 274
 de Prædeterminationibus quid
 sentiat nouus autor. 321. 322.
 323. 324. nati illius doctrinæ.
 325
 de Præscientia diuina. 556. n. 2
 Præscientia non patrocinator no-
 uæ notioni libertatis. 561. n. 4.
 non est causa existentiæ rerum.
 562. n. 5
 de Prædefinitione, siue præfini-
 tione diuina. 556. 557. 558
 Preces aduersarij pro Domino
 Deo. 418. n. 36. repelluntur.
 417. n. 37

Index rerum.

Preces vicissim aduersario obla-
 tæ pro libertate humana &
 veritate. 423.n.40
 Principium liberum quodnam
 sit. 212
 Principij liberi expressiones va-
 ria 230.231.n.1
 Prioritas causæ primæ & con-
 cursus expenditur. 497.
 498
 de Priuatione Dei per peccatū.
 182.183
 Probra illata patienter excipien-
 di causa. 269.n.9
 Probus quomodo liber. 202.n.
 17
 Probos omnes & iustos esse re-
 ges orbis terrarum in omni
 proprietate vocabuli, ex mo-
 do arguendi aduersarij con-
 cludi potest, 174. 175. item
 eisdem non esse verè homi-
 nes. 176
 Procli opinio de Deo & Ange-
 lis. 200. n. 15. item de libero
 arbitrio. *ibid.*
 Processio Spiritus sancti quo sen-
 su libera. 52
 Processiones diuinæ immanen-
 tes non sunt liberæ. 51.552.n.9
 Propositio minus sobria, *Quod*
diuina voluntas prius vult res
esse, quam suus intellectus iudi-
cat eas fore. 391.n.18
 de Prouidentia diuina de nostris
 actibus, quid sentiat Caieta-
 nus. 333.n.10

Prouidentia diuina circa electos,
 æquè interuentu diuinæ scien-
 tiæ futurorum liberorum con-
 ditionatorum explicatur, ac
 ante fabricatam nouam de
 libertate sententiam. *lege cap.*
vii. 2. part. 546.547.&c.

R

R Adicem effodere atque ex-
 tirpare, compendium
 est. 78
 Rationes pro noua sententia eli-
 xa. 211. 212. & seqq.
 Recipiens & patiens determina-
 tum non est liberum. 369.n.4
 Redargui, maius bonum quàm
 redarguere ex Methodio. 113
 Reformationem bene constitu-
 torum moliri erroneum est.
 485
 Religio Christiana nescit per-
 sonas accipere, nec conditio-
 nes hominum sed animos in-
 spicit singulorum. 173
 Rerum essentia quales. 361. n.12
 quomodo exponenda. 217
 Rerum existentia causa, an refe-
 renda sit ad præscientiam. 562
 n. 5. an ad simplicem Dei in-
 telligentiam. 565.n.7
 Rubor sententiam suam tamen si
 falsam retractandi, quarta cau-
 sa retentæ veteris libertatis,
 nouæ reiectæ. 256. virulētia hu-
 ius causæ defricatur. 267. n. 9

Index rerum.

Rusbrochij assertio damnata in-
sanix à Gersone, illiusque ac
authoris noui in mysteriis
germanitas. 294. 295. 296. de
mysticovtriusque nouiloquio,
iudicium Gersonis. 297

S

Salutatio solis. 1. & 2
San Sancti sint liberi circa
Dei amorem. 54. 55
Sapientia prima, quæ ex Naziãz.
303
Scholastici, qui visi sunt admit-
tere necessitatem cum liber-
tate, coherere, explicati. 122.
124
Scholasticorum nemo pro ad-
uersario. 204. 205. & seqq.
Scholasticorum iudicium de di-
uino nobiscum concursu ad
quosuis actus. 442. 443. & seqq.
Scientia libera quæ dicenda. 215
Scientia Dei, & immutabilitas
decretorum eius nullum à no-
ua libertatis notione præsi-
dium emendicat, vel admit-
tit. 555. 556
an Scientia qua Deus cognoscat,
quid voluntas creata esset a-
ctura si se sola posset agere, sit
impossibilis, vel Deo indigna.
490. 491. 492
de Scientia diuina quoad futura
libera conditionata. 546. 547.
& seqq.

quid de Scientia Dei potentiaque
sentiendū. 418. n. 56. 420. n. 37
Scoti loca de determinatione
voluntatis ad exercitium sui
actus à Deo, enodantur. 400.
n. 24
Scripturæ sacræ quid sint ex D.
Chrysostomo, & quomodo
omnium errorum & hære-
sum seminarium fiant. 157. 158
Scripturæ loca duo ab aduersa-
rio pro se producta, explican-
tur. Prior: *Omnis qui facit pec-*
catum, seruus est peccati, &c.
179. 180. 181. Secundus: *Vs-*
que in hodiernum, &c. *vbi au-*
tem spiritus Domini, ibi liber-
tas. 183. 184
Scripturæ quædam loca explica-
ta. *Pater meus usque modò ope-*
ratur. Ioan. 15. 456. 457. 458
In ipso uiuimus, mouemur & su-
mus. 456. n. 10
Quòd si fœnum agri, &c. Deus sic
vestit. 457
Sententiã falsam non tenere, pri-
ma laus, secunda mutare. 269
Septasariorum industria in vsur-
patione vocabulorum. 301
Seruitus duplex, coactionis sci-
licet & subiectionis, & quid v-
traque. 213. 214
Seruitus pro ignorantia. 163
Seruus cur non sit sui gratia. 216.
n. 14
Seruitus peccati in quo sita est.
203

Index rerum.

Seruitus quam peccator peccando contrahit, non tollit libertatem: cur tamen dicatur seruitus. 100.n.13. nulla est in beatis. 107
 an Seruituti opponatur libertas. 129.130
 Seruus cur sic dictus. 59
 Seruus Physicè liber, non ciuiter. 129.n.9
 Serui pro nullis habentur. 59. ex æquatur quadrupedibus. *ibid.* plura de iisdem. *ibid.*
 Singularitatis spiritus, Ecclesiæ exitialis. 266.267.n.8. est tertia causa nouitates sententiarum consecrandi. 287.n.24
 Sol nouus. 1.& 11
 Sol sponsus. 1. & 2
 de Speciei actus determinatione per Deum vt finem. 352.n.6
 Statuum in nobis iugis variatio vnde oriatur. 341.n.16
 Suarij de diuina libertate opinio diruitur. 7.16.17
 quantus vir fuerit Franc. Suarez. 262
 Subiectio ad Deū vt explicetur & quotuplex statuatur ab authore nouo. 27.28.29
 Substantia operum Christo præceptorum an fuerit ei necessaria. 522
 Superbia nouandi circa sententias causa quarta. 288.289
 Supplicium hominis an velit Deus. 385.n.14

Suppositio antecedens exscindit libertatem. 371.372.n.6
 Suppositum omne sui est, non alterius. 46

T

T Emeritatis nomine quid intelligatur: & quæ temeritatem redoleant in noua sententia. 146.147.148.&c.
 Transitus hominis in Deum qualis sit. 138.n.14.139.n.15
 Transitus animæ in Deum quomodo intelligendus. 306.307
 S. Thomas malè explicatus à nouo Doctore. 523.525.526
 S. Thomæ loca varia à nouo authore pro se adducta, iuxta verum sensum explicantur. 204.205.206. & seqq.
 D. Thomæ loca diuersa quoad determinationem voluntatis creatæ ad exercitium actus sui explicantur. 392.393.394.395. & seqq.

V

V Asques acerrimè suffixus ab authore nouo. 91, defenditur. 94
 Vasques alibi suffixus ab authore nouo, ab eodem in patrocinium adhibetur. 208

Index rerum.

- Vasques quanto in pretio viris
verè eruditis. 210
- Vasques placitum de diuina vo-
litione libera exploditur, 8. 16.
17. vapulat ab authore nouo.
18. 19
- Velamen aufertur iuxta illa ver-
ba : *velamen positum est super
corcorum* : quid sit. 183. 184.
185
- Velle nostrum ex Deo esse, iux-
ta Apostolum : quomodo id
intelligendum. 501
- Verbum inauditum atque inso-
lens fugiendum. 311
- Verborum velamina non decet
Christi coetum. 304
- Veritas non inuenitur in transla-
tione significatorum. 76
- Veritas patet omnibus. 147. n. 1
- Veritas inter extremos errores
pendet, vt Christus inter duos
latrones, Nouatiani vox. 132.
n. 10
- Veritatis proditores audiunt Pa-
tres Societatis Iesu apud no-
uum authorem in causa li-
bertatis. 276
- Veritati non refragandum quan-
tisuis inuoluatur ambagibus.
277
- Veritatis amor cuius necessitu-
dini anteferendus. 288. n. 15
- magnum Veritatis indicium, ali-
quid omnibus videri. 230. n. 1
266. n. 8
- Victoria speciosa, ex Eucherio,
quæ. 204. n. 18
- Virtus cur à petri dicta. 200. n. 15.
cur item à Naxos. *ibid.*
- Virtus ex voluntate non ex ne-
cessitate perficitur. 119
- an Virtutes Theologice ex par-
te obiecti sint in medio, vel
ex parte actus. 226. 227. n. 11
- Virtutibus clatere, summa nobi-
litas apud Deum. 173
- Vitium cur *xxix* dictum. 200.
n. 15
- Vitia vinci veraciter quando di-
cantur Augustino. 197. 198
- Vniuersitatis auctoritati repugna-
re, quanta temeritas. 476. n.
20
- Vnionis Dei ad hominem expo-
silio. 138. n. 14. 139. n. 15. & 140.
n. 16
- an Vocationi diuinæ possit obfi-
sti : & quid sit ex autore nouo
vocatio communis & plebeia.
330
- Voces quædam meritò nouaræ.
302
- Vocum mysteria sapientibus
non probantur. 300. 301
- Volitio interna an Christo fue-
rit libera quoad speciẽ actus,
& quoad exercitium. 330. n.
11
- Voluntarium pro libero. 122. pro
spontaneo. 127
- Voluntas libera est, quia in pote-
state nostra est. 249
- Voluntas eo liberior, quo est sub-

Index rerum.

iectionior.	196	de Voluntatis, cuius actus præ-
Voluntas nostra, non à Deo, sed		determinatur, trahenda mo-
à seipsa determinatur ad actus		dis. 336. 337. 338
sui exercitium. 391. n. 18. at se-		an Voluntatis determinatio vir-
cundum nouum Doctorem		tualis spectetur à Deo. 506.
non à seipsa, sed à Deo. 392.		507. 508. & seqq.
n. 19		Voluntatis humanæ effectus
an Voluntas creata si se sola posset		quot & qui. 541
agere, esset independens quoad		Voluntati humanæ vt salua sit
esse. 492. & quomodo libera		sua vertibilitas, quid requira-
in illa actione. 494. 495. 496		tur. 338. n. 14
sola Voluntas determinat quid		Voluntatis obiectum, non est
teneat. 340		duntaxat bonum honestum,
Voluntas potest diuinitus neces-		sed etiam delectabile, licet in-
sitari. 79		honestum. 98. n. 11
Voluntas diuina prædetermi-		Voluntatis obiectum angustius
nans irrita non potest esse. 328		quàm intellectus. 43
n. 7. 332. n. 8		Vltus fruendorum, & fruitio v-
Voluntas vbi non est, nec con-		tendorum, explicantur. 225.
sensus, 168		226

FINIS.



*Erratorum minutias, quæ fortassis occurrent, beneuolus
Lector dissimulabit, his quæ grauiora visa sunt,
diligenter notatis.*

V Bicunque occurrerint, l. *καὶ*, & *καὶ*, Pag. 10 lin. 14. pro, *laceffere*, l. *laffescere*. P. 15. l. 3. pro, non, l. nouo. P. 19. l. 27. pro, in eo. l. in eo. P. 36. l. 19. pro obtineret, l. obtinet. P. 58. l. 12 pro, pondere, l. ponere. P. 78. l. 12. pro, V. l. IV. P. 89. l. 9. pro, adiudicet, l. abiudicet. P. 95. l. 10. pro, libi-
ra, l. libera. P. 97. l. antep. pro, II l. XI. P. 99. l. 15. pro, homo l. hamo. P. 107. l. 28. pro, inexplicatum, l. in expiatum. P. 134. l. 19. pro, Camerac. l. Camerarius. P. 158. l. 4. pro, quod, l. quos. P. 161. l. 17. post, libertatem. Adde, Euangelicam. P. 162 l. 17. pro, quodlibet, l. quod libet. P. 188. l. 25. pro, fidem, l. finem. P. 206. l. 15. pro, XI. l. XXI. P. 219. l. 13. pro, transeuntes, l. transeunter. P. 263. l. 6. pro, candem, l. eundem. P. 265. l. 12. pro, Hos, l. His. P. 269. l. 2 pro, nemi-
ni, l. memini. P. 282. l. 17. pro, forma, l. firma. P. 292 l. 16. pro, *immensum*, l. *im-
mersum*. P. 300. l. 15. pro, videm, l. vilem. P. 302. l. 13. pro, *Κατοικουσαν*, l. *Κα-
τοικουσαν*. P. 308. l. 20. pro, *perhabuimus*, l. *prehabuimus*. P. 330. l. 28. pro, 1346.
l. 1546. P. 355. l. 23. pro, tom. l. textu. P. 407. l. 14. post, Theolog. Adde. di-
stinct. 5. P. 430. l. 13. pro, vndecima, l. duodecima. P. 450. l. 11. pro, q. 13. l. q. 14
l. 17. post. disp. 39. Adde. sect. 4. P. 474. l. 18. pro, Philo. l. Philoso-. P. 476.
l. 7. pro, auditi, l. audiui. P. 497. l. 16. & 17. pro, can. & cap. 4. l. cap. 5. & can. 4.
P. 508. l. 8. pro, Val. t. 3. l. Val. t. 4. P. 568. l. 6. post, dicam. Adde. applicando
rationem huius immutabilitatis decretorum Dei adhibitam ab auctore num.
13. P. 571. l. 24. pro *excupe*, l. *exculpe*.

5-5-1

